


Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 807 8° copy 1









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 807 8° copy 1





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 807 8° copy 1





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 807 8° copy 1











N<sup>o</sup>  
23









1-327.

LN 807

ex. 1

M





COMMENTARIVS  
IN EPISTO-  
LAM APOSTO-  
LICAM AD HE-  
BRAEOS, SRI-  
PTVS.

A  
NICOLAO HEMMIN-  
GIO.



Petrus Laurentij  
Lavenius  
me  
possidet  
Anno 1690

Psalm. 110.

Tu es Sacerdos in æternum secundum  
ordinem Melchizedec.

VVITTEBERGÆ 1568.



S  
G E  
VIR  
D I T  
stant  
de Ta  
teri



Ligion  
certit  
spirit  
dam  
gun  
rara  
rore  
omi  
respo





SPLENDORE  
GENERIS, EXIMIA  
VIRTUTE, INSIGNI ERV-  
DITIONE, ET PIETATE TRAE-  
stanti viro NICOLAO CAES. Domino  
de Taarup, Secretario regio prudentissimo, ve-  
teri suo amico ac fratri in Christo charissi-  
mo, Gratiam & pacem precatur

NICOLAUS HEM-  
MINGIVS.



VANTVM REFE-  
rat vir clarissime in hac  
varietate opinionum &  
confusione, firma tenere ar-  
gumenta & immota de re-  
ligionis Christianae, quam nos profitemur,  
certitudine, p̄ij & cordati tentationibus  
spiritualibus tanquam procellis quibus-  
dam seuissimi maris agitati facile intelli-  
gunt. Siue enim ad latissimam orbis ter-  
rarum partem, ubi vel Mahometici fu-  
rores recepti sunt, vel aliae horrendae ab-  
ominaciones humanas mentes occupant,  
respicimus: siue Ecclesiae vulnera intue-  
mur,



EPISTOLA

*mur, multa offeruntur quibus animi non  
satis confirmati horribiliter concutiuntur,  
Sed omiſſis alijs de Eccleſia ſola dicamus.*

*Quanta quaſo ſcandala deſor-  
mantia Eccleſiam DEI ſuboriuntur?  
Quanti tumultus à Diabolis & homini-  
bus indies magis magiſq; excitantur?  
quanta inſidie à falſis fratribus? quan-  
te perſecutiones à tranſfugis. Adeò  
Eccleſia Dei non immeritò lacere nauic-  
ule comparari poteſt, quæ & ventis &  
procellis huc illuc propellitur: quam non  
obruï & penitus ſubmergi omnium ma-  
ximum miraculum eſt. Potentes mundi,  
qui ſapientia, autoritate, & diuitijs pol-  
lent, obſtupescunt, quòd non poſſint tam  
puſillum cœtum contemptorum in mun-  
do hominum abolere, & nauiculam iſtam  
laceram procellis perſecutionum obruere  
& ſubmergere: Sed qui hoc fit: Filius  
Dei victor mundi, hoc eſt, Diaboli &  
omnium munitiorum ipſius, ſedet ad cla-  
uum huius nauicule, & ſua diuina po-  
tentia tuetur hunc exiguum cœtum agno-  
ſcentium*

ſcent  
Ideò  
dis cu  
ita e  
ſille  
ſtro a  
Aea  
infer  
eam  
entia  
la den  
num  
dem  
Conſi  
tas me  
& for  
tamen  
inuit  
pra p  
conci  
cui i  
chin  
bus  
mur



DEDICATORIA.

*scientium Euangelium & credentium. Ideo ipse premonuit suos, ne in his horrendis confusionibus despondeant animum, ita enim ait Luce 12. Ne timeas tu pusille grex, nam complacitum est patri vestro dare vobis regnum. Matth: 16. Aedificabo Ecclesiam meam, & portæ inferorum non preualebunt aduersus eam: hoc est, nulla potentia, nulla sapientia, nulla sophistica, nulla consilia, nulla deniq; insidie Diabolorum & hominum abolebunt Ecclesiam Christi. Siquidem is est qui dicit apud Prophetam: Consilium meum stabit, & omnis voluntas mea fiet. Quamuis igitur intus pauor, & foris pugna sint, ut loquitur Paulus: tamen contra omnem Satane potentiam inuicta stabit Ecclesie firmitas. Nam supra petram edificata est. Quare ut inconcussa perpetuo manebit veritas DEI cui innititur fides: Ita Ecclesia nullis machinis euerti poterit.*

*Ne autem fluctuemus opinionibus extra hanc petram, & circumferamur quouis vento doctrina, prodest sem-*

A 3 per



# EPISTOLA

per in conspectu habere fundamenta certitudinis, quibus hac Dei veritas nititur. Sunt itaq; fundamenta immote certitudinis veritatis Dei, (hoc est verbi, super quo Dei Ecclesia extructa est) duplicia, cum quibus nulla certitudo Philosophica conferri potest, videlicet Externa & Interna testimonia.

Externa voco, quae in sensus nostros incurrunt, ac tanquam firmissima sigilla veritatem Dei, cui nititur Ecclesiae fides victrix mundi, obsignant. Neq; hac externa testimonia unius generis sunt, sed multiplicia inveniuntur, ut sunt patefactio diuina, miraculorum varietas, certissima Prophetiarum completio, consensus in doctrina & cultibus, tam longi temporis duratio, ac cruenta plurimorum martyrum confessio. Has sex partes externi testimonij immote veritatis doctrinae Ecclesiae ordinè videamus.

Prima igitur pars externi testimonij est patefactio diuina, per quam Deus ipse de sua arcana sede procedens,  
se olim

se olim  
bus su  
Dei a  
notici  
imag  
lem &  
sum C  
premi  
contu  
nibus a  
alijs ve  
  
me app  
eius app  
summa  
culcat,  
  
P  
appara  
& E  
Quod  
am p  
um te  
tores,  
prom.



# DEDICATORIA.

*se olim sanctis patribus patefecit: Quibus suum verbum, quod solum Ecclesia Dei amplectitur, commendavit de sui noticia, de vero cultu, de reparatione imaginis DEI in homine, per naturalem & essentialem imaginem DEI, Iesum Christum Dominum nostrum, de premijs obedientiae erga Deum, & pœnis contumaciae. In omnibus his apparitionibus diuinis, eadem doctrina alijs atq; alijs verbis inculcatur.*

*Tametsi autem Dominus sepius apparuisse legitur, nos tamen paucas eius apparitiones recitabimus: In quibus summam doctrinae Ecclesiae proponit, inculcat, illustrat.*

*Primum itaq; Adamo post lapsum apparuit Genes. 3. & doctrinam Legis & Euangelij primus sua voce tradidit. Quod enim pœnas inflixit ob contumaciam primis parentibus nostris, in perpetuum testimonium irae suae aduersus peccatores, ad legem pertinet. Quod autem promisit Semen mulieris contritum ca.*

*A 4 put*



# EPISTOLA

put serpentis; vox Euangelij est. Quæ fide  
dem requirit. Omnis enim promissio fi-  
de accipitur. Ex hac fide nouam obedi-  
entiam Adam, Eua & Abel præstite-  
runt. In hac doctrina tradita primis pa-  
rentibus semper acquiescit Ecclesia Dei.  
Hanc perpetuò amat, retinet, tuetur. Et  
sicut eam à maioribus accepit, ita trans-  
mittit ad posterios.

Deinde DEVS apparuit Nohe,  
Gene. 6. 7. 9. ac factò stupendo utramq;  
doctrinam Legis & Euangelij confirma-  
uit. Nam tum impænitentes diluuiò  
perdidit, Legis suæ sententiam executus  
est: At cum Nohe credentem verbo suo  
& obedientem sibi fide liberat, testimo-  
nium edidit seruatiæ promissionis gratiæ,  
quæ est Euangelij.

Post diluuium, ut doctrinam, ho-  
minum malicia quæ inundauerat iam  
super terram, ferè collapsam, instaura-  
ret, apparuit Abrahamo decies, eius filio  
Isaac bis, Nepoti Iacob septies. In quibus  
apparitionibus eadem doctrina est pro-  
posita

posita, &  
lustrati  
in Ab  
di nece  
P  
ruit Do  
petit, &  
scrimen  
suum an  
dum per  
um conta  
tis idem  
& in son

In  
Deus su  
proprio o  
mendau  
lectus, in  
dite, ac  
mulier  
& repa  
mine,  
hic ad  
lus cor



# DEDICATORIA.

posita, & promissionis verbum clarius illustratum est, iustificationis gratuite ratio in Abrahamo proposita est, & obediendi necessitas monstrata.

Post hec in Aegypto Mosi apparuit Dominus, eandemq; doctrinam repetit, & confirmat, facto declarans discrimen inter cœtum hominum verbum suum amplectentium, & reliquum mundum perseuerantem in sua aduersus Deum contumacia. Præterea multis Prophetis idem verbum Dominus in visionibus & in somnijs apparens commendauit.

In nouo quoq; Testamento idem Deus suum verbum sonuit de cœlo, & proprio ore nobis Christum doctorem commendauit, dicens: Hic est Filius meus dilectus, in quo mihi complacuit, hunc audite, ac si diceret: Olim promisi Semen mulieris destructurum caput serpentis, & reparaturum imaginem meam in homine, sublata Legis maledictione, Ecce hic adest, eum audite, quibus vita & salus cordi est. In hoc enim mihi compla-

A 5 cui,



EPISTOLA

cui, hoc est, per hunc reconciliatus sum mundo, id est, omnibus ijs, qui ipsum fide receperint.

Ad hanc patefactionem diuinam pertinet dictum Iohannis, Iohan. 5. Tres sunt qui testimonium perhibent in cælo, Pater, λόγος, & Spiritus sanctus. Et hi tres unum sunt, Pater enim sonabat de cælo hanc vocem: Hic est filius meus dilectus, idq. bis, scilicet, in Baptismo, & in transfiguratione. Filius ascendens visibiliter in cælum, & sedens ad dexteram patris, testatus est de Euangelio, non solum dum in terris ageret visibiliter diuinis operibus: sed etiam cum Ecclesiam mirabiliter conseruat. Spiritus sanctus in baptismo Christi in specie columbæ testatus est de Christo & eius Euangelio, & visibiliter illapsus in Apostolos ipso die Pentecostis, hoc est, quinquagesimo à resurrectione Domini die, sua apparitione Euangelium obsignauit.

Hæ omnes apparitiones cum multis alijs, unà cum Angelorum concionibus

bus &  
inferni  
stros, n  
cum o  
incred  
hoc tot  
tot app  
to abf  
primos  
perant,  
ris ver  
S  
varietat  
um &  
Quibus  
suum o  
que v  
turam,  
aliqui  
diuina  
mira  
gem  
milli  
sunt  
cula



# DEDICATORIA.

bus & reuelationibus nostre infirmitati  
inseruire debent, ut cōfirmant animos no-  
stros, ne cedamus imposturis Diaboli, qui  
cum omnibus Sophistis, Mahometistis,  
incredulis Indæis, prophanisq; gentibus in  
hoc totus incumbit, ut nos ab isto verbo  
tot apparitionibus Dei nobis commenda-  
to abstrahat : Quemadmodum nostros  
primos parentes a verbo vite, quod acce-  
perant, abstraxit insidiosis suis impostu-  
ris verbum Dei corrumpens.

Secunda pars externi testimonij est  
varietas miraculorum, hoc est, peculiari-  
um & extraordinariorum operum Dei:  
Quibus diuinæ clementiæ placuit verbum  
suum consignare. Sunt autem miracula  
quæ ultra virtutem creatam, supra na-  
turam, contra consuetudinem obijciunt  
aliquid sensibus, quod in admirationem  
diuinæ maiestatis adducit. Huiusmodi  
miraculis & diuinis operibus Deus Le-  
gem & Euangelium quatuor annorum  
millibus confirmavit. Et si autem alia  
sunt veteris, alia noui Testamenti mira-  
cula : Tamen omnium vnus est scopus,  
vnus



# EPISTOLA

unus finis, nempe ut confirment veritatem Dei, hoc est, doctrinam Legis & Euangelij, atq; adeò veri cultus Dei.

In veteri Testamento ante diluvium, duo insignia miracula occurrunt. Primum in oblatione Abel & Cain, qua Legem & Euangelium diuinitus confirmavit Deus. Non respexit ad Cain, sed ad Abel. Ille enim hypocrita fuit Lege damnatus, hic pius per fidem in promissum Semen declaratus. Sed quomodo Dominus respexit? miraculo ignis, quo accendebatur hostia Abelis, declaravit istum cultum sibi placere. Legimus autem quater igni cœlesti accensas esse victimas in confirmationem doctrinae & veri cultus Dei. Primum, de quo iam diximus, sacrificium Abelis igni de cœlo demisso absumptum est, quod cum videret Cain, concidit vultus eius, & cogitavit de nece fratris: Quem postea imitati hypocritæ pios extremo persequuntur odio.

Secundo



**D E D I C A T O R I A.**

*Secundo Leuit. 9. ignis cœlitus demissus consumpsit super altare holocaustum & adipēs: Quod videns vniuersus populus laudauerunt Dominum. Hic ignis è cœlo demissus in sacrificium Aaronis durauit vsque ad constructionem templi Salomonis: Quo tempore rursus renouatus fuit de cœlis, & durauit vsque ad tempora Manasse, vt Hebrei sentiunt.*

*Tertio in dedicatione templi Salomonis ignis descendit de cœlo, & absumpsit holocausta & victimas, & maiestas Domini impleuit domum, 2. Paral. 7.*

*Quarto Eliae Sacrificium absumptum est igni è cœlo misso, quo confirmabatur doctrina Eliae, qui cum Domino locutus est in monte. Hic ignis cœlestis, quo accensa fuerunt sacrificia patrum, pertinet & ad significandam efficaciam sacrificij Christi, & ad obsignationem doctrinae, & cultus eorum, qui offerebant. Secundum in Enoch, quem virum Dominus è consortio hominum sustulit in cœlum,*



# EPISTOLA

lum, quo facto Deus doctrinam Euangelij confirmat, & signum adidit de futura vita, quæ credentibus est promissa.

Prætereo miracula Diluvij, Confusionis linguarum, Partus annicula Saræ, Ardentis rubi in Aegypto, Virga in colubrum versa, decem mirabilium per Mosén editorum ante exitum de Aegypto, exiccati maris rubri & Iordanis, Eversionis Iericho, Legis datæ in monte Sinai, Ieiunij Mosi, Colloquij Mosi cum Deo, Miraculose pœne Chora, Datan & Abiron, Percussorum à serpentibus, Sanatorum ex intuitu suspensi serpentis aenei, Aquæ manantis de petra, Populi diuinitus sustentati per Mann cibum cœlestem in deserto 40. annis, ubi nec vestes, nec calcei detriti sunt. Prætereo quæ sub Iosua, sub iudicibus, sub regibus & ducibus contingere diuina miracula vsq; ad aduentum Domini.

Novi Testamenti miracula non sunt minus stupenda. Primum occurrit sterilis anicula Elizabetha partus. Deinde vir-

virgin  
nuncia  
Ecclesi  
ne. Se  
Mag  
cap. p  
suscita  
in mon  
Spiritu  
die pos  
ta per  
nomine

Testam  
ritatis  
13. E  
quasi  
Lex D  
14. V  
ctis  
8. S  
meis  
dixit  
verb



# DEDICATORIA.

virginis Mariae: uterq; ab angelo annunciatum, non sine perpetuae doctrinae Ecclesiae commendatione & confirmatione. Sequuntur Angelorum conciones, Magorum stella, Facta Christi diuina, eaq; plurima, ut sanationes aegrotorum, suscitationes mortuorum, apparitiones in monte, resurrectio Domini, visibilis Spiritus sancti donatio quinquagesimo die post resurrectionem Domini, & multa per Apostolos, eorumq; successores in nomine Christi adita miracula.

Hac omnia cum veteris, tum noui Testamenti miracula sunt testimonia veritatis Dei. Ita enim ait Moses, Exod. 13. Erit quasi signum in manu tua, & quasi monumentum in oculis tuis, ut Lex Domini semper sit in ore tuo. Nume. 14. Usquequò non credent mihi in cunctis signis quae feci in medio eorum, Ioh. 8. Si mihi non creditis, credite operibus meis. Vidua 3. Reg. 17. excitato filio suo dixit: Nunc scio quòd vir Dei es tu, & verbum Domini in ore tuo verum est.

Tertia



# EPISTOLA

Tertia pars externi testimonij est  
certissima prophetiarum completio. Unde  
in Apocalypsi scribitur: Testimonium  
Iesu, est Spiritus prophetiae. Et Iere. 28.  
Propheta, qui vaticinatus est de pace:  
cum euenerit verbum Propheta cognosce-  
tur Propheta, quod miserit eum Dominus  
in veritate. Iacob de regno Iuda, & ad-  
uentu Christi vaticinatur, & euentus  
prophetiae respondit: Balaam de Christo  
sub imagine stelle praedixit, cuius vatici-  
nij veritatem euentus comprobauit, vt  
testatur Magorum historia apud Mat-  
theum. Esaias praedixit Virgineum par-  
tum, quem completum testatur Euange-  
lica Historia. Danielis de quatuor Mo-  
narchijs praedictio completa est. Hic Pro-  
pheta annum passionis Christi, & incho-  
andi eterni regni quasi digito monstra-  
uit. Dauid, Esaias, Oseas, & multi alij  
Prophetae de vocatione gentium predixe-  
runt. Hic cum euentus, qui à nulla crea-  
tura prospici poterant, vaticinijs Prophe-  
ticis respondeant, manifestum est à Deo  
monstratos esse, & vocem Prophetarum,  
qua

que in  
nam est  
tionum  
sine  
Deo  
derin  
in Chri

confer  
Apost  
sic in do  
unanim  
angelij  
Deum ra  
confer  
turbat,  
sunt. Ne  
qui ver  
in fund

duratio  
mission  
Nam  
Diabolo



# DEDICATORIA.

que in Ecclesijs nostris hodie sonat, diuinam esse. Hac igitur congruentia predictionum & euentuum confirmati, firmissimè statuamus doctrinam Ecclesie à Deo traditam esse. Aug. ait: firmitas fidei in eo est, quia omnia, quae euenerunt in Christo, predicta sunt.

Quarta pars externi testimonij, est consensus Mosi, Prophetarum, Christi, Apostolorum ac Catholica totius Ecclesie in doctrina & cultu. Nam hi omnes unanimi consensu eandem Legis & Euangelij doctrinam, eandemq. colendi Deum rationem tenuerunt. Neq. hunc consensum diuersitas Ceremoniarum turbat, quae pro temporis ratione mutatae sunt. Neq. subinde suborta haereses. Nam qui verè pijs fuerunt, manserunt semper in fundamento.

Quinta pars externi testimonij est duratio & conseruatio Ecclesie, quae promissioni ac predictioni Christi respondet. Nam si haec ab hominibus fuisset, vel à Diabolo, nequaquam tot annis perdurasset, ad

B set, ad



EPISTOLA

set, aduersus tot Tyrannorum insultus,  
contra tot Hereticorum sectas, & in tan-  
tis Sophistarum insidijs, quibus mundus  
& Diabolus se opposuerunt Ecclesiae, &  
doctrinae caelesti. Huc dictum senis Ga-  
malielis, Act. 5. pertinet: Si ex homini-  
bus est opus hoc, dissoluatur &c.

Sexta pars externi testimonij est  
cruenta confessio tot Martyrum inde usq.  
ab Abel ad Christum Dominum: Et ab  
hoc in hunc usq. diem. Nequaquam .n.  
tam atrocia supplicia subiissent, pro incer-  
ta & erronea doctrina. Neq. hoc testimo-  
nij genus ex eo infringitur, quod Enthusi-  
asini nescio quibus multi impulsu nō du-  
bitarunt pro erroribus suis confirmandis  
mortem oppetere. Nam defuerunt illis  
superiora testimonia, quae veluti regula  
sunt, ad quam probanda sunt martyria.  
Haecenus de externis testimonijs.

Internum testimonium non est ex-  
positum oculis hominum, sed cordibus ho-  
minum impressum, certificat homines de  
firmi-

firmi-  
tatis qu-  
monium  
sancti,  
de ver-  
I. Ioh-  
ficantur  
guis. Et  
credent  
in suis  
Christi  
regenera-  
tur prese-  
iusticia,  
guinem  
tatio: Et  
in cordi-  
atena-  
omnibus

confir-  
predica-  
tatem,  
ipsis cor-  
non pos-



# DEDICATORIA.

*firmitate doctrinae Ecclesiae multò effica-  
cius quàm omnia superiora. Hoc testi-  
monium est arrhabo seu pignus spiritus  
sancti, quo obsignantur corda fidelium  
de veritate Euangelij. Huc illud Iohannis,  
I. Iohan. 5. pertinet. Tres sunt qui testi-  
ficantur in terra: Spiritus, Aqua & San-  
guis. Et hi tres unum sunt. Spiritus est  
credentium persuasio, qua convincuntur  
in suis cordibus de veritate Euangelij  
Christi & certitudine. Aqua est ipsa  
regeneratio & sanctificatio, qua senti-  
tur presentia spiritus Christi. Sanguis est  
iusticia, id est, expiatio peccati per san-  
guinem Christi & iusticiae Christi impu-  
tatio: Hinc nascitur ineffabile gaudium  
in cordibus piorum, & gustus quidam  
eternae vite sentitur, quem preferunt p̃  
omnibus mundi delitijs & diuitijs.*

*Hoc duplici testimoniorum genere  
confirmati Sancti laudant Deum, &  
predicant ipsius misericordiam & veri-  
tatem, quae tam multis diuinis testimonijs  
ipsis confirmata est, ut amplius vacillare  
non possint, & simul precantur Deum, ut*

B 2 opus



EPISTOLA

opus quod operatus est in ipsis confirmet,  
utq; abundant indies magis magisq; in  
omni cognitione & sensu.

Quod autem Dominus noster Ie-  
sus Christus sit ille, de quo Moses &  
Prophete omnes vaticinati sunt, præter  
ea quæ diximus, testantur etiam ruine  
templi Ierosolymitani. Promissus est  
enim ut in secundum templum veniret  
Messias, unde ipsius gloria maior futu-  
ra erat quàm prioris, quod Templum per  
Vespasianum solo æquatum est.

Verùm Iulianus Imperator hostis  
Christianorum contra decretum Dei, &  
odio Christiani nominis, hortatus est Iu-  
deos ut suam politiam instaurarent,  
Templum ædificarent, ac eis defensionem  
& immunitates promisit, ut isto pacto  
confirmaret errorem Iudeorum, expe-  
ctantium adhuc Messiam, & pios, ex-  
tracto templo Iudaico, ab Euangelij con-  
fessione absterret. Sed quid fit? Cōuenit  
ingens multitudo Iudeorum, & magna  
spe

spe coll  
adifica  
iacere  
terra  
Etum  
oppre  
frustra  
adifica  
in pan  
ergo  
plum  
moniu  
Messi  
& Ten  
centen  
morie  
Danie  
sus Sa  
arma  
num  
am  
rum  
enim  
dio in  
ulla  
deci



# DEDICATORIA.

*spe collatis sumptibus & opibus templum  
 ædificare cœpit. Sed cum fundamenta  
 iacerent, magno terræmotu debiscente  
 terra, inter fulmina totum opus disie-  
 ctum, & multa millia Iudeorum ruinis  
 oppressa sunt. Ita didicerunt Iudæi se  
 frustra niti contra Dei decretum. Inter  
 ædificandum signa crucis in vestitu, &  
 in panibus passim Iudeis facta sunt. Non  
 ergo voluit Deus rursus instaurari Tem-  
 plum. Nam ultima eius euersio testi-  
 monium esse debuit, quod missus sit  
 Messias, quem stante politia Mosaica,  
 & Templo secundo conspici & audiri do-  
 centem, & ostendentem testimonia, &  
 morientem, & resuscitatum oportuit, ut  
 Daniel prædixerat. Sint ergo pij aduer-  
 sus Satanam, & omnes hostes Christi,  
 armati & muniti rationibus quas recita-  
 uimus, & simul precentur Deum, ut su-  
 am Ecclesiam inter tot furores Diabolo-  
 rum & hominum tueatur. Scriptum est  
 enim de rege Ecclesiæ: Dominare in me-  
 dio inimicorum tuorum, neque speranda est  
 ulla securitas, sed inter ærumnas Ecclesiæ  
 decus lucebit.*

B 3

Por-



# EPISTOLA

Porro quia *uniuersa scriptura*, *filium Dei dominum nostrum Iesum Christum*, nobis *ut unicum Mediatorem & Saluatorem* commendat, tenenda est *imprimis eius salutaris cognitio*, quæ in *quatuor sita est*. Videlicet *quod sit verus Deus à patre ante secula natus consubstantialis patri*: *Quod sit verus homo ex semine Davidis iuxta scripturam*, *ex castissima virgine Maria factus*: *quod sit una persona Deus & homo*: *Quod sit unicus Ecclesie Saluator*, hoc est, *Rex & Sacerdos sine Mediator*. De his *quatuor Epistola ad Hebraeos copiose disputat*, & *precipue de regno & Sacerdotio Christi*. Et docet *unicum sacrificium Christi esse*, quo *hominum peccata expiantur*, quoq; in *æternum sanctificantur fideles*, ut nec sit *locus amplius Leviticis sacrificijs*, quæ ut *umbra cessare debuerunt*, adueniente *veritate*, nec alijs *hostijs ullis*, peracto iam *sacrificio Christi*. Nam hic *Sacerdos Dominus noster Iesus Christus*, per *proprium sanguinem intrauit semel in sacrarium aternam redemptionem nactus*.

Huius

Huius  
seipsum  
purga  
operi  
9. On  
nes su  
Dei, C  
Sacer  
Episto  
& de  
Episto  
pys leu  
strem  
vsum  
Nam  
& ali  
in me  
mend  
sive  
atq;  
vwo  
  
sub t  
placa



# DEDICATORI A.

Huius Christi (qui per Spiritum aeternum  
seipsum obtulit inculpatum Deo) sanguis  
purgat conscientias nostras à mortuis  
operibus ad serviendum Deo vivo, Heb.  
9. Omnia ergo sacrificia alia quæ homi-  
nes fingunt, contumeliosa sunt in filium  
Dei, Cui soli gloria hæc debetur, quòd sit  
Sacerdos & Mediator, quemadmodum  
Epistola ad Hebræos multis argumentis  
& demonstrationibus ostendit. In hanc  
Epistolam commentarium hunc edo, ut  
pijs lectoribus præsertim iunioribus mon-  
strem seriem argumentorū, & singula ad  
usum nostrum in tota vita transferam.  
Nam cum ad hæc duo videlicet ὁ ἵδιος  
& ὁ ἀδελφός omnia referri debeant, soleo  
in meis scriptis hæc duo lectoribus com-  
mendare, ut & rectè cognoscantur quæ  
scire oportet: & in cordibus sentiantur,  
atq; adeò in tota vita appareant, ne  
ὁ ἵδιος sit ὁ ἀδελφός.

Quòd autem hunc commentarium  
sub tuo nomine, vir clarissime, edere mihi  
placuit, rationes sunt honestissimæ. Pri-

B 4

mum



## EPISTOLA

mum enim cum hanc Epistolam domi  
 meae ante sedecim annos quibusdam do-  
 mesticis discipulis enarrarem, tu inter  
 precipuos fuisti. Nam cum publicè Dia-  
 lecticam explicarem, priuatim hanc E-  
 pistolam proposui, ut in ea usum artis  
 monstrarem. Neque enim tunc temporis  
 proposueram aliud quàm singula argu-  
 menta ad leges dialecticas reuocare: quo  
 discipuli mei in alijs scriptis facilius ana-  
 lysin argumentorum instituerent, & om-  
 nia ad normas artis reuocarent. Quare  
 cum ipse prae alijs omnibus fueris solers,  
 & felix in retexendis argumentis & ac-  
 commodandis suis locis, meritò tibi debe-  
 tur hic noster labor. Deinde quia ab eo-  
 dem tempore, quo mea fidei commissus es,  
 à fratre tuo Biornone Caaes Domino de  
 Sparup, iam regni Daniae Consiliario &  
 sapienti & bono, semper te erga me gra-  
 tissimum exhibuisti, idq; non solum ver-  
 bis, verum etiam omni genere officiorum,  
 cum erga me ipsum, tum erga meos, &  
 precipuè filium Iohannem Hemmingi-  
 um, quem & abeuntem Vuitebergam in-  
 genij

genij  
 plissim  
 me me  
 ficent  
 utpla  
 me de  
 rito. T  
 and gae  
 beum  
 factus  
 dit. P  
 in illor  
 rum ob  
 profiteo  
 tiam h  
 xero.  
 nis me  
 menta  
 emitto  
 tum,  
 loco h  
 benej  
 fulas  
 nem.



DEDICATORIA.

genij excolendi gratia, & absentem amplissimis muneribus ornasti. Hac tua erga me meosq; summa beneuolentia, & beneficentia ita deuinctū tibi tuisq; reddidisti, ut planē nihil magis in votis habeam, quam me declarare gratissimum tam bene merito. Theocritus pulchrē ait: ἄνδρες, οὐκ ἀντιείλησ' ὁ φίλος εἰς ἀνδρείας, οὐκ ἀντιείλησ' ὁ φίλος εἰς ἀνδρείας. Plumbeum igitur esse oportet eum, qui tot affectus beneficijs gratitudinem non rependit. Proinde mi Nicolae, ne sim planē in illorum numero, qui facile beneficiorum obliuiscuntur, tua beneficia erga me profiteor maxima esse, pro quibus & gratiam habeo, & habiturus sum, quoad vixero. Ut autem extet aliquod gratitudinis mee erga te μνημόσυνον hunc Commentarium sub tuo nomine in lucem emitto, quo volo apud posteritatem testatum, quo sim erga te animo, & quo in loco habeam tua ingentia mihi prestita beneficia. Te interea rogo, ut boni consulas hanc animi mei erga te testimonium.

B 5

Rogo



EPISTOLA

*Rogo aeternum Deum patrem Do-  
mini nostri Iesu Christi, ut nos conseruet  
in vera religione & sancta animorum  
concordia, ut olim in aeterna vita confor-  
mes filio Dei effecti, fructum letissimum  
Euangelij Christi percipiamus, cum ca-  
stissimis Angelis, & electis Dei. Be-  
nè, piè & fœliciter vale, corpore,  
anima & spiritu integer.*

*Ex musæo nostro.*

*Anno 1567.*



ARGV.

AR



Quema  
ce liste  
manife  
autoria  
de Epist  
dubitati

ritus san  
dedit, in  
Ecclesia  
habuer  
manife  
homine  
tum C  
pro hoc  
donavit



ARGUMENTVM  
IN EPISTOLAM  
PAULI AD HE-  
braeos.



RÆCORVM PLÆRI-  
que Epistolam ad Hebræos scri-  
ptam, Pauli Apostoli esse affir-  
mant, id quod Latiorum non-  
nulli in dubium reuocarunt,

Quemadmodum Eusebius libro 3. Ecclesiasti-  
cæ historiæ his verbis testatur : Pauli quoq;  
manifestè quatuordecim sunt Epistolæ, quæ in  
autoritate habentur, licet sciam apud Latinos  
de Epistola, quæ ad Hebræos scribitur, haberi  
dubitationem. Hæc Eusebius.

Etsi autem de organo, per quod Spi-  
ritus sanctus hanc Epistolam Ecclesiæ DEI  
dedit, iusta dubitatio esse potest : tamen cum  
Ecclesia, præsertim Græca, eam pro Catholica  
habuerit, & ipse Spiritus DEI se eius autorem  
manifestè prodat, reiectis inutilibus de autore  
homine disputationibus, eius artificem Spiri-  
tum Christi, veneremur, ac DEO grati simus  
pro hoc ingenti thesauro, quo suam Ecclesiam  
donauit.

Præ-



## ΕΠΙΣΤΟΛΗ

Præterea disputatur, *Hebraicè ne an Gracè scripta sit*, Alij enim aliter sentiunt, sed argumenta nonnulla, ex virtute Græcorum vocum petita, conuincunt eam procul omni dubio Gracè scriptam esse.

Sed his disputationibus omissis dicamus de rebus, quæ nobis huius Epistolæ argumentum aperiant: atq; videamus quæ fuerit scribendi occasio, quis status seu quæstio principalis, & quis tractationis ordo seu Methodus, his enim probè cognitis viam paratam habebimus, ad hanc Epistolam planius intelligendam.

## OCCASIO.

Occasionem huius Epistolæ scribendæ ad Hebræos, hanc fuisse totus contextus conuincit. Hebræi multi in Palæstina habitantes, doctrina & miraculis Apostolorum Christi conuicti, Christum promissum Messiam agnouerunt, & in eum crediderunt: Sed nimium erant Mosaicis ritibus, nimirum cæremonijs & sacrificijs addicti, non satis, vt decebat, intelligentes finem, vim & fructum aduentus Christi, ad abolenda hæc omnia.

Hanc carnalem prudentiam sequenti, putabant se extra periculum ex omni parte fore, si doctrinæ Apostolicæ de Euangelio Christi ad-

si, ad  
cos.

cum E  
potest  
mo d  
bit, fir  
conuinc  
nis, fac  
dentes

ST

hæc est  
solum  
mundi  
cia res  
quædam  
retiam  
forem  
rum,

gene  
audie  
gener



sti, adiungerent Cæremonias ritusq̃ Mosai-  
cos.

Itaq̃, ut hunc crassum errorem, qui vnâ  
cum Euangelio de Christo exhibito stare non  
potest, ex animis eorum penitus extirparet, ho-  
mo DEI Spiritu plenus, hanc Epistolam scri-  
bit, firmis argumentis & demonstrationibus  
conuincens, solius Iesu Christi, DEI & Homi-  
nis, sacrificio, consummari & sanctificari cre-  
dentes in perpetuum.

## STATUS SEV QVÆ- stio principalis.

Status igitur seu questio principalis  
hæc est: Quòd Christi sacrificium vnicum &  
solum sit propiciatorium pro peccatis totius  
mundi, quo peractò debebant Leuitica sacrifi-  
cia cessare, quæ huius veri sacrificij vmbre  
quædam et typi fuerunt. Propterea etiam opor-  
tet iam Christum audire noui Testamenti spon-  
sorem, eumq̃, fide, exemplo Sanctorum vete-  
rum, recipere & amplecti.

Atq̃, ita hæc Epistola principaliter est  
generis Didascalici: cui, ut applicetur doctrina  
auditoribus, adhibetur exhortatio ex Suasorio  
genere, quemadmodum fieri consuevit.

Nam



## EPISTOLA

*Nam hac est Methodus omnium Prophetarum, Apostolorum, & aliorum rectè docentium in Ecclesia, doctrinis admiscere, nunc exhortationes, nunc consolationes, nunc terrores & minas, ut isto pacto doctrinam accommodent auditoribus.*

## ORDO SEU TRACTATIONIS METHODUS.

*Ordo tractationis sapientissimè & planè ex Rhetorum præscripto institutus est. Primo enim loco Narrationem seu expositionem de persona & officio Filij Dei collocat. Quæ expositio est tanquam materia, ex qua reliquum corpus totius huius Epistolæ extruitur. Deinde expositionem Analysis retexit, ac de singulis eius membris fusè & doctissimè disputat: ac primum quidem, quia filij Dei mentionem fecit, de eius duplici natura & officio disputat, Vnde & Exhortationem extruit, ut ipsum audiant Hebræi. Postea, quia in Narratione dixerat, per Christum fieri purgationem peccatorum, de Sacerdotio Christi instituit disputationem copiosissimè, ac docet solius Christi sacrificio consummari sanctos in perpetuū, ostendens.*

ostendens  
ciorum.  
sti fit pe  
bus San  
manibus

C

S

VT  
nim  
lium, A  
gine, do  
dat.

O

P  
(q  
quent



A D H E B R Œ O S.

ostendens iam finem esse Leviticorum sacrificiorum. Hinc, quia applicatio sacrificij Christi fit per fidem, hortatur ad fidem, idq; pluribus Sanctorum exemplis. Tandem additis communibus vitæ præceptis finit Epistolam.

C A P V T  
P R I M V M.

S V M M A C A P I T I S  
P R I M I.

**V**Tolim patribus per Prophetas, ita nunc nobis D E V S loquutus est per Filium, Angelis excellentiorem, ut qui eos origine, dominio, operatione & honore antecedit.

O R D O P R I M I C A  
P I T I S E T P A R  
tes.

**P**rimum caput narratione seu expositione (quæ continet fontes totius disputationis sequentis) propositione comparata, nimirum quod Christi.



EPISTOLA

*Christus sit angelis sublimior, & confirmatione petita ab origine, dominio, operatione, & honore Christi, absolvitur.*

EXEGESIS PRIMI  
CAPITIS CVM OB-  
servatione doctrinarum.

*Multifariam, multisq. modis olim Deus loquutus est patribus per Prophetas, in extremis diebus his loquutus est, nobis per filium.*

*Orditur narrationem à patefactione divina, seu ab euentu: videlicet quod DEVS sit loquutus nobis per Filium. Verùm vt maius pondus orationi addat, instituit collationem quadruplicem, quæ pertinet ad commendationē Euangelij, à filio DEI prædicati: Vnde postea argumentum Suasorium in secundo capite extruit, videlicet vt Christum, nisi in grauissimas pœnas incurrere velint, Hebræi audiant.*

*Primum ergò memorabile est, quod dicit Deum semper loquentum esse Ecclesiæ. statuitq. ipsum autorē esse sacræ scripturæ, vt nos eò magis in scripturæ admirationem ac venera-  
tionem*

tionem  
diuini  
tatis, &  
tradit

verbi  
quare  
quatuor

olim lo  
quutus

novi Te  
autorem  
diuini m  
quutus

(vocat  
Christo  
di) sig  
quo ali  
præter  
quem e  
præter

tum dis



A D H E B R Œ O S.

tionem adducat, utq, certo certius statuamus  
diuinum sermonem esse, qui nobis in Prophe-  
ticis, Euangelicis & Apostolicis scriptis est  
traditus & commendatus.

Huc pertinent testimonia certitudinis  
verbi DEI, de quibus alibi à me dictum est,  
quare illis omisiss collationis membra, quæ  
quatuor esse dixi, declarabo.

PRIMA collatio, temporis est, DEVS  
olim loquutus est, & his extremis diebus lo-  
quutus est, Vnde duo colligamus.

Primum, veriç, ministerio veteris &  
noui Testamenti commune esse, habere eundem  
autorem DEVM, ex qua re quanta sit maiestas  
diuini ministerij, concludendum est, Deus lo-  
quutus &c.

Deinde, cum dicit, extremis his diebus  
(vocat autem extremos dies, tempus totum à  
Christo exhibito vsq, ad consummationem mun-  
di) significat non restare tempus aliquod, in  
quo aliud verbum de cælo expectandum est,  
præter id quod pater reuelauit per filium, in  
quem extremè ingrati sunt, qui noua dogmata  
præter ipsius verbum excogitant.

SECUNDA collatio continet audito-  
rum discrimina, olim (ait) patribus ante Chris-  
tum

C

stunt



## E P I S T O L A

stum exhibitum, nunc nobis post Christum exhibitum, loquutus est. Hæc collatio significat patres nobiscum eandem habuisse religionem, eandem in Christum communem Salvatorem fiduciam, eundem cultum. Breuiter, utrosq; id est, patres & nos, eiusdem familiæ DEI, hoc est, Ecclesiæ Christi domesticos esse.

TERTIA collatio continet Ministrorum verbi discrimina. Patribus enim per Prophetas, nobis autem per filium loquutus est vnus idemq; DEVS. Hæc collatio ostendit idem fuisse ministerium veteris & noui Testamenti, tametsi in ministris maximum est discrimen: Prophetæ enim serui fuerunt: at filius Dominus ipse est.

QUARTA collatio modum reuelationis diuini sermonis habet. Tametsi autem vtrumq; collationis membrum expressè non ponitur, tamen alterum ex altero facillè intelligi potest.

MODVS ministerij diuini ante Christum exhibitum indicatur duabus vocibus, quæ sunt πολυμερῶς & πολυτρόπως: quarum illa ad quantitatem, hæc ad qualitatem referenda est. Cum enim dicit πολυμερῶς, significat non statim quasi in vnum fasciculum colligata salutis documenta proposita fuisse, Sed per partes  
& vi-

& vici  
 as enim  
 tis my

multi  
 dit, id  
 varijs  
 volunt  
 Nam i  
 obscur  
 bus, e  
 volunt  
 scriptu  
 Moyses  
 bis: Si  
 in vici  
 quat a  
 ses, qu  
 enim a  
 Enig

habe  
 vici  
 aut a  
 enim  
 perio



et vices quantum cuiusque salutis intererat. Alias enim contractius, alias explicatius nostrae salutis mysteria proponebantur.

Potest igitur vox πολυμερῶς reddi multis vicibus, verum cum πολυτρόπως addit, id est, varijs modis, significat autor Deum varijs rationibus et dispensandi modis suam voluntatem ante Christi aduentum patefecisse. Nam interdum per clariora visa, interdum per obscuriora aenigmata, nonnunquam vigilantibus, et rursus interdum dormientibus suam voluntatem patefecit DEVS: Quemadmodum scriptum est Numerorum 12. Vbi Dominus Moysen à cæteris Prophetis discernit his verbis: Si quis fuerit inter vos Propheta Domini, in visione cognoscat ab eo, vel per somnium loquar ad eum. At non talis seruus meus Moyses, qui in vniuersa domo mea fidelis est, Ore enim ad os loquar ei, per visionem et non per Aenigmata et figuras.

At longe secus se Christi ministerium habet. Siquidem nullæ in eo sunt temporum vicissitudines, quæ aliquid cogunt immutare, aut addere ijs, quæ à Christo dicta sunt. Christi enim aduentus, quasi postrema ministerij est periodus, et meta vltima, ultra quam nulla



# EPISTOLA

nouæ doctrinæ accessio est expectanda. Neque enim per visa aut in somnis loquutus est nobis filius, sed ipse suo sancto ore doctrinam cælestem plenissimè, quam ex sapientia patris, quæ ipsemet est, deprompsit. Quare cum tantum habeat preconem verbi populus noui Testamenti, meritò autor Epistolæ ad diligentiorẽ obedientiam in secundo hortatur.

Ex his omnibus simul colligamus, vnum & eundem autorem diuini verbi DEVM esse. Deinde consensum omnium Prophetarum, Christi, & Apostolorum, in doctrina & cultu. Præterea in verbo prædicato per Filium, plenissimè reuelatam esse voluntatem DEI de salute obtinenda per Christum. Quare intrepidè reijciamus, quicquid cum hoc verbo non consentit.

Quem constituit hæredem omnium, per quem & secula fecit.

Aptè descriptionem personæ instituit. Primum enim proponit, quæ sunt eius diuitiæ, & quæ potentia, vt his cognitis, libentius nos ei subiiciamus. Nam cum audimus omnia bona ab ipso possideri, ab eo omnia bona haurienda monemur. Cum rursus pronunciat ipsum  
eum

enim  
tentia  
erga  
quod  
DEI  
quod  
redemp  
tinet.  
nia, di  
filio  
postulat  
bona in  
tur pi  
bonoru  
omnia  
tantur  
tem, q  
sit her  
est in  
rede,  
factus  
um inc



AD HEBRÆOS.

eum esse, per quem Pater omnia condiderit potentia eius, admonemur timoris ac reuerentiæ erga illum.

Hoc loco primum obseruandum est, quod tametsi hæc dicantur de vna persona, filio DEI, id tamen non fiat eodem respectu. Nam quod hæres constitutus sit omnium, ad officium redemptionis, & incarnationis mysterium pertinet. At quod per eum pater condiderit omnia, diuinitatis proprium est. Promde in hoc filio DEI natura diuina & humana vnione hypostatica seu personali vnita sunt.

Præterea cum fides hinc colligit, omnia bona in Christo hærede omnium esse, confirmantur pij, qui non aliunde expectant quicquam bonorum, nisi ab hoc hærede: à quo fidei manu omnia salutaria accipiunt. Et contra, confutantur hypocritæ, qui aliundè venantur salutem, quàm à solo Christo. Nam cum hic solus sit hæres omnium, extra illum nihil bonorum est inuenire. Monemur igitur, vt ab hoc hærede, hæreditatem in cælo petamus, qui ideo factus est hæres omnium, vt nos, rerum omnium inopes, hæredes cæli faceret.

Respicit autem hic autor ad secundum

C 3

Psal-



# EPISTOLA

*Psalmum, ubi filius DEI in hunc modum loquitur: Dominus dixit ad me, Filius meus es tu, ego hodie genui te. Postula à me, & dabo tibi gentes hereditatem tuam, & possessionem tuam terminos terræ.*

*Hereditatis nomine, Metonymia Hebraica significatur, plenissimum imperium & possessio. Quare cum dicitur, Christus est hæres omnium, sensus est, quòd Christus sit plenissimus Dominus & possessor omnium rerum.*

*Porro cum Apostolus affirmat, DEVM omnia fecisse per filium, Notanda est phrasis. Nam perinde est, ac si diceret, pater & filius simul omnia condiderunt. Ex quo concluditur contra Arrianos, quòd filius DEI nequaquam sit creatura sed creator, hoc est, DEVS, distincta tamè à patre hypostasis. Hinc cõfirmatur articulus nostræ fidei, qui requirit, ut in Christum secundam in diuinitate personam credamus. Cõfutatur Paulus Samosatenus, qui Christum à Maria originem duxisse mētiebatur. Monemur ut huius gubernationi nos subijciamus.*

*Cæterum si breuius omnia, quæ in hoc breui Aphorismo continentur, euoluere placet, ex hisce paucis Apostoli verbis quatuor concludamus.*

*Præ-*

DEI, L  
seu vt  
Si eni  
Iohar  
est pr  
& DE  
homo:  
qua d  
postat  
fons vn  
maxim  
omni p  
aduer  
tentia  
bus pe  
fidem  
sump  
testin  
ior an  
rit no  
ri yif



AD HEBRÆOS.

PRIMUM, quod Christus sit filius DEI, hoc est, vnus & idem DEVS cum patre, seu vt Symbolum loquitur, ὁμοῦσι & patri. Si enim per ipsum omnia facta sunt adeo, vt Iohannes inquit, vt nihil sine ipso factum sit, est profecto non creatura, sed creator, si creator & DEVS.

SECUNDVM, quod Christus sit verus homo: hoc enim respectu hæres appellatur.

TERTIVM, quod sit vna persona, in qua duæ naturæ, diuina & humana vnione hypostatica unitæ sunt.

QUARTVM, quod sit omnium bonorum fons vnicus, adeoq, Saluator mundi.

Horum quatuor attributorum Christi maximus vsus est.

PRIMUM enim attributum, monstrat omnipotentiam Christi. Vnde fides confirmatur aduersus regnum Satanae, & eruditur de potentia Christi, qua ipse potest suos ex omnibus periculis potenter eripere.

SECUNDVM attributum, informat fidem de Οὐλανδρωσικῇ Christi erga nos. Assumpsit enim nostram naturam in certissimum testimonium sui amoris erga nos. Non enim maior amor esse potuit, quàm quod DEVS voluerit nobis coniungi societate naturæ, & in ea fieri victima pro peccatis nostris. C 4 Ter-



## E P I S T O L A

*Tertium attributum ostendit quantum sit precium, quanta aestimatio omnium actionum Christi in ipsius sanctissima humanitate. Nam opera hominis Christi summum precium & valorem à diuinitate Christi accipiunt. Atque ideo mors Christi sufficiens λύτρος est, ad expianda omnium hominum peccata. Quia est mors hominis, qui est DEVS, Atq; ita iudicandum est de omnibus alijs actionibus in humana natura Christi.*

*Quartum attributum, reuocat nos ab omnibus alijs medijs, cū salus nostra agitur, & adducit nos ad hunc vnicum fontem salutis, Iesum Christum, ex quo omnia salutaria, fidei manu haurienda sunt.*

*Qui cum sit splendor gloriæ & character substantiæ eius.*

*Hæc descriptionis pars valdè sublimis est, in qua filius DEI imago patris æterni esse affirmatur. Quoniam autem Christus est naturalis imago patris, idq; non solum essentialiter, verumetiam virtualiter, seu, vt Irenæus loquitur, per gloriam virtutis, quæ in ipsius operibus diuinis refulget. Ideo Apostolus noster, hoc loco primum vocat ipsum ἐπεὶ ὁμοῦς*  
*μα*



μα, id est, resplendentiam gloriae paternae. Nam gloria patris in filio refulget. Est autem ἀπαύραμα, propriè splendor è re illuminata aliundè refulgens. Ad eundem modum filius clara patris imago suos radios ad homines transfundit, dum diuina doctrina operibus & Spiritus sancti donis se patefacit. Deinde vocat ipsum characterem (id est, expressam & viuam imaginem) ὡς ὁ ἀσπάζεσθαι, hoc est, personae patris. Est enim filius imago patris coaeterna, quæ imago, quia in ipsam patris substantiam transfusa est, dicitur filius DEI.

Ex hoc loco discitur, quòd filius DEI sit persona à patre distincta, patri coessentialis & coaeterna, minimeq; ab eo separabilis. Vt enim splendor luci est coaeternus & inseparabilis, ex eius substantia manans: Ita filius DEI altera persona est à patre, patri coessentialis & coaeternus.

Confutat & hic locus Arrium, qui ut plures personas, ita & plures οὐσιὰς esse in diuinitate docuit.

Monentur igitur pij, ut hoc testimonio cōfirmati, constanter in fide Catholica de Christo, contra omnes hæreses veteres & nouas, persistant.



ET ISTOLA

Hac ita breuiter de imagine DEI dicta  
sufficiant, sed interim meminerimus, corpora-  
lia & creata, collatione integra, aeternis & in-  
creatis comparari non posse.

Ferensq; omnia verbo virtutis  
suae.

Quemadmodum supra Christum Crea-  
torem asseruit, Ita nunc omnia ipsius prouiden-  
tiae subijcit. Fert (inquit) omnia verbo virtutis  
suae, Id est, omnia tuetur, conseruat & mode-  
ratur suo potenti nutu. Verbum enim hoc loco  
nutum & voluntatem significat. Genitiuus  
virtutis, vice Epitheti ponitur more hebraico.  
Hinc discamus statum creaturarum incolumem  
consistere per filium. Hinc rursus & diuinitas  
filij concluditur, & nos admonemur obedi-  
entiae, timoris & reuerentiae erga ipsum.

Purgationem nostrorum pec-  
catorum per se ipsum faciens.

Hac propositio continet principalem  
caput doctrinae Ecclesiae DEI, videlicet, quod  
Christus sua victima homines à peccato pur-  
get. Iohannes ait: Sanguis Iesu Christi emun-  
dat nos ab omni peccato. Hinc confirmatur ar-  
ticulus



AD HEBRÆOS.

articulus fidei nostræ de remissione peccatorum gratuita, & confutantur Iudæi, Mahometistæ, Pelagiani & Papistæ, adeoq; omnes qui alijs rebus quàm solo sanguine Christi dicunt purgari peccata. Monemur proinde, ut vera fide & inuocatione hanc peccati purgationem expetamus.

Porro ut ex superioribus propositionibus autor noster extruit, quæ usq; ad finem quarti capitis sequuntur: Ita hanc propositionem, Purgationem nostrorum peccatorum per se ipsum faciens, à quinti capitis principio usq; ad finem ferè decimi explicat, illustrat & confirmat.

*Sedet ad dexteram maiestatis in excelsis.*

Hæc propositio, confirmat articulum fidei nostræ de Sessione Christi DEI & hominis ad dexteram patris in excelsis. Chrysostomus ordinem narrationis perpendens, in hunc locum sic scribit: οὐκ ἁπλῶς εἶπερ ἐκάθισεν, ἀλλ' οὐ μετὰ τὸν καθάρσιμον ἐκάθισεν, hoc est, non simpliciter dixit, sedet, sed post purgationem sedet.

Hæc propositio digna est, quæ copiosius & clarius explicetur, præsertim cum contineat articulum fidei, hoc est partem fundamenti, extra quod salus non est.

Nam



EPISTOLA

Nam etsi extra omne dubium est, per dexteram maiestatis significari diuinam potentiam, maiestatem & imperium, Sic tamen significatio hæc accipienda & declaranda est, vt non enertatur, Quod de visibili & corporali ascensione & exaltatione corporis eius supra omnes cælos, imò & angelos beatos in articulo antecedente, & alijs scripturæ locis traditum ac sæpè repetitum est.

De priori autem cum non sit opus longiori explicatione, de posteriori potissimum dicemus.

Ac quæ sit vera & catholica sententia de gloriosa corporis Christi ascensione & elevatione in cælum, primum plurima scripturæ dicta ostendunt. Deinde & consentientia Symbolorum testimonia, Et perpetuus ac constans scriptorum veterum consensus, de quo monere rudiores valdè prodest.

Dicta scripturæ inter multa hæc pauca annotare placuit.

Marci 16. Et Dominus quidem Iesus, postquam loquutus est eis, assumptus est in cælum, & sedet à dextris DEI.

Lucæ 24. Et factum est, dum benediceret illis, recessit ab eis, & ferebatur in cælum.

Actorum

denit  
eum a  
eunte  
ta ill  
Gali  
Iesus  
venit  
in cæl

pere,

dexter  
cipatio  
minim

tum,  
na bo

tant  
omni  
Dom  
tris.

in cæl  
domi



AD HEBRÆOS.

Actorum 1. Et cum hæc dixisset, videntibus illis eleuatus est, & nubes suscepit eum ab oculis eorum, Cumq; intuerentur illum euntem in cælum, ecce duo viri astiterunt iuxta illos in vestibus albis, qui & dixerunt: Viri Galilæi, quid statis respicientes in cælum? Hic Iesus qui assumptus est à vobis in cælum, sic veniet, quemadmodum vidistis eum euntem in cælum.

Actorum 3. Quem oportet cælum accipere, vsq; in tempora restitutionis omnium.

Ad Ephesios 1. Quem collocavit ad dexteram suam in cœlestibus, supra omnem principatum, ac potestatem, & virtutem, & dominium.

Ad Ephesios 4. Cum ascendisset in altum, captiuam duxit captiuitatem, & dedit dona hominibus.

Ad Philippenses 2. Ideo DEVS exaltavit illum, & dedit illi nomen, quod est supra omne nomen, vt omnis lingua confiteatur, quod Dominus sit Iesus Christus, in gloria DEI patris.

Philippensium 3.  $\omega\omicron\lambda\iota\tau\epsilon\upsilon\mu\alpha$  nostrum in cœlis est, vnde & Saluatorem expectamus, dominum Iesum Christum, qui transfigurabit nostra



EPISTOLA

nostra contempta corpora, vt sint conformia suo glorioso corpori, idq; ea potentia, qua potest omnia sibi subijcere.

Colossensium 3. Si resurrexistis vnâ cum Christo, superna quærite, vbi Christus est ad dexteram DEI.

1. Thessalo. 1. Vt seruiretis DEO viuenti & veraci, & expectaretis filium eius de cœlis, quem excitauit à mortuis, Iesum, qui liberat nos ab ira ventura.

1. Thessalo. 4: Ipse Dominus cum tuba descendet de cœlo, & mortui in Christo resurgent primū.

Ad Hebræos 1. Postquam purgationem peccatorum nostrorum fecisset, confedit ad dexteram maiestatis in excelsis.

Hebræ. 9. Non enim manufacta sancta ingressus est Christus, exemplaria verorum, sed in ipsum cœlum, vt appareat nunc in conspectu Dei pro nobis.

Cum his congruunt Symbola. Apostolicum enim Symbolum ita habet: Ascendit ad cœlos, & sedet ad dexteram patris, vnde venturus est iudicatum viuos & mortuos. Nicenū Symbolū: Ascendit in cœlos, & sedet ad dexteram patris, & rursus veniet cum gloria iudicaturus viuos & mortuos. Symbolum quod Epiphanius



A D H E B R A E O S

phanius scribit recitari soleri ab ijs qui baptizandi erāt: Ascendit ad cœlos in ipso corpore in gloria. Symbolū Athanasianū: Sedet ad dexterā patris, & Dei omnipotentis, vnde veniet iudicare viuos & mortuos. Symbolum Ambrosij & Augustini, vt fertur: Tu deuictō mortis aculeo aperuisti credentibus regna cœlorum. Tu ad dexteram Dei sedes in gloria patris, Iudex crederis esse venturus.

Huc etiam facit scriptorum veterum pius consensus. Augustinus in libro Epistolarū, Epistola 57. Dardano in hunc modū scribit: Noli itaq; dubitare ibi nunc esse hominē Iesum Christum, vnde venturus est, memoriterq; recole, & fideliter tene Christianam confessionem, quoniam resurrexit à mortuis, ascendit in cœlum, sedet ad dexteram patris, nec aliunde quā inde venturus est, ad viuos mortuosq; iudicandos. Et sic venturus est, illa angelica voce testante, quemadmodum ire visus est in cœlum, hoc est, in eadē carnis forma atq; substantia, cui profectō immortalitātē dedit, naturam non abstulit. Secundum hanc formā nō est putandus ubiq; diffusus. Cauendum est enim ne ita diuinitatem astruamus, vt veritatem corporis auferamus.

Non est autem consequens, vt quod in DEO est, ita sit ubiq; vt DEVS. Nam & nobis



EPISTOLA

nobis verissima scriptura dicit, quod in illo uiuimus, mouemur & sumus, nec tamen sicut ille, ubiq; sumus. Sed aliter homo ille in DEO, Quoniam & aliter DEVS ille in homine, proprio quodam & singulari modo. Vna enim persona DEVS & homo est, & vtrumq; est vnus Christus Iesus. Vbiq; per id quod DEVS est: In cælo autem per id quod homo.

Idem in eadem Epistola, Nam spacia locorum tolle corporibus, nusquam erunt, Et quia nusquam erunt, nec erunt, Tolle ipsa corpora qualitatibus corporum, non erit ubi sint, Et ideo necesse est, vt non sint.

Idem in fine eiusdem Epistolæ: Christum autem dominum nostrum vnigenitum DEI filium aequalē patri, eundemq; hominis filium, quo maior est pater, Et ubiq; totum præsentem esse non dubites tanquā DEVM, & in eodem templo DEI esse, tanquā inhabitantem DEVM, Et in loco aliquo cæli propter veri corporis modum.

Idem tractatu 50. In Iohannem: Sed quoniam verum est quod ait, Ecce ego vobiscum sum, vsq; ad consummationem seculi, & abiit & hic est, & redijt & nos non deseruit. corpus enim suum intulit cælo, maiestatem non  
abstu-

abstu-  
maies-  
dum  
pulis

Nec  
mini-  
menta  
post  
dete-  
bet,  
cred  
in ali-  
quod  
pulis  
fuisse  
huius  
intra-  
& an-  
ius co-  
solum  
sed e

homo  
cendi  
est bo



A D H E B R Œ O S .

abstulit mundo. Idem secundum præsentiam  
maiestatis semper habemus Christum : secun-  
dum præsentiam carnis rectè dictum est disci-  
pulis : Me autem non semper habebitis.

Idem in libro de Agone Christiano:  
Nec eos audiamus, qui negant tale corpus Do-  
mini resurrexisse, quale positum est in monu-  
mento, si enim tale non fuisset, non ipse dixisset  
post resurrectionem discipulis : Palpate & vi-  
dete, quoniam spiritus ossa & carnem non ha-  
bet, sicut videtis me habere. Sacrilegium est  
credere, dominum nostrum, cum ipse sit veritas,  
in aliquo fuisse mentitum. Nec nos moueat,  
quod clausis ostijs subitè eum apparuisse disci-  
pulis scriptum est, ut propterea negemus illud  
fuisse corpus humanum, quia contra naturam  
huius corporis videmus illud per clausa ostia  
intrare: omnia enim possible sunt DEO. Nam  
& ambulare super aquas contra naturam hu-  
ius corporis esse manifestum est, & tamen non  
solum ipse Dominus ante passionem ambulavit,  
sed etiam Petrum ambulare fecit.

Tertulianus de Trinitate: Non ibi ante  
homo fuit, sed illuc ascendit ubi non fuit, des-  
cendit autem Dei verbum, quod ibi fuit.

Idem de Resurrectione carnis : Christus  
est homo, etsi Deus, Adam nouissimus, etsi ser-  
mo pri-

D

mo pri-



# EPISTOLA

mo primarius, caro & sanguis, etsi nostris puriora, Idem tamen & substantia & forma qua ascendit, & talis etiam descensurus.

Cyprianus libro 6. cap. 14. hic animaduertendum, quod etsi corporis sui praesentiam hinc subduxerit, maiestate tamen diuinitatis semper adest, sicut ipse à discipulis abiturus pollicetur. Ecce vobiscum sum omnibus diebus vsq; ad consummationem seculi.

Idem libro 9 supra Iohannem cap. 21. Credere autem oportet fideles, quod licet à nobis corpore absit, virtute tamen eius omnia & nos gubernari adesseq; semper ipsum omnibus qui eum diligunt.

Idem in expositione Symboli: Ascendit ergo ad coelos, nō vbi verbum Deus ante non fuerat, quippe qui erat semper in caelis, & manebat in patre, sed vbi verbum caro factum nō sedebat.

Vigilius aduersus Euthicen. Dei filius secundum humanitatem suam recessit à nobis, secundum diuinitatem adest nobis. Ecce vobiscum sum omnibus diebus vsq; ad consummationem seculi. Si nobiscum est, quomodo ait: Veniet quando desideretis vnum diem filij hominis & non videbitis, sed & nobiscum est, & non est nobiscum, quia quos reliquit, & à quibus discessit humanitate sua, non reliquit, non deseruit

seruit  
quam a  
bis. P  
in terr  
absens

natura  
vbiq; in  
terra su  
celo est  
est, vt  
turn de  
esse crea  
verbum  
cum ver  
contrari  
ipsa?  
circumf  
bum vbi  
apparet  
nature,  
diuinita  
turam  
non hab  
quorum  
us est,  
bomo est



A D H E B R A O S.

seruit diuinitate sua. Per formam enim serui, quam abstulit à nobis in cœlum, absens est nobis. Per formam Dei, quæ non recedit à nobis in terris, præsens est nobis, tamen & præsens & absens ipse vnus idemq; est nobis.

Idem, Deinde si verbi & carnis vna natura est, quomodo cum verbum vbiq; sit, non vbiq; inueniatur & caro. Namq; quando in terra fuit, non erat vtiq; in cœlo, & nunc quia in cœlo est, non est vtiq; in terra, & in tantum non est, vt secundū ipsam Christum spectemus venturū de cœlo, quem secundum verbum nobiscum esse credimus in terra. Igitur secundum vos aut verbum cum carne sua loco continetur, aut caro cum verbo vbiq; est. Quomodo vna natura contrarium quid & diuersum non recipit in se ipsa? Diuersum est autem & longè dissimile circumscribi loco & vbiq; esse. Et quia verbum vbiq; est, caro autem eius vbiq; non est, apparet vnum eundemq; Christum vtriusq; esse naturæ, & esse quidem vbiq; secundum naturā diuinitatis suæ, & loco contineri secundum naturam humanitatis suæ. Creatum esse, initium non habere, morti subiacere, & mori non posse, quorum vnum illi est ex natura verbi, qua Deus est, aliud ex natura carnis, qua idem Deus homo est. Igitur vnus Dei filius, idemq; homi-



# EPISTOLA

nis factus filius, habet initium ex natura carnis  
sue, & non est creatus per naturam diuinitatis  
sue. Circumscribitur loco, per naturam carnis  
sue, & loco non capitur, per naturam diuinita-  
tis sue.

Iustinus martyr in expositione fidei :  
Manet quidem corpus, siquidem Deus corpus  
non est, factum est quidem corpus, particeps di-  
uine dignitatis, non nature.

Gregorius Nazianzenus: Circumscri-  
ptus corpore & non circumscriptus spiritu.

Theodoretus Dialogo 2: Corpus Christi  
glorificatum habet quam prius habuit circum-  
scriptionem.

Idem. Illud corpus priorem habet for-  
mam, & figuram, & circumscriptionem, & ut  
summatim dicam, corporis essentiam, etiamsi  
post resurrectionem immortale & immune a  
corruptione factum est.

Idem: Etiam post resurrectionem con-  
spectum est corpus Christi habens circumscri-  
ptionem, & manus & pedes & reliqua corpo-  
ris membra, & tangi ac videri poterat, sicut  
ante resurrectionem.

Idem: Corpus non in diuinitatis natu-  
ram mutatum est, sed etiam post resurrectio-  
nem, quamuis immortale & incorruptibile diui-  
nae glo-

nae glo-  
scriptio

Symbo-  
scripto

omnib

non nos

hunc m

li ad C

ens) in

corpore

(scilicet

celum

est, qu

Ascensio

ria scri

locatio

ascensio

lus in b

At in p

calo, D

matru

porali

human

exalta

turas a



ne gloriæ plenum, tamen suam habet circum-  
scriptionem.

Hactenus dicta scripturæ recitauimus,  
Symbolorū verba signauimus, & pium veterū  
scriptorum consensum ostendimus: Nunc ex his  
omnibus sententiæ summam concludemus, idq;  
non nostris, sed Beati Philippi verbis, qui in  
hunc modū in commentarijs in Epistolam Pau-  
li ad Colossen: 3. scribit. In Symbolo (inqui-  
ens) intelligatur dictum, vt sonat litera, & de  
corpore & de corporali locatione: Ascendit  
(scilicet) corporali & Physica locatione in  
cælum, hoc est, in locum cælestem, vbicunq;  
est, quia hic non sunt fingendæ Allegoriæ.  
Ascensio fuit visibilis & corporalis, & semper  
ita scripsit tota antiquitas, Christum corporali  
locatione in aliquo loco esse, Vbicunq; vult, &  
ascensio corporalis facta est sursum. Ideo Pau-  
lus in hoc capite illum locum nominat sursum.  
At in propositione: Filius hominis qui est in  
cælo, Dictū intelligatur communicatione Idio-  
matum, λόγος & semper est in cælo, etiam si cor-  
porali locatione corpus est in Virgine, & infra.

Vt autem de locali ascensione naturæ  
humanae dictum est, Ascendit ad cælos: Ita de  
exaltatione naturæ humanae super omnes crea-  
turas dictum est, Sedet ad dexteram patris, vt

D 3      hic



EPISTOLA

hic Paulus inquit: Vbi est ad dexteram DEI sedens. Ait Christum sursum esse, & quidem ad dexteram DEI, hoc est, non ut beati Angeli & homines sursum sunt, sed exaltatus supra Angelos, in illa arcana luce DEI regnans cum patre, Et tamen corpus localiter alicubi est secundum veri corporis modum, ut Augustinus inquit. Et hæc propositiones: Christus in vobis est, Ego in eis, Veniemus ad eum, & mansionem apud eum faciemus, intelligantur de communicatione Idiomatum. Et de hac præsentia filij in prædicatione Euangelij & in sanctis, necesse est Ecclesiam fideliter erudiri, ut agnoscamus Dominum nostrum Iesum Christum adesse Ecclesie, & esse caput omnia in omnibus perficiens. Hæc PHILIPPVS, cuius sententia cum planè conueniat cum dictis scripturæ, cum Symbolis Ecclesie & orthodoxo veterum consensu, piè eam ac tutò nos sequi posse non dubitemus, etiam si alij hoc tempore, quorum non videtur contemnenda doctrina & pietas, aliter sentire, & hoc explicare, nescio quo modo alio contentur de quo litem non faciam.

Tantò præstantior Angelis factus, quantò excellentius præ illis sortitus est nomen.

Dixit



AD HEBRÆOS.

Dixit Christum sedere ad dexteram maiestatis in excelsis, nunc autem docet quanam sit ea maiestas, seu sessio ad dexteram patris, videlicet, omnibus rebus creatis superiorem esse. Et si autem hactenus simpliciter exposuit, quantum quidem satis esse potest obsequenti auditori, tamen idem sibi iusta confirmatione probandum esse existimavit: idq, propter peruicaces Iudeos, qui Christum infra Moysen reiecerunt.

Collationem itaq, instituit inter ipsum Christum & Angelos, quibus cum sublimior ostenditur, simul illi omnia subiiciuntur. Est autem hæc propositio comparata, quæ usq, ad finem huius capitis confirmatur.

Cui enim vnquam Angelorum dixit: Filius meus es tu, Ego hodie genui te, & rursus, Ego ero illi in Patrem, & ipse erit mihi in Filium.

Prima ratio propositionis ab origine, seu Lege naturæ perpetua, & Iure ciuili sumpta. Filius herilis ministris præfertur. Christus est filius DEI, & Angeli eiusdem ministri.

E 4

Ergo



# EPISTOLA

Ergò Christus Angelis præstantior est. Sumitur autem prior pars huius testimonij, ex 2. Psalmo, posterior ex 7. capite, 2. libri Regum.

Dictum 2. Psalmi: Ego hodie genui te, Exemplo Apostoli, veteres eruditiores ad sempiternam filij DEI generationem rectè referunt: vt hodiè significet æternitatem. Æterna enim est filij generatio à patre, vt quæ nec præterierit nec futura sit. Sed alij referunt ad eam generationem, qua manifestatus est mundo. De quorum sententia dicemus infra capite quinto.

At testimonium ex 2. Regum 7. desumptum, etsi aliquibus videtur torqueri in alienum sensum, vtpote de Solomone intelligendum, Tamen Apostoli auctoritatem pluris facio, & rectè citari dictum arbitror, Et qui sit sensus promissionis eo in loco, alibi exponitur copiosius. Et iuuari possunt discentes hac etiam commonesactione: Sæpè typo tribui, quæ rectius Antitypo, hoc est, rei significatæ accommodentur. Cùm igitur Solomon Christi Typum gesserit, Ea quæ de illo, vt Typo, dici putantur, verius Christo Antitypo attribuuntur. Multa etiam typis tribui, quæ non nisi Antitypis conueniunt, haud dubium est.

Et rur-

L  
mogen  
rent e

eius qui  
Conclud  
Præstam  
rant. Ch  
stus An  
propositi

respectu  
trum qui  
lus Col. a  
primoge  
nitus qu  
ni patris  
cuius intell  
nitus, ed  
DE V  
uit. E  
optimis

Qui fa



AD HEBRÆOS.

Et rursus, cum introducit primogenitum in orbem, dicit: Et adorant eum omnes angeli Dei.

Secundum argumentum, à collatione eius qui colitur, & eorum qui ipsum colunt. Concluditur autem argumentum hoc modo, Præstantior est qui adoratur, quàm qui adorant. Christus adoratur ab Angelis. Ergo Christus Angelis est maior. Ponitur autem minor propositio loco totius argumenti.

Christus primogenitus dicitur duplici respectu, videlicet diuinitatis solius, & fratrum qui adoptantur. De priori modo Paulus Col. 1. Qui est imago DEI inconspicui, & primogenitus omnis creaturæ, hoc est, ante genitus quàm quicquàm conderetur, Ideoq; æterni patris filius. De posteriori respectu hic locus intelligendus est. Dicitur enim primogenitus, eò quòd excellat inter omnes fratres, quos DEVS in Christo vnigenito in filios adoptauit. Est enim naturalis filius præstantior adoptiuus.

Et ad Angelos quidem dicit:  
Qui facit angelos suos Spiritus, &

D 5

mini.



EPISTOLA

ministros suos flammam ignis. Ad filium vero: Thronus tuus Deus in seculum seculi, Virga rectitudinis, Virga regni tui. Dilexisti iustitiam, & odisti iniquitatem, propterea vnxit te Deus, Deus tuus, oleo exultationis præ consortibus tuis.

Tertium argumentum, à Relatiuorum gradibus sumptum. Rex præferendus est suis legatis & ministris, regia mandata obeuntibus. Christus est Rex, Angeli verò legati & ministri regij: Proinde Christus Angelis est præferendus.

Loco totius argumenti minoris probatio ponitur, cuius priorem partem, videlicet Angelos esse legatos & ministros Dei, probat testimonio Psalmi 104. In quo Psalmo David reuocat populo in memoriam beneficia Dei, inuitatq; ipsum, vt DEO secum sit gratus, pro tam mirandis & immensis beneficijs. Texitur autem in principio Psalmi longa narratio variorum operum Dei, inter quæ & hoc numerat David, quòd Deus faciat Angelos suos Spiritus, & ministros suos flammam ignis. Et si a-

fi autem  
pliciter  
per com  
ventos  
ferè co  
suos ve  
Tamen  
mentatio  
sequar e  
ventos,  
mam ig  
non intel  
ea natur  
dat. Psal  
stare vim  
est. Nam  
filium d  
quentib

testimoni  
mus est  
sti, de  
In huius  
sunt ver  
diuinitat  
centia &



A D H E B R A E O S.

si autem existimant aliqui, Psalmum non simpliciter de Angelis & eorum substantia, sed per comparationem loqui, hunc in modum, ut ventos & fulmina comparet Angelis, in hanc ferè comparationis sententiam: Facit ventos suos ut Angelos, & fulmina ut ministros suos, Tamen iterum autoritate Apostoli eiusq; argumentatione moueor, ut aliam potius sententiam sequar & amplectar, Facit Angelos suos ut ventos, & ministros suos ut fulmina seu flammam ignis, Nam naturam Angelorum, etsi non intelligimus in hac caligine: tamen quibus ea naturis corporalibus quàm proximè accedat, Psalmi dictum ostendit. Et hoc modo constare vim argumentationis Apostoli certissimū est. Nam ventis aut fulminibus non conferri filium DEI, ex antecedentibus, & mox consequentibus dictis constat.

Posteriores partem minoris confirmat testimonio desumpto ex Psalmo 45. Qui Psalmus est prophetia de regno & Euangelio Christi, de sponso Christo, & eius sponsa Ecclesia. In huius regis & sponsi Ecclesie descriptione, sunt verba ab Apostolo nostro adducta, quæ de diuinitate, humanitate, regia Christi magnificentia & regni eius forma concionantur. Cum enim



EPISTOLA

enim dicit: *Thronus tuus* *ô DEVS* *in seculū seculi*, id est *in perpetuum*, alloquitur *Messiam*, quem *Deum* nominat, cui tribuit *regnum perpetuum*, quod nequaquam *Solomoni* competit. Cum addit: *virga seu sceptrum rectitudinis*, *virga regni tui*, *Christi regnum* à mundi impijs imperijs separat. Nam *Christi regnum rectitudinis* est & *æquitatis*: cuius rei causam subiungit cum inquit: *Dilexisti iustitiam*, & *odisti iniquitatem*, hoc est, *Dilexisti iustos*, & *odio habuisti iniquos*. Ponitur .n. *Abstractum* pro *Concreto*. Verum quia non solum *Rex* est secundū diuinitatem, verumetiam *ratione officij assumpta humana natura*, additur: *Propterea vnxit te, ô DEVS, Deus tuus*, *oleo læticiæ præ consortibus tuis*, hoc est, *ô Christe*, qui es *uiuus* & *verus Deus*, cum *patre* & *Spiritu sancto*, *Deus pater*, te *hominem factum*, *oleo læticiæ præ consortibus tuis*, hoc est, *Spiritu sancto vnxit in perpetuum regem*, *Prophetam* & *Sacerdotem*: *Idq; præ consortibus*: hoc est, *Regibus*, *Prophetis* & *Sacerdotibus*, quorum omnia officia in te vno concurrunt absolutissime. Nullus enim tibi similis fuit vnquam, Nam tu plenam in terris potestatem dimittendi peccata habes, tuum regnum est æternum: tu es sinu patris nobis attulisti verbum salutis: Tu de-

niq;

niq; vn  
sti pecca  
perunt  
vnctio  
pisti Sp  
de cuius  
cunq; sa

terram  
tuaru  
autem  
stimen  
Etum co  
Tu aut  
deficiu

Creatori  
creatur  
Christu  
verò c  
Christu  
torius a  
Psalm  
hoc mun  
Ecclesia



niq̃, vnico tuo sacrificio, totius mundi expia-  
sti peccata. Omnes proinde tui consortes acce-  
perunt Spiritum, cuius Symbolum fuit externa  
vntio, At tu Domine sanctus sanctorum, acce-  
pisti Spiritum, non ad mensuram, sed plene:  
de cuius plenitudine alios sumere oportet, qui  
cunq̃ salutem consequentur.

Et tu in principio Domine  
terram fundasti, & opera manuum  
tuarum sunt cœli, Ipsi peribunt, Tu  
autem permanes, Et omnes sicut ve-  
stimentum veterascent, ac velut ami-  
ctum conuolues eos, & mutabuntur,  
Tu autem idem es, & anni tui non  
deficient.

Quartum argumentum, à comparatione  
Creatoris ad creaturam. Maior est creator  
creaturis, & immutabilis mutabilibus. Sed  
Christus est Creator, & immutabilis, Angeli  
verò creaturæ & naturæ mutabiles. Igitur  
Christus maior est Angelis. Sola assumptio loco  
totius argumenti ponitur. Et est desumpta ex  
Psalmo 102. qui est oratio afflictæ Ecclesiæ in  
hoc mundo, In qua hæc confessio habetur, qua  
Ecclesia diuinitatem & potentiam Christi ag-  
noscit.



## EPISTOLA

nescit. Atq; inde fiduciam concipit sub cruce  
 & persecutionibus, quibus premitur, ut non  
 deleatur: sed hic sub cruce seruetur mirabiliter,  
 & postea immortalitate donata in omni æterni-  
 tate cum suo liberatore Christo viuat. Porro  
 dictum illud: Ipsi peribunt, tu autem permanes,  
 intelligatur simpliciter iuxta Petri dictum, 2.  
 Pet. 3. Qui nunc sunt cæli, procellæ in morem  
 transibunt, & Elementa æstuantia igne soluen-  
 tur &c. Ex his enim & alijs diuinæ vocis te-  
 stimonijs Apostolos conciones suas de fine &  
 in nouatione cæli & terræ, quæ nunc sunt, de-  
 sumpsisse non dubitemus. Qui aliam sequuntur  
 sententiam, & dictum Psalmi per comparatio-  
 nem exponunt hunc in modum: Etsi cæli ipsi  
 perirent, Tu tamen non perires, non cum illis  
 deficeres, sed idem maneres, cui iam facile est  
 cælos conuoluere, quam facile est homini ami-  
 ctum conuoluere, Quod cum Angelis negatum  
 sit, Christus multo eis est præstātor. Hanc ergo  
 sententiam qui sequuntur, non vident Argu-  
 mēti se emphasim prorsus & enervare & amit-  
 tere, quod à comparatione rerum creatarum  
 cum creatore Deo ac Domino harum Aposto-  
 lus instituit. Ideo priorem simpliciore & A-  
 postoli Petri testimonio certam sequor & am-  
 plector.

Ad

dixit  
 is, D  
 bellu  
 sunt  
 nister  
 redes

honori  
 ior est  
 gnat, y  
 CHRIS  
 gnat, A  
 CHRIS  
 notis v  
 videlic  
 sumit  
 eterno  
 surretti  
 officio  
 admi  
 missi  
 tis?

stantia



AD HEBRÆOS.

*Ad quem autem Angelorum dixit aliquando : Sede à dextris meis, Donec ponam inimicos tuos scabellum pedum tuorum. Nonne omnes sunt administratores Spiritus, in ministerium missi propter eos, qui hæredes erunt salutis?*

*Quintum argumentum à comparatione honoris Christi & ministerij Angelorum. Maior est qui æquali gloria cum DEO patre regnat, ihs, qui diuino subiiciuntur imperio. At CHRISTVS æquali gloria cum DEO patre regnat, Angeli verò diuino subiiciuntur imperio. CHRISTVS igitur maior est Angelis. Minoris utraque pars expressè ponitur. Prior, videlicet, de Christi eminentia & maiestate sumitur ex Psalmo 110. qui est prophetia de æterno Christi regno, Sacerdotio, passione, resurrectione & victoria. Posterior sumitur ab officio Angelico. Nonne (inquit) Omnes sunt administratores Spiritus in ministerium missi propter eos, qui hæredes erunt salutis? Hæc pars tria continet de Angelis.*

*Primum enim ostendit, quæ sit substantia Angelica, videlicet, spiritualis. Sunt enim*

*Ad*



EPISTOLA

enim Angeli Spirituales naturæ, quemadmodum & animæ hominum.

Deinde, quòd Angeli sint ministri DEI, ut illorum nomen sonat, Angelus, id est, minister.

Præterea quod illorum præcipuum munus sit hæredibus salutis, hoc est, Ecclesiæ Christi servire, Nam, ut Psalmus inquit: Castametatur Angelus Domini in circuitu timentium eum.

Hinc primum confirmatur, quòd plurima sit Deo cura electorum suorum, quos tantis præsidijs munit aduersus Satanam, & aduersus multos incidentes casus. Deinde confutatur hoc loco deliramentum Sadducæorum, qui nihil aliud angelos putarunt esse, quàm motus diuinitus hominibus inspiratos.

Monemur præterea, ne hos castissimos Spiritus custodes nostros à nobis impuris moribus repellamus: sed ut potius gratissimus Deo animi & corporis puritate, Illi soli Angelorum Domino seruientes, & gratias agentes pro Angelico ministerio.

Caput



AD HEBRÆOS.

# CAPVT

SECVN.

DVM.

## SVMMA CAPITIS SECVNDI.

**Q**uoniam Christus maior est Angelis, par est vt doctrinam ipsius accuratius audiamus, ne in pœnam contumaciæ incurramus. Etsi autem Christus Passionis tempore, Angelis quodammodo inferior visus est, gloria tamen & honore coronatus regnat. Vt quos à morte liberauit, eosdem in gloriam euectus æterna donaturus sit gloria.

## ORDO ET PARTES SECVNDI CAPI- TIS.

**E**X doctrina primi capitis extruit propositionem exhortatoriam, videlicet, vt Christum audiamus, & propositioni confirmationem subiungit. Deinde Prolepsis digreditur in doctrinam de Christi humanitate, & eius cau-  
E sis.



# EPISTOLA

sis. Atq, ita duæ sunt partes huius Capituli  
Prior Exhortatoria, constans propositione &  
confirmatione, Posterior Didactica, quæ simi-  
liter propositione & confirmatione absolvitur.

## EXEGESIS SECVN- DI CAPITIS, CVM OB- servatione doctrinarum.

Quamobrem oportet nos ma-  
gis attendere ijs quæ audiuius, ne  
quando diffluamus.

Propositionis Exhortatoriæ illatio ex  
primo capite, Christus filius Dei supra omnia  
est. Igitur Euangelio ipsius obtemperare opor-  
tet. Antecedens huius Enthymematis cum  
sua propositione, est totum primum caput. Con-  
sequens, est prima huius capituli propositio.

Duæ sunt hîc voces obseruandæ, prior  
est προσέχων, attendere, id est, mentem adhi-  
bere, menteq, audita continere, Posterior πα-  
ραρρέων, diffluamus. Metaphora sumpta à  
pertusis & rimosis vasis, quæ infusum liquorem  
non continent. Est igitur sensus, ut ita au-  
diamus verbum, ne vani & ignavi simus au-  
ditores.

Con-



AD HEBRÆOS.

*Confirmatur hîc ministerium verbi, & monstratur necessitas audiendi verbi.*

*Confutantur Anabaptistarum Enthusiasmi, Qui homines à vocali verbo auocant, ad Satanicas illusiones.*

*Taxantur Epicurei, qui consuetudinis tantum gratia verbum audiunt, nihil continere valentes.*

*Si enim qui per Angelos dictus est sermo, factus est firmus, Et omnis præuaricatio & inobedientia accepit iustam mercedis retributionem, quomodo nos effugiemus, si tantam neglexerimus salutem?*

*Ratio propositionis à minori ad maius. Inobedientia erga verbum, ab Angelis propositum, grauiter est punita, Multo magis inobedientia erga Christi Euangelium punietur. Vocat autem Euangelium salutem, eò quòd instrumentum sit salutis. Vnde docemur, quòd quemadmodum salus offertur per Euangelium: Ita absq; Euangelio nemini contingat. Qui igitur Euangelium spernunt, suæ*  
E 2\_ salutis



EPISTOLA

salutis ὁ ἄριστος adeoq̄ salutem ipsam auersatur.

Quæ cum enarrari ceperit per Dominum, ab ijs qui ipsum audiuerant, fuit nobis confirmata.

Digressiuncula Exetica est admodum oportuna. Postquam enim audiendum salutis verbum dixerat, commodè de ipsius fonte seu autore, propagatione, atque certitudine monet. Fons seu autor est dominus ipse, qui & sua víctima salutis olim promissæ mysterium peregit, & voce propria Euangelium salutis hominibus commendauit. Propagatum est verbum salutis per eos, qui ipsum audiuerunt, hoc est, per Apostolos, quos huius salutis testes emisit in mundum, Videlicet, vt testarentur de salute per Christum parta. Confirmatum in nos, id est, nobis (inquit) ab auditoribus ipsius. Huius autem confirmationis modum subiungit his verbis.

Attestante Deo signis, & portentis, & varijs virtutibus, & Spiritus sancti distributionibus, secundum voluntatem ipsius.

Quia



AD HEBRÆOS.

Quia Dominus suam doctrinam miraculis, veluti quibusdam solennibus & autenticis sigillis, ad medendum infirmitati humanæ, ac vacillantibus animis hominum, confirmare dignatus est. Hic Apostolus noster, quatuor miraculorum genera recitat, quibus veritas Euangelij nobis consignata est.

Est autem miraculum factum DEI extraordinarium, & inusitatum, hominum animos in admirationem abducens, huius quatuor genera, ut dixi, enumerat autor.

Ac primo loco, Signa ponit, quæ ita dicuntur, quod mentes hominum excitent, ad considerandum aliquid amplius, quam quod foris apparet. Christus sanat sola voce surdum & mutum: hoc signum excitat spectatorum mentes, ad aliquid altius cogitandum: videlicet, quod Christus diuina potentia sit præditus, & quod sit verus Messias, tametsi hoc foris non apparebat.

Deinde portenta ponit, quæ ita dicuntur, quia nouum aliquid & inusitatum continent. Nouum siquidem & inusitatum fuit hominem mortuum excitare sola voce.

Græci σημεῖα & τέρατα ita distinguunt, ut, τέρατα portenta sint præter naturam:

E 3

σημεῖα



EPISTOLA

σημεῖα verò signa præter consuetudinem. Sanatio febricitantis, non fit præter naturam. Nam per naturam potest sanari febricitans: Sed quod socrus Petri febricitans, sola Christi voce fit restituta sanitati, præter consuetudinem fuit. Ideo eius sanatio signum fuit, non portentum. Mortuum hominem vitæ restituere, præter naturam fit. Nam per naturam haudquaquam vitæ mortuus restitui potest. Quare portentum fuit, quòd Christus Lazarum iam in sepulchro fætentem excitavit.

Addit tertio loco VARIAS VIRTUTES, seu POTENTIAS, quibus Christi Spiritus in sanctis efficax fuit, suā virtutem peculiarem ostendens. Harum virtutum genera ad Corinthios, 1. Corinth. 12. multa recitat Apostolus: quibus DEVS Ecclesiam primitivam ornauerat.

Quarto, Spiritus sancti distributiones ponit, quibus non solum die Pentecostes obsignavit Euangelium, verumetiam sæpenumero in Apostolica Ecclesia ad preces Apostolorum imponentium hominibus manus. Hæc miracula, tanquam sigilla veritatis DEI esse nobis debent: quorum vsus perpetuò durabit in Ecclesia, qui nullus alius est legitimus & verus, quàm obsignatio doctrinæ cælestis.

Et quan-

cula non  
edita mi  
to per o  
bant :  
Augusti  
tempora  
per visibi  
frigesce  
flagrant  
is esse  
panci  
lis persua  
mus.

DEV  
loquima

mat argu  
tior est,  
punire.  
lis, nō da  
lio punire  
confirmat  
bet orben



A D H E B R A E O S.

Et quanquam hodie huiusmodi miracula non eduntur, tamen perpetuò ad illa olim edita miracula respicere oportet: quæ confirmato per orbem Euangelio Christi, cessare debebant: non quidem usu, sed facto. Ita enim Augustinus ait: Nec miracula illa in nostra tempora durare permissa sunt, ne animus semper visibilia quæreretur, & eorum consuetudine frigeret genus humanum, quorum nouitate flagrauit. Nec iam nobis dubium esse debet, ijs esse credendum, qui cum ea prædicarent, quæ pauci assequuntur, se tamen sequendos populis persuadere potuerunt. Hactenus Augustinus.

Non enim Angelis subiecit  
DEVS orbem futurum, de quo loquimur.

Redit vnde digressus est, & confirmat argumentum superius positum: Qui potentior est, potest seuerius contumaces aduersus se punire. Cum igitur Christus potetior sit Angelis, nõ dubiũ est quin inobedientes in Euangelio punire possit. Loco totius argumenti minoris confirmationem posuit. Si enim Christus habet orbem sibi subiectum, certè potentior est

E 4

Ange-



# EPISTOLA

Angelis, quibus orbis non est subiectus. *OR-*  
*BEM* futurum, vocat, per Christi aduentum  
 renouatum: vetustus ille, peccato Adæ corru-  
 ptus est, sed hic nouus, per Christū instauratus  
 est, qui quidem incepit à Christi resurrectione,  
 Sed consummabitur excitatis mortuis in extre-  
 mo die, & communicata electis *DEI* gloria im-  
 mortalitatis.

At testatus est in quodam loco  
 quidam dicens: Quid est homo, quod  
 memor es eius? aut filius hominis, vt  
 visites eum? fecisti eum paulisper in-  
 feriozem Angelis, Gloria & honore  
 coronasti eum, & constituisti eum  
 super opera manuum tuarum. Omnia  
 subiecisti sub pedibus eius. In eo au-  
 tem quod ei subiecit omnia, nihil omi-  
 sit, quod non esset ei subiectum.

Obiectio Aduersariorum, atq; eius so-  
 lutio à distinctione temporis, & circumstantia-  
 rum sumpta. Obiectio hæc est: Christus non so-  
 lum homo est, similem expertus cum alijs homi-  
 nibus calamitatem: verumetiam visus est om-  
 nium

nium  
 passus  
 Apost  
 sumpt  
 ceret  
 Chris  
 supera  
 iam vi  
 sunt, i  
 um ad  
 de Ar  
 presen

omni  
 ipse Cl  
 or, te

hoc P  
 dum b  
 filium  
 glori  
 ferma  
 Nam  
 admi  
 num:  
 affect



nium hominum abiectissimus, ob mortis quam passus est infamiam. Huic obiectioni respondet Apostolus, verbis prophetæ, ex Psalmo 8. desumptis, idq; per distinctionē (vt dixi): ac si diceret, fateor quidem valde fuisse humiliatum Christum per crucem, sed mox crucis supplicio superato & morte victa, gloriose resurrexit, cui iam victori & triumphatori omnia subiecta sunt, in cælo & in terra. Vt autem testimonium adductum clarius introspeciamus, nonnihil de Argumento Psalmi, & eius applicatione ad præsentem locum dicendum videtur.

Est autem hic Psalmus Encomiasticus, omnino de Christo intelligendus, quemadmodum ipse Christus, Matth. 21. Et Paulus ad Ephesios, testatur.

Celebrat enim David ipsum DEVM in hoc Psalmo, propter nunquam satis admirandum beneficium, videlicet, quod dederit nobis filium suum Iesum Christum, vt sit nobis Rex gloriosus, Triumphator Diaboli, mortis & inferni. Cum Exordio finis Psalmi idem est. Nam vt orditur ab affectu cordis, & stupenda admiratione bonitatis DEI erga genus humanum: Ita Psalmum claudit eodem admirationis affectu. Quis enim satis bonitatem DEI, &



## E P I S T O L A

Ὡς ἀνθρώποις, ob hoc tam eximium benefici-  
um satis admirabitur?

Exordio subiungit gratiarum actio-  
nem: quam vniuersa terra debet DEO ob su-  
am immensam bonitatem, adeò vt etiam in-  
fantes & lactentes in cœlo, hoc est, in cœtu fi-  
delium, virtutem DEI sint prædicaturi, hui-  
us rei specimen exhibuerunt CHRISTO  
pueri, cum die Palmarum intraret Ierusalem.  
His subiungit David verba, quæ Apostolus hic  
adducit, Quid (inquit) est homo quod me-  
mor es eius? Admiratio est, quod DEVS tan-  
tam gerat curam humani generis. Aut filius  
hominis qui visitas eum? Repetitio est ei-  
usdem sententiæ per admirationem, mutata  
tantum sermonis figura. Atq; hæc de homine in  
genere dicta intelligatur: Quæ autem sequun-  
tur, ad filium DEI hominem factum referenda  
sunt. Et minuiisti eum paulo minus ab An-  
gelis. Hæc ratio admirationis est, minuiisti eū,  
id est, Christum, scilicet, per passionem & mor-  
tem. Gloria & honore coronasti eum, sci-  
licet, per gloriosam resurrectionem & victori-  
am: Et constituiisti eum supra opera ma-  
nuum tuarum, videlicet, vt omnium re-  
rum



A D H E B R A O S.

rum plenum dominium habeat, adeò vt fleat  
se omne genu coram ipso, cœlestium & terre-  
strium & inferorum. Omnia subiecisti sub  
pedibus eius. Eiusdem sententiæ repetitio  
est, per mutuam Relatiuorum collationem. Si  
igitur Christus est supra omnia dominator con-  
stitutus, sunt sanè omnia illi subiecta, Vnde  
Apostolus noster infert ex verbis Psalmi: In  
eo enim quod omnia illi subiecit, nihil  
omisit non subiectum ei, Quare sequitur  
quod supra dixerat, Angelos etiam ei subie-  
ctos esse.

At nunc nondum Videmus  
omnia subiecta ei.

Obiectio contra solutionem. Tu di-  
cis quidem omnia CHRISTO subiecta esse,  
sed nusquam eius eminentia apparet in ipsius  
regno, quod est Ecclesia. Membra CHRISTI  
multis modis affliguntur: huic obiectio-  
ni respondet Apostolus, hoc pacto:

Sed ipsum qui paululum immi-  
nuitur



ET ISTOLA

nutus fuit ab Angelis, Videmus Ie-  
sum propter passionem mortis, Glo-  
ria & honore coronatum esse.

Responsio ad obiectionem, per concessio-  
nem & correctionem. Sensus autem est: Tame-  
si non apparet Christo omnia subiecta esse, ta-  
men reuera vniuersorum Dominus constitutus  
est, per resurrectionem, & breui futurum est,  
vt suum imperium palam exerceat resuscitatis  
mortuis.

Oratio Apostoli, Synchresi nonnihil tur-  
bata, si tantum rectè distinguatur, hoc modo  
illustrari potest. Sed Iesum ipsum videmus  
gloria & honore coronatum, qui paululum seu  
paulisper fuit imminutus ab Angelis (hoc est,  
inferior Angelis) propter passionem mortis  
(hoc est, vt pati mortem posset): hic enim parti-  
cula dicitur, vt sæpius aliàs, causam finalem no-  
tat.

Tempus ergo humiliationis, fuit passio-  
nis tempus: quo peracto & victa morte, gloria  
& honore coronatus est, vt qui D E O æqualis  
sit.

Sed quomodo videmus hanc Christi  
glori-



A D H E B R Œ O S.

gloriam? Ascendens in altum, dedit dona hominibus: in quibus donis Christi gloria conspicitur. Multos ornauit donis, edendi miracula: Multos inuicta fidei constantia in confessione munivit. In omnibus credentibus suam efficacitatem ita declarat, ut oculis fidei clarissime intueantur Christi gloriam.

Vt Gratia Dei pro omni gustaret mortem.

Causam & fructum passionis Domini addit, ut doceat, Christum non sine grauissima causa, adeo diminutum fuisse. Ideo enim passus est, ut sua passione pro omnibus satisfaceret, hoc est, ut sua victima omnium in se credentium expiaret peccata, & communicaret suam iustitiam ad vitam æternam. Hic igitur obseruamus omne humanum meritum, quoad expiationem peccati attinet, eueriti.

Gustandi verbo, significatur victoria super morte, quod Christus non sit absorptus morte, sed à morte surrexerit. Cum dicit, pro omni, collectiue intelligendum est, ut sciamus, nec Iudæos, nec gentes à Christi beneficio excludi, modò in ipsum credere non recusaerint.

Dece-



EPISTOLA

Decebat enim eum, propter quem omnia, & per quem omnia, qui multos filios in gloriam abduceret, autorem salutis eorum per passionem perficere.

Ratio alia, cur assumpta natura humana pati oportuerit Dominum, à patris aeterno decreto, seu, à causa efficiente, & fine conditionis omnium. Est enim DEI aeternum decretum, humiliare antequam exaltet.

Quia autem in verbis Apostoli quaedam videtur esse obscuritas, sensum in hunc modum reddamus. Decebat DEVM patrem (quia humiliare solet primum quos decreuit exaltare) perficere, hoc est, consecrare, Filium, in ducem & autorem salutis filiorum DEI, idq; per passionem eius: videlicet, vt confirmatio quaedam capitis & membrorum fieret.

Hic præter locum proprium, qui est de fructu passionis Dominicæ, obseruemus crucem ex decreto DEI, veluti gradum quendam esse ad gloriam. Huius ergo decreti DEI  
cogita.



A D H E B R Œ O S.

cogitatione se erigant fideles, quoties grauius  
cruce premantur.

Verbum τελεῖν, vsum habet in sa-  
crificijs, & significat propriè consecrare in ho-  
stiam, vel hostiam facere, τέλει enim dice-  
bantur plenæ & perfectæ hostiæ, in quibus ni-  
hil desiderabatur, & τελείωσις initiatio est,  
per Sacrificium, vnde Baptismus Græcis τε-  
λείωσις dicitur.

Nam & qui sanctificat, &  
qui sanctificatur, Ex vno sunt om-  
nes.

Ætiologiam petit ab eiusdem naturæ  
participatione, ac si dicat: Christus, qui per  
passionem consecrat & sanctificat, & creden-  
tes, qui ab eo, tanquam summo Sacerdote, con-  
secrantur & sanctificantur, ex vno sunt omnes,  
hoc est, eiusdem naturæ, videlicet humanæ, ex-  
istunt. Et si enim Christus, si naturam diuinam  
respicias, verus est D E V S, æqualis patri: tamen  
homo natus, particeps est humanæ naturæ cum  
alijs hominibus. Quare vt ex vna materia sunt,  
ita persimilis est ad gloriam gradus. Sunt qui  
ita exponunt. Et qui sanctificat, & qui sanctifi-  
cantur, ex vno, scilicet, Adamo, sunt omnes sed  
sensus idem manet.

Pro-



EPISTOLA

Propter quam causam non erubescit fratres eos vocare, dicens: Annuntiabo nomen tuum fratribus meis, & in medio Ecclesiae laudabo te.

A pronuntiatis probat humanitatem Christi, unde textitur argumentum à natura relatiuorum: Christus vocat sanctificatos fratres suos. Igitur cum illis eiusdem naturae est, seu communem patrem habent, nempe Adam. Sumptum est autem hoc testimonium ex Psalmo 22. qui continet insignem prophetiam de Christo. Nam eius Sacerdotium, & regnum describens: Orationem, passionem, mortem & resurrectionem exponit, & simul vaticinatur de propagatione & amplitudine regni Christi.

Et iterum, Ego ero fidens in eum.

A proprio hominis humanitatem Christi probat. Solius hominis est DEO fidere, Christus fedit DEO, Igitur homo. Testimonium hoc ex 18. Psalmo desumptum est, Qui est Gratiarum actio Davidis, quòd suos hostes profligauerit



A D H E B R Œ O S.

uerit ac vicerit, verum quia David in eo Psalmo typum Christi gerit, rectè Psalmus ipsi Antitypo accommodatur, Iuxta regulam: Quæ Typis tribuuntur, rectè Antitypis accommodantur.

Et rursus, Ecce ego & pueri, quos dedit mihi Deus.

Argumentum à communitate naturæ, patris & liberorum. Sunt enim pater & filij eiusdem naturæ, etsi multiplicatæ in pluribus. Hoc testimonium sumptum est ex octauo capite Esaïæ: ubi Propheta vaticinatur de ruina regni Israël, & regni Iuda, atq; adeo ciuium sanctæ ciuitatis Ierusalem. Ac simul per os Prophetæ filius Dei orat, vt Deus doctrinam Propheticam in aliquorum discipulorum mentibus obsignet, obsignatamq; conseruet. Precationi subiungit hanc confessionis & fiduciæ vocem: Ecce ego & pueri, quos dedit mihi Deus, in signum & prodigium Israël, à Domino exercituum qui habitat in Syon.

Quia ergo pueri communicarunt carni & sanguini, & ipse similiter participauit eisdem.

F

Ex



EPISTOLA

Ex adductis Prophetæ verbis, Aposto-  
lus Argumentum in hunc modum extruit. Pa-  
ter & pueri eiusdem sunt naturæ, At pueri  
Christi humanæ naturæ sunt participes, Igitur  
& Christus homo existit, humanæ naturæ con-  
sors.

Vt per mortem destrueret  
eum, Qui mortis habebat imperium,  
hoc est, Diabolum.

Postquam de assumpta humana natu-  
ra, & de humiliatione differuit satis, nunc com-  
modè istius mysterij causas finales subiungit,  
ac inter eas primam ponit, destructionem, seu  
abolitionem imperij Satanae, iuxta primam con-  
cionem post lapsum primorum parentum de re-  
paratione, in qua concione Deus pater serpenti,  
idq; audientibus primis parentibus, vt inde fi-  
dem reconciliationis conciperent, dixit: Semen  
mulieris conteret caput serpentis, quod Iohan-  
nes interpretatur his verbis: Christus apparuit,  
vt dissoluat opera Diaboli, hoc est, peccatum  
& mortem, placata ira Dei. Per corporis enim  
mortem, vt ait Ambrosius, mortis vincula dis-  
soluit.

Et

tis p  
seru

sump  
sultu  
num g  
soluto  
nouit  
mus  
huma  
ipse su  
ceret, q  
ta, iust  
in filio

mit,

huma  
fectu  
manu  
necessa  
sanguis  
quam



AD HEBRÆOS.

Et liberaret eos qui metu mir-  
tis per omnem vitam obnoxij erant  
seruituti.

Secundus finis, atq; adeo præcipuus as-  
sumptæ humanæ naturæ, in qua mortem cruci-  
sustinuit, videlicet, vt liberum redderet huma-  
num genus à iure peccati & mortis, Deo per-  
soluto λύτρω. Vnde 2. Corint: 5. Eum qui non  
nouit peccatum, fecit peccatum, vt nos fiere-  
mus iusticia Dei in eo, hoc est, reatum totius  
humani generis Deus pater imposuit filio, &  
ipse sua victima expiatoria pro peccato satisfi-  
ceret, quo nos, Christi obedientia nobis imputa-  
ta, iustificaremur coram Deo & adoptaremur  
in filios.

Non enim sanè Angelos assu-  
mit, sed semen Abrahamæ assumit.

Amplificat collatione, quod dixerat de  
humana natura Christi, idq; non solum vt af-  
fectum Christi ardentissimum erga genus hu-  
manum doceat, verumetiam vt ostendat quàm  
necessarium fuerit nos in naturalem carnis &  
sanguinis Christi societatem venire, & tan-  
quam in vnâ carnem seu naturam coalescere,

F 2 in



# EPISTOLA

in qua natura, quod in capite lueretur, cæteris membris omnibus tanquam proprium imputaretur.

Tametsi autem hæc corporalis Christi nobiscum communitas, non satis est nobis ad fœlicitatem, nisi spiritualiter ei sociemur: tamen nulla nobis ad spirituales societatem patet via, sine hac naturali societate, & cognatione, quæ aded arcta est, ut in Christo vna duntaxat Dei & hominis persona subsistat. Ut verè dici possit, Deum hominem factum esse, seu, ut Iohannes loquitur, Verbum carnem factum esse. Ab hac artissima societate procul abest Angelica natura. Nequaquam enim verè dici potest, Deum angelum esse factum.

Quocirca crucis illud supplicium, quo nos patri Christus reconciliauit, & pro nobis hominibus soluit perfectissimum λύτρον, nihil quicquam Angelis præuaricatoribus contulit, ad tollendam simultatem, qua à Deo erant dissociati: quia nullam habent cum Christo naturæ societatem.

Ex hoc loco primùm discamus, quàm necessaria fuerit illa Christi nobiscum naturæ communio, sine qua nulla ad salutem patebat via.

Deinde cogitetur, quantus fuerit amor  
 filij

filij d  
 milare  
 in vni  
 homo

est an  
 dias, n  
 fientia

nostra  
 Quod  
 crucij  
 na me

nia e  
 & j  
 erga  
 popu

fas e  
 assum  
 stus.

Christi



AD HEBRÆOS.

filijs DEI erga genus humanum, qui se adeò hu-  
miliare voluit, quòd massam nostram assumeret  
in vnionem personalem, vt DEVS verè sit  
homo factus.

Tum huius facti cogitatione erigendus  
est animus noster, aduersus omnes Satanae infi-  
dias, modò ne turpissimè hac tanta DEI bene-  
ficientia abusi fuerimus.

Hinc quoq, nobis pudor incutiatur, si  
nostra nos ingratitude ea frustrari patiamur:  
Quod certè facimus, si huic Christo pro nobis  
crucifixo, non viua fide coalescimus, vt eius vi-  
ua membra efficiamur.

Vnde fratribus debuit per om-  
nia esse similis, vt misericors esset  
& fidelis pontifex, in eis quæ sunt  
erga Deum, ad expiandum peccata  
populi.

Conclusio est, in qua altius repetit cau-  
sas cur æternus λόγος humanam naturam  
assumpserit, vt DEVS & Homo sit vnus Chri-  
stus.

Et quia summam doctrinæ de sacrificio  
Christi continet hæc pericopa, eam retexam, quo

F 3

clarius



## ΕΠΙΣΤΟΛΑ

clarius, quid doctrinae in se contineat, perspicitur: Sunt itaq; 5. partes.

PRIMA: Quod Christus fratribus per omnia similis esse debuerit, Quantum scilicet ad essentiam carnis, & alias proprietates, utpote infirmitates & affectus proprios humanae naturae attinet, non quantum ad aduentitias qualitates peccatricis carnis, nec quantum ad personales infirmitates, certorum scelerum poenas.

SECUNDA pars, Quod ideo filius DEI factus sit homo, ut fieret Pontifex, Mediator inter DEVM & homines, verus DEVS & verus homo.

TERTIA pars huius pericopae, est descriptio huius pontificis ab affectu ipsius erga homines, pro quibus offerret, & fide erga Deum cui offerret, Nam ut legitimus, verus ac fidus DEO est pontifex, ita misericors & Χάριτος Θεός est erga populum, pro quo se offert.

QUARTA pars, Quarumnam rerum sit pontifex, nempe diuinarum, ut scilicet, in ijs quae nos DEO conciliant, suo fungeretur Sacerdotio.

QUINTA pars, finem sacerdotij Christi indicat, qui est placata ira Dei, expiare peccata populi



A D H E B R A E O S.

populi, hoc est, ut sua victima persolveret precium, satisfaceret iusticiae DEI, & placaret iram DEI. Quam ob causam à Paulo propiciator dicitur, qua appellatione tria significantur.

Primum, quod hic propiciator offerat pro nobis sua merita.

Secundum, quod idem persolvat poenam nobis debitam.

Tertium, quod idem applicet nobis sua merita, & suam solutionem, atque hoc est, quod ipse Dominus ait apud Iohannem, cap. 17. Ego me pro eis sanctifico.

Nam in hoc quod accidit illi tentatio, potest tentatis opem ferre.

Hoc ad fiduciam in nobis alendam pertinet. Nam cum filius DEI assumpta nostra natura expertus est humanas miseras, idoneus esse conuincitur, qui alijs miseriis succurrat.

C A P V T  
TERTIVM.

SVMMA CAPITIS  
TERTII.

Cum Christus, quem confitemur esse nostrum Apostolum & pontificem, maior sit  
F 4 Moyse,



## EPISTOLA

Moyse, par est vt ipsum, vtpote Dominum domus, ac filium DEI, magis audiamus quam Moysen, qui tantum pars erat domus & seruus DEI, quod nisi fecerimus, cum incredulis Iudeis, qui in deserto prostrati sunt, puniemur, promissa requie exclusi.

## ORDO ET PARTES CAPITIS TERTII.

**E**X doctrina superioris capitis, digreditur in Exhortationem. Postquam enim docuit in secundo capite, Christum DEVM & hominem esse, adeoq; verum pontificem, tempestiuè hic in tertio Exhortatoriam propositionem infert, vt cogitemus quantus sit: quo ipsum audiuius audiamus. Deinde Exhortationem ipsam rationibus quibusdam confirmat. Sunt proinde huius capitis, quod est generis Suasori, duæ partes, propositio & confirmatio.

## EXEGESIS TERTII CAPITIS CVM OB- seruatione doctrina- rum.

Vnde



Vnde fratres sancti, vocatio-  
nis cœlestis participes, considerate  
Apostolum & Pontificem confes-  
sionis nostræ Christum Iesum.

Hæc propositio Suasoria, extruitur ex  
doctrina superioris capituli. Obseruandum est  
autem, quod, quemadmodum in propositionibus  
suasorijs fieri solet, admisceantur propositioni  
rationes, quæ veluti in vnum corpus cum pro-  
positione ipsa coeunt, quas Dialecticus rete-  
xet, vt seorsim propositio ipsa conspiciatur, ac  
deinde propositioni accommodentur rationes,  
quibus vestita & ornata fuit, vt ex singulis  
rationibus cum propositione singula extruantur  
Enthymemata.

Est autem hæc propositio: Christus à  
vobis audiendus est. Rationes autem, quibus  
hæc vestitur propositio, sunt plures.

Prima sumitur à vocationis dignitate.  
Vos Sancti estis, cœlestisq; vocationis partici-  
pes.

Secunda, Christus est vobis Apostolus  
à Deo missus,

Tertia, Vos confitemini Christum esse  
summum pontificem vestrum.



## EPISTOLA

*Hæ tres rationes in propositionis complexu sunt, ex quibus dum concluditur propositio, Tria nascuntur Enthymemata.*

*Nos hanc exhortationem nobis accommodemus, cogitemus de vocatione nostra, perpendamus quantus qualisq; sit Apostolus Christus, nobis à DEO missus, cogitemus nullum accessum nobis patere ad patrem, sine hoc nostro pontifice, quem nisi audierimus, actum est de salute nostra.*

*Qui est fidelis ei qui fecit ipsum.*

*Ratio propositionis ab adiunctis, Christus est Deo patri, qui fecit ipsum & constituit illum Apostolum & Pontificem, fidelis. Igitur audiendus est, & in precio habendus, Hanc rationem, si ad Thesin transferimus, monemur, vt ministris Euangelij, hoc est, Christi seruis fidelibus, non minus quàm ipsi Christo obediamus. Nam is est qui per eos loquitur, Quemadmodum ipse testatur Matth. 10. Qui vos audit, me audit. Contrà verò infidelibus in ministerio, & ea quæ Christi non sunt doctibus, nulla obedientia debetur.*

*Sicut*



Sicut Moses in tota domo eius.

*Ætiologia à comparatis. Moses fuit dignus qui audiretur, etsi tantum servus erat. Igitur Christus multo magis dignus est, utpote filius Dei. Hunc esse germanum huius argumenti sensum totus contextus conuincit. Exæquatio igitur hæc non ad dignitatis æqualitatem (quomodo enim paris dignitatis erunt filius & servus) sed ad fidelitatis commendationem pertinet. Vterq; enim fidelis filius & servus, etiamsi dispares dignitate, & gloria. Hæc explicatio nostra confirmatur sequentibus argumentis.*

*Usus huius loci est, ut ministri DEI & præcones verbi intueantur in exemplum Moses, eumq; fide & diligentia imitentur. Huc illud Pauli, 1. Corinth: 4: Sic nos existimet homo, tanquam ministros Christi & æconomos mysteriorum DEI. Quod autem reliquum est, quæritur in æconomis, ut fidelis quisq; inueniatur.*

*Ampliori enim gloria ipse præ Mose dignus est habitus, quanto maiorem*



EPISTOLA

*iolem honorem habet, quàm domus,  
is qui fabricauit illam.*

*Declaratio est collationis, in qua Christi-  
sum Mosi præfert, ut audiatur Christus ma-  
iori cum reuerentia. Conclusio et maior propo-  
sitis expresse ponuntur. Argumentum autem  
hoc modo licebit absolvere. Architectus domus  
est ipsa domo dignior, Christus est Archite-  
ctus domus, Moses verò pars quædam domus,  
Christus igitur Mose dignior est. Ut supra  
Christum Angelis, ita hic eundem Mose supe-  
riorem facit: ut cogitemus contumaces aduer-  
sus ipsum non euasuros esse digna supplicia.*

*Omnis enim domus construi-  
tur ab aliquo.*

*Illustrat argumentum proximum à cau-  
sa efficiente. Omnis domus ab aliquo construi-  
tur, Nam omne quod fit, ex aliqua causa fieri  
necesse est. Ecclesia igitur cum sit domus, ab ali-  
quo eam extructam esse necesse est. A quo au-  
tem sit extructa hæc domus, exponit autor cum  
subiungit:*

*Qui autem omnia construit  
Deus est.*

*Su-*

*mus al-  
esse, q  
um e  
us om  
hoc es  
sum 2*

*ta d  
testa  
vero  
eius.*

*Relati-  
lissim  
lus co  
Mosi p  
dus,*

*saici  
hoc  
accep  
Legi  
Atq  
Mose*



A D H E B R A E O S.

*Supra Christum architectum esse domus asseruit, hoc autem loco affirmat, DEUM esse, qui omnia construat. Vnde Christum Deum esse haud obscure concluditur. Nam si Deus omnia construxit, & Christus domum DEI, hoc est, Ecclesiam construxit, sequitur Christum Deum esse.*

*Et Moses quidem fidelis in tota domo eius, tanquam famulus in testimonium dicendorum, Christus verò tanquam filius super domum eius.*

*Argumentum à natura seu gradibus Relatiuorum, filius praefertur famulo, vel fidelissimo, Christus est filius, Moses autem famulus constitutus in domo DEI, proinde Christus Mosi praefertur. Quare praeter Mose considerandus, honorandus & audiendus est.*

*Obseruetur hoc loco finis ministerij Moisaici, qui fuit ut testaretur Moses de dicendis, hoc est, ut pararet Christo viam, Lege à Deo accepta. Nam tota politia Mosi, & sacrificia Legis, fuerunt conciones de venturo Christo. Atque hoc est quod dicit Iohannes: Lex per Moysen data est, Gratia autem & veritas per Iesum*



# ET I S T O L A

*Iesum Christum facta est. Hinc monemur, quid  
in Mose sit querendum, videlicet solus Chri-  
stus.*

*Cuius domus sumus nos.*

*Quia ambiguum erat vocabulum do-  
mus, interpretatur domum Dei esse credentes  
usitata scripturae Metaphora, qua continens pro  
re contenta saepe accipitur. Hinc admonemur  
duplicem familiam in mundo esse: Vnam Dei,  
Alteram à Deo abalienatam: vt quae Diabolo  
subiecta sit, & necesse est quemlibet hominem  
in alterutra harum familiarum esse. Qui enim  
non est in domo seu familia Dei, verè est in fa-  
milia Satanae. Hinc est quod excommunicati di-  
cantur tradi Satanae, quia cum excluduntur  
à familia DEI, verè includuntur in famili-  
am Satanae. Deinde vt in domo DEI, DEVS  
paterfamilias est: Ita par est, vt ipsi obtempe-  
rent quicumq; in ea familia manere cupiunt: in  
quam vt recipimur fide, & custodimur bona  
conscientia, Ita excludimur rebellione & con-  
tumacia in patremfamilias. Atq; hoc est, quod  
auctor subiicit hisce verbis:*

*Siqui.*



AD HEBRÆOS.

Siquidem fiduciam & gloria-  
tionem spei vsq; ad finem firmam re-  
tineamus.

Hæc conditio diligentissimè cogitanda  
est. Monet enim quousq; sumus domus Dei, seu  
domestici Dei. Et Exegeticon est. Fiducia enim  
hæc est gloriatio spei, hoc est, spes, qua gloria-  
mur nos esse in familia Dei, per fidem in Iesum  
Christum. Huc dictum Domini pertinet: Qui  
perseuerauerit vsq; ad finem, saluus erit; Et  
illud ad Collossen: 1. conuiuificauit vos in cor-  
pore carnis suæ, per mortem, vt exhibeatis vos  
sanctos et immaculatos & irreprehensibiles co-  
ram ipso, si tamen permaneatis in fide. Dili-  
genter in his & similibus locis obseruetur condi-  
tionis particula, contra Stoicas imaginationes  
de prædestinatione: plura de hac cōditione anno-  
tauimus in Cap. 1. ad Colloff. in illum locum,  
Siquidem permaneatis in fide fundati. Eodem  
pertinet exhortatio quæ sequitur.

Quapropter. Sicut dicit Spi-  
ritus: Hodie, si vocem eius audiueri-  
tis, nolite obdurare corda vestra, si-  
cut



EPISTOLA

cut in exacerbatione, in die tentationis in deserto: Vbi tentauerunt me Patres vestri, probauerunt me, & viderunt opera mea quadraginta annis. Quapropter infensus fui generationi isti, & dixi: Semper errant corde. Ipsi autem non cognouerunt vias meas. Quapropter iuravi in ira mea: si introibunt in requiem meam.

Conditionem positam confirmat Autoritate Spiritus Sancti, & exemplo veteris populi. Summa argumenti hæc est. Vetus populus in deserto, propterea quod fide deserta & abiecta contumaciter se Deo opposuit, punitus est exclusione requietis terræ promissæ. Igitur & vos vera & cælesti requie excludemini, si in fide non perstiteritis.

Testimonium Spiritus sancti ex Psalmo 65. petitum est, qui Psalmus exhortatio est prophetica ad populum noui Testamenti, vt DEVM, hoc est, Christum Messiam celebret. Hanc exhortationem duobus Argumentis confirmat, quorum prius sumptum est ab honesto,  
& de-



A D H E B R A E O S.

& debito Ecclesiae Dei officio. Posterius ab Exemplo puniti populi, propter contentionem in deserto, seu in Meribba & Masspa. Historia habetur Exod: 16. & 17. Iam verborum Psalmi ideo breuiorem explanationem subiiciemus, quia Apostolus noster pluraq; explicat, & accommodat suo instituto. H O D I E significat tempus reuelati Euangelij. Nam huius temporis respectu praeteritum tempus, noctis quamdam rationem habet. S I V O C E M E I V S A V D I V E R I T I S. In Hebraeo haec praecedentibus aptanda sunt, nos (inquit) sumus populus pascuae eius, & oves manus eius, si modo vocem eius audieritis. Atq; ita conditio ponitur superiora confirmans. Tantisper enim manemus oves Christi, donec audimus vocem eius, eumq; sequimur. Ita enim ipse Pastor ait: oves meae vocem meam audiunt. Huc spectat exhortatio, quae sequitur hisce verbis: Nolite obdurare corda vestra, id est, Nolite vestra duritia resistere verbo Dei, sicut fecistis in acerbatione, id est, in Meribba, loco, qui accepit ab euentu nomen. Vbi me tentauerunt patres vestri. Mutatio personae est, Nam Deum introducit loquentem, qui se hominum proteruitia & contumacia tentari confirmat. Quid autem sit tentare Deum, pluribus explicandum iudico.

G E



# EPISTOLA

EST autem TENTARE DEVM, non infirmitate labi, sed contemptu Dei, non ex ignorantia, sed malitia: videlicet cum vel negamus verbum Dei, vel corrigimus ordinationem diuinam fiducia propria sapientia, hoc est, Tentamus Deum, cum spreto verbo, ordinatione, & vocatione Dei, aliud querimus quod magis placeat, fiducia propria sapientia. Negant Israelitae se à Deo eductos esse à terra Aegypti, & contradicunt manifestis testimonijs Dei: propterea, quia non omnes euentus respondent ipsorum imaginationibus. Peccant igitur primum Impatientia, quia in aduersis Deo nolunt obedire. Deinde addunt nouum & atrocius peccatum: Negant esse opus Dei, de quo conuicti erant certissimis miraculis: negant Moysen esse Ducem à Deo constitutum, sed vociferantur eum impostorem esse.

Acto: capite 15. Petrus ait: Quid tentatis Deum, imponentes iugum super ceruicem discipulorum? Hic manifesta est correctio. Sciunt ex Euangelio remitti peccata & reconciliari homines, reputari iustos, & sanctificari, & fieri haeredes vitae aeternae propter filium Dei Gratis fide: non propter ceremonias Mosi. Sciunt finem esse politicae Mosaicae. Sciunt promissionem gratiae pertinere ad Israelitas



*tas & Gentes. Sciunt etiam nequaquam licere homini cultus instituere, sicut scriptum est: Frustra colunt me mandatis hominum. Quamquam autem hæc omnia norunt, tamen aliqui humana sapientia volunt stabilire & amplificare politiam Mosaicam: cogitant pulchrum esse Ecclesias gentium inuitare similitudine rituum. Huiusmodi correctiones ortas à sapientia humana vocat Petrus tentare Deum.*

*Talia peccata sæpe accidunt priuatim & publicè, in cultibus, actionibus & Doctrina. Monachi relicta via à Deo ordinata, fingunt sua vota meliores cultus esse. Pontifices relicti actionibus proprijs officij, quærent imperia. Hæretici quærent vel concinniores opiniones, vel argutiores.*

*TROBAVERUNT ME, scilicet dubitando de promissis & verbis meis, ET VIDERUNT OPERA MEA, hoc est, etsi conuicti erant multis miraculis, quibus meam præsentiam, potentiam, fauoremq; erga ipsos declaravi, atque adeo verbum meum confirmaui (ut illi fidem haberent ac saluarentur) Idq; quadraginta annis. QUAPROPTER INFENSUS FUI GENERATIONI ILLI. Etsi pleriq; libri cum Græci tum Latini ita*



# EPISTOLA

distinguunt, tamen nonnulla exemplaria Græca & ipsa Hebraica veritas, ad pœnam contumaciæ refert circumstantiam temporis, hoc modo: Quadraginta annis infensus fui generationi illi, adeo quod in terram promissam eos non introduxerim. ET DIXI, SEMPER ERRANT CORDE, id est, semper verbo relicto, suas sequuntur cogitationes, quibus etiam seducuntur.

IPSI AUTEM NON COGNOVERUNT VIAS MEAS. Effectus est humanæ sapientiæ in rebus diuinis. Donec enim nostras cogitationes sequimur, non possumus vias Domini cognoscere. Porro cognitio viarum Domini est duplex, VNA ociosa siue ἀναγροε. Hæc non differt ab ignorantia, quod ad vsum possidentis attinet. ALTERA est fructuosa, seu actiuosa, videlicet cum sensus in corde & actio in tota vita respondent noticiæ. Augustinus: Bonum intellectum habet, qui quod faciendum est, rectè intelligit et facit, Alioquin talis est sine opere intelligentia, qualis sine timore sapientia, cum scriptum sit, Initium sapientiæ timor Domini.

Quapropter iuraui in ira mea:  
Si introibunt in requiem meam.

Hæc



AD HEBRÆOS.

Hæc pœna fuit corporalis tantum, videlicet, quod propter inobedientiam exclusi sunt ex terra promissa. Obseruetur iurandi forma apud Hebræos per Aposiopesein, ac si diceret: Si introierint, non vinam: vel tale aliquid subaudiendum est.

Videte fratres, ne fortè sit in aliquo vestrum cor malum incredulitatis, ad deficiendum à DEO viuo.

Applicat exemplum culpæ & pœnæ ad Ecclesiam, vt alieno incommodo cautior facta, vitet futuram pœnam, per obedientiam erga Euangelium.

Hic gradus à felicitàte summa ad miseriam sempiternam notantur.

Primus est INCREDULITAS eius, qui conuersus fuit, quæ hoc pacto suboritur. Fides in segnescentibus paulatim extinguitur, & succedit dubitatio: quam mox excipit vetus incredulitas. HVC, vt effectus proprius adiungitur MALICIA, hoc est, prauæ cogitationes & actiones sceleratæ, vnde fit, vt homo planè deficiat à DEO viuo, Quod vbi factum est, sub mortis imperio captius miserè tenetur,



# EPISTOLA

tenetur, ac ita sunt homini isti posteriora peiora prioribus: Iuxta dictum Domini.

Sit igitur hac exhortatio Apostolica omnibus pijs cordi, quæ de duabus rebus nos admonet. Nam, cum dicit, *VIDE TE* siue cauete: & periculum indicat, & diligentiam commendat. Periculum graue est, videlicet defectionis à DEO: cuius rei multa exempla in scripturis recensentur, vt illis admoniti cogitemus de periculi magnitudine. Diligentia seria postulatur, vnde Paulus: *Qui stat, videat ne cadat.* Et alibi: *Spiritum nolite extinguere.* Item, *Excita donum quod in te est.*

Oremus igitur quotidie cum Dauide: *Doce nos Domine viam tuam, vt ingrediamur in veritate tua, vnias corda nostra vt timeamus nomen tuum, & vitemus lapsus contra conscientiam, militantes, iuxta consilium Pauli, bonam militiam, retinendo fidem et bonam conscientiam.*

Sed adhortamini vos inuicem per singulos dies, donec hodie vocatur, vt non obduretur quis ex vobis fallacia peccati.

Repetitio est propositionis Suasoriae amplificata quatuor circumstantiis, Quarum *TR* *le*

*ma*



AD HEBRÆOS.

*MA* est: Mutua exhortatio, qua videlicet alius alium excitet ad pietatis officia, & obedientiam erga Euangelium. Non enim tantum requirit à nobis *DEVS*, vt ipsi aurem praebeamus sanctis admonitionibus, verumetiam postulat, vt alij alios crebris exhortationum stimulis incitemus, quo alacriter omnes curramus in salutis stadio. Fit autem hac mutua exhortatio, & verbis & exemplis. Vt enim verbis quid expediat exponimus, ita exemplis idem confirmamus.

*SECUNDA* circumstantia est *Temporis*. Vult enim *Spiritus sanctus*, vt per singulos dies nos mutuo exhortemur: significans carnis nostrae rebellionem ac obliuionem, quæ caro instar asini crebris & quotidianis opus habet veluti flagellis, vt impellatur, vel inuita, & subiiciatur *Spiritus imperio*.

*TERTIA* circumstantia rursus est *temporis*, videlicet reuelati Euangelij. Sicut paulò antea admonui, per vocem *HODIE* significari tempus reuelati Euangelij, quod sane tempus idè nobis commendatum esse oportet, ne noctis & ignorantiae tenebris incauti inuoluamur, si hoc tempus acceptabile neglexerimus.



## E P I S T O L A

QUARTA circumstantia est finis mutuae exhortationis, videlicet, ne quis nostrum obduretur fallacia seu seductione peccati. Hæc circumstantia diligenter obseruanda est, Admonet enim, quod ex neglectu verbi & prætermissione exhortationum crebrarum, suboriatur paulatim cordis quædam duricies, priusquam animaduertunt, seducuntur, ac in pristinos errores labuntur, vt peccati iugo pressi, tandem miserrimè pereant. Hoc quàm verum sit, non solum historia mundi docet, verumetiam multorum experientia hodie (proh dolor) testatur.

Participes enim Christi effecti sumus, si tamen initium fiduciæ eius vsq; ad finem firmum tenuerimus.

Ratio exhortationis, à fructu perseuerantiæ, & congruit hæc ratio cum dicto Christi: Qui perseuerauerit vsq; ad finem, saluus erit. Obseruanda autem est hoc loco rursus conditio. Nos (inquit) qui credimus, Christi participes sumus, si modo conceptam de Christo fiduciam, vsq; ad finem retineamus.

Apostolus hoc loco significanti admodum vocabulo vsus est, videlicet ὑπόστασις, quod nos fiduciam vertimus. Est



# EPISTOLA

Est autem, cum vocabulum sit polyse-  
num, opere precium notare, quæ sint eius  
præcipuæ significationes, quas breuiter ascri-  
bam. Interdum idq; in genere opponitur ἐμ-  
φάσις, & significat quiddam verè subsistens,  
non euanesceus, vt nubes est hypostasis, arcus  
verò in nubibus Emphasis, hoc est, fallax sine  
re similitudo. Item, speculum est hypostasis,  
imago verò in speculum resultans, est empha-  
sis tantum.

Interdum significat ὑπόστασις, substan-  
tiam intelligentem, incommunicabilem, hoc est,  
personam, vt supra 1. Cap. Character ὑπόστα-  
σεως ipsius, id est, personæ patris. Atq; ita  
Græci Theologi in disputationibus de Trinita-  
te usurpant vocabulum ὑπόστασις, & distin-  
guunt ab ὁυσία, quæ est communicabilis.

Interdum significat fiduciam, certò ali-  
quid expectantem, & opponentem se instar  
animosi militis omnibus impedimentis, Nam  
vt animosus miles suum aduersarium in se ir-  
ruentem, forti animo expectat, & cum magna  
fiducia victoriam sperat: Ita ὑπόστασις Chri-  
stiana, se omnibus procellis tentationum & æ-  
rumnarum opponit, certam sibi in Christo vi-  
ctoriam pollicens. In hac significatione hoc loco



# EPISTOLA

accipitur, & infra in 11. cap. Item 2. Corinth.  
9. & 11. Item Psalmo 39. ubi pro Thochal-  
thi, id est, expectatio mea, Græci interpretes  
posuerunt ὑπόστας, μὲν, id est, fiducia mea  
seu expectatio.

Dum dicitur: Hodie si vo-  
cem eius audiueritis, nolite obdu-  
rare corda vestra, sicut in exacerba-  
tione.

Testimonium ex Psalmo adductum ac-  
commodat & interpretatur, ut exemplo vrge-  
at Hebræi. Utitur autem interrogationibus  
& subiectionibus, quò eos magis conuin-  
cat, mi-  
nusq; se dictis opponant.

Quidam enim, cum audiuiissent,  
exacerbauerunt. At non omnes qui  
profecti sunt ab Ægypto per Moysen.

Ut exemplum accommodet, distributio-  
ne utitur. Quidam (inquit) exacerbauerunt  
Dominum, quidam autem non. Illorum poena  
cautiores oportet nos reddi. Horum fidem imi-  
tari conuenit, nihil morantes quod pauci fue-  
rint. Non enim tam multitudo peccantium,  
quàm paucitas piorum imitanda est.

Quis



AD HEBRÆOS.

Quibus autem infensus fuit quadraginta annis? nonne illis qui peccauerunt, quorum membra prostrata sunt in deserto?

Altera distributionis pars, nempe de incredulis, qui suæ incredulitatis pœnas in deserto luerunt, sua rebellionem dignas: Non enim intromissi sunt in terram promissionis.

Quibus autem iuravit non ingressuros in requiem ipsius, nisi illis qui increduli fuerunt? & videmus quòd non potuerunt introire propter incredulitatem.

Repetit causam puniti populi in deserto, & exclusi à promissa requie. Pertinet autem hæc repetitio eò, ut illorum malo edocti, caveamus nobis impensius, ne nostra ingratitude vel pares vel maiores pœnas nobis accersamus.

CAPVT  
QVARTVM.

SUMMA



EPISTOLA  
SUMMA CAPITIS  
QUARTI.

**C**um Iudaei requie promissa exclusi sint in-  
credulitate, timeamus nos & in vera fidu-  
cia perseueremus, quò requiem oblatam retine-  
amus, & verum Sabbathismum obtineamus,  
alioqui pœnam minimè euasuri sumus.

ORDO ET PARTES  
QUARTI CAPITIS.

**Q**uia in superiori capite attexuit doctrinæ  
de Christi & Mosi collatione exhortatio-  
nem ad audiendum Euangelium: nunc oportu-  
nè, cum verbum sine fide nihil prodest, addit  
exhortationem ad timorem & fidem, & vt ip-  
sos magis vrgeat, inserit asseuerationem de  
verbi efficacia. Atq; ita & hoc Caput generis  
Suasorij est, constans duabus partibus, videli-  
cet propositione & confirmatione.

EXEGESIS QUARTI  
CAPITIS CVM OB-  
seruatione doctrina-  
rum.

*Timeamus ergò.*

*Ille*



AD HEBRÆOS.

Illatio exhortatoria est, & ipsa exhortationis propositio, ad perseverantiam in fide & timore DEI. Nomine enim Timoris Synecdochicòs verum cultum DEI intelligit Apostolus: qui in timore DEI situs est, & hoc pacto rectè definitur.

TIMOR DEI verus, est purus colendi DEVM affectus, ex fide natus, cum humili subiectione & reuerentia, cumq; serio studio omnem offensam DEI cauendi coniunctus.

Dicitur autem hic timor FILIALIS, vt discernatur à seruili timore. Nam vt seruus timet Dominum, cum indignatione & odio propter cruciatum: Ita filius timet Patrem, cum reuerentia & amore, propter fauorem paternum & benevolentiam. Etsi interdum castigatur, paternum tamen animum, quem scit optimum erga se, veneratur. Timor itaq; DEI filialis, est quo timetur DEVS, non vt crudelis Dominus, sed vt pater dulcissimus.

Ne fortè relictà pollicitatione introeundi in requiem eius, videatur aliquis ex vobis frustratus esse.

Prima propositionis ratio, à causa finali.

Hic



EPISTOLA

Hic rursus obseruetur conditio, neminem desti-  
tui, nisi qui gratiam respuit. Deinde commen-  
tatur nobis hoc loco sancta pro alijs sollicitudo.

Etenim nobis Euangelizatum  
est, sicut & illis.

Secunda ratio à comparatis: Quemad-  
modum illis per Euangelij prædicationem, pro-  
missa est requies terræ Palestina: Ita nobis pro-  
missa est requies æternæ beatitudinis. Atq; hæc  
maior syllogismi est. Obseruetur exaquisatio ve-  
teris populi, & noui Testamenti.

Sed illis nihil profuit sermo au-  
ditus, Quia non fuit mixtus fidei ijs  
qui audierant.

Hæc assumptio, seu, minor syllogismi  
est: in qua elegans Metaphora obseruanda est.  
Prædicationem Euangelij veluti vino compa-  
rat, quod vt nobis haustum, id est, auditum &  
perceptum proficit, oporteat fide quasi tempera-  
ri. Requiritur proinde, quo nobis sit salutare  
Euangelium, vt illud temperemus fide, hoc est,  
fide recipiamus, ac ita dulcissimum liquorem  
Spiritus in illo hauriamus. Conclusionem omit-  
tit, quæ ita attexi debet. Igitur neq; nobis  
proderit promissio æternæ beatitudinis, nisi  
Euan.



*Euangelio crediderimus & vixerimus in vero timore DEI. Hinc proinde manifestum est, vanam esse professionis gloriam, nisi fides & verus timor DEI adfuerint.*

*Ingredimur enim in requiem eius, qui credidimus: quemadmodum dixit, Sicut iuravi in ira mea, si introibunt in requiem meam.*

*Minoris assertio est per contrariorum collationem. DEVS incredulum populum requie terræ promissæ exclusit. Ergo non nisi qui fidem habent, in veram & æternam ingredientur requiem. Consequentia ideo valet, quia requies terræ Palestina, fuit typus requiei spiritalis Ierusalem, & æternæ beatitudinis.*

*Licet operibus ad creationem mundi perfectis.*

*Incipit requiei promissæ definitionem inquirere. Perfectis operibus creationis rerum DEVS quieuit. Ergo Dei quies est cessatio ab operibus creationis rerum. Proinde requies nostra tum tandem erit, ubi perfuncti fuerimus laboribus in hac calamitosa vita, & ingressi fueri-*



# EPISTOLA

fuerimus requiem æternæ beatitudinis. Obseruetur typus Sabbathismi Dei: Admonet enim nos de vero piorum in æterna beatitudine Sabbathismo.

Dixit enim quodam loco de die septimo, sic: Et requieuit Deus die septimo ab omnibus operibus suis.

Testimonio scripturæ confirmat, quod dixerat de Domini requie, vt aliam requiem esse ostendat, cuius illa Typus fuit, in quam ingressuri sunt credentes.

Potest autem Apostoli argumentatio, cuius partes fusius explicantur, hoc pacto concludi: Quod David de requie loquitur, necesse est, vt aut de requie Domini ab operibus creationis, aut de requie Domini, quam adepti sunt Israelitæ, Cananæam ingressi, aut de aliqua alia requie Domini, quæ sit adhuc futura, accipiatur. Atqui de duabus primis intelligi non potest, cum earum prior, iam à principio mundi conditi fuerit: posterior, multis seculis ante ortum Davidis. Necesse est igitur, vt David de futura aliqua requie intelligatur, sed qualisnam illa sit, paulò post clarè exponitur.

Et in



A D H E B R Œ O S .

Et in isto rursus : Si introi-  
bunt in requiem meam .

Probat priorem partem minoris. Est q̄  
vis argumenti in temporis circumstantia posi-  
ta: Domini requies ab operibus creationis iam-  
dudum præterijt. Sed illa requies, de qua loqui-  
tur David, est futura adhuc. Igitur non est ea-  
dem requies, sed diuersa.

Quoniam ergo superest in-  
troire quosdam in illam, & ij quibus  
prioribus annunciatum est, non in-  
troierant propter incredulitatem,  
rursus quendam definit diem, hodie  
in David, dicens: post tantum tem-  
poris, quemadmodum dictum est, ho-  
die si vocem eius audieritis, ne obdu-  
retis corda vestra .

Probat posteriorem partem minoris,  
nimirum, quod David non sit intelligendus de  
requie populi in terra Canaan. Est q̄, hæc pro-  
batio, similiter à temporis circumstantijs sum-  
pta. Longè post ingressum populi in terram Ca-  
naan, David de futura quadam requie concio-

H natur,



EPISTOLA

natur, Ergo necesse est vt hæc sit diuersa ab ista.

Nam si eis Iosua requiem præstitisset, nunquàm de alia loqueretur posthac die.

Probatio consequentiæ est superioris rationis. Si in veram requiem Iosua populum introduxisset, non eidem populo de alia requie fuisset loquutus Dauid. Sed iam de alia requie loquitur Dauid: Igitur Iosua in veram requiem non introduxit populum. Loco totius argumenti sola propositio ponitur.

Itaq; relinquitur Sabbathismus populo Dei. Qui enim est ingressus in requiem eius, & ipse requieuit ab operibus suis, sicut à suis Deus.

Iam tandem desinit requiem illam spirituale, de qua Dauid concionatus est. Hæc vera populi Dei requies dupliciter consideratur. Nam eius duæ sunt partes, pro duplici temporis statu, videlicet, incoatio, & consummatio. Incoatio in hac vita locum habet, quæ est cessatio ab operibus nostris, per carnis mortifica-



AD HEBRÆOS.

tificationem, ut Deo viuamus. Hæc sæpè turbatur domesticis & externis motibus, hoc est, malis affectibus & prauis actionibus. Consummatio erit in futura vita, ubi nullis interturbabimur malis, nullis affligemur ærumnis, sed æterna Dei consuetudine quieti & læti fruemur, sine illa ad hanc nemo vnquàm peruenire poterit, quare subiungit Apostolus hanc exhortationem.

Studeamus igitur ingredi in illam requiem.

Illatio exhortatoria est, ut studeamus ac properemus in istam veram requiem introire.

Ne quis eodem cadat exemplo incredulitatis.

Ratio exhortationis ab exemplo, cuius antea meminit. Vetus populus propter incredulitatem suam exclusus est à temporali requie. Caueamus igitur ne & nos similiter ab æterna requie excludamur, per incredulitatem nostram.

Viuis enim est sermo Dei & efficax.

H 2

Alia



# EPISTOLA

*Alia exhortationis ratio, seu aetiologia proximi argumenti, à vi & efficacia verbi Dei desumpta. Accommodabitur autem hoc pacto. Quemadmodum illi qui increduli erant, in deserto non occubuerunt prostrati gladio ferro, sed verbo Dei: Ita futurum est, ut qui Euangelio nunc non obtemperauerint, similiter verbo Dei prostrati pereant.*

*Texit autem Apostolus longiorem commendationem verbi Dei, ut nos magis ad obedientiam inuitet, ac tribuit ei ordine quinque Epitheta, quorum primum est, quod sermo Dei dicatur VIVVS, idq; per metonymiam, ut enim vox inòs homo vivit per animam, ita spiritalis homo, hoc est, verbo Dei regeneratus, vivit per sermonem Dei fide apprehensum. Nam sermo hic fide apprehensus, cor hominis renouat, & renouatum excitat ad omnia pietatis officia, hinc David: Hæc est consolatio mea in afflictione mea, quia verbum tuum viuificauit me. Et pulcrè Bernhardus ait: Licet fueris in peccato mortuus, si audieris vocem filij Dei, viues. Atq; hunc effectum sermo Dei habet, quando fide recipitur, verum cum fide non recipitur: hominum culpa mortem adfert, seu, mortificat. Sicuti Esaias etiam testatur capite 11. Baculo oris sui percutiet terram, & spiritu labiorum*



AD HEBRÆOS.

biorum suorum interficiet impium. Si ergo fidem adhibuerimus verbo seu sermoni DEI, nos verè vivificat. Sin minus, nos interficit, non sua, sed nostræ culpa.

Deinde dicitur EFFICAX, propter eam quod non solum movet & excitat, verum etiam fructum producit. Ut enim corpus operatur per animam: Ita Spiritus sanctus per verbum, & in verbo est efficax.

Et penetrantior quovis gladio bicipiti.

Per comparisonem vim verbi explicat (& est tertium Epitheton) ut gladius ferreus utrimq; acutus facile penetrat, dum impellitur in corpus obiectum: Ita DEI sermo, Spiritu sancto vibrante, penetrat intimos cordis recessus. Videtur Apostolus hoc desumpsisse ex 41. capite Esaia, ubi sic scriptum est: Posui os meum quasi gladium acutum.

Pertingens vsq; ad diuisionem animæ & spiritus.

Collationem exponit addens quartum Epitheton: Ut gladius acutus utrimq; penetrat, Ita sermo DEI totum hominem cum omnibus

H 3 suis



# EPISTOLA

suis viribus examinat. Vt per animam intelligendi sunt affectus omnes, Ita per Spiritus vocabulum intelligendi facultas. Hæc pars commendationis verbi DEI desumpta est ex 20. cap. Prouerb. Lucerna Domini dat hominibus vitam & spiritum, & penetrat in intimos sinus cordis.

Compagum quoq; ac medullarum.

His verbis significatur, quod nihil in homine tam sit reconditum, quin eò pertingat efficacia verbi DEI. Atq; hoc in Davide videre licet, omnia (inquit) ossa mea conturbata sunt. Hic verè sensit sanctus vir verbi diuini in se efficaciam, quæ manat ex spiritu DEI: qui semper in verbo efficax est. Sed hæc magis sentiuntur in pijs pectoribus, quàm verbis explicari potest.

Et discretor cogitationum & intentionum cordis.

Hoc quintum Epitheton verbi DEI, significat quod verbū DEI cor hominis examinet, vt ipsi suæ tenebræ, ignorantia, diffidentia, dubitatio de promissionibus & comminationibus diuinis, innotescant: vt lucem Euangelij, eiectione tenebris recipiat: vtq; renuntiata hypocrisi, verè ac syncerè Deum colat. Et



Et non est vlla creatura inuisibilis in conspectu eius, omnia autem nuda & aperta sunt oculis eius, ad quem nobis est sermo.

Alia est exhortationis ratio, à proprio DEI, quod est omnia coram cernere, sumpta. Nulla creatura oculos DEI subterfugere potest. Igitur illi tanquam presenti fidendum est, & obtemperandum, ne aliquando ipsum vindicem experiamur. Notetur testimonium de presentia Dei, qua omnia coram intuetur, quantumvis arcana & abscondita putentur ab hominibus. Agat proinde unusquisque omnia, tanquam in conspectu DEI iusti iudicis.

Participium τετραχλις μούα propriè significat diuisa per spinam dorsi, à vertice usque ad finem. Nam τετραχλις totam illam spinam dorsi significat. Quia ergò in mactatis animalibus & diuisis, per spinam omnia apparèt interiora et interiora, adeo vt nihil latere possit, Apostolus transtulit vocabulū ad suum propositum, vt significet ita omnia secreta cordium exposita esse DEI oculis, ac si anatomia facta, omnia aperta & nuda conspicerentur. Sunt igitur DEO notissimæ, vel minimæ cogitationes nostræ, vel affectiones, siue sint bonæ siue

H 4 malæ.



EPISTOLA

malæ, Deinde notetur quod hic πρὸς προὔπης  
accipitur, vt supra etiam notauimus in 1. cap.  
vt, ad quem, sit idem quod: De quo.

*Habentes igitur Pontificem  
magnum, qui penetrauit cœlos, Iesum  
filium DEI, Teneamus confessio-  
nem.*

*Generalis conclusio est exhortationis,  
quæ in tertio & quarto Capitibus instituta fu-  
it. Colligit autem summam exhortationis hoc  
Enthymemate. Habemus Pontificem magnum,  
qui nostras partes agit in cœlo apud Patrem: fi-  
duciam igitur retineamus, ac ei obediamus, non  
fracti vel cogitatione præteritorum peccato-  
rum, vel consideratione præsentis infirmitatis.  
CONFESSIONIS vocabulo fidem cum timo-  
re DEI & obedientia coniunctam intelligit.*

*Non enim habemus Pontifi-  
cem, qui non potest compati infirmi-  
tatibus nostris, sed tentatum per om-  
nia, iuxta similitudinem, absq; pec-  
cato.*

*Anti-*



A D H E R E O S.

*Anticipatio est, qua anteuertit infirmorum obiectionem, qui poterant obtendere maiestatem Christi, quò minus ipsi, cùm sint miseri & ærumnosi, audeant eum compellare. Huic obiectioni contrariam asseuerationem opponit, cùm ait. Non habemus Pontificem, qui non potest compati, hoc est, habemus Pontificem qui verè & seriò compati, id est, aliena miseria affici, perinde ac sua propria nouit. Hoc probat à causa τῆς σὺν παθεῖας, affirmās Christum tentatum esse per omnia, iuxta similitudinem, id est, sicuti nos alij homines tentamur, sed absq; peccato.*

*Sic igitur concluditur hæc ratio. Pontifex noster Christus Iesus tentatus est, vt alij homines, hoc est, infirmitatibus (vt sunt metus, tristitia, horror mortis &c.) Est probatus, & veluti igni quodam examinatus. Igitur aliorum calamitatibus verè afficitur. Non est ergò quòd propter ipsius maiestatem ipsum fugiamus, sed potius vt eum accedamus, qui & potest & vult iuuare confugientes ad se.*

*Consequentia argumenti pendet ex hoc principio: Experti ærumnis, ærumnosorum miseria afficiuntur, cùm contrà, nihil experti nullius ferè calamitate tanguntur. Huc illud,*

H 5

Si par=



E P I S T O L A

*Si parua licet componere magnis, Haud ignara  
mali miseris succurrere disco. Vox συμπάθῃα,  
qua hic vsus est Apostolus, à Clemente Alex-  
andrino, hoc pacto definitur. συμπάθῃα ὅτι  
πάθῃ διὰ πάθῃ ἐτέγγ. Fit autem hac  
συμπάθῃα propter conuenientiam & coniun-  
ctionem naturæ, vt Cicero testatur. Pugnat  
hic locus cum dogmate Papistarum, qui alios  
Patronos & Mediatores obtrudunt Ecclesiæ,  
quàm solum Iesum Christum.*

*Adeamus ergo cum fiducia ad  
Thronum gratiæ eius, vt misericor-  
diam consequamur, & gratiam in-  
ueniamus in auxilium opportunum.*

*Repetit conclusionem amplificatam à  
causa finali: quæ est misericordiæ & gratiæ  
inuentio. Dum misericordiam nominat, signi-  
ficat nos sine pontifice illo, & throno gratiæ, esse  
extremè miseros: At cùm gratiam dicit, innuit  
nos peccatores & reos esse. Tollit igitur nosler  
Pontifex, cùm miseriam, hoc est, penam, tum  
miseriæ causam, hoc est, peccatum.*

*Porrò duplex thronus est DEI. Vnus  
Gloriæ, à quo refugimus propter maiestatem  
iudicis. Nam peccatum nos ab isto throno re-  
pellit.*



pellit. Alter est gratia, ad quem fide per Pontificem nostrum accedimus, ut accipiamus misericordiam, & inueniamus gratiam in auxilium opportunum, hoc est, ut impetremus ad salutem necessaria, hoc nostrae vocationis tempore. Quamdiu enim in hac mortali vita versamur, opportunum tempus est. Nam in eo, voce ministrorum Euangelij, vocamur ad thronum gratiae Christi, ut miseria nostra liberati, propitium patrem in Christo inueniamus.

# C A P V T

## QVINTVM.

### SVMMA CAPITIS

#### QVINTI.

**V**T Christum verum Sacerdotem, à deo constitutum, secundum ordinem Melchisedech docet: Ita obiurgat Hebræos, & eorum ruditatem arguit, propterea quod adhuc elementis doctrinae indigere videantur.

# ORDO ET PARTES

## QVINTI CAPITIS.

**H**Actenus de persona Christi, quem verum deum & verum hominem esse docuit, & de exhortatione ad audiendum hunc Christum.

Nunc



## ET I S T O L A

Nunc de Christi Pontificatu agit, quem Pontificem esse, à proprio officio Pontificis colligit. Deinde ut accommodet doctrinam auditoribus, digreditur in obiurgationem. Huius igitur capitis partes sunt duæ, Quarum prior est διδασκαλική, seu demonstrativa. Posterior δὲ καὶ κριτικὴ & iudicialis.

### EXEGESIS QVINTI CAPITIS, CVM OB- servatione doctrinarum.

Omnis namq; Pontifex assumptus ex hominibus, pro hominibus constituitur, in ijs quæ apud Deum agenda sunt, ut offerat dona & sacrificia pro peccatis, Qui moderatè ferre potest ignorantes & errantes, quoniam & ipse circumdatus est infirmitate. Propterea debet quemadmodum pro populo, Ita etiam pro semetipso offerre pro peccatis, nec quisquam sumit sibi honorem, sed qui vocatur à Deo.

Hac



A D H E B R Œ O S.

*Hæc definitio est Pontificis veteris Testamenti, quam infra accommodat Christo, & concludit ipsum verum Pontificem esse. Argumentum autem hoc pacto formari potest.*

*Omnis ex hominibus assumptus, vocatus à DEO, & constitutus pro hominibus, ut sit Mediator, offerens dona & sacrificia, est Pontifex.*

*Christus autem est talis.*

*Itaq; Christus verus est Pontifex.*

*Definitio est Pontificis veteris Testamenti, qui, ut Typus, officium Christi veri Sacerdotis figurabat, & adumbrabat.*

*Maiores Syllogismi huius constat sex attributis. Quorum quedam ad personam, quedam ad officium Pontificis pertinent. Ad officium pertinent hæc tria, Doctrina, Intercessio, Sacrificium. Sed de his attributis particulatim dicamus, ac repetamus textum ordine, ut singula melius percipiantur.*

*Assumptus ex hominibus.*

*Prima conditio, videlicet personæ, quod Pontifex unus aliquis de genere humano esse debuerit: Non enim congruebat, ut sola diuina natura*



EPISTOLA

natura esset mediatrix, nec angelica natura potuit mediatrix esse.

Pro hominibus constituitur.

Secunda conditio, quòd Pontifex pro hominibus intercessor esse debuerit. Homines enim à DEO alienati fuerunt, per peccatum, Quare nullus accessus eis patet ad DEVM sine mediatore. Ita enim ait Esaias, cap. 59. Iniquitates vestrae diuiserunt inter vos et DEVM vestrum, & peccata vestra absconderunt faciem eius à vobis. Et Sapient. 1. Perversae cogitationes vos separant à DEO.

In ijs quae apud Deum erant agenda.

Tertia conditio Pontificis, videlicet, quòd apud DEVM debuerit esse Mediator. Nam homines offenderant DEVM: Quare illis aut perpetuò pereundum fuit, aut aliquis Mediator constituendus, qui satisfaceret iusticiae DEI, & placata ira Dei, homines Deo reconciliaret.

Vt offerat dona & victimas pro peccatis.

Hac



A D H E B R A O S.

Hæc quarta conditio est de officio Sacerdotis, quod erat placare offensum DEVM donis & victimis, hoc est, Sacrificijs. Nā sacrificiorum alia ex fructu terræ & rebus vitæ experti- bus fiebant, quæ Apostolus dona vocat. Alia ex animalibus fiebant, quæ iugulabantur, atq; ideo vocata sunt θυσια, hoc est, victimæ.

Duabus autem de causis DEVS olim Iudæis præcepit Sacrificia.

Primum, ut populus in Idololatriam pronus ab Idolis auerteretur, & in cultu vni- us DEI contineretur.

Deinde ut typum haberet populus DEI sacrificij CHRISTI, quem aliquando oportebat in crucem agi, propter peccata huma- ni generis.

Simul etiam admoneretur populus de gravitate suorum peccatorum, pro quibus ma- ctanda essent innoxia animalia, quorum san- guine purgarentur, non quod conciliandæ Do- mino gratiæ aut delendæ iniquitati par esset Leviticum sacrificium, sed quod verum sacri- ficiū adumbraret: quod tamen ab vno Chri- sto reipsa peractum fuit, & propterea sacrificia ista vocabantur expiationis sacrificia.

Sacri-

Hæc



# E P I S T O L A

Sacrificiorum autem Legis variae fuerunt formae, quae ad duo genera omnes referri possant. Aut enim pro peccato fiebat oblatio, quadam satisfactionis specie, qua noxa coram Domino redimebatur. Aut Symbolum erat diuini cultus, religionisq; testificatio: Nunc vice supplicationis, ad fauorem DEI postulandum: Nunc gratiarum actionis, & gratitudinē animi pro acceptis beneficijs testandā. Nunc pro simplici pietatis exercitatione, ad renouandam fœderis sanctionem.

Prius illud Genus, ἱλαστικόν, id est, propiciatorium, seu expiatorium dictum est, propter significationem.

Posterius à præcipua sua parte ἑωχαιστικόν à Melanthonē dictum est.

Horum veterum sacrificiorum cū legitimus vsus, tūm abominabilis abusus, cernitur in duobus fratribus, videlicet Cain & Abel. Cain offerens, operis dignitate fretus, non respexit fide in Semen promissum, per quod fieret vera peccati expiatio. Quare ipsius sacrificium abominatus est Dominus. Abel offerens, intelligit sanguine animalium nequaquam expiari peccata: Quare respexit fide in Mediatorem & Sacerdotem promissum, & hac fide iustificatus, placuit DEO & ipse, & ipsius sacrificium.

Quod



Quod autem fide Christi, quasi sale quodam, condienda essent sacrificia vetera, significatur in præcepto legis, IN OMNI OBLATIONE OFFERES SAL. Iubet autem spiritus sanctus in omni sacrificio salem adhiberi, ut hoc ritu depingat naturam Christi, qui per sacrificium adumbratur. Christus enim verus ille & cœlestis Sal est, quo tam homines quam opera eorum redduntur Deo tanquam sapidus cibus grati & iucundi, quo etiam homines in ipsum credentes, ita (quamvis mortui) a putrefactione conservantur, ut resurgant ad perpetuam vitam. Etenim propter peccatum homines facti sunt Deo insulsi, & insipidi, ut non solum non sumat ipsos in cibum in mensa cœlestis regni, verumetiam detestetur eos, tanquam abominabilem saporem. Cum autem consperguntur homines, & condiuntur sale, qui est Christus, fiunt Deo gratissimus cibus & iucundissimus. Idem de operibus fidelium intelligendum est.

Ceterum error Cain hæsit in maxima parte populi Iudaici, quemadmodum pauci Abelis exemplum sequuti, discernebant recte inter umbras & veritatem.

Hæret & hodie Cainicus error, in omnibus Papistis, Phariseis & Hypocritis, qui  
I suis



EPISTOLA

suis operibus, quod Christi proprium est, attribuant, & loco veri salis Iesu Christi, condiunt sua opera meritis proprijs: quorum poena in ipso Cain, quasi in exemplo illustri, praescripta est.

Qui condolare potest ignorantibus & errantibus.

Hac quinta est Sacerdotis veteris conditio, videlicet, de affectu ipsius erga homines ignorantes & supplicantes, pro quorum peccatis abolendis offert Deo dona & victimas. Est autem μετριοπαθής, miserari, quantum satis est, vicem eorum, qui aliquo malo affliguntur, atq; adeo ipsis condolare.

Quoniam & ipse circumdatus est infirmitate, propterea debet, quemadmodum pro populo, ita etiam pro semetipso offerre pro peccatis.

Hac quintae conditionis ratio est, ab adiunctis personae sumpta. Qui ipse infirmus est & peccator, vicem peccatorum & errantium miseratur. Sacerdos legalis ipse fuit infirmus, & peccator. Quare aptus erat ad miserandum vicem



A D H E B R A E O S

vicem eorum, qui simili cum ipso infirmitati obnoxijerant.

Nec quisquam sumit sibi honorem, sed qui vocatur à Deo, tanquàm & Aaron.

Sexta conditio veteris sacerdotis. Pontifex debuit esse diuinitus vocatus, quod Aaronis confirmat exemplo, qui non sibi ipsi sumsit summi sacerdotis dignitatem, sed Deo vocanti, & mandanti officium, obtemperauit. Numer. 17.

Obseruandus est hic locus, de vocatione ad munus Ecclesiasticum. vt enim nemo sine diuina autoritate se ingerere debuit in typicum illud & Leuiticum sacerdotium: Ita nec in officium ecclesiasticum quisquam se intrudere debet sine legitima vocatione. Et vt nihil suo arbitrio ordinare, ita verbum Dei ducem in omnibus sequi debet.

Confutatur præterea hac Pontificis descriptione Papale Sacerdotium, & Pontificatus Romanus, in quem nihil minus quadrat, quàm hæc Apostolica pontificis definitio.



EPISTOLA

Sic & Christus non semet-  
ipsum glorificauit, vt fieret Ponti-  
fex.

Applicat definitionem veteris Ponti-  
ficis Christo nouo & perfectissimo Pontifici, &  
vmbra veritati. Et loco minoris eius proba-  
tionem ponit. Etsi autem singula definitionis  
membra rectissime accommodat Apostolus, or-  
dinem tamen suprapositum in accommodatione  
non seruat. Sed quod postremo loco ponebatur,  
primum confirmat. Deinde reliqua promiscue  
adiungit. Primum itaq; sextam conditio-  
nem Christo Sacerdoti accommodat, cum inquit,  
SIC ET CHRISTVS NON SEMETIP-  
SUM GLORIFICAVIT, id est, Non sibi  
sumpsit honorem, VT FIERET PONTIFEX,  
hoc est, quemadmodum Aaron, non sibi usur-  
pauit honorem Sacerdotij sine diuina vocatio-  
ne: Ita nec Christus gloriam Pontificatus sibi  
assumpsit, sed à Deo patre sacerdotij dignita-  
tem adeptus est. Colligamus membratim defi-  
nitionem sacerdotis Christi, & ordiamur cum  
Apostolo à sexta conditione hoc modo:

Christus est à Deo constitutus Sacer-  
dos.

Sed



*Sed qui loquutus est ad eum,  
Filius meus es tu, ego hodie genui  
te.*

*Probat testimonium Davidis, Psalmo  
2. CHRISTVM à Patre pontificatus munus  
accepisse. Sed quales quæso est hæc consequen-  
tia, Pater dicit filio: Filius meus es tu, ego ho-  
die genui te: Igitur CHRISTVS est Sacerdos  
à DEO patre constitutus? Respondeo: manife-  
statio filij in carne, de qua dixit: Ego constitui  
regem meum super Zion montem sanctum me-  
um &c. facta est propter Sacerdotium. Apo-  
stolus autem ut dignitatem huius Sacerdotis il-  
lustret, hæc potius verba quam priora allegat,  
Quia mox ex Psalmo alio citabit dictum, in quo  
expressa Sacerdotij mentio fiet. Ac videtur  
textus vel mutatione voculae vnus, vel cer-  
te Synchese, quæ in hac Epistola per frequens  
est, nonnihil turbatus, nam si pro καὶ in  
sequenti versu legas οὐτὶς, manifesta & ex-  
pedita erit sententia. Christus non semetipsum  
glorificauit, ut fieret Pontifex, sed qui dixit  
ei: Filius meus es tu, ego hodie genui te. Idem  
& alibi dicit, Tu es Sacerdos in æternum, se-  
cundum ordinem Melchizedech. Atq. hoc sa-*



## E P I S T O L A

ne loco Apostoli mouentur nonnulli, vt dictum Psalmi, non de aeterna generatione filij, sed de manifestatione filij DEI in carne exponant. Nam alioqui ineptam existimant probationem videri in hunc modum institutam, Christus ab aeterno natus est ex patre, Igitur à patre est Sacerdos constitutus. Intelligunt igitur dictum Psalmi, de manifestatione Christi in carne, vt sit sumpta non obscurissima ratio à destinato ad finem.

Sed supra cùm capite primo Apostolus hoc ipso dicto allegato probarit, Christum verè filium DEI esse, vbi non nisi de aeterna generatione filij, exponi dictum Psalmi potest, Non libenter aliam ei expositionem affingi velim. Ne hac ceu equiuocatione vis & euidentia testimonij citati, & argumentationis istic instituta, euertatur aut labefactetur. Ac quo minus mouear eorum argumento, qui de manifestatione filij in carne dictum Psalmi accipiunt, hæc etiam ratio facit: Quia vsitatum est Apostolis breuiter citare Prophetarum sententias, & velut digito monstrare, quæ à Prophetis suo loco copiosius exponuntur. Ita si non est vocule vnius facta mutatio, vt paulò antè dixi, constat tamen Apostoli allegatio, in hanc sententiam: Psalmus Filium ab aeterno à patre genitum



A D H E B R A O S.

nitum affirmat Regem esse, docentem ac prædicantem in Zion, Non ergo Rex tantum, sed & Sacerdos æternus eo loci intelligendus est, cuius proprium est docere & prædicare. Ac proinde honorem hunc habet Christus, non à semetipso raptum, sed à patre sibi tributum, qui in Zion eum constituit &c.

Quemadmodum & in alio loco dicit: Tu es Sacerdos in æternum, secundum ordinem Melchisedech.

Clarius vocationis Christi ad Sacerdotium probatio, sumpta ex Psalmo 110. Qui Psalmus est propheticus de regno, naturis, sacerdotio, morte & triumpho Christi super morte. Verum quia hic tantum additur testimonium Psalmi, ut probetur vocatio Christi ad æternum Sacerdotium, & collationem Sacerdotij Christi & Melchisedech, prosequetur iusta disputatione in 7. Cap. Nolo hic copiosius de illa collatione differere. Ex hoc testimonio, particulam vnam addamus incoatæ definitioni.

Christus est à DEO conditus Sacerdos æternus.

I 4

Qui



EPISTOLA

Qui in diebus carnis suae, preces, supplicationesq, ad eum qui possit illum saluum facere à morte, cum clamore valido, & lacrymis offerens, exauditus est à metu.

Hic Prima, Secunda, Tertia, Quarta & Quinta conditiones attinguntur, quas supra attribuit pontifici Leuitico, & nunc Christo accommodat, vt vetus Sacerdotium comprobe-  
tur. Cum enim dicit: In diebus carnis suae, primam Christo accommodat conditionem, nimirum, quòd sit Pontifex de hominibus assumptus, vt qui nobiscum verus factus sit homo, cum addit, Preces supplicationesq, ad eum, qui posset illum saluum facere à morte offerens, intercessionem & sacrificium DEO factum per Sacerdotem indicat, vnde secunda, tertia & quarta conditionis membra concluduntur. Præterea cum inquit, Cum clamore valido & lacrymis, Quinta conditio exprimitur, hoc est, affectus huius Sacerdotis summi erga populum pro quo obrulit. Nam vt nostro nomine Sacerdos est factus: Ita etiam propter nos istum validum clamorem in cruce edidit



AD HEBRÆOS.

dit, sustinens pœnas pro totius mundi peccatis,  
& persolvens λύτρον pro humano genere.

Quare subijcitur ἡγὼ ἐσακούσθεις ἀπὸ  
πᾶς ἐνλαβείας, hoc est, exauditus, id est, li-  
beratus à metu, Idq̃, non solum, quantum ad ip-  
sius personam attinet, Verumetiam quantum  
ad credentes, qui Christo fide inseruntur. Abo-  
leuit enim per mortem eum, qui mortis imperi-  
um habebat, hoc est, Diabolum, & reconcilia-  
uit hos Deo, qui metu mortis per omnem vitam  
obnoxij erant seruituti.

Alij vertunt, exauditus est pro reue-  
rentia, sed variant in explicatione. Quidam  
enim exponunt de reuerentia patris erga fili-  
um, quasi pater quodammodo reueritus fuerit  
Christi dignitatem, sed hæc expositio minus con-  
uenire videtur. Quidam ad filij reuerentiam er-  
ga patrem hoc referunt, quòd filij reuerentia &  
filialis timor ita placuerit patri, quòd propter  
eam pater filium exaudiuerit. Quæ sententia  
etsi pia est, tamen huic loco minus congruere  
videtur. Nemini enim dubium esse potest,  
quin hic Apostolus loquatur de gravissimo cer-  
tamine Christi, sustinentis iram DEI propter  
peccatum, sudantis sanguineos grumos, cla-  
mantis in ara crucis, DEVS MEVS, DEVS  
MEVS, CUM DERELIQUISTI ME? Ad



# EPISTOLA

hoc certamine & metu Christum liberatum esse significat Apostolus, ita ut omnem metum mortis deposuerit. Neq; hoc ita accipiendum est, ac si Christus desperasset in pœnis: sed ad sensum vehementissimum pœnarum referri debet. Addamus & sententiam huius pericopæ, institutæ definitioni:

Christus est à Deo constitutus Sacerdos æternus, qui homo factus precibus supplicationibusq; oblati impetrauit salutem.

Tametsi filius erat, didicit ab ijs, quæ passus est obedientiam, & consummatus obedientibus ipsi, omnibus factus est causa salutis æternæ.

Per occupationem attexit virtutem sacrificij Christi, & ad quos pertineat eius virtus seu fructus ostendit. Primum dicit, Tametsi filius Dei erat, tamen cruce didicit obedientiam, id quod sanè nostro respectu dicitur. Etsi enim Christus patri obedientissimus semper fuit, tamen eius obedientia nobis magis declarata est, quod vsq; ad mortem illam ignominiosam, videlicet crucis, fuit obediens. Hac Christi obedientia nobis stimulos addet, ad præstandam

Deo

Deo  
secund  
in trist  
ad sup  
sum  
tus pe  
suffici  
nem bu  
salutis  
non on  
loco a  
cet, a  
gelio  
am, ha  
mo loco  
nibus  
Christi  
sti sola  
dit. C  
omnes  
Sacer  
inco  
dos ad  
ration  
soluto  
credi



Deo veram obedientiam, non solum dum res  
 secundæ sunt, verumetiam, idq; multò magis  
 in tristibus & duris rebus, quando confessio  
 ad supplicia vocat. Deinde dicit, quod sit con-  
 summatus, græcè τελεωθεις, id est, consecra-  
 tus perfectè Deo, id est, factus hostia plena &  
 sufficiens placans iram DEI. Tertio addit fi-  
 nem huius victimæ, videlicet, quod sit causa  
 salutis, non momentaneæ, sed æternæ. Et quia  
 non omnes huius salutis consortes fiunt. Quarto  
 loco addit, ad quos perimeat ista salus, videli-  
 cet, ad obedientes ipsi, hoc est, credentes Evan-  
 gelio Christi. Iuxta illud: Qui credit in Fili-  
 um, habet vitam æternam. Quinto & postre-  
 mo loco notanda est particula vniuersalis. Om-  
 nibus enim credentibus salutarem pronunciat  
 Christi hostiam. Ex fructu igitur hostiæ Chri-  
 sti sola inobedientia, hoc est, incredulitas exclu-  
 dit. Confirmantur præterea hac pericopa fere  
 omnes conditiones, quas in principio capitis in  
 Sacerdote requirit. Summam horum addamus  
 incoatæ definitioni hoc modo:

Christus est à Deo constitutus Sacer-  
 dos æternus, qui homo factus, precibus suppli-  
 cationibusq; oblati, impetrauit salutem ἀντὶ τοῦ  
 soluto, pro omnibus in salutem, qui in ipsum  
 crediderint.

Appella-



EPISTOLA

*Apellatus à DEO Sacerdos  
iuxta ordinem Melchisedech.*

*A testimonio DEI confirmat mino-  
rem. Apellatus est à Deo Sacerdos iuxta ordi-  
nem Melchisedech, Igitur verè est Sacerdos à  
Deo ordinatus.*

*De quo nobis grandis sermo  
est, & difficilis explicatu, Quando-  
quidem tardi facti estis ad audien-  
dum.*

*Disputationem quam inceperat de pon-  
tificatu Christi abrumpit, & digreditur in ob-  
iurgationem. Obiurgat enim Hebræos, ob su-  
am in diuinis rebus ruditatem & ignauiam.  
Hac obiurgatio eò spectat, vt Hebræi disputa-  
tioni sequenti de sacerdotio Christi attentiores  
aures prabeant. Difficultatem, cuius hic  
meminit, non tam rebus quam ignauia audito-  
rum ascribit. Vt enim res faciliè percipiuntur  
ab attentis: Ita ignauia hominum sæpè diffi-  
cultatis causa est. Verè enim dictum est à ve-  
teri Poeta, οὐ χωρὶς μεγάλῳ σοφίῳ ἀδία-  
δακτὸς ἀνὴρ.*

*Et cetera*



Etenim cum deberetis magistri esse propter tempus, rursus indigetis, ut aliquis vos doceat elementa inity sermonum Dei.

Argumentum ignavia est, quod tamen si longo tempore audierant alios, adeo quod merito iam magistri aliorum esse possent, Si tamen pori diligentia in discendo respondisset: tamen adhuc indigeant elementari doctrina religionis. Tametsi autem nemo exhaustire potest fontes sacrae doctrinae, tamen non in elementis perpetuo haerendum sed progrediendum est in dies magis magisque in schola Christi: Nam cum cognitione sensus etiam crescit: Atque ideo Paulus optat suis Philippensibus, ut abundant in cognitione et omni sensu. Vult enim ut sensus respondeat cognitioni.

Et facti estis quibus lacte opus est, et non solido cibo.

Expolitio est, per aliam Metaphoram, ab infantibus sumptam. Ut enim infantibus rudes comparat in Christiana religione: Ita significat ministros Euangelij esse veluti nutrices quasdam, quae, habita ratione infantum, cibum

ipsis



ipsis praebeant : quæ infantibus quidem lac,  
 qui propter ætatem solidum cibum ferre non  
 possunt: profectioribus verò solidum cibum mi-  
 nistrant. Atq; ita requiritur in ministris Euan-  
 gelij, ut se captui auditorum accommodent.  
 Lactis vocabulo quid significetur hoc loco, cum  
 ex precedentibus liquet, Nam quod supra  
 elementa initij sermonum DEI vocauit, hic  
 lac nominat, tum ex initio sexti capitis, ubi ele-  
 mentorum, quæ lactis nomine significantur, sex  
 partes enumerat, de quibus suo loco. Petrus ra-  
 tionalis lactis meminit in prioris secundo, Quod  
 sanè ad viuendi rationem consentaneam infan-  
 tiæ simplici, referendum est. Nam ut lac vitij  
 opponit Apostolus : ita infantiam vetustati na-  
 turæ. 1. Corin. 3. Apostolus lac vocat ser-  
 monem simplicem, cui opponit copiam orationis  
 & grandiloquentiam.

Omnis enim qui lactis est p ar-  
 ticeps, expers est sermonis iusticiæ,  
 paruulus enim est.

Expolitionis est confirmatio. Obseruan-  
 da est antithesis, qua sermo iusticiæ opponitur  
 lacti, hoc est, initiali doctrinæ & elementalī.  
 quare sermo iusticiæ erit plena instructio Chri-  
 stianismi, quæ iustè requiritur à Christianis.

Argu-



Argumentum præsens concludatur hoc pacto.  
Lactis particeps non est idoneus ad solidum ci-  
bum capiendum. Vos Hebræi participes lactis  
estis. Igitur non estis idonei ad solidum cibū ca-  
piendum.. Maior expresse ponitur cum pro-  
batione.

Perfectorum autem est soli-  
dus cibus, qui pro ipso habitu exerci-  
tatos habent sensus, ad discretionem  
boni & mali.

Eiusdem confirmatio, quæ concluditur  
hoc modo. Solidus cibus est perfectorum. Vos  
non estis perfecti. Igitur solidus cibus vobis  
non conuenit. Maiorem confirmat ex eo, quod  
solidus cibus conueniat assuetis, qui possunt di-  
scernere inter bonum & malum. Obseruetur  
hoc loco, quod Apostolus noster velit Christia-  
nos habitum ex continuo usu firmatum habere  
in doctrina religionis, quo possunt discernere in-  
ter bonum & malum. Cum hac discretio boni  
& mali regulam habeat verbum DEI, com-  
mendatur nobis serium verbi Dei studium.  
Papa igitur sacrilegè facit, qui negat licere  
Laicis sacra Biblia, in vernaculam linguam  
versa, legere, sed eos qui hoc faciunt, quoniam  
suppliciorum genere persequitur.

CAPVT



EPISTOLA  
CAPVT  
SEXTVM.  
SVMMMA CAPITIS  
SEXTI.

**R**eprehensa segnitie & tarditate Hebræorum, hortatur eos Apostolus, vt ad altiora se conuertant, minitans simul pœnas, nisi in veritate agnita persistant, & vt fideles animum non despondeant, mitigat quæ durius, in eos qui ab Euangelio deficiunt, dixerat.

ORDO ET PARTES  
CAPITIS SEXTI.

**I**n fine superioris capituli in obiurgationem digressus est, nunc addit exhortationē, à qua rursus ad minas fertur, quibus subiūgit mitigationem, ne asperiori obiurgatione fracti, animum despondeant. Constat autem præsens caput propositione, confirmatione & conclusione, à qua artificiosè redit ad disputationem propositam de Sacerdotio Christi.

EXEGESIS SEXTI  
CAPITIS, CVM OB-  
seruatione doctrinarum.

Qua-



AD HEBRÆOS.

Quapropter omittentes incoationis Christi sermonem, ad perfectiora feramur.

Exhortatio est figurata reiectione. Hortatur enim Hebræos, ut non in Elementis solummodò hæreant, sed ad perfectiora religionis mysteria cognoscenda se accingant, ac se dociles præbeant. λόγον τῆς ἀρχῆς τοῦ Χριστοῦ, vocat prima Christianismi principia, quæ in Catechismo traduntur.

Non rursus iacentes fundamentum.

Amplificat à contrario, & exponit per distributionem, quis sit sermo incoationis Christi, & quæ elementa exordij sermonum Dei, quos lactis vice fungi dixerat. Ponit autem Apostolus ordine sex capita elementaris doctrinæ Christianismi, quæ sunt etiam præcipua in Catechismo.

Pœnitentiæ ab operibus mortuis.

Hoc primum Elementaris doctrinæ Christianismi caput est, à quo Christus ipse & Iohannes suas sunt exorsi conciones, ut autem

K homi-



## EPISTOLA

homines præparari possint ad pœnitentiam seu conuersionem, necessaria est noticia Decalogi, qui accusat peccatum. Verùm ne frangantur homines cogitatione reatus & iudicij Dei, necessaria est concio Euangelij, quæ ad conuersionem inuitat omnes. Cùm igitur nominat pœnitentiam, requirit & Decalogi noticiam & Euangelij, quod Christi merita prædicat, quæ sunt satisfactio pro peccatis. Porro opera mortua, metonymicòs opera mortem inferentia, qualia sunt in non sanctis, omnia interna & externa contra Decalogum. In sanctis verò lapsus contra fundamentum, aut contra conscientiam admissi.

### Et fidei erga Deum.

Hoc secundum caput est Elementaris doctrinæ Christianismi. Pœnitentia enim salutaris esse nequit, imò pœnitentia vocari non potest salutaris, nisi fides erga Deum accedat. Nam hæc forma est conuersionis. fide enim fit conuersio, ac fide liberamur à terroribus peccati, & accedimus ad Deum per Christum Pontificem.

### Baptismatum Doctrinæ.

Hoc



A D H E B R Œ O S.

Hoc tertium caput est Elementaris doctrinæ Christianismi. Baptismus olim pœnitentiam & fidem, cùm iam recens Ecclesia plantaretur, sequebatur, tanquàm beneficij oblati per Euangelium applicatio, & obsignatio quædam fauoris Dei erga conuersos.

Quia autem plurali numero hîc utitur Apostolus, colligunt quidam plura Baptismatum genera, sicut reuera fuerunt tempore Apostolorum. Multi enim baptizabantur visibili dono Spiritus sancti, non quòd immergerentur, ut in aquam: sed quia veniebat super eos Spiritus sanctus, ac visibiliter testabatur, quod intus agebat. Hoc Baptismi genus Flaminis vocant, cui accedit fluminis, & sanguinis Baptismus, quorum ille aqua, iuxta institutionem Christi peragitur: hic fiebat, cùm Catechumeni, persecutionis tempore, martyrio coronabantur, ante susceptum externum Baptismum.

Impositionis quoq; manuum.

Quartum Catecheseos veteris caput. Hæc impositio manuum fiebat per Episcopos & Presbyteros, qui examinatis imponebant manus addita fausta precatatione & benedictione. Ad hanc impositionem manuum, sæpè

K 3

visibi-



EPISTOLA

visibiliter donabatur Spiritus sanctus. Hinc per cacozeliam quandam Papistæ suam extruxerunt Confirmationem. Examen vetus retinetur in emendatis Ecclesijs, superstitiosa vinctio, & tactus genæ, ut vana & inepta, rectè omittuntur.

Resurrectionis mortuorum & iudicij æterni.

Quintum & sextum capita veteris institutionis Christianismi, videlicet Resurrectio & aduentus Christi ad iudicium. Iudicium hoc æternum dicitur, duabus de causis. Primum, quia nullum erit post illud. Deinde, quia sententia iudicis, quæ tum feretur, manebit rata in omnem æternitatem. Quare nec pii timebunt felicitatis, qua fruentur, terminum seu mutationem: nec impij expectabunt pœnarum relaxationem.

Et hoc faciemus, siquidem permiserit Deus.

Repetitio est propositionis, amplificata à causa efficiente. Hoc faciemus, id est, feremur ad perfectiora, sed si Deo ita videbitur.

Hæc



*Hæc horribilem comminationem continent: Significat enim, non solum cursum & profectum in rebus pietatis, esse singulare donum DEI: verumetiam peccata hominum interdum iustè puniri, desertione diuinæ opis, vnde fit, vt homines magis magisq; ruant in exitium. Quòd autem hæc intelligenda sint de peccato BLASPHEMIE, satis indicat annexa ratio. Hoc proinde fulmine comminationis diuinæ tacti, maturè respiscamus, ne nostra proteruia cecitate puniatur.*

*Nam impossibile est eos qui semel fuerunt illuminati, gustaueruntq; donum cæleste, & participes facti fuerunt Spiritus sancti, & gustauerunt bonum Dei verbum, virtutesq; futuri seculi, & prolapsi sunt, iterum renouari ad pœnitentiam, rursus crucifigentes sibi filium Dei, & ostentui habentes.*

*Ratio comminationis, à iusto DEI iudicio sumpta. Impossibile est iterum prolapsos renouari ad pœnitentiam. Sed qualem pro-*

K 3

lapsum



EPISTOLA

lapsus intelligat Apostolus: ex peccati, quod hic accusat, periphrasi satis intelligi potest.

Est autem duplex lapsus, siue prolapsus, videlicet, Particularis & Vniuersalis.

PARTICULARIS quidem est impingere in particularia praecepta Decalogi, siue id fiat ex infirmitate, siue ignorantia, siue etiam voluntate, seu malicia. Huius generis sunt multi errores in vita, videlicet, Idololatria, homicidiū, furtum, adulteriū, & alia, contra praecepta DEI, vel aliquot, vel omnia, Quae fuerunt Manassis, & multorum aliorum. Etsi autem haec, vel singula, aeterna morte sunt digna, venia tamen agentibus poenitentiam non negatur, Quemadmodum testimonia scripturae multa, & exempla illustria ostendunt, vt Manassis, Davidis, Magdalena, Pauli & aliorum. Non igitur potest praesens locus intelligi de particularibus lapsibus.

VNIuersalis verò prolapsus est, non impingere simpliciter in vnum, aut plura, aut etiam omnia praecepta Decalogi: Sed est prorsus Christo, & eius Euangelio verè agnito renunciare, ita vt in Christū posthac non solum non credat aliquis, sed contemnat, odio habeat, ludibrio & tyrannide persequatur, vt Phari.



Pharisei & Iulianus Apostata fecerunt. Hi enim agnitam veritatem, conuicti testimonio Spiritus sancti, rabiosè repudiarunt, & Christum ludibrio affecerunt, videntes ipsius crucem & afflictiones. Huiusmodi peccatis, & hic, & apud Evangelistas negatur venia, nam habent coniunctam finalem impœnitentiam, atq; hic genuinus sensus huius loci est.

Nunc verba Apostoli altius expendamus, quò pateat firmitas nostræ explicationis. Sunt autem tria obseruanda in verbis Apostoli, Quid antecedit hoc peccatum, Qualitas siue potius substantia huius peccati & pœna.

Antecedit hoc peccatum, Illuminatio, gustus doni cœlestis, communio Spiritus sancti, Gustus verbi DEI boni, & virtutum futuræ seculi. Illuminatio, est vera lux, id est, noticia in mente, de Christo & eius beneficijs. Gustus doni cœlestis, est perceptio beneficiorum CHRISTI, per fidem, Communio Spiritus sancti, est testificatio Spiritus sancti in cordibus credentium, de veritate DEI. Gustus boni DEI verbi, causa superiorum est instrumentalis. Nam ex verbo est noticia Dei, ex hac fides nascitur, effuso in hominem Spiritu sancto. Virtutes futuri seculi, significant beatam illam immortalitatem, quam, Spi-



# EPISTOLA

ritu sancto renouante corda, gustarunt credentes.

**SUBSTANTIA** seu qualitas peccati huius, est horum omnium obliteratio quædam, & prolapsus in tantum furorem, ut filium Dei crucifigant, & ostentui habeant, seu ludibrio exponant, ac apud se sarcasticè obyciant Christo mortis ignominiam, adeò ut filium DEI non minus voluntate sua mala crucifigant, & ludibrio exponant, quàm Iudæi, qui suo consilio & furiosis clamoribus Christum crucifigi petiuerunt.

**PœNA** huius peccati horrenda est, nempe, quòd impossibile sit tales renouari, & reuocari ad pœnitentiam, adeò in profundum peccatorum se demerserunt.

Sed quid? an non Paulus dicit, Gratia exuberat super peccatum? Quomodo ergò impossibile erit renouari eos, qui in Spiritum sanctum peccarunt? Hæc impossibilitas non est ex parte gratiæ, quæ verè abundat super omne peccatum, sed ex parte peruitiæ & obstinatiæ malitiæ hominis, qui in profundum peccatorum veniens contemnit.

Alij quæerunt alias mitigationes huius loci, sed nostra expositio conuenit cum concione Christi



ne Christi, in blasphemos Iudaos, Matth. 12. & Marci 4.

Verum ut magis confirmetur animi nostri, ostendam breuiter quomodo Christi con-  
cio cum verbis Apostoli congruat. Primum  
omnium videamus, quales nam fuerint, quibus  
obiectum est peccatum blasphemiae à Domino,  
ut inde definitionem nostram concludamus.  
Pharisei, quibus obiectum erat hoc graue pec-  
catum, fuerunt Prophetijs, doctrina Christi,  
& miraculis, tanquam authenticis quibusdam  
sigillis, conuicti in suis conscientijs, de verita-  
te Euangelij, quod Christus proposuit. Deinde  
volentes & scientes, Christum agniti &  
verbum eius cognitum odio habebant, eiq; ra-  
biosè sua obstinatione renunciarunt. Tum ty-  
rannide, hypocrisi & sarcasmis oppugnabant  
Christum eiusq; Euangelium.

Hinc clarissimè concluditur, quòd PEC-  
CATVM IN SPIRITVM SANCTVM,  
sit voluntaria veritatis DEI, euidenter cogni-  
ta, renunciatio et rebellio, ex odio veritatis na-  
ta, cum furiosa oppugnatione & persecutio-  
ne.

Hanc definitionem conuenire pecca-  
to, cui hic ab Apostolo nostro negatur venia,

K 5

facile



EPISTOLA

facile videt, qui analysin, quam fecimus, praesentis loci animaduverterit.

Sed adijciamus huc dictum Iohannis, 1. Iohan: 5. Est peccatum ad mortem, non pro illo dico, ut quis roget, Omnis iniquitas peccatum est, Et est peccatum non ad mortem. Discernit hic Iohannes inter peccata, quorum alia ad mortem, alia non ad mortem esse pronunciat. Omnis (inquit) iniquitas, id est, quaelibet legis divinae transgressio, est peccatum: sed non ad mortem. Ergo peccatum quod ad mortem est, non est simplex legis transgressio, ut Idololatria, perurium, homicidium, tyrannis, adulterium, furtum, mendacium &c. Quia qui sic peccarunt, possunt resipiscere, & resipiscuntibus peccata haec remittuntur. Nam tametsi haec peccata verè mortalia sunt, ut quae mortem mereantur sua natura: tamen ab Apostolo nostro non dicuntur ad mortem, propterea quod remittantur confugientibus ad propiciatorium.

Ex his sequitur peccatum ad mortem, peculiare peccati genus esse, quod non sit, vel vniuersalis vel particularis divinae legis transgressio, Sed Euangelij potius cogniti renuntiatio, & persecutio, quemadmodum exposuimus.

Etsi



A D H E B R A O S.

*Etsi autem, ut supra dixi, particularia peccata contra Decalogum, non veniunt sub huius peccati rationem: Tamen gradus sunt quidam ad hoc peccatum. Qui enim cognita doctrina Evangelij ruit contra conscientiam in peccata varia, & in illis se oblectat, in eotandem suboritur contemptus poenitentiae, & dedolentia quaedam, donec astutia Diaboli effectum fuerit, ut homo talis prorsus in Epicureismum precipitetur, ac ita paulatim Evangelio renunciet.*

*Quare principijs obstare profuerit vera poenitentia, ne demersi in peccati baratrum, protrahamur tandem technis Sathanae, in hoc horrendum peccatum.*

*Terra enim saepe venientem super se bibens imbrem, & germinans herbam opportunam, illis propter quos colitur, accipit benedictionem à Deo, proferens autem spinas & tribulos, reproba est, & maledictioni proxima, cuius consummatio in combustionem.*

*Aetiologia est, seu rationis declaratio, per aptissimam, eamq; bimembrem comparationem,*



EPISTOLA

nem, cuius prior pars : doctrinam & exhortationem, posterior, comminationem continet.

Prior pars habet quinque comparationis membra. Primum, Terræ comparatur homo. Secundum, cultura terre confertur prædicatio Euangelij. Tertium, Imbri, assimilatur celestis gratia. Quartum, Germinanti herbe fidei fructus respondet. Quintum, Benedictio ni terræ Gratiarum augmentum confertur. Ut igitur terra opus habet cultura & irrigatione, ut fructum producat, laudemque mereatur : Ita homo, veluti terra, opus habet prædicatione Euangelij, & Spiritus sancti gratia, ut fructus laudabiles Deoque gratos edat.

Doctrina de causis concurrentibus ad fructificationem hominis DEO gratam obseruetur, & simul exhortationis stimulus, ut cultura & imbri recepto fructificemus.

Posterior pars Antithesin prioris partis habet, Quare explanatione non indiget: Sed tantum obseruetur accommodatio ad rationem superius positam. Quemadmodum terra culta, & sæpè copiosa pluuia irrigata, nihilominus proferens spinas & tribulos, maledicatur à suis cultoribus, & tanquam reproba contemnitur,  
& com



et comburenda relinquitur, cum suis spinis et tribulis: Ita homo Euangelij et Gratiae celestis particeps, et nihilominus semen coeleste, spinis pungentibus, herbescentem Euangelij viriditatem, aut tribulis defectionis ab Euangelio, prauorumque morum suffocans, deseritur, maledicitur, reprobus à Deo abiicitur, ac poenis aeternis ingratus reservatur. Hac grauis comminatio moueat vnumquemque nostrum, ne sua in DEVM ingratitudine prolatur in profundum vitiorum, donec reprobus planè factus à Deo abiiciatur.

Confidimus autem dilectissimi de vobis meliora et viciniora saluti, tametsi ita loquimur.

Mitigat acerbitem superioris sermonis, ne Hebraei fracti asperiori obiurgatione despondeant animum, putantes nullam lapsis viam ad gratiam reliquam esse. Tametsi, inquit, hæc ita rectè dicimus in reprobos, qui Christum agnitiū contumelia afficiunt: tamen de vobis confidimus meliora, qui salutem vobis à Christo oblatam fide retinetis. Obseruandus locus de obiurgandi modo, ne ita obiurgemus errantes, vt omnem spem salutis videamur illis adimere.

Non



EPISTOLA

Non enim iniustus est Deus.

Ratio mitigationis, à firmitudine promissionum diuinarum sumpta. DEVS non est iniustus, hoc est, DEVS est iustus & verax in promissis suis. Hinc consolatio petitur contra dubitationes, suborientes de promissionibus diuinis.

Vt obliuiscatur operis vestri, & laboris dilectionis, quem ostendistis in nomen ipsius.

Et fructu colligit Hebræos bonas arbores esse: Non enim fieri potest, vt vbi sit fides, eius naturales proprietates non conspiciantur. Obseruetur hoc loco primum, studium pietatis & dilectionis erga proximum esse cœlestis vocationis ac veræ fidei testimonium. Admonet quoq; hic locus pios, de remuneratione obedientiæ, & fide præstitæ, & quod DEO factum iudicetur, quidquid proximis impenditur, ex vera caritate, quæ ex fide manat: Iuxta illud, Quod vni ex minimis istis fecistis, mihi fecistis. Id quod etiam testabitur Iudex viuorum & mortuorum, Christus Dominus, in extremo die, vbi sibi factum imputabit, quod ipsius membris factum est.

Quod



Quod ministrastis Sanctis &  
ministratis.

Exprimit in specie, quod in genere dixit, & Hebraeorum perseverentiam laudat. Non solum (inquit) ministrastis, verumetiam adhuc ministratis sanctis, opere, consilio, doctrina, facultatibus &c. prout eorum necessitas postulare videtur.

Cupimus autem Vnumquemque vestrum idem ostendere studium, ad certitudinem spei, vsq; ad finem, ut non segnes efficiamini.

Quo referenda sunt ea, quæ durius videbantur dici, ostendit: nimirum, ut Hebræi in pietatis studio sint diligentiores: non ut inde desperationis ansam arripiant. Qui enim pietatis studium ostendit, is & sibi & alijs spem salutis confirmat. Huc illud Petri pertinet, Firmam facite vocationem vestram, per bona opera. Ad certitudinem, seu, expletionem spei, hoc est, donec consequamini id quod speratis. Commendatur igitur nobis hoc loco perseverantiae studium. Nam qui perseverauerit vsq; ad finem, hic saluus erit. Atq; ideo subdit

Apostolus



EPISTOLA

*Apostolus, Ut non segnes efficiamini, scilicet, in pietatis cursu. Requiritur promde alacritas animi in homine credente, qua nititur quotidie seipsum in pietatis studio superare.*

*Verum imitatores eorum, qui per fidem & longanimitatem hæreditant promissiones.*

*Exempla sanctorum iubet Hebræos aspicere, ac duo in exemplis Sanctorum vult nos intueri, videlicet, vitæ rationem, & euentum seu exitum.*

*Vitæ ratio Sanctorum, in fide & longanimitate sita erat. Fide apprehenderunt oblatam Gratiā. Ex fide DEVM coluerunt, & proximum dilexerunt. Longanimitas, siue tolerantia eos cohibuit: ne fracti cruce aut scandalis confessionem abijcerent, ac segniores fierent. De hac longanimitate loquitur Esaias, cum ait: In silentio & spe fortitudo vestra.*

*Euentus, est hæreditas promissionis, hoc est, possessio rei promissæ. Fieri enim non potest, quin DEVS in suis promissis verax permaneat, cum sit iustissimus: modò nos in fide perstiterimus. De hoc euentu piorum loquitur*  
*Psalmus*



A D H E B R A E O S.

*Psalmus hisce verbis: Nouit Dominus dies immaculatorum, & hereditas eorum in aeternum erit. Huc ergo aspiciant pii, quoties vel ipsi cruce premuntur, vel impios florere vident, quorum exitus erit confusio, & sempiterna ignominia. Huc pertinet Psal: 37. & 73.*

*Abrahæ namq; promittens Deus, quoniam neminem habuit per quem iuraret maiorem, iurauit per semetipsum, dicens: Certè benedicens benedicam tibi, & multiplicans multiplicabo te, & sic patienter ferens, adeptus est promissionem.*

*Probat fide & patientia expectandam esse promissionem, idq; exemplo Abrahæ. Est autem tale argumentum.*

*Abraham in fide & patientia perseuerans accepit promissionem.*

*Ergo & vos Hebræi, promissa bona, si modò per fidem & patientiam ea expectaueritis, consequimini.*

*Quò autem firmior sit ratio, interponit iuramentum Dei, quo non solùm promissio con-*

*L firma-*



# EPISTOLA

firmatur Abraham, verumetiam omnibus credentibus, & expectantibus per patientiam promissa bona. Nam qui credunt, benedicuntur cum fidei Abraham, Galat: 3. Quare hoc Dei iuramentum, nos quoque, confirmare debet, de promissis diuinis. Sumptum est autem testimonium hoc ex 12. 17. & 22. capitibus Genesios.

Nam homines quidem per eum iurant, qui maior est, & omnis ipsis controuersie finis, est iuramentum, in confirmationem.

Superioris Argumenti confirmatio est, à minori ad maius. Homines iurati merentur fidem. Ergo, multò magis Deo iuranti est credendum, qui fallere nequit, ut qui sit iustissimus.

Observandus locus de iureiurando. Hic enim locus duo docet, primum: quòd iuramentum præstari possit. Secundum, quòd eius legitimus finis, sit veritatis confirmatio, adeoque finis controuersiarum. Contra huius legitimum vsum, Syrach ita loquitur: Vir multum iurans, replebitur iniquitate, & non discedet plaga de domo ipsius. Cui autem iuranti credendum



A D H E B R A E O S

credendum sit docet Paulus suo exemplo, cum ait:  
*Testis est mihi Deus, cui seruo in spiritu, signi-*  
*ficans quod illis solis credendum sit, cum iurant,*  
*qui Deum colunt. De alijs versus Menandri*  
*meminerimus.*

καὶ ὁ θεὸς δὲ φάτωρ ὅρκου ἐἴς ὑμᾶς ᾔσχε.

In quo vberius volens Deus  
ostendere pollicitationis haeredibus,  
immobilem consilij sui certitudinem,  
interposuit iusiurandum, vt per duas  
res immobiles, quibus impossibile est  
mentiri Deum, fortissimum solatium  
habeamus, qui confugimus ad tenen-  
dam propositam spem.

Consequens Argumenti superioris est.  
Homines iureiurando confirmant ea de quibus  
controuertitur. multo magis iusiurandum Dei  
est infallibile, quod additum est promissioni,  
factae Abrahamo, & eius semini. His enim  
duabus rebus nos certificat Deus, videlicet,  
Promissione, & iureiurando, quo promissionem  
confirmat.

L 2

Ob-



## EPISTOLA

Obseruetur hoc loco doctrina de certitudine promissionum diuinarum, quæ confirmata sunt verbo & testimonijs verbo additis, interposito iureiurando, quibus accedunt mors & victima filij. Item donatio visibilis Spiritus sancti, vnde merito nos inuicem exhortari deberemus, verbis Psalmistæ: Laudate Dominum omnes gentes, & laudate eum omnes populi, quoniam confirmata est super nos misericordia eius, & veritas Domini manet in æternum.

Quam, sicut ancoram, habemus animæ tutam & firmam.

Commendatio spei est. vt enim ancora orta tempestate nauem tenet, ne scopulis & vado impingat & frangatur: ita spes vnica in tempestatibus tentationum & persecutionum fiducia est, qua stabilitur Ecclesia, ne fluctibus obruta pereat.

Et ingredientem vsq; ad interiora velaminis.

Vnde tanta spei fiducia sit, exponit, nimirum, ex eo quod ingrediatur cælum, vbi est verum propiciatorium, Iesus Christus. Atq; ita exponit typum propiciatorijs legalis, quod  
intra



A D H E B R A E O S.

intra velum erat, in interiori templi parte, quod  
semel in anno Sacerdos summus ingredieba-  
tur.

Quò præcursor pro nobis in-  
troijt Iesus, secundum ordinem Mel-  
chisedech, factus Pontifex in æter-  
num.

Probat fidem & spem in cælum diri-  
gendam esse: Nimirum, quia ibi est eius obie-  
ctum, nempe, Pontifex noster Iesus Christus,  
hunc præcursorem nominat, cum quia illum se-  
qui nos oporteat, tum quia sine illo nemini pa-  
teat introitus. En quomodo à digressionem re-  
dit ad disputationem, De pontificatu Christi.

C A P V T  
SEPTIMUM.

SUMMA CAPITIS  
SEPTIMI.

Sacerdotium secundum ordinem Melchise-  
dech præferendum est Leuitico sacerdotio,  
Quare non dubium est, quin Christi Sacerdotia-

L 3

um ex-



EPISTOLA

*um excellentius sit Leuitico. Merito proinde  
hoc abolito, illud æternum manet.*

ORDO ET PARTE S  
SEPTIMI CAPITIS.

**I**N quinto capite Christum Pontificem esse se-  
cundum ordinem Melchisedech asseruit, sed  
quia sciebat Hebræos parum attentos & aptos,  
ad tam sublimen doctrinam capiendā, in obiur-  
gationem & monitionem digreditur, vsq; ad  
finem 6. capitis, ubi artificiosè redit ad dispu-  
tationem quam instituerat. In hoc igitur septi-  
mo capite, disputationem incoatam in quinto  
prosequitur hoc ordine. Primum, ut ostendat  
quæ sit comparatio Sacerdotij Christi, cum sa-  
cerdotio Melchisedech, prosopographiam quan-  
dam instituit, in qua attributa personæ Mel-  
chisedech nouem recitat, quæ Christo applicat.  
Et colligit Melchisedechum primum Abraha-  
mo, deinde Leuitis excellentiorem esse. Quo  
facto, Christi Sacerdotium Leuitico præferen-  
dum esse, hac ratione colligit.

*Christus est Sacerdos secundum ordi-  
nem Melchisedech.*

*Melchisedech est maior Abrahamo.*

*Abraham est maior Leuitis.*

*Igitur*



A D H E B R A E O S.

*Igitur Christus Sacerdos maior est Leuiticis sacerdotibus.*

*Tertio loco significat vetus Testamentum per nouum sublatum. Postremò ut utilitatem, necessitatem, & efficaciam sacerdotij Christi perspiciamus, multas Christi & sacerdotum Leuiticorum comparationes cumulat. Proinde totum hoc caput generis est Didascalici, constans quatuor partibus, quæ se mutuo elegantissimo ordine consequuntur.*

EXEGESIS SEPTIMI  
CAPITIS CVM OB-

*seruatione doctrinarum.*

*Hic enim Melchisedech Rex Salem, Sacerdos DEI altissimi, Qui occurrit Abraham, reuertenti à cæde regum, Et benedixit ei, cui & decimas ex omnibus impartitus est Abraham, Primum quidem ex interpretatione Rex iusticiæ. Deinde verò etiam rex Salem, quod est Rex pacis, sine patre, sine matre, sine genere,*

L 4 nere,



EPISTOLA

nere, neq<sup>3</sup> principium dierum, neq<sup>3</sup>  
vitæ finem habens, assimilatus verò  
filio D E I, manet Sacerdos in  
æternum.

Prosopographia est, seu, personæ descri-  
ptio, desumpta ex 14. capite Gene. Et ex Psal-  
mo 110. Sunt autem in hac prosopographia, no-  
uem personæ Melchisedech attributa expenden-  
da. Nam definiunt qualis sit ordo, seu ratio  
sacerdotij Melchisedech: quæ ratio Christo ac-  
commodatur: Sed ut veritas typo. Quæ enim  
ymbratilia sunt in Melchisedech, ipsa veritas  
est in Christo Iesu. Attributa autem hæc sunt.  
Primum, nomen personæ. Secundum, regia di-  
gnitas, cum assignatione loci. Tertium, Sa-  
cerdotalis eminentia, & prærogatiua. Quar-  
tum regia liberalitas in Abrahamum, quem re-  
deunt em à cæde regum, conuiuio liberali ex-  
cepit. Quintum, Benedictio sacerdotalis. Sex-  
tum, Acceptio decimarum, Septimum, Origi-  
nis, & exitus ignoratio. Octauum, Similitu-  
do cum filio D E I. Nonum, perpetuitas Sa-  
cerdotij. In his consistit & ordo & ratio, iuxta  
quam Christus est Sacerdos, ad exemplar Mel-  
chisedech.



chisedech. Verum hoc discriminis est, quod  
umbra solummodo veritatis fuerit delineata in  
Melchisedech. In Christo autem lux ipsa &  
veritas existat. Neesse est enim discernere  
inter ipsam figuram, seu, imaginem, & rem,  
seu, veritatem, quam repræsentat imago. Ita  
enim monet Chrysostomus, cum ait: Εἰ δὲ παν-  
ταχὶ ἐμείλερ ἢ ὁμοιότης εἶναι, οὐκ ἔστι τύ-  
πος ἢ καὶ ἀληθεῖα, ἀλλὰ τύπος τὰ ἀμ-  
φότερα.

Iam singula ἀναλογικῶς Christo ap-  
plicemus, typum cum veritate conferentes.

Primum igitur ΝΟΜΕΝ occurrit  
MELCHISEDECH, hoc est, ut Apostolus in-  
terpretatur, Rex iusticiæ: quod sanè nomen in  
veritate, soli Christo vero DEO, & vero ho-  
mini competit: Melchisedech autem ut umbræ  
seu typo. Christus etenim iustus est, & Rex  
iusticiæ, non solum ratione diuinæ naturæ ab  
æterno: verumetiam in assumpta humanitate.  
Plenissimè enim DEO iuxta normam legis obe-  
diuit, vsq; ad mortem crucis, ut loquitur Pau-  
lus. Præterea iustus est etiam Actiue, adeoq;  
Rex iusticiæ, quia in se credentibus impartit  
suam iusticiam: qua ipsis imputata, habentur  
coram DEO iusti, & donatos Spiritu sancto



E T I S T O L A

*sanctificat in hac vita, quos in resurrectione mortuorum ita reparaturus est, ut sint conformes DEO in omni aeternitate.*

*Secundo loco, REX SALEM, hoc est, pacis, dictus est Melchisedech, quod quidem nomen Melchisedech à loco ubi habitavit accepit, & eatenus illi congruit, verum si rem spectes, plenissimè Christo Domino competit. Nam huius intercessionem aeternam pacem cum DEO patre adepti sunt credentes. Hinc est quòd chorus Angelorum, nato recens Christo secundum humanitatem, cecinerit: Gloria in excelsis Deo, in terra pax, hominibus bona voluntas. Et Paulus ad Romanos 5. Iustificati ex fide, pacem habemus cum Deo, per Dominum nostrum Iesum Christum. Proinde verè Rex pacis dici meretur noster Pontifex, Iesus Christus.*

*Tertiò, SACERDOS DEI ALTISSIMI appellatur Melchisedech, qui in ista prophana gente, solus ferè cum sua familia retinuit verum DEI cultum, obtulit sacrificia, & precabatur DEVM. Sed hic titulus multò verius Christo sacerdoti conuenit, qui ex sinu patris prodiens, verbum DEI nobis annuntiavit, Intercedit pro nobis precibus, ac semel*



A D H E B R A O S.

*mel seipsum obtulit, per Spiritum sempiternū,  
in sacrificium, & in odorem suauitatis Deo.  
Sed de Sacrificio Christi suo loco copiosius.*

*Quartò loco, in descriptione adijcitur,  
quod Melchisedech occurrerit Abrahamo re-  
uertenti à cæde regum.*

*Hic Apostolus noster excludit partem  
Historiæ, videlicet, quod Melchisedech protu-  
lerit panem & vinum, excepturus Abraha-  
mum & eius comites conuiuio. Sed hanc par-  
tem nequaquam omisisset Apostolus, si aliquid  
mysterij magni illic latere iudicasset, quod per-  
tinere ad Sacerdotij Christi eminentiam extol-  
lendam videretur. Papiæ tamen inde extru-  
unt suum panis & vini sacrificium. Sed vim  
manifestam faciunt historiæ, quæ est Geneseos  
14. partim corrumpendo textum: partim ad-  
dendo de suo, quod textus non habet. Pri-  
mum enim pro protulit, corruptè legunt, obtu-  
lit, vt inde Sacrificium faciant. Deinde parti-  
culam, ET, copulatiuam excludunt, & substi-  
tuunt in eius locum, ENIM, ac si idè obtulif-  
set Melchisedech, quia erat Sacerdos, Neq̃ eo-  
rum causam iuuare potest, quod nonnulli ex  
patribus videantur in ea sententia fuisse. Non  
enim exemplis, sed legibus iudicandum est.  
Verùm*



# EPISTOLA

*Verum si quis tamen contendat posse per illam regiam liberalitatem Melchisedech, qua Abrahamum excepit, communicato illi & exercitui pane & vino, significari cœnam Domini, qua Christus rex liberaliter refocillat redeuntes à cæde regum : hoc est, agentes pœnitentiam, profligato Diabolo, mortificata carne, & concupiscentijs eius, (id quod Patres sensisse reor) fruatur suo sensu: modò non inde impiam oblationem Papistarum faciat. Verè enim Christus, defessos in pugna contra peccatum, mortem, dubitationes &c. recreat, non solum spirituali sui corporis & sanguinis communicatione per verbum, verumetiam eorundem Sacramento: cuius elementa sunt, panis & vinum. Verum quia Apostolus noster hunc typum non adiecit, neq; ego sollicitus ero de eius accommodatione, hoc interim certum sit, violenter & contra mentem Mosis, liberalitatem Melchisedech trahi ad missale Papistarum sacrificium.*

*Quinto loco sequitur, quòd Melchisedech benedixerit Abrahamo, quod sanè intelligendum est de Sacerdotali benedictione. Verum hoc discriminis est, Melchisedech benedixit precando, Christus verò benedicit bene præstando, iuxta benedictionis vocem: vos, inquit*



## E P I S T O L A

*inquit Dominus, inuocabitis nomen meum super filios Israel, & ego benedicam.*

*Sextò subijcitur, quòd Melchisedech acceperit decimas ab Abrahamo: quas sanè decimas Abraham sua sponte contulit, sequutus haud dubie morem victorum, qui solebant decimas de spolijs suis vel Dijs consecrare, vel Sacerdotibus conferre. Verùm hæc decimarum collatio, multò meliori iure Christo Sacerdoti debetur, qui vt omnia nobis confert, ex mera bonitate: ita vicissim illi non solum decimas, verumetiam omnia nostra debemus.*

*Septimò, fit mentio ignorationis ortus & obitus Melchisedech. Apostolus enim dicit SINE PATRE, SINE MATRE. Quod sanè non ita intelligendum est, quasi Melchisedech nec patrem nec matrem habuerit, sed ita accipi debet, sicuti ipse Apostolus se interpretatur, cum addit ἀγενεαλόγητος, hoc est, cuius Genealogia nusquam extat in scriptura. Quare Chrysostomus hæc ità rectè restringit. Est sine patre & sine matre, quoad nostram cognitionem attinet, id quod singulari DEI consilio factum est, vt typus aliquo modo adumbraret veritatem, quæ veritas soli Christo*

*com.*



EPISTOLA

competit. Nam Christus si diuinam naturam respicis, ἀμήτωρ ἐστ, natus ineffabili modo à patre, quem modum nemo mortalium nec angelorum enarrare potest. Quare vt ἀμήτωρ, ita & ἀγενεαλόγητος & rectissime dicitur. Si humanam naturam Christi cōsideras, ἀπαίτωρ ἐστ, hoc est, sine patre carnali cōceptus, & natus est, id quod sanè rationis mensuram longè excedit.

Octauò, dicitur Melchisedech assimilatus filio DEI, Sed quemadmodum typus seu figura veritati similis esse potest. Hoc igitur ad qualitatem similem, non ad pares qualitatis gradus referendum est. Sic simile est regnum cœlorum grano sinapis, sed non idem cum grano. Non enim omnis similitudo, vt inquit Epiphanius, tota accipitur. Picta imago similis est viuo homini, sed quis non videt magnam distantiam?

Nonò & ultimò additur de Melchisedech, Manet Sacerdos in æternum, Quod sanè ad æternitatis speciem referri debet. Nam nullibi in scriptura legitur Melchisedech, vel obiisse, vel alteri tradidisse Sacerdotium, quoungebatur, cuius æternitatis veritas in Christo Iesu est. Nam hic solus manet Sacerdos æternus, perpetuò interpellans in Ecclesiam.

In



In omnibus his attributis, & collationis  
membris, nota sit regula hæc: Sæpè tribuun-  
tur Typo, quæ veritati soli reuera conue-  
niunt. Plurima iuxta hanc regulam expli-  
canda sunt in veteri Testamento, videlicet de  
statutis perpetuis, De terra perpetuò possiden-  
da, de perpetuo regno Davidis, & de multis  
alijs eius generis, quæ omnia tribuuntur signis,  
cum sint rerum ipsarum per Metonymiam.  
Nam res, quæ his significantur, æternæ & per-  
petuæ intelligi debent. Sed cur ita loquitur  
scriptura? vt mentes hominum erigantur ad  
contemplationem cælestium rerum, & æterna-  
rum, quæ significantur rebus terrenis & ca-  
ducis.

Considerate autem, quantus  
sit hic, cui & decimas Abraham de-  
dit de spolijs Patriarcha ille.

Postquam Christum Sacerdotem esse, se-  
cundum ordinem Melchisedech ostendit, addit  
collationem inter Melchisedech & Abra-  
ham, vt ostendat Christum Abrahamo maio-  
rem esse, quò ipsum supra Leuitas, qui ex A-  
brahamo nati sunt, extollat. Sensus igitur hu-  
ius propositionis est, quòd Melchisedech sit ma-  
ior Abra-



EPISTOLA

ior Abrahamo, hanc propositionem ex eo confirmat, quod Abraham dederit Melchisedech decimas. Est autem argumentum hoc comparatum, quod hoc modo concluditur:

Qui decimas accipit, maior eo est qui decimas dat.

Melchisedech accepit decimas ab Abrahamo.

Proinde maior est Melchisedech Abrahamo.

Non caret Emphasi, quod Abrahamum Patriarcham appellet, nam duo hinc concluditur. Primum, quod necesse sit illum excellentem fuisse, qui à tanto Patriarcha, id est, patrum principe, decimas acceperit. Deinde & hoc inde sequitur, quod Levitæ Abrahamo inferiores sint. Nam ipsi Levitæ Abrahamum Patriarcham suum agnoscunt. Hinc sequitur Melchisedechum, qui Patriarcha Abrahamo fuit maior, etiam Levitas dignitatis gradu superare, ex quo & Christum eminere supra Levitas concluditur, ut qui secundum rationem Melchisedech sit Sacerdos.

Atque hi quidem, qui sunt ex filiis Levi, Sacerdotium accipientes, præceptum habent à populo decimas acci-



AD HEBRÆOS.

accipiendi, iuxta legem, hoc est, ex fratribus suis, licet egressis ex lumbis Abraham, At is, cuius genus non recensetur ab ipsis, decimas sumsit ab Abraham, & habentem promissiones benedixit.

Probat Melchisedech maiorem esse Leuitis, ut inde Christum quoque Leuitis superiorem esse concludat. Argumentum autem praesens hoc pacto ad leges Dialecticas reuocabitur.

Qui non ducit genus ex Leuitica tribu, & nihilominus accipit decimas ab Abraham summo Patriarcha, atque ei, tametsi habenti promissiones benedicit, non solum maior est ijs, qui ducunt genus à Leui, & solummodò accipiunt decimas à fratribus suis, verumetiam ipso Patriarcha Abrahamo.

Melchisedech autem non ducit genus ex Leui, & tamen decimas ab ipso Abrahamo principe patrum sumsit, cui etiam benedixit.

Proinde Melchisedech non solum ipsis Leuitis, verumetiam Abrahamo ipso maior est.

Si ergo principe patrum maior est, est

M

pro-



E P I S T O L A

profectò ipsis patribus maior. Proinde Christus meritò Levitis præferendus est, qui iuxta ritum Melchisedech Sacerdos est constitutus. hic locum habet regula Dialecticorum: Quod maius est maiore, etiam maius minore.

Porro, sine omni controuersia quod minus est, à potiori benedicitur.

Confirmatio posterioris partis maioris est. Qui minor est, benedicitur à digniori, Sed Abraham benedicitur à Melchisedech. Abraham igitur minor est quàm Melchisedech. Est autem hic Sacerdotalis benedictio intelligenda, sicuti suprà quoq, admonuimus.

Atq, hic quidem homines, qui moriuntur, decimas accipiunt, illic autem is, de quo testatum est quod uiuat.

Alio argumento probat Melchisedech superiorem esse Levitis.

Qui semper uiuit maior est ijs, qui postquam decimas acceperunt, moriuntur.

Melchisedech autem semper uiuit, & Levitæ moriuntur, ita ut alijs alijs succedant.

Maiores



*A D H E B R E O S.*

*Maiores est igitur Melchisedech Levitis.*

*Quod autem affirmat Melchisedech vivere, ad veritatem, quæ in Christo est completa, & ad silentium de morte Melchisedech, referendum est.*

*Mors igitur Levitarum, qui suis predecessoribus successerunt, fuit signum aliquando abolitum iri sacerdotium Leviticum.*

*Quod autem Melchisedechi vita commemoratur in scriptura, & non mors, figura fuit sacerdotij Christi nunquam abolendi.*

*Et, ut ita loquar, per Abrahamum decimatus est ipse Levi, qui decimas solet accipere, nam is adhuc in lumbis patris erat, cum occurreret Abrahamæ Melchisedech.*

*Sensus horum verborum est. Abraham cum subiecit se Melchisedech solutione decimarum, simul totam suam posteritatem, quæ ex se nasceretur, eidem subiecit, Quare & Levi, qui tum in lumbis patris Abrahamæ fuit, minor est Melchisedech. Quod de Levi dicitur, etiam de reliquis tribus intelligendum est.*

*M 2*

*Verum*



EPISTOLA

*Verum hic quaestio de Christo oritur, qui ex tribu Iuda descendit: an non & ille eodem argumento conuincatur, decimatus fuisse per Abrahamum?*

*Ad hanc quaestionem facilis est responsio. Nam Christi fuit singulare priuilegium, siquidem non secundum legem communem natus est Christus ab Abraham, sicut Leui natus est, sed conceptus est de Spiritu sancto, & ex virgine natus. Vnde ut non contraxit originale peccatum, ita nec patris infirmitati subijcitur, ut cum eo sit reus. Deinde Christus non solum homo est, ut Leui, verumetiam Deus ab aeterno natus, qua quidem ratione etiam angelis ipsis atq; adeo omnibus creaturis excellentior est.*

*Porrò, si consummatio per Leuiticum Sacerdotium erat, (populus enim sub eo legem accepit) quid adhuc opus secundum ordinem Melchisedech, alterum exoriri Sacerdotem, & non secundum ordinem Aaron dici?*

*Alio Argumento idem probat, videlicet, Christi Sacerdotium praefendum esse Leuitico*



uitico sacerdotio. Sumitur autem præsens argumentum à destructione consequentis.

Si Leuiticum sacerdotium fuisset consummatum & perfectum, non fuisset opus nouo Sacerdotio secundum ordinem Melchisedech.

Sed fuit opus sacerdotio secundum ordinem Melchisedech, iuxta dixtum Domini: Tu es Sacerdos in æternum, secundum ordinem Melchisedech.

Proinde consummatum est imperfecto præferendum, meritò Christi sacerdotium excellentius Leuitico prædicatur.

Sed quid sibi vult parenthesis? (populus enim sub eo, scilicet, Sacerdotio Leuitico legem accepit) Hæc parenthesis significat mutuam relationem fœderis & Sacerdotij. Est enim omne sacerdotium, alicuius fœderis sponso. Quare cum Leuiticum Sacerdotium redigit Apostolus in ordinem infra Christi sacerdotium, eodem argumento etiam fœdus Leuitici sacerdotij cedere debere fœderi sacerdotij Christi ostendit. Sed hoc plenius ostendit sequenti ratione.

Translato enim Sacerdotio, necessariò & Legis fit translatio.



EPISTOLA

Sacerdotium & lex (hoc est Sacerdotij  
fœdus) natura coniuncta sunt, vt simul vel  
maneant vel intereant. Si igitur mutatur  
Sacerdotium, mutari etiam fœdus necesse est,  
Sed iam translatum est sacerdotium Leuiti-  
cum, & ei successit Christi Sacerdotium. Igi-  
tur & legi seu fœderi sacerdotij Leuitici succe-  
det fœdus sacerdotij Christi. Deinde etiam  
hinc concludamus quod Lex Mosaica ceremo-  
nialis, quæ erat sacerdotij Leuitici fœdus, debu-  
it finem habere, adueniente nouo sacerdote  
Christo.

Certè is, de quo hæc dicuntur,  
alterius fuit tribus particeps, ex qua  
nemo astitit altari, clarum enim est,  
quod de tribu Iuda natus sit Domi-  
nus noster: De qua tribu nihil locu-  
tus est Moses, quod ad Sacerdotium  
spectat.

Confirmatur minor superioris argu-  
menti, videlicet, quod Sacerdotium sit trans-  
latum, à tribu Leui ad tribum Iudæ, quæ  
tribus non erat particeps veteris Sacerdotij:  
hoc



AD HEBRÆOS.

hoc est, vetus Sacerdotium non erat commis-  
sum tribui Iudæ. Cum ergo CHRISTVS Sa-  
cerdos noster, iuxta carnem ortum habet à tri-  
bu Iudæ, manifestum est & translatum esse  
sacerdotium & mutatum esse fœdus.

Et amplius adhuc manifestum  
est, si secundum similitudinem Mel-  
chisedech exoritur Sacerdos alius,  
qui non iuxta legem mandati carna-  
lis factus fuit, sed secundum poten-  
tiam vitæ insolubilis.

Argumento à circumstantijs tempo-  
ris, & qualitatis, idem probat, videlicet, &  
translatum esse Sacerdotium, & translatam  
esse legem. Carnale Sacerdotium, & tempo-  
rale, habet legem carnalem & temporalem.  
Contrà verò, spirituale & æternum Sacerdoti-  
um, habet spirituales & æternas leges, hoc  
est, fœdus in æternum durans. Ergò cum Aa-  
ronicum Sacerdotium sit carnale & temporale:  
& Christi sit spirituale & æternum, necesse  
est fieri legis translationem, vna cum Sacerdo-  
tij translatione.



E P I S O T L A

Contestatur enim in hunc modum : Tu es Sacerdos in æternum secundum ordinem Melchisedech.

Probat testimonio Psalmi sacerdotium Christi æternum esse, quia autem hoc dictum Psalmi suprà declaratum est, & ostensum est, qualis nã sit ille ordo Melchisedech, nõ est quod idem hìc repetamus. Nam ex superioribus patet, quod comparatio illa inter Melchisedech & Christum, potissimum sita sit in nomine, in regni sede, in perpetuitate vitæ, in iure decimarum, & in benedictione Sacerdotali, de quibus suprà.

Abrogatio fit prioris mandati, propter infirmitatem eius, & inutilitatem.

Causam reddit curiam Lex vetus seu fœdus abrogatum sit : nempe, quia inutilis & infirma erat Lex. Verum hìc diligenter observanda est relatio. Nã si respicis significationem spirituales, aut finem proprium legis, nequaquam vel infirma vel inutilis erat, fuit autem eius finis proprius, homines ad Christum mittere, qui



re, qui ut solus iustificat credentes, ita solus tollit peccatum & mortem. At si legem in se respicis, sine spirituali significatione, & fine, quemadmodum eam intuebantur Pharisei, reuera & inutilis, & infirma erat. Dicitur igitur inutilis & infirma respectu perfectionis, quæ per nouum Sacerdotem Christum, & per fœdus ipsius Sacerdotio annexum contigit.

*Nihil enim ad perfectum adduxit Lex.*

*Hæc ratio est, cur legem inutilem & infirmam pronunciat, nimirum, quòd nihil ad perfectionem adducat, scilicet iustificando peccatores, expiando peccatum, & delendo mortem.*

*Sed accessit introductio ad spem potiore, per quam appropinquamus Deo, atq; hoc potiore, quòd non absq; iureiurando res acta sit.*

*Prolepsis est, anteuertit enim Hebræorum obiectionem, qui poterant ex dictis ita inferre aduersus Apostolum: Tu dicis legem inutilem & infirmam esse, cur igitur Deus ta-*



EPISTOLA

lem inutilem & infirmam legem dedit? Respondet Apostolus, Legem fuisse quandam Pædagogiam ad Christum, seu, fœdus novi Sacerdotis, per quem habemus accessum ad DEUM, sed in maiorem rei confirmationem dicit accessisse iusiurandum, quo fœdus Sacerdotij Christi sancitum sit, ut perpetuò duret.

Nam illi quidem citra iusiurandum Sacerdotes facti sunt, hic verò cum iureiurando, per eum qui dixit, Tu es Sacerdos in æternum, secundum ordinem Melchisedech.

Ratio comparationis hæc est.

Sacerdos iureiurando DEI confirmatus in æternum, præferendus est illis, qui sine iuramento assumpti sunt ad tempus.

Sed Christus per iusiurandum confirmatus est Sacerdos in æternum. Levitæ verò, sine iureiurando assumpti sunt ad tempus.

Proinde Christus Sacerdos Leviticis Sacerdotibus est præferendus.

Solo



A D H E B R A O S.

*Sola minor loco totius argumenti ponitur.*

*Tanto potioris Testamenti sponsor factus est Iesus.*

*Infert ex collatione Sacerdotij Leuitici & Christi, collationem veteris & noui fœderis. Dignitas enim fœderis & præstantia, pendet à dignitate Sacerdotij. Sensus igitur hic est: Tanto potioris Testamenti sponsor factus est Christus, quanto dignior est Sacerdos quàm Leuitæ. Dignitas autem fœderis, cuius sponsor est Christus, sita est in quatuor potissimum, videlicet in firmitudine, nam iuramento DEI confirmatum est. 2. In perpetuitate, Immutabile enim est, vt quod in æternum duret. 3. In pactionis modo, nam Christi sanguine peractum est. 4. Et in forma, quæ est promissio remissionis peccatorum, seu peccatorum abolutio in credentibus.*

*Hinc apparet quantum vetus fœdus annexum sacerdotio Aaronico differat à Christi fœdere. Nam sine iuramento, vetus fœdus initum est, nec est perpetuum, nec sanguine Christi sancitum, sed sanguine ruse vacca, nec promissum.*



# EPISTOLA

promissionem remissionis peccatorum in se continet, quatenus sine Christo consideratur.

In hac pericopa, obseruetur immotum principium, videlicet, quod Sacerdos omnis sit sponsor fœderis, seu Testamenti alicuius, vnde duo discamus: Primum, quod Christus Sacerdos promittat aliquid. Secundò, quòd illa promissio fœdus respiciat, quo sibi mutuò obligantur, is qui promittit, & illi quibus fit promissio. Is qui promittit, videlicet, Christus, salutem omnibus gratuitam offert. Illi quibus fit promissio, eandem salutem oblatam fide accipiunt. Proinde nouum fœdus seu Testamentum in mutua obligatione est positum. Est igitur nouum hoc fœdus stipulatio inter DEVM & hominem, nam vt DEVS salutem gratuitam offert per Christum, ita homo salutem oblatam fide accipit, & obedientiam promittit.

Et alij quidem plures facti sunt Sacerdotes, secundum legem, propterea quod morte prohiberentur permanere, hic autem, eò quod maneat in æternum, sempiternum habet Sacerdotium.

Colla-



AD HEBRÆOS.

*Collatio Christi & Levitarum, ex circumstantiis temporis sumpta.*

*Æternus Sacerdos, & semper vivens, ijs meritò præferendus est, qui ad breve tantum tempus vivunt, atq; ideo morte prohibentur fungi Sacerdotio.*

*Sed Christus est æternus Sacerdos, & semper vivens, Levitæ autem ad breve tempus permanent, propter mortalitatis conditionem.*

*Proinde Christus Levitis præferendus est.*

*Loco totius argumenti sola minor ponitur.*

*Vocat autem Apostolus noster, sacerdotium Christi ἀπαράστατον, quod successione non transeat ad alium. Hac unica vocula totus Papatus conficitur, qui suæ religionis pro-  
ram, quod aiunt, & puppim in Sacerdotio Mis-  
satifico collocat. Si enim Christi sacerdotium est ἀπαράστατον, impudens est oratio Papistarum, qui de successione sui ficti Sacerdotij in locum Sacerdotij Christi gloriantur.*

*Vnde & saluare in perpetuum potest, accedentes per ipsum ad De-  
um,*



um., semper viuens ad interpellandum pro nobis.

Hæc illatio tria habet. Primum, quis sit effectus sacerdotij CHRISTI. Secundò, ad quos pertineat. Tertio, quo præsidio tuti sint participes fœderis Christi.

Effectus Sacerdotij Christi, est salus corporis & animæ.

Hæc salus offertur quidem omnibus, sed illi tantum eius fiunt participes, qui per hunc Sacerdotem DEVM accedunt, quod fit fide: Ita enim Paulus ait, ad Roma. 5. Iustificati igitur ex fide, pacem habemus cum DEO, per Dominum nostrum Iesum Christum, per quem etiam accessum habemus fide, in gratiam hanc in qua stamus.

Verum quia semper sancti in hoc mundo circumferunt peccata, addit Apostolus de perpetua interpellatione CHRISTI apud patrem, qua, ut tutissimo præsidio, tuti sunt. Huc ergò in nostris infirmitatibus & lapsibus respiciamus, quemadmodum & Iohannes monet: Si quis peccauerit, aduocatum habemus apud Patrem, Iesum Christum iustum, & ipse est propitiatio pro peccatis nostris. Porro hic



Et hic locus diligenter observandus est, contra  
 Pragensem Sophistam, impudenter negantem  
 Dominum nostrum Iesum Christum, nunc in-  
 tercessorem esse, inter DEVM æternum pa-  
 trem, & Ecclesiam: ut in Christi locum euehat  
 Sanctos intercessores & mediatores. Fatetur  
 quidem vaser ille Christum inuocandum, ut  
 DEVM, sed non ut mediatorem: quare hanc  
 precandi formam damnat: Fili DEI intercede  
 pro me, apud æternum Patrem, Sed sciamus  
 utroq; modo filium DEI inuocandum esse, vi-  
 delicet, ut DEVM datorem bonorum, cum pa-  
 tre & Spiritu sancto, & rursus ut mediato-  
 rem & intercessorem, ut propter ipsum exau-  
 diamur, ac ut ipse pro nobis sit deprecator, apud  
 æternum patrem, & ut ipse perferat nostros  
 gemitus & preces ad æternum patrem, quem-  
 admodum hic locus Apostoli apertè docet, Et  
 Paulus ad Romanos 8. disertè ait, Qui est ad  
 dexteram DEI, & interpellat pro nobis. Huc  
 ratio æterni Sacerdotij Christi pertinet. Qui-  
 cunq; ergo negat Christum nunc mediatorem  
 esse, sacrilegè illi adimit, quod Pater ipsi in  
 æternum tribuit, cum ait: Tu es Sacerdos in  
 æternum. Huc pertinet etiam promissio Chri-  
 sti, Quicquid petieritis patrem, in nomino meo,  
 dabit vobis.

Talis



EPISTOLA

Talis enim decebat, vt esset nobis Pontifex, sanctus, innocens, impollutus, segregatus à peccatoribus, & excelsior cælis factus, qui non necesse habeat quotidie, quemadmodum Sacerdotes, primum pro suis peccatis hostias offerre, Deinde pro populi, hoc enim fecit semel cum seipsum oblit.

A proprijs & necessarijs veri Sacerdotis conditionibus, conuincit Christum esse verum Sacerdotem, Leuitas autem minimè. Hæc veri Sacerdotis descriptio, sita est in tribus, in qualitate personæ, in comparatione eiusdem ad homines alios, adeoq; omnes creaturas, & in sacrificij virtute atq; perfectione.

Qualitas personæ est, quod Christus Pontifex sit sanctus, innocens, & impollutus, idq; non imputatione aut incoatione, sed veritate & perfectione, Hæc qualitas, in solo Christo sacerdote inuenitur, & nequaquam in Leuitis.

Comparatio, quod sit segregatus à peccato



A D H E B R A E O S.

catoribus. Etsi enim natura non est segregatus ab hominibus alijs, tamen à naturæ aduenticia contagione, hoc est, à peccato omnino ab omnibus alijs hominibus est segregatus. Deinde dicitur Excelsior cælis factus, id est, omnibus rebus, quæ in cælo sunt, ut sunt Angeli, & creaturæ reliquæ, utraq; proprietas Christo mediatori & Sacerdoti nostro verissimè conuenit, non Levitis, non Angelis, non creaturis ullis alijs.

Sed obijciat aliquis Ario hæretico asurgens: Si excelsior est factus, fuit aliquando humilior. Si humilior, quomodo ipsum Deum prædicas, cum hæc in diuinam naturam non quadrent?

Huic Argumento Ambrosius de fide lib: 3. cap. 5. respondet hisce verbis: Nemo excelsior factus dicitur, nisi qui in aliquo fuerit humilior: in eo igitur excelsior factus est, sedendo ad dexteram patris, in quo se, minor angelis factus, obtulit passioni. Hæc Ambrosius.

Iam ex Apostoli verbis colligamus conclusionem. Si sacerdotis est intercedere apud patrem, & nullus est legitimus sacerdos, nisi sit à peccatoribus segregatus & cælis excelsior, sequitur perfectio mediatoris dignitatem in nulum quadrare, nisi in vnum Iesum Christum.

N

Sacri-



## E P I S T O L A

*Sacrilegi igitur sunt Papistæ, qui alios mediatores fingunt apud Deum, quàm solum hunc Iesum Christum, qui solus perfectè omnia Sacerdotis munera exequi potest.*

*Virtus sacerdotis Christi, & perfectio est, quod vnica hostia semel peracta pro peccatis hominum, Deum propitiet, & placet. Hoc etiam soli Christo sacerdoti, & non Leviticis Sacerdotibus, conuenit, quoniam Levitici sacerdotes, primum pro suis peccatis, deinde pro populi peccato obtulerunt hostias, idq; non semel tantum, sed sæpius. Proinde meritò Christus verus sacerdos censendus, & non Leuitæ.*

*Obseruetur hinc diligenter, quæ sit proprietas sacerdotis eius, qui suo merito & efficaciter Deum placare possit, & imprimis obseruetur emphasis aduerbij, SEMEL. Significat enim, quod semel factum est, ita absolutum fuisse, vt eius iteratio minimè sit necessaria, vt taceamus sacrilegiū esse id iterare, quod Deus semel factum esse voluit. Quicunq; enim hoc facit, negat vittimam Christi perfectam fuisse. Hinc facile est iudicare, quàm sit sacrilega vox Papalium, qui dicunt se Christum quotidie patri offerre pro viuorum & mortuorum peccatis. Quod autem quidam ex patribus vocant cœ-*  
nam



AD HEBRÆOS.

nam Dominicam hostiam, & Sacrificium, hoc fit quia in cœnæ celebratione sunt gratiarum-actiones, quæ sunt hostiæ spirituales, & quia fit recordatio eius summi Sacrificij, quod peractum est in ara crucis, quo illud mandatum Domini pertinet: Hoc facite in mei commemorationem.

Lex enim homines constituit sacerdotes, habentes infirmitatem. Sermo verò iurisiurandi, quod posterius est legi, filium in æternum perfectum.

Hæc ratio per comparisonem sumitur ex causis efficientibus, personarum adiunctis, & à temporum circumstantijs. Absolvitur autem hoc modo:

Is sacerdos, qui post alios iureiurando est constitutus, quiq; est filius Dei in æternum perfectus, iure præfertur prioribus, lege tantum sine iureiurando constitutis, quiq; sunt homines infirmi.

Christus est post alios iureiurando constitutus Sacerdos, estq; filius Dei in æternum perfectus, ut qui non habeat successorem. Le-

N 2      nita



# EPISTOLA

uitæ verò lege tantum, sine iureiuranda constituti sunt, & sunt homines infirmi.

Igitur Christus iure Leuitis præferatur.

Obseruetur & hic locus de perfecto Christi Sacerdotio, in æternum duraturo, & sufficienti, quis non videt hic confodi missaticum Idolum Papistarum, quo nullum aliud abominabilius Satan excogitare potuit, per Missam enim Papisticam, Christi sacerdotium, quod æternum esse oportet, abrogatur. Per Missam Papisticam, Sacrificium, quo semel omnia peccata Christus expiauit, aboletur. Per Missam Papisticam, Sanguis Christi, cuius mundicie abluimur omnes, conspuitur. Per Missam Papisticam, tota redemptio, morte Christi acquisita, dissipatur. Per missam Papisticam, cæna Dominica, qua nobis mortis suæ memoriam commendauit Dominus, prophanatur. Per Missam Papisticam, maiestas Dei, erecto in eius locum Idolo, deijcitur. Deniq; per missam Papisticam, totum Christi regnum à Satana conculcatur. Cum tot abominationes sint in missa Papistica, non minus quàm ipsissimus Satanas fugienda est. Nam vt Satanas primos nostros parentes Sophistica euertit: Ita nunc meretricio habitu Missæ multos



AD HEBRÆOS

*multos decipit, & in æternam mortem præcipitat.*

CAPUT  
OCTAVVM.

SVMMA CAPITIS  
OCTAVI.

*Christus eiusdem cum DEO patre maiestatis, Pontifex est summus, administrator sanctorum, mediator novi Testamenti, per quod vetus abolitum est.*

ORDO ET PARTES  
CAPITIS OCTAVI.

*Exceperat copiosè Apostolus, in quinto & septimo capitibus, quòd Christus sit Sacerdos, idq; secundum ordinem Melchisedech, multis modis præferendus Leuiticis sacerdotibus, & quod cum translatione sacerdotij facta sit & Legis translatio. Nunc schemate Rhetorico ἀνακεφαλῶσα summam disputationis colligit, hoc ordine. Primum, Sacerdotem Christum describit, ab excellentia personæ & offi-*

N 3 cij. Ut



## ET I S T O L A

tij. *Vt enim maiestate diuina fulget Christus, ita sanctorum, hoc est, rerum cœlestium administrator est, Deinde, quia Sacerdos noster ad offerendum ordinatus est, ostendit Christum non inferiorem Leuitis esse, sed multò superiorem. Vt autem Leuitis non videatur inferior, templum Christo assignat multò augustius illo terreno, in quo administrabant sacerdotes Leuitici. Hinc ad fœdus descendit. Nam cum omnis Sacerdos alicuius fœderis sit Sacerdos: debuit & Christus iuxta certam fœderis formam mediator esse. Id quod probat testimonio Prophetico, ex quo etiam concludit vetus Testamentum abolitum esse.*

## EXEGESIS OCTAUI CAPITIS CVM OB- seruatione doctrina- rum.

*Caput autem eorum quæ dicuntur hoc est.*

*Hæc est ἀνακεφαλῶσις, per quam summam disputationis de sacerdotio Christi colligit, & eam breuiter ponit ob oculos, quò melius perspicui possit.*

Talena



AD HEBRÆOS.

*Talem habemus Sacerdotem,  
qui consedit in dextera Throni maie-  
statis in cœlis.*

*Descriptio est Pontificis Christi, ab ex-  
cellentia personæ. Sedere in dextera throni ma-  
iestatis in cœlis, est æqualem esse DEO patri, ac  
si diceret Apostolus : noster Pontifex non est  
homo fragilis, & peccator, sicut Levitæ : Sed  
est homo purus à peccato, & verus DEVS, ma-  
iestate, potentia, & honore, patri cœqualis.  
Obseruetur hoc loco testimonium de diuina ma-  
iestate, & potentia Pontificis nostri Christi :  
vnde sumamus fiduciam, quod possit promissam  
salutem præstare : & quia est Pontifex, velit  
etiam. Porro de maiestate Christi, vide quæ  
annotauimus in primum caput huius Episto-  
læ.*

*Sanctorum administrator.*

*Descriptio Christi ab excellentia offi-  
cij, ac si diceret Apostolus: hic Pontifex noster,  
non est administrator rerum terrestrium, & ca-  
ducarum, vt Levitæ, sed Sanctorum, hoc est,  
rerum sanctarum, cœlestium, & æternarum,  
Sanctorum enim hic nō masculinum, sed neutrum  
N 4 est.*



ΕΤΙΣΤΟΛΑ

est. Administrator, Gracè λατρευγός, est qui publico nomine, ministerio aliquo fungitur. Christus enim non sui causa, sed pro mundi salute est factus λατρευγός sanctorum, quo officio verè fungetur vsq̃ ad extremum iudicium sine successore.

Et tabernaculi veri, quod fixit Dominus, & non homo.

Christo sacerdoti tabernaculum seu templum tribuit: quod & verum esse affirmat, & à DEO fixum. Quare multis modis hoc tabernaculum Christi, umbratili, & à Mose extracto, præferendum est. Ut enim veritas opponitur umbræ: ita fixū esse à DEO, opponitur structuræ hominis, Ex his etiam concluditur, quòd Christus multò Levitis sit præstantior.

Omnis Sacerdos ad offerendum dona & hostias constituitur.

Dixit Christum administratorem esse sacrorum, id nunc probat ab officio proprio Sacerdotis: ac maiorem propositionem loco totius argumenti ponit.

Omnis



A D H E B R A E O S.

*Omnis Sacerdos ad offerendum aliquid constituitur.*

*Christus est Sacerdos.*

*Igitur Christus est constitutus ad offerendum, seu, quod idem est, Christus est sanctorum administrator. Docet & hic locus, quod nihil impetretur à DEO sine Sacerdote, atq; ideo iubet Christus, ut in suo nomine inuocemus patrem.*

*Vnde necesse fuit, hunc quoq; habere aliquid quod offerret.*

*Illatio est ex conclusione superioris argumenti, ab antecedentium & consequentium vi desumpta.*

*Quicumq; debet offerre, habeat id quod offerat, necesse est.*

*Christus debuit offerre.*

*Igitur necesse est eum habuisse quod offerret. Quid autem obtulerit Christus, & supra expositum est, & repetetur in 9. capite.*

*Sane, si in terra esset, ne Pontifex quidem esset, quamdiu essent Sacerdotes, qui secundum legem offerrent*



EPISTOLA

ferrent dona, qui exemplari & vmbrae seruiunt caelestium.

Dixit supra in descriptione sacerdotis Christi, quod in caelis obiret munus Sacerdotale: nunc id confirmat, a destructione consequentis.

Si Christus esset in terra, non esset verus sacerdos.

At est verus Sacerdos.

Igitur in terra esse non debet.

Probat maiorem, quia Sacerdotes terreni, offerentes secundum legem, non sunt verae Sacerdotes, sed tantum vmbra quadam & typus Christi fuere.

An non Christus hic in terra se obtulit? Verum quidem hoc est, sed Apostolus respicit ad spiritualem fructum sacerdotij Christi. nam victima & mors Christi, in caelis semper est, in conspectu patris, tanquam recens peracta: vnde placatur peccatoribus resipiscentibus, & confugientibus ad nostrum Sacerdotem unicum Iesum Christum. Obseruetur & hic quod caelum sit templum nostri Sacerdotis Christi, Deinde quis fuerit vsus veteris Sacerdotij, videlicet, vt seruiret caelesti, representatione visibili.

Quemadmo



A D H E B R A E O S.

Quemadmodum oraculo admo-  
nitus fuit Moses, cum perfecturus  
esset tabernaculum, Vide, inquit, om-  
nia facito secundum typum, qui tibi  
in monte ostensus est.

Probat carnale tabernaculum tantum  
fuisse typum, seu umbram coelestis tabernaculi  
ex 25. capite Exodi, ex quo sequitur, quod eti-  
am Sacerdotes legales fuerunt umbratiles: ut  
qui adumbrarent verum Sacerdotem Chri-  
stum.

Nunc autem excellentius con-  
scutus est ministerium, quanto &  
melioris testamenti est mediator.

Extollit Christum rursus supra Leui-  
tas, hoc argumento.

Sacerdos melioris Testamenti mediator,  
habet excellentius Sacerdotium, quam qui in-  
ferioris Testamenti sunt mediatores.

Sed Christus est melioris Testamenti  
mediator.

Proinde, Christus habet excellentius sa-  
cerdotium, quam Leuita.

Quod



EPISTOLA

*Quod super melioribus promissionibus sancitum fuit.*

*Probat minorem ab excellentia promissionis novi Testamenti. Argumentum autem sic absolvitur.*

*Illud Testamentum seu fœdus est præstantius, quod habet meliores promissiones, quam testamentum Levitarum.*

*Ergo testamentum Christi, hoc est, novum, testamento Levitico, seu veteri præstantius est.*

*Nam si illud prius fuisset irreprehensibile, non utiq; secundi requireretur locus.*

*Alio argumento probat novum fœdus veteri anteferendum esse. Est autem argumentum hoc à destructione consequentis sumptum.*

*Si vetus Testamentum fuisset irreprehensibile, hoc est, firmum, stabile & absolutum, non fuisset ei subrogatum novum fœdus.*

*Atqui est ei novum subrogatum.*

*Igitur illud prius non fuit irreprehensibile, id est, absolutum.*

*Loco*



AD HEBRÆOS.

*Loco totius Argumenti sola propositio ponitur.*

*Si quis interroget, cur Apostolus dicat, vetus fœdus non fuisse irreprehensibile, cùm eius autor sit DEVS, cuius opera sunt sancta & perfecta: Respondeo, ex Chrysostomo, cuius hæc sunt verba, ἁμεμπτος δὲ, τέλει, χήσιμος, οὐχ ὥς ἐγκλημάτων ὑπεύθυνος, ἀλλ' ὥς οὐκ ἀρκῶσα.*

*Vituperans enim eos, dicit.*

*Ex testimonio Prophetæ Jeremiæ cap. 31. probationem minoris adiungit, Sed qualis est hæc collectio? DEVS reprehendit Iudæos violati fœderis: Igitur illud fœdus non fuit irreprehensibile? Respondeo, Argumentum hoc sumptum est ab effectu. Ex eo enim notatur infirmitas fœderis, quòd eorum cordibus non fuerit inscriptum, vt ratum haberetur. Neq; enim eò pertinebat, sed tantum fuit pædagogia ad meliorem spem: vt suprâ dictum est ab Apostolo, atq; ita suam virtutem, & efficaciam, non à se, sed aliunde habuit, cum contrâ, novum fœdus suapte virtute novos reddat homines.*

*Ecce*



EPISTOLA

Ecce dies venient, dicit Dominus, & consummabo super domum Israël, & super domum Iuda, Testamentum nouum.

Ipsi<sup>us</sup> DEI testimonium adducit ex 31. Cap. Ieremie, ad probandum nouum fœdus, s. testamentum, debere subrogari in locum veteris Testamenti: verum quia hoc testimonium longiusculum est, illud particulatim declarabo, quo melius doctrinæ, quæ in eo latent, aspiciantur. Cum igitur dicit: ECCE DIES VENIENT, excitat populum ad attentionem, vt auidius audiant, quid de rebus futuris dicturus sit. Cum addit: DICIT DOMINVS, autoritatem prophetiæ conciliat. Nam populus DEI non acquiescit in vlla doctrina, priusquam audiat hanc vocem, HÆC DICIT DOMINVS. Hoc exordiolo, attentiore reddito populo, Propheta proponit summam rei, hisce paucissimis verbis: Consummabo super domum Israël, & super domum Iuda, Testamentum nouum, hoc est, feriam nouum fœdus cum populo meo vero Iuda, & vero Israele.

Non



AD HEBRÆOS.

Non secundum Testamen-  
tum, quod feci cum patribus eorum,  
in die qua apprehendi manum eorum,  
ut educerem illos de terra Ægypti,  
quoniam ipsi non permanserunt in  
Testamento meo, & ego neglexi eos,  
dicit Dominus.

Propositionem amplificat per seiunctio-  
nem Rhetoricam. Nam cum plures res eodem  
significantur nomine: opus est distinctione, ne  
confusio turbet auditores. Hinc colligendum  
est, quod vetus Testamentum, sit pactum quo  
populus Israeliticus, ritibus Mosaicis, atq; adeo  
toti illi politię obligatus erat, de qua re lege  
caput 24. Exodi.

Quia hoc est Testamentum,  
quod disponam domui Israel, post  
dies illos, dicit Dominus.

Propositionis clara expositio, in qua  
obseruetur temporis circumstantia, cum inquit,  
POST DIES ILLOS, hoc est, exhibito &  
glorificato post mortem Messia.

Dabo



EPISTOLA

Dabo leges meas in mentem  
eorum, & in corda eorum inscri-  
bam eas.

Hic ab effectibus incipit describere no-  
uum Testamentum.

Primus effectus, est clara DEI noticia  
seu mentis illustratio per legem DEI, id est, per  
verbum DEI.

Secundus effectus, est qui priorem se-  
quitur, nimirum quod DEVS suas leges inscri-  
bat in cordibus, quod fit dum vera & viva fi-  
ducia in DEVM recumbimus, ac DEO iuxta  
suam voluntatem per Spiritum sanctum obtem-  
perare contendimus. Hæ scriptio legis in cor-  
dibus, non est noticiæ ociosæ, sed fiduciæ effi-  
caciæ: qua statuimus & sentimus Deum nobis  
esse propitium remissis peccatis, quæ excitan-  
tur in nobis motus congruentes legi DEI: Atq;  
hæ excitatio, est incoatio obedientiæ erga De-  
calogum.

An non patres, Abraham, Isaac, &  
Iacob, & multi alij scriptionem hæc in cordi-  
bus suis habuerunt, participes noui fœderis?  
Respondeo: Hæ dicuntur per comparisonem  
maioris & minoris, & de Oeconomia Ecclesiæ,  
in qua multo obscurior erat noticia DEI in po-  
pulo



A D H E B R Œ O S.

pulo Israëlítico, quàm nunc est, exhibito Christo in Ecclesia. Non ergo hîc collatio fit personarum, sed tantum duplicis œconomiae Ecclesiae, videlicet, ante Christum exhibitum, & post Christum exhibitum.

Et ero eis in Deum, & ipsi erunt mihi in populum.

Hic Tertius fructus est novi Testamenti, in quo mutua fœderis obligatio eleganter exprimitur. Deus promittit se recepturum homines in suam fidem, & vicissim ab eis requiri, ut se suæ fidei committant: quod fit cum in ipsum viua fide recumbunt. Obseruetur hoc loco à Trina, de mutua obligatione inter Deum & hominem, seu, de Legibus confœderationis nouæ inter Deum & homines. ut enim Deus vult noster Deus esse: ita nos debemus ipsius populus esse, quod fit dum fide in ipsum recumbimus, non nostris, sed Christi meritis freti. Atq; hic tandem propria differentia noui testamenti expressa est.

Est igitur NOVVM TESTAMENTVM, pactum sanguine Christi sancitum, quo ut Deus recipit homines in gratiam, propter Christum: ita homines vicissim, se fidei  
 O Dei



EPISTOLA

Dei committunt, per fidem in Christum, eiꝯ ex fide obtemperare promittunt.

Huius fœderis exemplum vide Gene. 17. vbi initur fœdus inter Deum & Abrahamum.

Et non docebit vnusquisqꝫ proximum suum, & vnusquisque fratrem suum, dicens: Cognosce Dominum. Quia omnes scient me, à minore inter eos vsque ad maximum eorum.

Hic Quartus fructus est noui Testamenti, videlicet, clarior Dei noticia. Hoc testimonium miserrimi Anabaptistæ torquent ad totius scripturæ consensum de ministerio verbi in Ecclesia euertendum, conantur, hoc Prophetico testimonio, suis sectatoribus persuadere, vocali ministerio nullum vñ ab exhibitō Christo in Ecclesia esse, quia scriptum est (aiunt) Non docebit vnusquisqꝫ proximum suum. Sed falluntur miserè nullo enim pacto hoc dictum abolet ministerium Euangelij. Quare in hunc modum respondendum est Anabaptistis: Hæc promissio, Non docebit vnusquisqꝫ proximum suum, & simpliciter & comparatè



A D H E B R A O S.

paratè intelligi potest: Si simpliciter intelligitur, instauratio quæ promittitur in nouo Testamento, consideranda est dupliciter, hoc est, prout incoata est in hac vita, & sicut consummabitur post resurrectionem. Quatenus incoata tantum instauratio in hoc mundo est, opus habet profectò ministerio verbi, quemadmodum multa scripturæ oracula & exempla conuincunt. At quatenus olim consummata fuerit, post resurrectionem, nequaquam opus habebit ministerio verbi, Quia Deus erit omnia in omnibus. Verùm si Prophetæ verba per comparationem temporum Ecclesiæ acceperimus: Significatur hac orationis figura, quòd clarior sit futura cognitio Dei in nouo Testamento, quàm fuit in veteri, & hoc videtur significari, per doctrinæ formam, quæ hîc exprimitur, C O G N O S C E D O M I N U M. nam multo illustrior est hodie huius cognitio, quàm fuit sub umbris veteris testamenti.

Quia propius ero iniquitatibus eorum, & peccatorum eorum & iniquitatum eorum non recordabor.

O 2

Quintus



## E P I S T O L A

Quintus & præcipuus fructus novi testamenti, videlicet, peccatorum remissio, hoc est, obligationis ad damnationem & æternam mortem solutio, & pœnæ peccatis debita condonatio, propter victimam filij. Hæc remissio peccatorum, ut offertur Evangelio, & fide, per quam fit conuersio, accipitur: Ita habet duo adiuncta, scilicet, gratiam & donum per gratiam. Gratia est ipsa iustificatio. Credentes enim fide iustificantur. Donum per gratiam, est donatio Spiritus sancti, quæ incoat in conuersis sanctificationem, & eos continet intra metas viarum Domini, donec tandem plenam redemptionem nacti, æterna fruuntur immortalitate. Atq; ita apparet quomodo Christus nobis natus à Deo sapientia, iusticia, sanctificatio & redemptio.

Dicendo autem *nuum*, antiquauit prius. Quod uitem antiquatur & senescit, prapè interitum est.

Concludit ex Prophetæ verbis, vetus testamentum abolendum, & nouum subrogandum. Hic locum postulat, ut nonnihil dicamus de abrogatione legis, seu abolitione veteris testa-



AD HEBRÆOS.

Testamenti, quod fuit tantum umbra quædam,  
& typus noui Testamenti.

Iurisconsulti rectè dicunt: Cessante ratione legis, cessat ipsa Lex. Cum ergo præcipua ratio, propter quam lex Mosaica, seu vetus Testamentum, diuinitus ordinatum erat, fuerit, ut Ceremonijs varijs adumbraret victimam vnicam Christi, quæ sola tollit peccata mundi, ut quæ sit infiniti precij & valoris, satis manifestum est, quod hac Christi victima exhibita, cessare debuerint Leuitica sacrificia, & Ceremoniæ aliæ, quæ stante & florente sacerdotio Leuitico, placuerunt non per se, sed propter fidem. Stat enim immotum hoc cultus diuini principium. Sine fide impossibile est placere Deo. Item, quidquid non sit ex fide, est peccatum. Iudæis qui urgent promissiones de statutis perpetuis, Exodi 27. Leuitici, 6. 7. & 24. respondendum est, quod illa perpetuitas non ad vsum Ceremoniarum, sed ad spiritua-lem significationem, quæ perpetua est, referenda sit. Nam iuxta regulam: Multa tribuuntur Symbolis, quæ tantum sunt rerum significatarum. Antinomi qui legem Moralem sublatam volunt, non animaduertunt sapissimè nomine totius seu generis, partem seu speciem designari, vsc



9 10



E P I S T O L A

ri, *vsitata scripturae phrasi. Nam legis nomen tribuitur illis quatuor doctrinae sacrae partibus, communi normae vitae, Ceremonijs, iudicijs, & foederi DEI cum hominibus, sed peristasis loci facile monstrat, quae pars, generis seu totius appellatione intelligi debeat.*

C A P V T  
NONVM.

SUMMA CAPITIS  
NONI.

**V**T prius testamentum externos habuit ritus, videlicet, tabernaculum duplex, cum suis ornamentis, Cæremonijs, sacerdotibus, & sacrificijs: Ita nouum Testamentum, non umbras rerum, sed veritatem ipsam habet, hoc est, Christum sacerdotem, noui Testamenti mediatorem, qui in cælum ingressus, semetipsum obtulit semel pro peccato, atq; olim apparebit expectantibus se ad salutem.

ORDO ET PARTES  
NONI CAPITIS.

Cum



A D H E B R Œ O S

**C**um hætenus disputatum sit de Sacerdote CHRISTI: nunc commodè ad eiusdem sacrificium describendum transit: idque hoc ordine. Primum proponit, vetus Testamentum habuisse suos ritus, & mundanum sanctum. Deinde fusè recenset umbras quasdam, quæ fuerunt in utroq; tabernaculo, exteriori & interiori, ostendens omnia illa, per se considerata, inefficacia fuisse. Præterea affirmat Christum, quem typi figurabant, qui & sanctos & sacrificium fuit, inuenisse æternam redemptionem: quo per collationem illustrato, asserit Christum noui Testamenti mediatorem esse, & per hanc occasionem, proposita natura testamenti, moriendum fuisse Christo, ut ratum haberetur testamentum, conuincit.

His adiungit differentiam triplicem, inter sacrificium Christi & Leuitarum. Quarum prima est, quòd Leuitæ sæpe offerant, Christus autem vna oblatione peregit suum sacrificium. Secunda. Quòd Leuitæ offerant aliena, Christus autem semetipsum. Tertia, Quòd Leuitæ nihil suis multis sacrificijs perducant ad perfectum, Christus verò vnico sacrificio plenè omnia consummauerit. Ideoq; posthac non offeretur sæpius, sed olim expectantibus se apparebit Saluator.



## EPISOTLA

Poterit autem praesens caput distribui in hunc modum: Primum exponitur typus. 2. res significata indicatur. 3. Adijcitur confirmatio & expositio. 4. Testamentum exprimitur. 5. Proprietates sacrificij Christi narrantur. Postremo differentia inter sacrificium Christi & Aaronicum indicatur.

## EXEGETIS NONI CAPITIS, CVM OB- seruatione doctrinarum.

Habebat quidem prius illud iustificationes cultus, & sanctum mundanum.

Propositio expositionis Typi, & eorum quae veteri Testamento annexa erant. Est autem huius propositionis sensus. Prius, hoc est, vetus Testamentum habuit ritus & externa Symbola cultus diuini, quibus videlicet, tanquam umbris, exercerentur Iudaei, donec Christus adueniret. Vt enim iuxta legem sacrificantes, iusti & sancti in hominum conspectu habebantur: Ita ydem, si fide in Christum intuebantur, qui per illorum sacrificia adumbrabatur, eius gratiae fiebant participes.

Loqui-



A D H E B R A E O S.

Loquitur autem hic Apostolus tantum  
de Ceremonijs, quæ in se, & per se nihil confe-  
rebant, sed significatione plurimum.

Sanctum igitur (quo omnes ritus per-  
tinentes ad vetus Testamentum intelligit) vo-  
cat mundanum, non quidem quoad signifi-  
cationem, nam eo pacto spirituale fuit: sed quo-  
ad eius naturam in se, durationem, & materi-  
am.

Δικαιώματα Chrysostomus interpre-  
tatur Symbola, quia non verè iustificabant, sed  
tantum comparatione quadam indicabant, vn-  
de quærenda esset vera iustificatio, & vera  
sanctificatio. Vocabulum σκῆμα non reddidi  
secutus auctoritatem veteris interpretis, & sub-  
intelligo διαδήμα, ex fine præcedentis capitis:  
id quod optimè contextui quadrat. Quamadmo-  
dum & quidam Græcus interpres, & nonnulli  
ex recentioribus rectissimè monent, affirmantes  
quòd perperam vocabulum σκῆμα ex margine in  
textum irrepperit.

Tabernaculum enim constru-  
ctum fuit, prius quidem in quo erat  
candelabrum, & mensa & propositio

O 5

tio pa



EPISTOLA

tio panum, quod dicitur Sancta.  
Post medium autem velum, erat tabernaculum, quod dicitur Sancta sanctorum, aureum habens thuribulum, & arcam Testamenti, vndique circumtectam auro, in qua Urna aurea habens Manna, & virga Aaron quæ germinauit, & tabulæ fœderis. Supra hanc autem Cherubim gloriæ, obumbrantes propitiatorium. De quibus non est nunc dicendum singulatim.

Hæc ratio est propositionis, per expositionem typicam. Typus enim qui hic exponitur, seruiebat veteri Testamento, vt umbra veritati, & symbolum rei significatæ. Summa huc redit, quod hæc descriptio adumbret nouum Testamentum cum ijs omnibus, quæ ad illud pertinent. Priusquam autem typum hunc exponam, tres regulas proponam, obseruandas in accommodatione typorum veteris Testamenti, ad nouum Testamentum.

Prima, Omnia typica veteris Testamenti, Christo



AD HEBRÆOS.

ei, Christo, Ecclesiae, & eorum spiritualibus ornamentis accommodanda sunt.

Secunda, ut allegoriae omnes, quae non pugnant cum analogia fidei, pie ferri possunt: Ita nulla allegoria recipienda est, quae à fidei analogia aberrat.

Tertia, permulta, etiam diuersissima, Christo accommodari possunt, propter eius varias virtutes & officia, sicut in Euangelio nunc pastor, nunc agnus, nunc ostium dicitur: Ita multa propter varios respectus, in veteri Testamento Christum figurant. Hisce regulis obseruatis, conemur singula, quae hic ab Apostolo recensentur, accommodare veritati, ut videatur quàm concinnè veritas umbris respondeat.

Eti autem vnum tabernaculum Moisaicum fuit, tamen quia in medio distinctum erat velo, in duas partes, tanquam in duo tabernacula, duplicis tabernaculi hic meminit Apostolus, quorum prius, humanam naturam Christi & Ecclesiam, posterius cælum & Ecclesiam adumbrat, quemadmodum Apostolus noster infra interpretatur.

In priori tabernaculo, quod dicitur sanctum, vel in plurali, ut hic legitur, Sancta propter significationem, fuere candelabrum, mensa, panes propositionis.

Can.



EPISTOLA

CANDELABRUM, cum suis lucernis Christum & Apostolos adumbrant. Vt enim Christus lux vera est, illuminans omnem hominem, Ita gestat lucernas, hoc est, Apostolos, Prophetas & Doctores Ecclesiæ, sine quibus mundus in densissimis aberrat tenebris.

MENSA similiter Christum adumbrat, & prædicationem Euangelij, qua tanquam cibo, aluntur animæ hominum.

PANES duodecim ponebantur in conspectu Domini, vt essent symbolum, quod admoneret populum Israeliticum sacrificij placationis, vt habetur Leuitici 24. Cap, atq; ideo adumbrant Christum, qui & sacrificium placationis nobis est, & panis quo animæ nostræ aluntur.

In interiori tabernaculo (hoc est in ea parte tabernaculi, quæ erat post velum intermedium) quod dicebatur, Sancta sanctorum, fuerunt, aureum thuribulum, arca testamenti circumtectâ auro, vrna aurea cum Manna, virga Aaron, tabulæ fœderis, & supra arcam Cherubim.

Hoc interius tabernaculum intimum sacrarium seu adytum erat, in quod semel in  
anno



A D H E B R Œ O S.

anno summus Pontifex ingrediebatur, & spirituale Christi templum, seu cœlum, & ipsam Ecclesiam Christi adumbrabat. In hoc sacramentum cum pii viderent pontificem summum semel in anno ingredi, admonebantur de promisso Messia, qui semel ingressurus in Sancta sanctorum, inueniret æternam redemptionem.

AUREVM THYRIBVLVM, inuocationis cultum, eumq; purissimum figurat, quo & Christus intercedit pro Ecclesia, & ipsa Ecclesia Deum patrem in nomine Christi inuocat, dum igni Spiritus sancti accenditur.

ARCA TESTAMENTI, Primum ipsum Christum adumbrat. Vt huius arcæ veteres, annuli, & instrumenta reliqua auro coruscant: Sic iusti qui in Christo sunt gloria Christi nitent. Deinde arca representat Ecclesiam Christi. Nam vt arca custos erat tabularum Manne & virgæ Aaronis: Ita Ecclesia custos est Legis & Euangelij, adeoq; veri cultus diuini. Quod autem hæc arca tegitur lamina aurea, quæ propitiatorium dicitur, significat, quod Ecclesia tegatur aduersus iram DEI mediatore Christo, qui est verus propiciator. Ita enim hunc typum Christo accommodat Paulus ad Ro-



ET I S T O L A

ad Rom. 3. Huc respexisse videtur David, cum  
inquit: Beati quorum tecta sunt peccata.

URN A AVRE A, continens Manna,  
est prædicatio Euangelij continens Christum,  
qui est verum Manna, de quo si quis edit, hoc  
est, credit, quod caro eius data sit pro mundi  
vita, & sanguis eius effusus in remissionem  
peccatorum, is habebit perpetuam vitam, Jo-  
han. 6.

VIRGA AARON, quæ germinavit,  
adumbrat ministerium Euangelij, ut enim vir-  
ga Aaron arida tumultuantibus seditiosis, ma-  
ximè floruit: Ita ministerium Euangelij, spre-  
tum, & sine honore iacens, tum maximè floret  
& efficax est, cum acerrimè ab hæreticis &  
tyrannis oppugnatur.

CHERUBIM, de quibus hic agitur,  
imagunculae erant alatae, humana specie, qui-  
bus adumbratum est, DEVM nusquam habita-  
re verius, quàm inter mentes, humanas qui-  
dem, sed quæ posita peccati mole & sumptis  
alio spiritus, in cælis versantur. Deinde CHE-  
RUBIM significant etiam Angelos bonos, cu-  
stodes Ecclesiae, & ministros Euangelij. Hi ob-  
umbrant propitiatorium, quia ad nutum Chri-  
sti se



*Isti se componunt, & veluti alati, hoc est, velocissimi & promptissimi, arca, id est, Ecclesiæ custodes sunt.*

*De etymologia huius vocabuli CHERUBIM duæ sunt Hebræorum opiniones. Quidam componunt à Caph, similitudinis nota, & Riphia Chaldaico, quod significat puerum: atq; defixiunt Cherub, imaginem seu similitudinem repræsentantem pueri speciem, sed alatam. Deinde ad genus transferunt vocabulum, ut significet quamvis imagunculam seu similitudinem. Alij deducunt Cherub à Charab, quod significat vehi seu volare: atq; ita significat alatum seu vectum, unde etiam transfertur ad nubes, quæ videntur alatæ esse. Hæc breuiter de hisce figuris annotasse sufficiat.*

*His autem ita ordinatis, in prius quidem tabernaculum semper ingrediuntur Sacerdotes, cultus perficientes: in secundum verò semel in anno, solus Pontifex, non sine sanguine, quem offert pro se ipso, & pro populi erratis.*

*Vsus*



# EPISTOLA

Uſus tabernaculi exponitur, videlicet, quod in eo Sacerdotes ſacra peragerent: ſed diuerſimodè, ſicuti exponit. Nam in prius tabernaculum, hoc eſt, in priorem tabernaculi partem, quæ velo ab interiori diſtinguebatur, quotidie intrabant Sacerdotes ſacras Ceremonias peracturi, ſed in ſecundum, hoc eſt, in interiorem tabernaculi partem ſolus ſummus Sacerdos, idq; ſemel quotannis, ingreſſus eſt.

Sed quid ſibi vult hæc diuerſitas? Quotidiano ingreſſu, & quotidiano ſacrificio, ſignificabatur infirmitas & imperfectorum ſacrificiorum Leuiticorū. Nam ſi fuiſſent per ſe ſufficientia ad expianda peccata, non fuiſſet opus toties eadem ſacrificia iterare. Verū vnico ingreſſu ſummi Sacerdotis per annum, ſignificabatur perfectio ſummi ſacerdotis Chriſti, cuius victima ſemel peracta, in æternum efficax futura eſt, & ſufficiens ad expianda totius mundi peccata.

Hoc ſignificante Spiritu ſancto, nondum manifeſtatam eſſe ſanctorum viam, adhuc priori tabernaculo habente ſtatum.

Ex



A D H E B R Œ O S.

Ex ratione Typi indicat quàm efficax fuerit Leviticum sacrificium: nam illud quod sæpè iterandum est, non satis est efficax nec perfectum. Quare cum summus sacerdos quotannis iterat suum sacrificium, & alij sacerdotes quotidie: satis manifestum est, quòd nec illius nec horum sacrificium perfectum fuerit, & satis idoneum, ad expianda peccata. Proinde typus tantum erat subordinatus ad significandum perfectum Christi sacerdotium.

Quæ parabola est temporis instantis.

Figuram explicat. Est autem sensus: Infirmitas veterum sacrificiorum, & inefficacia, admonebat sacrificantes, quòd alia victima peragenda restaret per Pontificem Christum, cuius precium inestimabile & infinitum esset futurum.

PARABOLA propriè est rerum quæ inter sese comparantur analogia aliqua, etiamsi pares non sint partes, quæ conferuntur. Sic umbra & corpus  $\pi\alpha\rho\alpha\kappa\alpha\tau\omicron\upsilon\tau\omicron\upsilon$ , hoc est, conferuntur, & sibi inuicem collata cognoscuntur. Obseruetur locus de usu omnium, quæ pertinebant ad tabernaculum, videlicet, quòd erant quædam symbola rerum noui Testamenti.

P Iuxta



EPISTOLA

Iuxta quam munera & hostiæ offeruntur, quæ non possunt iuxta conscientiam perfectum facere seruientem, solummodò in cibis, & in potibus, & in varijs baptismatibus, & iusticijs carnis, vsque ad tempus correctionis impositis.

Extenuatio est virtutis sacrificiorum Leuiticorum. Detrahit enim illis Pharisæicam opinionem. Nam cum Pharisæi putârent ceremonias, & sacrificia Leuitica, cultum Dei esse, per se Deo placentem, ostendit illorum errorem, & docet quantum in se valuerunt Leuiticæ cæremoniæ: videlicet, quòd tantum ad externam sanctificationem in isto populo per sese erant efficacia sacrificia Leuitica. Etsi autem per se considerata, planè infirma & inefficacia erant ista sacrificia: tamen significatione spiritali ducebant homines ad Christum: qui fide Christi in conscientijs purgati sunt, & non externis cæremonijs. Porro tempus correctionis, vocat tempus exhibiti Christi, & promulgati Euangelij per orbem vniuersum, quando cæremoniæ Mosaicæ præstantioribus bonis noui Testamenti cedere debuerunt.

Christus



Christus autem assistens Pon-  
tifex futurorum bonorum, per maius  
& perfectius tabernaculum, non ma-  
nufactum, hoc est, non huius stru-  
cturæ, neq. per sanguinem hircorum  
& vitulorum, sed per proprium san-  
guinem introiuit semel in sancta, æ-  
terna redemptione inuenta.

Exposito typo, rem significatam producit  
in medium. Estq. hæc principalis huius capituli  
propositio, quæ dignissima consideratione est.  
Complectitur enim quodam pulcherrimo apho-  
rismo, summam doctrinæ de sacrificio Christi,  
quam pulcherrimè triplici comparatione illu-  
strat. Tabernaculum enim vetus, confert cum  
tabernaculo Christi, quod est cælum ipsum.  
Sanguinem taurorum, comparat sanguini Chri-  
sti sacerdotis. Externam & mundanam iu-  
stificationem, confert æternæ redemptioni per  
Christum inuentæ. Hanc redemptionem, supra  
viam sanctorum nominauit. Hac triplici com-  
paratione satis ostenditur, quanti precij sit sa-  
cificium Christi. Quantum enim superat cœ-  
leste tabernaculum humanum, à Mose extru-



# EPISTOLA

Etum: quantum Christi sanguis, sanguinem  
bestiarum, quantum aeterna redemptio anima-  
rum, temporalem purgationem, & iustificatio-  
nem externam: tantum excedit Christi sacrifi-  
cium, Leuitarum sacrificia.

Obseruetur igitur in primis hic locus,  
qui est præcipuus in hac disputatione, de sacri-  
ficio, sacerdotio, & effectu sacrificij Christi.

Confutatur etiam hoc testimonio, im-  
pium Papistarum sacrificium, qui se quotidie  
Christum offerre dicunt, quod apertissime pu-  
gnat cum hoc Apostoli dicto. Est enim hac im-  
mota consequentia, & firmissima demonstratio,  
quam nulla sophistica euertere potest. Christus  
se obtulit, idq; SEMEL, & inuenit aeternam  
redemptionem. Proinde non potest ullo sacri-  
ficio alio, redemptio salutis acquiri. Quod si ve-  
rum est, ut est verissimum, impietas Papista-  
rum excusari non potest, qui dicunt se quotidie  
offerre Christum, pro salute viuorum & mor-  
tuorum acquirenda.

Si enim sanguis taurorum &  
vitulorum, & cinis vitulae aspersus,  
inquinatos sanctificat, ad emunda-  
tionem carnis: Quanto magis san-  
guis



guis Christi, qui per Spiritum ætera-  
num semetipsum obtulit immacula-  
tum Deo, emundabit conscientiam ab  
operibus mortuis, ad seruendum  
Deo viuenti.

*Efficaciam sacrificij Christi extollit,  
per locum à minori ad maius. Loco totius argu-  
menti sola propositio hypothetica ponitur: quæ  
est maior in syllogismo. Minor addetur ex  
antecedentis subsumptione: unde consequens  
concluditur hoc modo:*

*Si sanguis taurorum efficax fuit, ad  
externam emundationem carnis, multò magis  
sanguis Christi emundabit conscientias.*

*Sed sanguis taurorum ad emundatio-  
nem carnis efficax erat.*

*Proinde multò magis sanguis Christi  
efficax est ad purgandas conscientias.*

*Ratio consequentiae maioris ex eo su-  
mitur, quòd Christus ipse DEVS & homo, su-  
um proprium sanguinem, eumq, immaculatum  
obtulit, idq, non per ignem, quemadmodum in  
sacrificijs Leuiticis fiebat, sed per Spiritum æ-  
ternum,, unde hæc maxima virtus & effica-*



# EPISTOLA

cia manat, quod mundare conscientias à mortu-  
is operibus possit.

Vocat autem MORTUA OPERA,  
morte digna, per metonymiam, & ponit funda-  
mentum pro relativo seu termino. Hæc opera  
pluribus de causis mortua dicuntur. Nam sunt  
sine vita spiritus, spirant fætores veteris ho-  
minis, offendunt conscientiam, ut cadauer sen-  
sus offendit, adferunt animæ pestem, ut pu-  
trida cadauera pestilentiam excitare solent.

Huc adiungit finem nostræ emundatio-  
nis per Christum, videlicet, ut seruiamus DEO  
VIVENTI, & non amplius mortuis operibus  
indulgeamus.

Obseruetur imprimis hoc loco, doctrina  
de modo oblationis Christi, de eius effectu, &  
simul consideretur, quod qui mortuis operibus  
indulget, non possit DEO servire, qui vivit.  
Sunt enim isti contrarij Domini.

Ac propterea novi testamenti  
mediator est, ut morte intercedente  
in redemptionem transgressionū, quæ  
sub priore Testamento erant, ij qui  
vocati



AD HEBRÆOS.

Vocati sunt, promissionem accipiant  
eternæ hereditatis.

Postquam de efficacia sacrificij Christi  
dixerat, ad Testamenti declarationem, & ap-  
plicationem beneficij accedit. Omnis enim Sa-  
cerdos, alicuius fœderis, seu Testamenti spon-  
sor est. Ut autem separet Christum Sacerdo-  
tem à Sacerdotibus Leuiticis, ipsum noui Te-  
stamenti mediatorem esse pronunciat. Continet  
autem hæc pericope tria, videlicet, Quòd Chri-  
stus sit mediator noui Testamenti: Quomodò sit  
mediator, videlicet, intercedente ipsius san-  
guine in redemptionem peccatorum. Et quòd  
finis noui Testamenti sit, vt vocati, hoc est, cre-  
dentes consequantur promissam hereditatem,  
videlicet vitam æternam.

Ministrat quoq, hic locus perspicuam  
NOVI TESTAMENTI definitionem: vi-  
delicet, quod sit pactum inter DEVM & homi-  
nem, intercedente Christo sacerdote, per suum  
sanguinem, in quo, vt DEVS promittit eternæ  
vitæ hereditatem, remissis peccatis: Ita homo  
eandem fidem accipiat.

Obseruetur præterea hic doctrina de  
firmitudine noui Testamenti, quod cum confir-



# EPISTOLA

matum sit sanguine mediatoris Christi, fieri non potest, ut vnquam aboleatur, aut inefficax fiat ad expianda peccata quantumuis enormia, Hinc ergò conscientia peccatoris, sed ad prædicationem Euangelij conuertentis, vberri-  
mam consolationem haurire potest, quoties conflictatur, ut saepe fit, cum peccati sui magnitudine & turpitudine. Est siquidem sanguis Christi mediatoris nostri, infiniti precij & valoris, sufficiens ad expianda omnia omnium hominum peccata, quantumuis enormia.

Deinde & hoc obseruandum est, quòd expiatio transgressionum in veteri testamento, contigerit efficacia noui Testamenti. Nulla enim vnquam remissio contigit, nisi virtute sanguinis Iesu Christi vnici nostri mediatoris. Etsi enim effusio sanguinis Christi certi temporis fuit, iuxta Symboli verba, passus est sub Pontio Pilato: Tamen efficacia, & meritum, & applicatio per fidem, perpetua sunt, atq; hoc vult illud Iohannis dictum: Agnus occisus est ab initio mundi. Vnicus est enim filius deprecator, pro nobis & mediator, redemptor humani generis & saluator. Hunc norunt patres, edita promissione seminis mulieris. Hunc cogitarunt patres, quoties misericordiae Dei me-  
mine-



minerūt, hic adfuit patribus et Ecclesiæ omnibus temporibus, & aderit iuxta ipsius promissionē vsq; ad consummationem seculi. Huius filij DEI fiducia, omnes agentes pœnitentiam, & verè in eū credentes, ab initio Ecclesiæ et editæ promissionis vsq; ad finem, acceperunt, accipiunt, & accipient remissionem peccatorum, imputationem iusticiæ, donationem Spiritus sanctificatoris, & æternam corporum & animarum redemptionem, vitam & salutem.

Nam vbi est Testamentum, illic necesse est mortem testatoris intercedere.

Ab adiunctis Testamenti, seu proprio confirmat, quòd Christus debuerit mori, in confirmationem Testamenti sui. Loco totius argumenti sola propositio ponitur.

Vbi est testamentum, illic mortem Testatoris intercedere oportet.

In Christo autem est Testamentum.

Igitur Christi mortem intercedere oportuit, quo fieret ratum Testamentum.

Sequitur autem maioris probatio hisce verbis :



EPISTOLA

*Testamentum enim in mortuis  
firmum est, quoniam nondum valet  
quando viuit Testator.*

*Sensus huius probationis est: Testator,  
quamdiu vixerit, immutare sententiam de le-  
gatis potest, & alijs atq; alijs hæredibus attri-  
buere sua bona, in potestate habet, verum ubi  
mortuus fuerit testator, nequaquam postea mu-  
tabitur sententia de hæredibus & de legatis.  
Cum igitur Christus testator mortuus sit, ma-  
nebit in æternum rata ipsius de legatis senten-  
tia.*

*Ex his duo colligamus, Primum, quod  
monet Ambrosius, peccatum nostrum tantum  
fuisse, quod nunquam potuissemus saluari, nisi  
semel pro nostro peccato fuisset mortuus vnige-  
nitus filius DEI. Deinde, quod Testamentum  
nouum de salute per Christum parta, ita sit  
mortæ vnigeniti filij DEI confirmatum, ut  
nunquam mutari debeat aut possit. Hinc fides  
nostra robur accipiat, ad expectandam securæ  
promissam hæreditatem.*

*Vnde nec prius quidem sine  
sanguine dedicatum est.*

*Alia*



A D H E B R A E O S.

Alia ratio ab exemplo veteris Testa-  
menti sumpta. Dedicatio veteris Testamenti,  
quæ fiebat per sanguinem bruti animalis, adum-  
brabat effusionem sanguinis Christi, quo sanc-  
retur nouum Testamentum.

Lecto enim omni mandato le-  
gis à Moſe vniuerſo populo, accipi-  
ens ſanguinem vitulorum & hyrco-  
rum cum aqua & lana coccinea &  
Hyſſopo, ipſum quoq; librum, &  
omnem populum aſperſit, dicens: Hic  
ſanguis Testamenti, quod mandauit  
ad vos Deus, etiam tabernaculum,  
& omnia vaſa miniſterij, ſanguine  
ſimiliter aſperſit, & omnia penè ſan-  
guine ſecundū legem mundantur, &  
ſine ſanguinis effuſione non fit remis-  
ſio.

Ætiologia eſt per expoſitionem. Expo-  
nit enim quomodo in veteri Testamento omnia  
mundabantur ſanguine. Summa huius ætio-  
logiæ huc redit. Quemadmodum tabernacu-  
lum eius vaſa, atq; adeò omnia mundabantur  
ſanguine: Ita Eccleſia, eius membra, atq; adeò  
omnia



EPISTOLA

omnia impura sunt, donec sanguine Christi purificentur.

Iam distinctius singulas partes huius pericopæ videamus.

LIBRO veteris Testamenti, respondet liber noui Testamenti. Ut igitur Moses librum lectum aspergit sanguine vaccæ rufæ: Ita liber noui Testamenti, hoc est, cor fidelis hominis aspergitur sanguine Iesu Christi.

Ut AQUA foris corpus abluit: Ita sanguis Iesu Christi intus conscientias lauat.

Ut HYSSOPVS mirabiliter calida repurgat, & liberat corda ab impuro Phlegmate: Ita Spiritus sanctus corda credentium accendit, purgat & conseruat ab impuris affectibus. Ut Hyssopus adhibebatur in solenni sacrificio pro peccato, Nume. 19. Item, in purgatione leprosi, Leuitici 14. ita mors Christi, prædicata per Euangelium, omni peccatorum generi, & cuius animæ Lepræ medetur, cum minister Euangelij applicat nobis meritum & efficaciam mortis Christi. Hanc veritatem vmbre respondentem, cogitauit David, cum diceret, Psal. 51. Expiabis me Hyssopo, & munda- bor: lauabis me, & super niuem dealbabor, hoc est, verè mundus ero.

Hæc



AD HEBRÆOS.

*Hæc mundities significabatur etiam LANA, quæ adhibebatur, tincta coccino referente colorem rosei sanguinis. Ita enim Esaias cap. 9. hunc typum explicat: Si fuerint peccata vestra tanquam coccinum, veluti nix albescent. Si fuerint rubra, tanquam vermiculus, velut lana alba erunt.*

*Neceffe est ergo, exemplaria quidem cœlestium his mundari: ipsa autem cœlestia melioribus hostijs quàm istis.*

*Conclusio argumenti præsentis, verum, quia nota comparationis non expressè ponitur, obscurior est oratio, quæ in hunc modum complebitur. Neceffe est ergò, ut quemadmodum exemplaria cœlestium, hoc est, typica illa Moisaica, quæ adumbrabant illa cœlestia, mundabantur sanguine: Ita etiam cœlestia ipsa sanguine mudentur: hoc est, ut simplicius dicam: quemadmodum vetus Testamentum sanguine sacrificiorum confirmatum est: Ita novum Testamentum sanguine sacrificij Christi confirmari oportuit.*

*Neceffitas hoc loco non est coactionis, sed ordinationes diuinæ, & analogiæ typi ad rem significatam.*

*Non*



EPISTOLA

Non enim manufacta sancta  
Christus introijt, exemplaria vero-  
rum, sed in ipsum cælum, vt appa-  
reat nunc vultui DEI pro no-  
bis.

De Testamento dixit, nunc Christi  
sacerdoti templum seu sacrarium assignat, non  
quale erat tabernaculum, quod dicebatur San-  
ctum sanctorum, sed ipsum cælum, quo ascendit  
Dominus peracta victima. Sicut enim Leui-  
ticus Sacerdos semel in anno, peracto sacrificio  
solenni, ingressus est sacrarium, vbi erat propi-  
ciatorium: Ita Christus peracta sua victima,  
cælum ingressus est, vt ibi appareat vultus  
DEI interpellans pro nobis.

Obseruetur hic insignis doctrina & me-  
morabilis, quod noster Pontifex Christus, non  
desierit pro nobis interpellare, sed astat DEO  
Mediator, interpellans pro ijs omnibus, qui  
in ipsum credunt. Est enim æternus Sacer-  
dos.

Hinc summa consolatio conscientiarum  
in lucta cum peccato peti potest. Huc respexit  
Iohan.



A D H E B R A E O S .

Iohannes cum diceret : Si quis peccauerit, Ad-  
uocatum habemus apud patrem Iesum Chri-  
stum iustum, & ipse propitiatio est pro peccatis nostris.

Propterea confutatur hoc loco error eo-  
rum, qui Ecclesiae Christi alios mediatores &  
Sacerdotes obtrudere conantur, honorem vni  
Sacerdoti Christo debitum in rasos & vinctos  
transferentes.

Neq; vt saepe offerat semetip-  
sum, quemadmodum Pontifex in-  
trat in sancta per singulos annos, cum  
sanguine alieno.

Propria adiuncta sacrificij Christi re-  
censet, vt perspicuas differentias assignet, in-  
ter Christi sacrificium & Levitarum. Leuiti-  
cus Pontifex semel in anno intrat Sancta san-  
ctorum, per alienum sanguinem. At Christus  
Pontifex semel ingressus est caelum, per suum  
proprium sanguinem.

Alioqui oportebat eum frequen-  
ter pati ab origine mundi.

Confirmatio est ab absurdo : Si saepius  
Christus esset offerendus : saepius oportuisset ip-  
sum pati. Verum hoc minimè congruit : igi-  
tur



EPISTOLA

tur ut ~~mor~~ semel, ita etiam semel offerri debuit. Pugnatur hoc dictum cum Missatice sacrificio Papistarum.

Nunc autem semel in consummatione seculorum ad destructionem peccati, per immolationem sui ipsius apparuit.

Minor est syllogismi, cuius hic sensus est. Semel apparuit in carne, ut fieret sacrificium in aeternum efficax, idque in consummatione seculorum, hoc est, in postrema mundi aetate, nam in tres aetates mundus ab Helia distinguitur, Prima fuit ante Legem, media sub lege, postrema sub Messia, usque ad consummationem seculorum. Sensus igitur huius loci est.

Si Christus saepius debuisset offerri, saepius etiam apparuisset, idque ab origine mundi.

Sed semel tantum apparuit.

Idcirco semel tantum offerri debuit.

Docet et hic locus, quanta sit efficacia hostiae Christi, et destruit nundinas Romanensium, in quibus venale se habere iactant, sacrifici-



AD HEBRÆOS.

*sacrificium in sua histrionica saltatione, quam Missam vocant.*

*Et quemadmodum statutum est hominibus semel mori, post hoc autem iudicium: sic & Christus semel oblatus est, ad multorum exhaurienda peccata.*

*Semel tantum Christum mortuum probat ex decreto Dei. Decretum Dei est, ut homines semel moriantur: igitur & Christus, cum fuerit verus homo, semel tantum mori debuit. Si semel mori, semel quoque offerri. Unde & unitas sacrificij Christi concluditur, & finis eiusdem colligitur, qui est, exhaurire, hoc est, abolere multorum, hoc est, omnium credentium peccata, cum originalia, tum actualia. Pugnat & hic locus aperte contra idolum Papisticum, videlicet Missam, in qua se offerre mentiuntur Christum pro vivis & mortuis.*

*Secundò sine peccato apparebit omnibus expectantibus se in salutem.*

Q

Hoc



## EPISTOLA

*Hoc ideo de secundo Christi aduentu additum est, vt efficacia hostiæ Christi clarius ponatur ob oculos. Nam in extremo iudicio, dum iterum ad nos veniet Dominus visibiliter, soli illi consistent, & non pudebunt, qui Christi sacrificio freti hinc discedunt. Alij autem omnes sine discrimine ad resurrectionem iudicij, hoc est, ad pœnas aternas surgent.*

*Obseruentur hîc tria: Primum applicatio sacrificij Christi, quæ fit per fidem. Nam expectatio, de qua hîc loquitur, fidei fructus est. Deinde vniuersalis particula, OMNIBVS, inquit, EXPECTANTIBVS, id est, omnibus credentibus, & ex fide expectantibus latum illum diem, quo filius Dei apparebit redemptor suæ Ecclesiæ. Tertiò, obseruetur finis vltimus sacrificij Christi, qui est salus animarum, à qua salute non potest separari prædictio perpetua gloriæ Dei. Hæc enim, vt Creationis, ita & reparationis vltimus finis est.*

## CAPVT DECIMVM.

*Summa*



AD HEBRÆOS.

**SUMMA CAPITIS  
DECIMI.**

**V**ictima veteris testamenti sapius iterata,  
non auferebant peccata, sed tantum quæ-  
dam commemoratio peccatorum erant: sed  
Christi vnica hostia ad expianda omnium ho-  
minum peccata efficax erat. Quare hæc victi-  
ma fide apprehendenda est, charitati studen-  
dum, & per patientiam expectanda sunt pro-  
missa bona.

**ORDO ET PARTES  
CAPITIS DE-  
CIMI.**

**P**ersistit in eodem argumento, ac primum  
probat, quod aliquoties antea attigerat, vi-  
delicet, vetera & Leuitica sacrificia non au-  
ferre peccata, ne hinc instantia sumeretur con-  
tra propositionem principalem, qua asseritur  
solius Christi hostia peccata tolli. Nam si ad-  
mitteretur, Leuiticis hostijs auferri peccata,  
sequeretur vnica oblatione Christi non aufer-  
ri. Quare hæc per anticipationem, obiectionem  
istam soluit, & obiectionis antiprotasin, seu,

Q 2

con-



## EPISTOLA

*contrariam propositionem argumentatione munit. Huc congerit testimonia, & addit collationem inter Christi & Levitarum sacrificia, atq; adeò totam superiorem disputationem veluti in fasciculum colligit, quemadmodum fieri in prolixiorum disputationum epilogis consuevit. Deinde, doctrina de sacerdotio Christi absoluta, adduntur more Prophetico & Apostolico, paræneses: in quibus primùm hortatur, ut Hebræi hostiam Christi fide recipiant, ac magnificent, tanquam vnicum contra peccatum remedium. Postea ad charitatem hortatur. Postremò, quia magna erat piorum persecutio, subiungit propositionem de patientia, in cuius commendatione diutius commoratur.*

## EXEGESIS DECIMI CAPITIS, CVM OB- servatione doctrinarum.

*Umbram enim habens lex futurorum bonorum, non ipsam imaginem rerum, per singulos annos iisdem ipsis hostijs, quas offerunt inde sinenter,*



*sinenter, nunquam potest acceden-  
tes perfectos facere.*

*Obiectionis antiprotasis, seu propositio  
opposita obiectioni eorum, qui retinere conaban-  
tur Leuitica sacrificia, & arbitrabantur, eis  
expiari peccata. Est autem sensus huius pro-  
positionis satis apertus, videlicet, quod lex ve-  
tus cum suis hostijs, non tollat peccatum: sed  
tantum umbra quædam fuerit sacrificij futuri,  
videlicet Christi. Doctrina hoc loco, sæpius  
antea proposita, hic quoq; obseruetur: videli-  
cet, quod vetus sacrificium tantum typicum  
fuerit. Umbra enim hoc loco Typum significat,  
obscurè rem aliam repræsentantem. Opponi-  
tur enim umbra, sicuti supra sæpè dictum est,  
veritati, quæ typo significabatur.*

*Alioqui cessassent offerri, ideo  
quod nullam haberent ultra conscien-  
tiam peccati, qui sacrificassent, &  
essent semel mundati.*

*Confirmatio à destructione consequen-  
tis. Si Leuitica sacrificia abstulissent peccata,  
tum cessassent offerri. Sed non cessabant offer-  
ri, proinde nequaquam abstulerunt peccata.*



# ET I S T O L A

*An non iam cessarunt Leuitica sacrificia? Verum quidem hoc est, & iustissima de causa cessarunt. Quia is quem praefigurabant, aduenit cum suo sacrificio in aeternum efficaci, ad expianda omnium hominum peccata, qui ad ipsum fide confugerint. Cur autem non antea cessarint, causam reddit, quia qui obtulerunt, habebant conscientiam peccati, hoc est, agnouerunt peccata nequaquam per illa sacrificia tolli, id quod ipsorum conscientia testabatur.*

*Sed in ipsis commemoratio peccatorum per singulos annos fit.*

*Prolepsis est. Anteuertit enim objectionem eorum, qui poterant ex dictis obijcere: Frustrà ordinata fuisse Leuitica illa sacrificia, cum non tollant peccata. Respondet autem quòd in ipsis hostijs Leuiticis commemoratio quaedam peccatorum facta sit, id est, quòd deduxerint illa sacrificia homines in cognitionem suorum peccatorum, ac Symbolo quodam indicarint reatum. Nam caesa hostia testimonium fuit, quòd peccatum morte sit dignum, & fuit non ipsa expiatio, sed expiationis quaedam adumbratio. Huc placet breuiter ascribere, quibus de causis DEVS in veteri Testamento prae-*  
cepe-



AD HEBRÆOS.

ceperit Iudæis sacrificia, & possunt quatuor causæ assignari.

PRIMA, ut populus DEI in idololatriam pronus, istis exercitijs ab idolis auerteretur. Nam ex consuetudine gentis Ægyptiæ, pronior fuit in idololatriam populus Israeliticus.

SECUNDA, ut populus DEI retineretur in vnius DEI cultu. Tametsi autem sacrificia per se, & sine fide, non sunt cultus: tamen cum fides accederet, & fierent propter verum finem, fuerunt cultus, quia mandatum DEI expressum habuerunt.

TERTIA, ut populus DEI haberet typum sacrificij Christi, quem aliquando oportebat in crucem agi, pro ipsorum peccatis: quo facto cessare debuerunt Typi & umbra.

QUARTA, ut populus DEI admoneretur, de gravitate suorum peccatorum, pro quibus mactanda essent innoxia animalia, quorum sanguine purgarentur: non quod reconciliandæ Domino gratiæ, aut delendæ iniquitati paria essent sacrificia illa, sed quod verum huiusmodi sacrificium adumbrarent, quod tandem ab vno Christo peractum fuit, & propterea sacrificia expiatoria vocabantur.



EPISTOLA

*Impossibile est enim, sanguine  
Taurorum & Hircorum auferri  
peccata.*

*Argumentum præsens, cuius maior hic  
ponitur, huiusmodi est.*

*Impossibile est, sanguine taurorum &  
hircorum auferri peccata. Fieri enim non po-  
test, ut infinitus reatus ullo humano opere re-  
dimi possit. nulla enim est proportio inter infi-  
nitum & finitum.*

*Sacrificia Leuitica fuerunt sanguis  
taurorum & hircorum.*

*Igitur impossibile fuit Leuiticis ho-  
stijs auferri peccata.*

*Hic ex maiore colligitur hoc axioma in  
Theologia. Omnia sacrificia reiicienda sunt,  
præter solum Christum. Si enim ista opera &  
sacrificia à DEO mandata, non auferebant  
peccata: multò minus fictitia, aut humanæ tra-  
ditiones peccata tollunt. Ruunt igitur Papi-  
starum nugæ, de expiationibus varijs, vide-  
licet, per aspersionem aquæ, per sacrificium  
Missæ, & per alia quæ cumularunt Papistæ si-  
ne fine, quæstus gratia.*

*Ideo*



Ideo ingrediens mundum di-  
cit: Hostiam & oblationem noluisti:  
corpus autem aptasti mihi: holocau-  
tomata & hostiam pro peccato non  
approbasti: tunc dixi: Ecce venio  
(in capite libri scriptum est de me)  
ut faciam, Deus, voluntatem tuam.

Hoc testimonio Psalmi 40. superius  
probat, videlicet, abolendum fuisse vetus sa-  
crificium, & subrogandum nouum. Primum  
itaq; confirmat, hostijs Leuiticis peccata minimè  
tolli. Deinde ideo Christum mundo fuisse ma-  
nifestatum asserit, ut sua victima DEVM pla-  
cetet, & aboleret veteres hostias.

Nunc Psalmum, unde hoc testimoni-  
um desumptum est, videamus. Psalmus ipse  
totus, vel nostro Apostolo teste satis idoneo,  
scriptus est de filio DEI, per Spiritum Prophe-  
ticum in Dauide: & in summa continet prophe-  
tiam, de regno & Sacerdotio Christi, de passio-  
ne & liberatione, de abrogatione legis, de præ-  
dicatione Euangelij &c. Hinc quæ sit vis ar-  
gumenti præsentis facile intelligi potest. Nam



## E P I S T O L A

*in verbis adductis ex Psalmo, Primum reijciuntur, vt dixi, veteres Ceremonia & Levitica sacrificia, Deinde corpus sibi aptatum dicit, vt faceret voluntatem Patris: hoc est, vt fieret victima, atq; placaret iram patris. Quod autem additur in parenthesi, in capite libri scriptum est de me, nonnulli ad principium libri Gene. referunt, vbi post creationem & lapsum hominis, additur promissio de Messia, qui erat aboliturus peccatum.*

*Cum superius dixisset, sacrificium & oblationes & hostiam pro peccato noluisti, neq; comprobasti, quæ secundum legem offeruntur, tunc dixit: ego venio, vt faciam Deus voluntatem tuam, aufert prius, vt secundum statuatur.*

*Apostolus ipse interpretatur verba Psalmi, atq; ea suo accommodat proposito. Summam autem sententiæ, complectitur hisce verbis: Tollit prius, vt secundum statuatur, hoc est, vetera sacrificia abolet, vt secundo, hoc est, sacrificio Christi, tanquam perfectissimo, sit locus. Hic ergo Psalmus manifestissimè docet abrogatio.*



AD HEBRÆOS.

gationem veteris Testamenti, & omnium Ceremoniarum eius, quo ad externum usum attinet, non quoad spirituales significationem, quæ in Christo completur, duratura in omnem æternitatem.

Per quam voluntatem sanctificati sumus, per oblationem corporis Iesu Christi, semel peractam.

Hæc sententia gravissima est, & dignissima attenta consideratione, Continet enim summam totius disputationis præsentis, in qua sententia quinque sunt observanda.

Primum enim mentio fit causæ imperantis, quæ est voluntas patris. voluit enim DEVS hac ratione lapsum genus humanum erigere.

Secundò, ostenditur causa obsequens, videlicet, obedientia filij, qui potius voluit in se deriuare iram DEI, & offerre se pro nobis in hostiam, quam ut in peccatis nostris miserè periremus.

Tertiò, effectus sacrificij Christi, voce sanctificationis exprimitur. Est enim sanctificatio hoc loco, expiatio à peccatis: cum qua coniuncta est imputatio iusticiæ Christi, Donatio



# EPISTOLA

tio Spiritus sancti, & acceptatio credentium  
ad vitam æternam, gratis, propter Christum.

Quarto loco, sequitur expiationis, seu  
sanctificationis modus: qui est oblatio Iesu  
Christi.

Quinto loco, repetit id quod sæpius dixe-  
rat, videlicet, hanc oblationem semel peractam  
esse: vnde concluditur eius efficacia, & virtus,  
& antefertur omnibus Leuiticis hostijs. Atq;  
ita Apostolus noster hoc breuissimo aphorismo  
rem vniuersam complexus est.

Omnis quidem Sacerdos præ-  
stò est, quotidie ministrans, & easdem  
sæpè offerens hostias, quæ nunquam  
possunt auferre peccatum. Hic autem  
vnam pro peccatis offerens hostiam,  
in sempiternum sedet ad dexteram  
Dei, de cætero expectans, donec po-  
nantur inimici eius scabellum pedum  
eius.

Collatio est, in qua rursus summam to-  
tius disputationis repetit: quæ est vice Epilogi  
totius disputationis de Sacerdotio Christi. Quæ  
enim



AD HEBRÆOS.

enim hactenus fufius ab Apoftolo explicata  
sunt, nunc contractius, vt in Epilogis fieri so-  
let, Lectori in memoriam reuocantur.

Absoluitur autem præfens pericopa  
tripartita collatione. **PRIMA**, Leuiticus sa-  
cerdos quotidie ministrat, quia ministerium eius  
nunquam rem ad perfectum deducit: Christus  
autem perfectus Pontifex, non nisi semel sacri-  
ficat. Est enim eius vnica oblatio in perpetu-  
um efficax, ad expianda omnia omnium homi-  
num peccata. **SECUNDA**, Leuiticus sacer-  
dos iterat hostias easdem: Christus autem vnā  
& eandem semel obtulit, qua omnia perfecit.  
**TERTIA**, Leuiticus sacerdos nunquam suo  
sacrificio peccatum auferre potest: Christus  
autem sacerdos, sedens in dextera **DEI** patris,  
potens est suo sacrificio vnico peccatum totius  
mundi tollere.

Porro, vt Hebræos commoueat Apo-  
stolus, vt serio cogitent de Christi sacerdotio  
& eius efficacia, addit comminationem ex Psal-  
mo 110. sumptam: in qua cominatur hostibus  
Ecclesiæ extrema. Nam quicumq; se huic sacer-  
doti Iesu Christo non adiunxerint per fidem,  
hostium loco habebuntur, qui tandem iustas  
sue contumaciæ pœnas luent.

Obfer-



EPISTOLA

Obseruetur igitur hoc loco definitio  
HOSTIUM CHRISTI, videlicet, quod omnes  
homines qui Christi sacrificium non estimant,  
vt decet, habeantur & sint hostes Christi, siue  
manifestè persequuntur nomen Christi, vt  
Turcæ, Iudæi, & prophanae gentes, siue de  
Christi nomine gloriantur, sed virtutem eam  
non tribuunt sacrificio Christi, quam deberent:  
vt sunt Papistæ, & hypocritæ, & peccatores  
aliij, qui desperant ob peccatorum suorum ma-  
gnitudinem, vt Iudas &c.

Vna enim oblatione consum-  
mauit in æternum sanctificandos.

Collationis ratio est, sumpta ab effica-  
cia sacrificij Christi. Est autem hæc sententia  
inprimis memorabilis, ex qua non solum Leui-  
ticæ hostiæ, verumetiam omnes præter vnicam  
Christi expiationis inutiles, esse concluduntur.  
vnicam enim Christi hostiam, consummandi, &  
sanctificandi in æternum virtutem habere, ma-  
nifestè affirmat Apostolus. Poterit igitur hic  
locus vel solus opponi omnibus nugis Papista-  
rum, qui in alijs rebus collocant salutem, quàm  
in vnico sacerdotis Christi merito.

Testifi-



AD HEBRÆOS.

Testificatur autem nobis & ipse Spiritus sanctus. Postquam enim dixit, Hoc est Testamentum, quod statuam cum eis, post dies illos, dicit Dominus, ut ponam leges meas in corda eorum, & in mentibus illorum inscribam illas, & peccatorum & iniquitatum eorum non recordabor amplius.

Confirmat efficaciam sacrificij Christi, à fœderis qualitate, testimonio ex Ieremia desumpto: quod quia antea declaratum est, cap. 8. hic non copiosius explicandum videtur. Summa autem huc redit. CHRISTVS sua vnica hostia consummauit in perpetuum sanctificandos. nam Sacerdotis huius fœdus est, quod promittit se remissurum peccata eorum, qui in se credunt, nec vnquam memorem fore iniquitatum ipsorum, modò in fide huius Sacerdotis, hoc est, in fœdere manserint.

Vbi autem remissio horum, iam non est oblatio pro peccato.

Hæc

Testificatur



E P I S T O L A

*Hæc maior est propositio rationis posita.*

*Vbicunq; est remissio & obliuio peccatorum, ibi non requiritur hostia pro peccato.*

*Sed in vna oblatione Christi est remissio & obliuio peccatorum.*

*Igitur præter illam nulla requiritur alia oblatio pro peccato.*

*Argumentum hoc à destinato ad finem sumptum est. Hæc demonstratione Apostolica, rursus confoditur sacrificium Papisticum, quod se Papistæ dicunt offerre, pro peccatis viuorum & mortuorum expiandis.*

*Deinde obseruetur, quod non tollit Apostolus nosler omnia sacrificiorum genera, sed tantum quod est pro peccato expiando. Nul- lum enim reliquum est, nec vnquam expectan- dum est pro peccato sacrificium. Nam Christi sacrificium vnicum, satis efficax est ad omnia peccata expurganda, cuius applicatio fit per prædicationem Euangelij, & per fidem. Reli- qua sacrificia, vt gratiarum actio, patientia sub cruce, mortificatio carnis, beneficentia er- ga proximum, perpetua sunt Christianorum sacrificia: quæ sacrificia David Psalmo 4. vo-  
cat*



AD HÆBREOS.

cat SACRIFICIA IUSTICIÆ. Requirit enim iusticia, hoc est, obedientia quam Deo debemus, ut Deo gratias pro suis beneficijs agamus, ut Deum prædicemus, ut Deum inuocemus, ut patientes simus sub cruce, ut mortificemus veterem hominem Adamum, ut benefici & liberales simus erga pauperes, breuiter, ut iuxta legem Deo ex fide obedientiam in ipsius gloriam præstemus.

Habentes igitur, fratres, fiduciam introeundi in sancta, per sanguinem Iesu, via quam dedicauit nobis recentem ac viuam, per velum, hoc est, carnem suam & sacerdotem magnum super domum Dei, accedamus cum vero corde, in certitudine fidei, aspersi cordibus à conscientia mala, teneamus confessionem spei inflexibilem.

Absoluta disputatione, paræneses more Prophetico & Apostolico subiicit, non quasuis, sed eas quæ ex superiori doctrina concludi possunt. Summa sententiæ hæc est. Nos sumus

R per



# EPISTOLA

per sacrificium Christi absoluti à peccato, ergo illud sacrificium syncera fide amplectamur. Vtramq; enthymematis partem pluribus verbis exornat, & exaggerat. Nam antecedens per collationem amplificat. In consequente, quales eos oporteat esse, qui sunt sancta ingressuri, hoc est, qui futuri sunt victimæ Christi participes, ostendit, sed nos singula retexentes videamus.

Compellatio dulcissima est. agnoscit enim ipsos Hebræos FRATRES esse suos, cum propter communem fidem, tum propter affectum fraternum erga ipsos. Hæc compellatio vim habet suasorij argumenti: unde & nos mone-mur, quales nos gerere oporteat erga eos, quos docemus & exhortamur: Habentes fiduciam introeundi in sancta.

Respicit ad comparisonem sanctuarij Mosaici & cæli. Sanctuarium Mosaicum clau-sum erat, & ab eius ingressu arcebatur popu-lus. nam solus summus Pontifex, in illud semel quotannis ingressus est. Sed noster Pontifex Christus, suum sacrarium, hoc est, cælum omni-bus credentibus aperuit, Addit per sangui-nem Iesu. Ut enim summus Pontifex non est in suum sacrarium ingressus, sine sanguine hostiæ,

hostia  
ingressu  
viam  
recedit  
ticus  
lum  
quo sig  
aperuit  
nem, q  
lesti,  
Christo  
tem re  
tum.  
effusus  
ingressu  
tegebat  
tur an  
tissima  
natur  
nit in c  
pora p  
ne: it  
prop

M A



hostia, ita Christus per proprium sanguinem ingressus est cælum, & per sanguinem alijs viam aperit. Via quam dedicauit nobis recentem & viuam. Vt viam sibi Leuiticus sacerdos parauit sanguine, cum per velum esset ingressurus: ita filius Dei per velum, quo significatur humana Christi natura, viam aperuit omnibus credentibus, idq; per sanguinem, qui semper veluti stillat coram patre cælesti, vt sit via in sanctuarium omnibus, qui Christo adherent. Vox Græca, quam recentem reddunt, significat propriè recens mactatum. Alludit enim ad hostias, quarum recens effusus sanguis sumebatur à sacerdote summo, ingressuro in adytum. Præterea vt VELVM tegebat propitiatorium, ita vt non conspiceretur ante introitum sacerdotis in adytum sacratissimum, ita caro Christi diuinam occultauit naturam, donec velo scisso per sanguinem intrauit in cælum, resurgens ex mortuis. Et vt corpora populi aspergit sacerdos Leuiticus sanguine: ita Christus conscientias nostras sanguine proprio aspergit & à peccato emundat.

Cum addit SACERDOTE M  
MAGNUM, scilicet habentes, SUPER  
R 2 domum



A D H E B R A E O S.

DOMVM DEI, rursus antithesin vult cogitari. Vt enim sacerdos Leuiticus, erat super tabernaculum Mosaicum: ita noster summus Pontifex Christus Iesus, est super totam domum Dei, hoc est, Ecclesiam. Vnde relinquitur, veteris domus & tabernaculi apparatus, postquam apparuit verus Pontifex, cessare debuisse.

Hæc omnia ad illustrandum enthymematis antecedens adiecta sunt: nunc quæ ad consequentis illustrationem addita sunt, expendamus: Leuiticus sacerdos corpus abluere debuit ante ingressum in sacrarium, ornamenta & vestes sacerdotales induit sanguine adhibito, quo ipse externè purgari putabatur: ita nos ingrediemur cælum, abluti prius spiritualiter sanguine Christi, à conscientia mala: quod fit cum peccatum remissum statuimus per sanguinem Christi, ornati synceritate & fide, hoc est, noticia & fiducia mediatoris, abluti pura aqua, hoc est, donati spiritus sancti gratia, & lauacro Baptismi in cætum externum filiorum Dei recepti. In hunc modum instructi, debemus spei inflexibilem tenere confessionem, quod enim corde credimus, ore confiteri debemus.

Ex

scriptio  
sit, qui  
lutus  
troem  
syncer  
confess  
  
definit  
suasio  
certa  
  
sit.  
  
missio  
tanda  
troitu  
nibus  
sum  
  
certi  
sit fu  
pron  
men



AD HEBRÆOS.

Ex his omnibus collige p̄i hominis descriptionem: videlicet, quòd **TIVS HOMO** sit, qui aspersus corde à conscientia mala, & ablutus corpore aqua munda, fiduciam habet introeundi cælum, per sanguinem Iesu, quique sincero corde, & in certitudine fidei tenet spei confessionem inflexibilem.

Hinc etiam colligitur certissima fidei definitio, videlicet, quòd **FIDES** sit certa persuasio de veritate **DEI**, & noticia & fiducia certa mediatoris nostri Christi.

*Fidelis enim est qui promissit.*

**Ratio exhortationis, à certitudine promissionis.** **DEVS** est fidelis: Non igitur dubitandum est, quin concepta fiducia, pateat introitus in cælum, per pontificem Christum, omnibus qui eum Sacerdotem agnoscunt, & in ipsum firma fiducia recumbunt.

Obseruetur hoc dictum de spei nostræ certitudine. Nititur enim **DEO** ipso, qui cum sit fidelis, nequit fallere, vnde ad Titum, quam promissit **DEVS** & ἰσχυρὸς ἦς, id est, qui minime mendax esse potest: Teneatur proinde in omni

R 3 pericu-



EPISTOLA

periculo, atq; adeò in agone mortis hoc DEI  
elogium, quòd sit fidelis in promissis. Hinc con-  
scientiæ inestimabile gaudium nascitur, in om-  
nibus ijs, qui hunc mediatorem Christum ag-  
noscunt.

Et consideremus nos mutuò, in  
æmulationem charitatis & bonorum  
operum.

Alia parænesis ad mutuam dilectionem,  
& bona opera. Fluit autem hæc parænesis ex  
priori, ubi enim fides, ibi charitas, ubi chari-  
tas, ibi bona opera necessariò adsunt. Hæc  
ubi desunt, vana est de fide gloriatio, sicuti  
Paulus copiosè, 1. Corin. 13. disputat. Fides  
enim viua sine his suis naturalibus fructibus  
esse nequit.

Forma orationis Apostoli obliquè ta-  
xat Hebræos, qui gentes præ se contemnebant  
& offendebantur, quòd Ethnici reciperent fi-  
dem, ac si diceret Apostolus, æmulationem inter  
vos video, sed cùm omnis æmulatio, nisi sit cha-  
ritatis & bonorum operum, est improbanda,  
vos inuicem potius ad æmulationem mutue  
charitatis, & officiorum debitorum ex charita-  
te prouocate. Hæc enim prouocatio, sancta ac  
salu-



salutaris existit : cum ex inuidia nihil nisi dissipatio ac distractio oriatur. Obseruetur hæc admonitio de sancta inter Christianos æmulatione.

Neq̃ deserentes aggregatorem nostri, quemadmodum mos est quibusdam.

Effectus synceræ charitatis, aliorum saluti studere : cum contra æmulationis inuidiosa sit, Schismata facere, & in Ecclesia turbas per contentionem excitare : Quare hic monet Apostolus, ut Hebrei charitati studeant, quod si fecerint, Ecclesiam domini nequaquã deserent, fuerunt nonnulli inter Hebræos, qui tametsi Christum et Euangelium acceperant, tamen acceptionem illam ex gentibus ferre non potuerunt. Est enim *ἡ προσέλευσις* incrementum, & noua accessio ad aliquam collectionem. Diruto enim interstitio, gentium vocatio acceptione noua Ecclesiam auxit.

Monemur proinde hoc loco, ut in Ecclesia Christi agnoscamus omnes esse, qui eundem Christum nobiscum colunt. Quare non est quodd arroganter præponamus nos ijs, quibus nostra opinione excellentiores aut sanctiores videmur. Habent enim Ecclesiæ membra, sua



E T I S T O L A

quædam vitia, quæ charitas mutua si non tol-  
lere, saltem tegere debet, modò non contrà DE-  
VM & Ecclesiæ tranquillitatem, sub falso pie-  
tatis prætextu, quis se erigat: Cùm autem ad-  
dit, SICUT MOS EST QUIBUSDAM, no-  
tat quosdam inter Hebræos, qui superbè se ab  
Ecclesia gentium subduxerunt: Hinc apparet,  
Sectarum & schismatum causam esse arrogan-  
tiam in petulantibus ingenijs.

*Sed exhortantes, idq; eo magis,  
quia videtis appropinquantem di-  
em.*

*Antithesis est. Non deferenda est ag-  
gregatio nostri, sed potius colligenda magis, &  
conseruanda mutuis exhortationibus. Ratio-  
nem addit à temporis circumstantia. QVIA  
inquit, VIDETIS APPROPINQUAN-  
TEM DIEM, hoc est, intelligitis diem Domi-  
ni instare: in quo vt pietati gloria, ita impie-  
tati ignominia reddetur.*

*Doctrina obseruetur, quòd cogitatio  
extremi iudicij, debeat nos ad acrius pietatis  
studium excitare. Nec quenquam moueat, quòd  
ante tot annos scribens Apostolus, appropin-  
quantem diem nominat. Id enim facit, cùm  
quia*



quia totum tempus à Christo exhibitum vsq; ad iudicium extremum dicitur, & mille anni apud DEVM instar vnus diei sunt, cum quia Christianos ita paratos esse deceat, vt singulis momentis Christum de cælis expectent Saluatorem.

Voluntariè enim peccantibus nobis post acceptam noticiam veritatis, iam non relinquitur pro peccatis hostia, terribilis autem quædam expectatio iudicij, & ignis vehementia, quæ consumptura est aduersarios.

Ratio alia est, cur tenenda sit fiducia mediatoris, curq; ab Ecclesia non sit discedendum, quia extra Ecclesiam, nulla est pro peccatis hostia, sed tantum ira DEI contumacibus & defectoribus ab Euangelio expectanda est. Neq; enim loquitur hic Apostolus, de quolibet lapsu, aut voluntario peccato, sed de ijs tantum qui cognitum hunc Sacerdotem Christum repudiant, ac seipsi excludunt ex Ecclesia, sacerdotio Christi renunciantes cum omnibus Christi beneficijs.



EPISTOLA

Periculose igitur errant Donatistæ ac  
 Nouatiani, qui hunc locum de quolibet pecca-  
 to intelligunt, contra mentem Apostoli, &  
 contra infinita testimonia scripturæ ac exempla,  
 Et, ut vnum tantum attingam, Paulus Apo-  
 stolus nequaquam recepisset in Ecclesiam incæ-  
 stuosum hominem, si hic locus de quolibet la-  
 psu intelligendus esset. Quare iuxta contextum  
 Apostoli, applicetur hic locus generali prolap-  
 sui, & renunciationi agnitæ veritatis, quo pro-  
 lapsu multi inuidi Hebræi tum temporis perie-  
 re. Potius enim voluerunt Christo renunciare  
 quàm ferre gentes consortes Euangelij. Qui  
 autem in Ecclesia manent, tametsi sæpe siue sci-  
 entes, siue ignorantes labuntur: tamen cum  
 agunt pœnitentiam, certissimè recipiuntur in  
 gratiam. Stat enim immotum hoc DEI decre-  
 tum: Non volo mortem peccatoris, sed ut con-  
 uertatur & viuat, & Christus iubet, ut san-  
 cti quotidie petant remissionem peccatorum:  
 quod cum faciunt, asperguntur conscientie il-  
 lorum sanguine perpetuè efficacis victimæ Iesu  
 Christi. Vna enim illa victima in perpetuum  
 valet, ad expianda omnium hominum peccata  
 confugientium ad gratiam, hoc est, conuertenti-  
 um se ad DEVM, per fidem in Iesum Chri-  
 stum. Gratia enim exuberat peccatum. Hæc  
 Apostoli



A D H E B R Œ O S.

*Apostoli admonitio, incutiat impijs terrorem, qui impiè ab Ecclesia Christi deficiunt, & admoneat pios, ut vivant in timore DEI, ne suis crebris lapsibus sibi aditum patefaciant ad defectionem ab Ecclesia.*

*Qui abiecerit legem Mosis, absq; miseratione sub duobus vel tribus testibus moritur: quanto magis putatis deteriora merebitur supplicia, qui filium Dei conculcaverit, & sanguinem Testamenti prophanum duxerit, in quo sanctificatus est & Spiritui gratiæ contumeliam fecerit.*

*Comprobatio præcedentis rationis, à minori sumpta. Qui Mosis legem contempsit, seuere punitus est: multò magis punietur qui filiū DEI contumelia affecerit, & ab eius Ecclesia defecerit.*

*Hic clariſsimè definit Apostolus peccatum, cuius supra meminit. Sunt autem tria huius definitionis membra, quæ natura coniuncta sunt.*

*Primum inquit, Qui filium DEI*  
con-



EPISTOLA

*conculcauerit : hoc est, qui Christum, quem supra omnia esse didicit, iam deserit : tanquam contemptibilem aliquem hominem, qui pedibus conculcetur, & extremè contemnatur.*

*Secundum membrum, Qui sanguinem Testamenti prophanum duxerit, in quo sanctificatus est : hoc est, qui ablutus sanguine Christi à conscientia mala, iam istum sanguinem repudiat, ac prophanum ducit.*

*Tertium, Et Spiritui gratiae contumeliam fecerit, hoc est, qui illuminatus Spiritu sancto, gratiam DEI per Christum agnoscit, iam eandem gratiam abiicit, contumelia afficiens spiritum DEI, quem amplius doctorem non admittit.*

*Ex hisce clarè patet, quòd Apostolus noster non loquatur de ijs, qui Christi confessionem retinent, sed tantum de Apostatis, qui abnegant antè agnitum saluatorem : qualis fuit Iulianus, & multi temporibus Apostolorum.*

*Nouimus enim eum, qui dixit : mihi vindicta, & ego retribuam, dicit Dominus.*

*Ratio*



A D H E B R Œ O S.

Ratio à testimonio & decreto ipsius  
DEI sumpta. In hoc testimonio duo sunt, vi-  
delicet, vendicatio iuris puniendi reos, & com-  
minatio vindictæ. Ex primo collige, neminem  
posse euadere iudicis manus, cum sit Deus. Ex  
secundo, quod mora dilatæ pænæ, non debeat  
alicui præbere peccandi occasionem. Tametsi  
enim DEVS differt pœnam commertam, vt  
aliquos saltem sua lenitate inuitet ad pœniten-  
tiam, tamen dilationem hanc pænæ, compensa-  
bit aliquando grauitate supplicij. Est enim  
magna Emphasis in hoc dicto: ET EGO RE-  
TRIBVAM, DICIT DOMINVS, ac si di-  
ceret: Etsi non statim peccantes fulmine pro-  
sterno, tamen reuera oportuno tempore & loco,  
meæ iusticiæ satisficiam, & puniam eos qui  
me contemnunt. Atq; hoc est quod Deut. 32.  
subijcitur. Et tempore oportuno labetur pes eo-  
rum, hoc est, victi pœnas luent.

Et rursus iudicabit Dominus  
populum suum.

Ex eodem capite hoc testimonium sum-  
ptum est, & hoc addit superiori, vt sæpe repeti-  
tis & inculcatis diuinis comminationibus, magis  
ad timorem & pœnitentiam commoueamur.

Hor-



EPISTOLA

*Horrendum est incidere in manus Dei viventis.*

*Epiphonematica assueveratio eorum, quæ dixit de pœnis deficientium ab Euangelio. Horrendum dicit, propter pœnæ acerbicatem, cuius cogitatio ut meritò impijs horrorem incutere, ita eius dilatio benignitatem DEI commendans nos ad pœnitentiam invitare deberet.*

*Incidere in manus DEI dicit, ut iudicis, cum potentiam, qua omnia potest, tum severitatem qua suos hostes puniet, cogitandum impijs relinquat.*

*Epitheton VIVENTIS duplici de causa appositum esse videtur. Primum, ut cogitetur antithesis inter DEVM iudicem, & homines iudices. Manus hominum iudicum interdum effugere contingit, idq, vel quia ipsi non norunt omnia, vel quia morte præventi pœnas iuxta leges suas non cœquuntur: ut taceam interim multos iudices conuiere ad multorum flagitia, quia eisdem sunt polluti. At DEVS iudex cum ubiq, adest, videt omnia, & cum nunquam moritur, interuentu mortis executionem suæ iusticiæ in scelestos minimè negligit, & cum sit sanctus & purus ab omni crimine,*  
*nequa*

quap  
uebit.  
cet qu  
bet: I  
opera  
dentes  
nis, mo  
in omni  
angelic  
uis ope  
mus r  
adma  
scopum  
nue qu  
scopu  
Ita se  
mund  
strenu  
promi  
  
illa I  
git po  
nus h  
borre  
Ex c  
quib



AD HEBRÆOS.

quaquam extenuabit flagitia, nec ad ea conu-  
uebit. Deinde hoc Epitheton *VIVENS*, de-  
cet qualia opera Deus probet, & qualia impro-  
bet: Nam si Deus viuens est, profectò vt viua  
opera, hoc est, fructus Spiritus viuificantis cre-  
dentes requirit: ita opera mortua, hoc est, car-  
nis, morti adiudicata improbat, damnat, punit,  
in omnibus ijs qui non fuerint conuersi per Eu-  
angelium, neq; vult vt breue ad tempus in vi-  
uis operibus nos exerceamus, sed vt perseuere-  
mus vsq; dum scopū attigerimus. Nam quem-  
admodum qui in stadio currunt, illi soli qui  
scopum attingunt coronantur, qui verò stre-  
nuè quidem currunt, sed deficiunt antequam  
scopū attingunt, ignominia & risu afficiuntur:  
Ita se res habet etiam in cursu pietatis in hoc  
mundo. Quia enim ad mortem vsq; corporis  
strenuè per fidem in pietatis cursu persistunt,  
promissam coronam accipient.

Sed quomodo hic locus congruit cum  
illa Davidis optione, qua tribus propositis, eli-  
git potius incidere in manus *DEI*, quàm in ma-  
nus hominum: cum tamen illud Apostolus hic  
horrendum esse & intolerabile pronunciat etc.  
Ex collatione personæ Davidis, & eorum de  
quibus hic loquitur Apostolus, solutio est pe-  
tenda



EPISTOLA

tenda. David ideo eligit incidere in manus  
DEI, quia etsi peccator erat, misericordiam ta-  
men Domini intuetur, ac per fidem statuit De-  
um fore propitium iudicem, sicuti huius sue  
optionis causam reddit. Multæ enim misERICOR-  
diæ eius sunt: at illi de quibus hic loquitur A-  
postolus, sunt Apostatæ, quibus horrendum sine  
misericordia iudicium minatur Apostolus. Hinc  
igitur moneamur ita vitam componere, ut latè  
per fidem Christum iudicem expectemus.

Recordamini autem dierum  
superiorum, in quibus illuminati mul-  
tum certamen sustinuistis afflictio-  
num.

Argumentum ab antea actis sumptum,  
quod in hunc modum concludetur.

Honestum est bonum principium ad bo-  
num finem perducere.

Vestrum principium fuit honestum, ac  
laudabile.

Proinde vestrum fuerit, hoc bonum  
inceptum ad bonum finem perducere. Ut enim  
ridiculum est & turpè, bene incepisse, ac tur-  
piter deficere, Ita laudabilis est in bono con-  
stantia usque ad finem.

Incepto



AD HEBRÆOS.

Incepto Hebræorum duo adiungit, videlicet, ILLUMINATIONEM, quæ est gratuitum donum Dei, nam illuminatio est mentis illustratio per verbum, & Spiritum sanctum, unde in corde concipitur fiducia in Deum, ET MULTUM CERTAMEN AFFLICTIONUM. Hoc certamen evidens fidei testimonium est: quod neuiquam fallit. Facilis est confessio, dum prædicatur & honoratur: Verum cum Crux & afflictio accedit, generosam ac minime fucatam se testatur. Nam decus inter ærumnas lucet.

Doctrina observetur, quod anteacta vita nostra stimulus esse debeat ad pietatem. Si enim anteacta vita parum honesta fuit, moneamur tempus esse abijciendi turpitudinem. Si verò honesta & pia fuit, cogitabimus turpe esse, contaminare superioris vitæ decus, idq; maximè, si cum certamine & cruce fuerit coniuncta.

Præterea illuminationis vocabulum monet, qualesnam sint homines antequam Christi luce illuminantur, nempe, demersi in ignorantiae tenebras.

Vocabulum certaminis, ἀθλοῖς, duo cogitanda relinquit, alterum, fidei certamina proposita esse: Alterum, mercedem certamini

S esse



EPISTOLA

esse destinata. nam ἀθλοισι propriè est certamen cui præmium est propositum. Quare ut virtus ab vna parte, ita ab aliera spes præmij ad fortitudinem animi, in ferendis duris pro Evangelio, nos incitare debet.

Partim dum probris & afflictionibus spectaculum estis facti, partim dum socij ita conuersantium estis effecti.

Distributione quadam, quale nam fuerit Hebræorum certamen, ostendit, facitq; duo membra, quorum prius est de eo certaminis genere, quod ipsi in sua persona passi sunt: posterius de eo quod ob sociorum, hoc est, aliorum Christianorum persecutiones sunt perpeSSI.

Prius genus rursus in tres partes secatur: quarum prima est opprobrium & contumelia, videlicet, cum ab hostibus falsissimè irrideantur, quòd in Christum crucifixum hominem credant, & deficiant à traditionibus maiorum suorum. Secunda, est afflictio in animo vel corpore. Tertia; quòd hæc mala non sint priuata & occulta (nam si occulta essent, lenius ferri possent) sed publica, & ita publica, ut in  
thea.



A D H E B R A E O S.

theatrum mundi producantur, quo sint omnibus spectaculo, fannis & supplicijs durissimis excipiendi.

Talis fuit piorum persecutio in Ecclesia Apostolica. Nec dubium est, quin talia pij in Turcia, & in Papatu experiantur. Monemur proinde isto exemplo, ne ob persecutionum procellas deficiamus ab Evangelio.

Posterius genus certaminis est, quod affligerentur propter socios, quos cruciari in diuersis locis audiuerunt. Vnde nos monemur, Primum quidem, affici Ecclesiae calamitatibus. Deinde orare pro ipsis, vt Deus det ipsis constantiam, & eos conseruet suo sancto Spiritu, ne propter crucis acerbiteriam abijciant confessionem. Postremum parare nosipsos ad similem fortunam. hoc enim certo certius est, quod Ecclesia cruce probanda sit, nunc in hoc nunc in illo loco. Quare post longam serenitatem, nobis quoque alia afflictionum tempestas metuenda est.

Nam & vinculis meis compassi estis, & rapinam bonorum vestrorum cum gaudio suscepistis.

Comprobatio est distributionis proxime. Nam Hebræorum exemplo confirmat id



# ΕΠΙΣΤΟΛΑ

quod supra dictum est, de probris & afflictio-  
nibus Ecclesiae. Compati vinculis aliorum, est  
affici aliorum malo, perinde atq. suo. est enim  
συμπάθεια πάθος διὰ πάθος ἑτέρου, hoc  
est, συμπάθεια est cum aliquis alterius ob ma-  
lum dolet, tanquam eiusdem corporis mem-  
brum. Hac συμπάθεια certissimum indicium  
est veri amoris erga Euangelium. Nam qui  
dicit se doctrinam Ecclesiae magnificare, ac ni-  
bilominus verbi ministros odio habet, suo ipsi-  
us iudicio se condemnat. Fieri enim non po-  
test, ut qui legatos Christi odit, Christum dili-  
gat, aut eius verbum, prætendat verbis quic-  
quid velit. Ita enim veritas ait: Qui reijcit  
vos, me reijcit, & qui recipit vos, me recipit.

Porro quod dicit Hebraeos suscepisse  
rapinam suorum bonorum cum gaudio, non est  
ita intelligendum, quasi non agere tuerint di-  
reptionem suorum bonorum, sed quod hunc  
dolorem absorpserit gaudium. Spiritus, quo se  
intellexerunt possidere omnium præstantissi-  
mum thesaurum, nempe, Christum ipsum, pro-  
pter cuius confessionem passi sunt persecutio-  
nem, quò suo testimonio testantur verbum,  
quod amplectuntur, verè diuini esse, & salu-  
tare. Hoc loco monemur, ne tangamur aduersis  
tem-



tempore persecutionis, sed intueamur potius illum, qui patientibus hereditatem promissit immarcescibilem.

Cognoscentes vos habere maiorem & manentem in cælis substantiam.

Hæc argumenti vis est: Bona maiora, diuturniora & diuina præferenda sunt bonis minoribus caducis, & terrenis, sed cælestis hereditas est maior, diuturnior, & diuina: Igitur præferenda est substantijs huius mundi, quæ caducæ sunt & terrenæ.

Hæc ratio confirmat distinctionem nostram, videlicet, quod nō tam gauisi sunt Hebræi spoliatione bonorum suorum, quam intuitu promissæ hereditatis.

Hic locus duo nos docet. Primum præmia esse proposita obedientibus Christo ex fide. Deinde in afflictionibus præsentis vitæ, oculos fidei sursum tollendos esse, ubi nostra consolatio, & nunquam peritura substantia reposita est. Hoc ipsum vult Dominus, cū pronunciat beatos esse qui lugent, & persecutionem patiuntur, nam huius dicti rationes has subiungit: quia (inquit) consolationem accipient:

S 3

quia



E P I S T O L A

quia ipsorum est regnum cœlorum : quia merces eorum copiosa est in cœlo.

Ne abiciatis igitur fiduciam vestram, quæ magnam habet remunerationem.

Conclusio est exhortationis, videlicet, ne deserant Hebræi Ecclesiam, sed potius in pietatis cursu persistant. In hac conclusione duo coniungit Apostolus. Primum fiduciæ meminit, vnde perseverantia dependet. Nam donec fiducia retinetur, nullis aduersis expugnabitur pius animus. Deinde stimulum addit, facta mentione remunerationis. Promittit persolutionem mercedis pro obedientia sub cruce præstita.

Obseruetur hic doctrina ; quod fiducia in DEVM sit totius pietatis & obedientiæ erga Deum fundamentum. Obseruetur quoque testimonium de compensatione obedientiæ ex fide præstita, quæ compensatio hæredibus vitæ æternæ ex gratia promittitur, non propter dignitatem obedientiæ, sed ex bonitate patris cœlestis, qui suos filios tanto dignatur honore.

Pati-



A D H E B R A E O S.

Patientia enim opus habetis,  
ut voluntatem Dei facientes repor-  
tetis promissionem.

Quia patientia fiduciæ & spei effectus  
est, nunc hortatur ad patientiam, seu toleran-  
tiam, ne fracti cruce confessionem abijciant He-  
bræi, quemadmodum multi eo tempore fecerunt,  
partim probris, partim cruciatibus victi. Con-  
iungit autem hic tria, videlicet patientiam,  
obedientiam, & promissionis acquisitionem.  
Vnde observetur, quod obedientia, quæ DEO  
præstatur per patientiam sub cruce, sit cultus  
gratissimus. Testatur enim hic Apostolus, pa-  
tientia voluntatem DEI fieri. Deinde quod  
patientia sit quædam via, ad bona promissa con-  
sequenda. Contrà verò ut impatientia DEO  
summè displicet, ita quoq; impedit quò minus  
promissa bona consequamur.

Adhuc enim modicum temporis,  
quando qui venturus est veniet, &  
non tardabit: iustus autem meus ex  
fide viuet, & si subductus fuerit, non  
placebit animæ meæ.



# EPISTOLA

Ratio exhortationis ad patientiam à liberationis certitudine, quam brevi futuram Prophetæ Abacuc testimonio confirmat. Sunt autem tria in hoc testimonio, videlicet, promissio, exhortatio, comminatio.

Promittit liberationem ab ærumnis præsentis vitæ. Quemadmodum enim Iudæi pressi Tyrannide Babylonica tandem sunt iuxta scripturam tabulæ obiectam Abacuc in visione liberati: Ita verè populus DEI pressus cruce in hac vita, liberabitur gloriosè.

In hac scriptura observandum est, quod Prophetæ addit: Si moram fecerit expecta eum, quia veniens veniet: hoc est, certò veniet, & non tardabit. Non enim debemus DEO tempus præscribere, sed tribuere ipsi laudem veritatis, & patienter expectare promissa bona. Nam tuta nobis & certa salus, in sola DEI promissione sita est.

Exhortatio est in hisce verbis: IUSTVS AVTEM MEVS EX FIDE VIVIT, hoc est, qui iustus est ex fide, is vivet, scilicet, spe liberationis: quare patientia opus est. Nam qui credit atq; sperat, is saluus erit, atq; iustus reputatus hæres vitæ æternæ.

Com-



A D H E B R Œ O S.

*Comminatio est, Si subductus fuerit, non placebit animæ meæ: hoc est, qui fidem & spem abiecerit, is regno Christi excluditur. Nam gratia excidit, quæ sola retinetur fide. Dicitur enim hic se subducere, qui, abiecta fide in DEVM, humana querit præsidia qualiacunq̃. Cum autem talis sit desertor veræ Ecclesiæ, spem salutis amittit.*

*Nos autem non sumus subductionis (filij) in perditionem, sed fidei in acquisitionem animæ.*

*Ex sententijs positis summam doctrinæ propositæ colligit. Qui subducti fuerint, amissa fide, peribunt. At qui in fide manserint, vitam hæreditabunt. Quare si nos non subducimur à fide, sed in fide permanemus constantes, nequaquam peribimus, sed nostras animas saluas possidebimus. Notetur doctrina de certitudine promissionum diuinarum.*

C A P V T  
VNDECIMUM.

S 5

Summa



EPISTOLA  
SUMMA CAPITIS  
VNDECIMI.

**V**T fides vera in sanctis partibus patientiæ effectrix fuit, adeò vt promissa bona sine hesitatione expectarent: ita & nobis illorum exempla ad patientiam ex fide præstandam, incitamenta esse debent, vt nobis quoq; promissio compleatur.

ORDO ET PARTES  
CAPITIS VNDECIMI.

**P**ropositionem de necessitate patientiæ quam cœpit confirmare in fine præcedentis capitis, hic copiosius confirmat, petito argumento ex natura fidei. Fides expectat per patientiam promissiones. Ergò patientia vt indiuisibilis fidei comes est necessaria. Antecedens congerie exemplorum confirmat: in quorum recitatione temporum ordinem seruat. Primo enim loco recitat exempla fidei Patrum, qui ante diluuium vixerunt. Deinde, eorum qui fuerunt post diluuium, sed ante legem datam. Tertiò, eorum qui sub initio legis datæ vixerunt. His quartò addit eos, qui ante terræ promissæ ingressum, in deserto errarunt. Postremò eorum meminit, qui



qui iam occupata promissionis terra floruerunt. Posthac præteritionis schemate longiorem exemplorum commemorationem abrumpit, admonens plurimos fuisse, qui fidei beneficio adeo fuerunt patientes, quod vel maxima mortis pericula non reformidarint.

EXEGESIS VNDECIMI  
CAPITIS, CVM OB-  
seruatione doctrinarum.

Est autem fides sperandarum  
fiducia rerum, argumentum non ap-  
parentium.

A natura fidei, necessitatem patientiæ probat. Fides necessaria est omnibus Christianis. Fides res speratas patienter expectat, et certo sibi persuadet euentura quæ nondum apparent. Proinde patientia à fide separari non potest. Debent itaq; p̃j patienter expectare promissa bona.

Quidam putant fidem hoc loco definiri  
essentially definitione, vt ὑποστασις sit genus,  
res



# EPISTOLA

res sperandæ, differentia, & mox idem, sed alijs verbis repeti, vt argumentum sit idem quod ὑπὸς αἰε, & res non apparentes, idem quod res sperandæ. Et si autem horum opinio- nem non impugno: tamen potius mihi videtur, quod hic tantum fiat mentio perpetuæ proprie- tatis fidei: id quod ex verborum Grammatica enarratione clarissimè patebit.

Nomen ὑπὸς αἰε varia habet signi- ficata, sicuti in 3. cap. attigimus. Interdum enim substantiam significat, seu, id quod singu- larem & propriam rationem habet: cui oppo- nitur Emphasis. Nubes in aere est ὑπὸς αἰε, arcus verò est Emphasis. Interdum perso- nam notat, vt supra cap. 1. Interdum subie- ctum. Interdum certitudinem & expectatio- nem cum fiducia significat. Hisce cognitis significatis vocis, interpretes eam significatio- nem semper diligit, quam materia & circum- stantia loci postulat: id quod potest alijs scri- pturæ locis confirmari. Cùm igitur hoc loco de fide agitur, quatenus patientia necessariò ex ea nascatur: non est dubitandum, quin hoc loco ὑπὸς αἰε significet expectationem cum fiducia, seu fiduciam expectantem bonum euentum. In hac significatione Polybius hac voce

vocem  
audacia  
satis  
Herodo  
cabulo.  
qua qua  
adversar  
euentu,  
erigit ar  
mi cons  
Christia  
  
banc ha  
matur se  
vbi in  
te, seu  
habent  
tus inte  
sed ipsi  
tollit  
videt  
cum  
cum h  
n. e  
cipit  
bas m



A D H E B R A E O S.

voce utitur. Coniungit enim ὑπόστασις cum audacia, cum inquit: non aded vires atq; ὑπόστασις & audaciam reformidarunt aduersarij. Herodotus etiam eodem modo usus est hoc vocabulo. Nam illi ὑπόστασις est confidentia, qua quispiam intrepidè consistit, fixoq; pede aduersarium inuadentem, certus de felici euentu, excipit. Ita fides quoq; in ærumnis erigit animum, & est eiusmodi Christiani animi constans robur, quo luctetur contra omnia Christianum animum oppugnantia.

Quòd autem in sacra etiam scriptura, hanc habeat interdum significationem, confirmatur sequentibus testimonijs. Psalmo 39. ubi in Hebræo Thochalthi, id est, spes mea in te, seu expectatio mea ad te. Græci interpretes habent ἡ ὑπόστασις μου παρὰ σὺ ἐστίν, ubi vetus interpres redidit, substantia mea apud te est, sed ipsum fefellit Græcæ vocis ambiguitas, quæ tollitur consulto fonte Hebræicæ veritatis, & videtur omnino Apostolus ad hunc Psalmi locum respexisse. Nam argumentum Psalmi cum hoc loco Apostoli planè congruit. 2. Cor. 1. & supra cap. 3. manifestè pro fiducia accipitur. Mihi proinde dubium non est, quin hac militari voce, voluerit Apostolus constan-

tem



# EPISTOLA

tem fiduciam Christiani pectoris in ærumnis exprimere.

Lombardus lib. 3. distinctione 23. reddit rationem, cur fides dicatur substantia. Dicitur, inquit, fides substantia, quia rebus sperandis substat, & quia fundamentum est bonorum, quod nemo mutare potest. Etsi autem hæc ratio concinna videtur: tamen interpretatio vocis hoc loco omnino falsa est.

Vocabulum ἐλεγχος, quod alij argumentum, alij conuictionem, alij certitudinem, nonnulli demonstrationem vertunt, causam istius constantis fiduciæ exprimit. Est enim ἐλεγχος, talis certitudo, qua mens conuicta diuinis testimonijs, firmissimè amplectitur promissiones diuinas. Hæc certitudo doctrinæ & promissionum diuinarum, parit illam inuictam fiduciam, seu ὑποποσίαν, quam fides semper habet præsentem comitem.

RES SPERANDÆ, & NON APPARENTES, sunt promissa bona, videlicet, liberatio ab omnibus calamitatibus, præsentia DEI, donatio immortalis vitæ, ac gloria beatitudinis. Hæc bona qui in conspectu per fidem habet, mitius præsentis vitæ ærumnas sustinet: cùm contrà, qui hac spe carent, miserè



AD HEBRÆOS.

*miserè torquentur, in quavis aduersitate.*

*Obseruetur imprimis hic locus de proprietate fidei, atq; eius constanti robore, in ferendis ærumnis, quæ spe se sustinet certissimæ liberationis. Confutatur etiam hoc Apostoli testimonio dogma Papiſtarum de dubitatione.*

*Per hanc enim consecuti sunt testimonium maiores.*

*Ratio quòd aliunde non contingat salus, quàm ex fide. Verùm hoc argumentum in genere tantùm hic proponitur, & est propositio exemplorum, quæ sequuntur vsq; ad finem capituli.*

*Fide intelligimus aptata esse sæcula verbo Dei, vt ex inuisibilibus visibilia fierent.*

*A particulari probat fidem esse certitudinem eorum, quæ non videntur. Non vidimus formationem machinæ mundi, sed fide eam intelligimus. Igitur fides non est apparentium, seu rerum quæ non videntur.*

*Fide*



EPISTOLA

*Fide vberiore hostiam Abel  
quàm Cain obtulit Deo: per quam  
testimonium consecutus est, quòd es-  
set iustus, testimonium perhibente de  
muneribus eius Deo, & per illam de-  
functus adhuc loquitur.*

*Iam incipit autor enumerare exempla  
fidei, ac primùm proponit contraria exempla,  
quibus docet fidem inter opera piorum & im-  
piorum discernere. Obtulit Abel, obtulit &  
Cain, vterq; ex mandato Domini, verùm ille  
placuit, quia prælucebat fides: hic verò mi-  
nimè, quia fide vacuus erat.*

*Obseruetur hoc loco imprimis catholi-  
ca doctrina de cultu DEI. Nam hic manifestè  
docemur, quòd non solùm requiratur manda-  
tum operis, verum etiam causa efficiens, &  
formalis, nempe fides ipsa, quæ in gloriam DEI  
respicit.*

*Patres in suis sacrificijs tria potissimum  
spectarunt, quorum primum erat commemora-  
tio peccati, admonebatur enim sacrificantes sui  
peccati, cùm hostiæ sanguinem inspicerent, vn-  
dè &*



AD HEBRÆOS.

dē & se reos coram Deo agnouerunt. Secundum fuit Typus. Nam cum cernerent victimam cruentam, fide intuebantur futuram victimam Christi: cuius sanguine mundi peccata sciuerunt expianda. Tertium fuit fides in Christum, quæ ex typo accendebatur. Cum hac fide coniuncta erat gratiarum actio, & sanctificatio. Nam iustificati fide, sunt regniti in novos homines, vocatos ad sanctificationem.

Verum Cain & impij tantum in opus externum intuentur, & putant se merito operis sui Deo acceptos esse, atq; ita ipsi opus, alioqui à Deo mandatum, sua diffidentia abominabile reddunt.

Sed quid est quod dicit, TER IL-  
LAM DEFUNCTVS ADHVC LOQVI-  
TUR. Hoc figuratè dictum est, ac si diceret. Etsi Abel corpore mortuus est, spiritu tamen Deo viuit, qui Deus etiam mortuorum curam habet. Est enim hæc Abelis iniusta trucidatio, testimonium iudicij diuini, in quo Abeli bene erit, vt qui Deo placuerit, & Caino male, qui fratrem innocentem crudelissimè occidit.

Chrysostomus aliter. Loqui dicitur  
Abel cum in memoria hominum maneat, cele-  
T bratur.



## EPISTOLA

Bratur, atq; cum eius fides imitanda alijs proponitur.

Quod autem dicat Apostolus: Deum perhibuisse testimonium de oblatione Abelis: ita accipiendum est, quod Deus cœlesti igni incenderit oblationem Abelis in testimonium fidei ipsius.

Fide Enoch translatus est, ne videret mortem, & non inueniebatur, quia transtulit illum Dominus.

Aliud exemplum fidei, quo probatur, quod Deus habeat curam in se credentium, eosq; mirabiliter ab ærumnis huius vitæ liberet. Hoc exemplum inter alia est insigne, nam testatur de alia vita gloriosa, ad quam per fidem venire oportet.

Est autem singulariter hic spectandum, quod vt Deus die septimo quieti se tradidit, cum absoluisset vniuersum hoc mundi opificium, ita idem Deus generatione septima accepit, ceu symbolum consummationis seculi, Enoch, vt primitias rationalis creaturæ.

Obseruetur hoc loco, quod fides in presentibus miserijs & in morte ipsa debeat vitam æter-



A D H E B R Œ O S.

eternam & beatam ob oculos ponere. Atq; ita exemplo Enoch cum Deo ambulare, in vera obedientia erga Deum, & non cum hominibus qui vias Domini deserunt.

Quòd autem Papistæ fingant, Enoch & Heliam reſervatos eſſe in Paradiso, vt inde prodeant ante extremum diem, de aduentu ſecundo Chriſti concionaturi, nullum habet in ſcripturis fundamentum.

Nam ante translationem ſuam, testimonium obtinuerat, quòd placuiſſet Deo.

Elegans probatio eſt, à conſequentibus ad antecedentia. Translatio Enoch teſtatur ipſum antea placuiſſe Deo. Igitur eum fidem habuiſſe neceſſe eſt. Conſequentia probatur ſequenti axiomate, quod eſt vnum ex præcipuis in Theologia.

Sine fide autem impoſſibile eſt placere Deo.

Argumentum hoc in hunc modum formemus. Quiſquis Deo placet, eum credere neceſſe eſt. Atqui Enoch Deo placuit, quod teſta-

T 2 tur



# EPISTOLA

tur ipsius in cælum translatio, Proinde eum credidisse necesse est.

Porro fidei obiectum in Enoch fuisse verbum promissionis de benedicto semine, nemini dubium esse potest: ex quo vanitas eorum redarguitur, qui Ethnicos in speciem probiores, putarunt lege naturæ saluatos, sine promissionis fide.

Obseruetur hoc loco utilissima regula, videlicet, quod nulla actio probanda sit, ut cultus Dei, nisi fide verbi Dei nitatur. Hæc regula ad Rom. 14. hisce verbis traditur, Quicquid non sit ex fide, est peccatum, hoc est, omnis actio quæ non nititur verbo Dei, & fit fiducia Christi prælucente, est peccatum. Hæc igitur regula omnes superstitiones et *ἑτεροθρησκεία*, tanquam fulmine quodam cælesti prosternuntur.

Credere enim oportet accedentem ad Deum, quod Deus sit, & quod requirentibus se remunerator existat.

Ratio est, cur sine fide impossibile sit Deo placere: quia sine fide nemo rectè iudicat de Deo, & eius beneficijs. Hoc testimonium arripiunt



piunt Papistæ, ad confirmanda merita operum. Nam hic colligunt, fiduciam nostram niti meritis operum, quia Apostolus disertè dicit : Deum remuneratorem esse quærentibus se, & fatetur fidei ipsius esse, statuere DEVM remuneratorem esse obedientiæ nostræ. Verùm hæc obiectio facile dissolvitur, cognito vero quærendi DEVM modo. Hunc autem modum quærendi DEVM sola scriptura rectè docet : nimirum, ut homo in se prostratus, coram tribunali DEI, perculsus æternæ mortis reatu, ac de se ipso omnino desperans, ad Christum, tanquam unicum salutis asylum, confugiat. Hic enim se viam esse testatur, & inuitat ad se omnes laborantes & oneratos. Hac igitur via itur, vera contritione, ac in Christum fiducia. Remuneratio igitur non ad operum dignitatem, ac precium, sed ad fidem refertur : quæ extra iustificationis causam expectat promissam remunerationem ex bonitate promittentis DEI.

Fide Noe responso accepto de ijs, quæ adhuc non videbantur, reuerentia ductus apparauit arcam in salutem domus suæ, per quam damna-

T 3 uit



EPISTOLA

uit mundum, & iusticiæ, quæ per fidem est, hæres est institutus.

Est & hoc fidei insigne exemplum: in quo octo, quæ ad rationem fidei pertinent, observanda offeruntur: quorum primum est, quod fides ex verbo DEI nascatur. 2. Quod fides sit rerum nondum apparentium. 3. Quod fides habeat coniunctum timorem DEI. 4. Quod fidei scopus sit salus animarum. 5. Quod fides media salutis diuinitus monstrata cum gaudio arripiat, componatq; se ad normam verbi diuini. 6. Quod fides non sui tantum rationem habeat, sed communem salutem quærat. 7. Quod per fidem piorum damnentur increduli, propterea quod ipsorum exemplo credere recusant. In hunc sensum Niniuitæ dicuntur iudicaturi populum Israel. Potest etiam referri ad arcam, videlicet, quod Noe condemnauerit impium mundum incredulitatis: quando ipse arcam parauit, fidem adhibens oraculis diuinis, sed eodem res redit. 8. Quod ex fide sit iusticia: ea enim sola coram DEO iustificamur. Vnde fit, ut adeo simus de iusticia certi, atq; nobis hæreditate quadam certissima obtigisset.

Has octo fidei proprietates vnusquisq; sibi in genere saltem applicet, ac cum Noe futuram



A D H E B R A E O S.

turam liberationem à diluuiio illo horrendo, in quo omnes, qui in Christum non crediderint, peribunt, expectet. Viuamus igitur in timore DEI, certi quod breui vniuersalis Cateclismus oppressurus sit omnes impios, à quo diluuiio soli electi, fidei (quæ in Christi promissis fundatur) beneficio euadent. Nam his instar Arcae filius DEI est, qui nouit omnes qui sui sunt.

Fide Abraham, cum vocatus esset, obediuit, vt in locum exiret, quem accepturus erat in hereditatem, & exiit nesciens quò iret. Fide peregrinatus est in terra promissa, tanquam in aliena, in tabernaculis habitans, cum Isaac & Iacob coheredibus promissionis eiusdem. Expectauit enim ciuitatem habentem fundamentum, cuius architectus & opifex est Deus.

Haftenus recensuit Apostolus noster Patrum exempla aliqua, qui ordine vixerunt ante diluuium: nunc addit eos qui post diluui-

T 4

um in



# EPISTOLA

um in fide perstiterunt : quorum primus & ordine temporis & excellentia fidei , occurrit Abraham : cuius exemplo probat fidem esse certitudinem , non solum earum rerum , quæ non videntur : verumetiam earum quæ humanæ rationi planè impossibiles apparent. Deinde docet hoc exemplum , quòd fiducia promissionum diuinarum , & obedientia erga Deum coniungi debeant : vt quæ à se inuicem nequaquam separari possint. Nam cum dicit : ET EXIIT NESCIENS QVO IRBT, significat vtrumque , videlicet , & fidei proprium esse DEO credere , & ipsi ex fide obedire , etiamsi tota rerum natura reclamare videatur.

Fide & ipsa Sara virtutem ad concipiendum & semen ad retinendum accepit , ac præter ætatis rationem peperit . Quoniam fidelem credidit eum esse , qui promiserat , propter quod & ab vno orti sunt , & hoc emortuo tanquam sydera cæli in multitudine , & sicut arena quæ est ad oram maris innumerabilis.

Hoc



*Hoc Saræ exemplum tria de fide docet, Primùm, quod aliquoties iam dictum est, fidem esse rerum non apparentium fiduciam. Secundum, quòd fides contra naturæ cursum, & rationis iudiciũ, se erigat. Nititur enim verbo eius, qui nunquam vanus deprehensus est in suis promissis. Tertium, quòd præmia proposita sunt ijs, qui in fide promissionum diuinarum persistunt constantes.*

*Quantum autem ad secundum membrum attinet, videlicet, quòd fides contra naturæ cursum & rationis iudicium se erigat freta promissionibus diuinis, docet Sara sanctissima matrona, quæ cum esset & tempore, nam iam senuerat, & natura, nam infœcunda erat sterilis, tamen credidit promittenti DEO. Etsi enim in principio, cum promissio ei proponeretur, riserit: tamen credidit DEVM veracem, etsi natura tota reclamabat.*

*Porro Hyperbolen non inusitatam esse in scripturis, vel hic locus ostendit. Neq. enim stellarum numero, neq. multitudini arenæ maris, respondet numerus populi, qui ab Abrahamo descendit. Quare iuxta huius figuræ sensum, significatur innumerabilis fuisse multitudo eorum, qui ex Abraham descenderant.*



E T I S T O L A

Hanc & nos fidei hypostasim imitemur,  
exemplo Abrahamæ & Saræ, nihil dubitantes de  
diuinis promissis, etiamsi videantur nobis, quo  
ad sensum carnis attinet, impossibilia.

Iuxta fidem defuncti sunt om-  
nes isti, non accipientes promissiones,  
sed proculeas aspicientes & creden-  
tes.

Colligit ex enumeratis exemplis, fidem  
esse rerum non apparentium.

Duo hoc loco haud intempestiuè quæri  
possunt. Primum, cum superius dixerit, Tran-  
stulit Enoch DEVS, ne videret mortem, Cur  
nunc dicat: Iuxta fidem defuncti sunt omnes  
isti? Deinde, quod dicit, quod non acceperint  
promissiones, cum tamen supra dixerit, quod  
acceperint præmium fidei.

Solutio primi est. Mortui sunt omnes  
communi more præter Enoch, qui in momento  
mirabiliter immutatus est: sicut in extremo  
die immutabuntur omnes, quotquot filius DEI  
veniens ad iudicium inuenerit viuos.

Solutio secundi est. Duplices erant pro-  
missiones factæ patribus, videlicet, terrenæ &  
cælestes. Terrenas non sunt consecuti in pro-  
prijs



A D H E B R Œ O S.

prijs personis, sed in heredibus & posteritate. Cælestes verè sunt consecuti, quemadmodū infrā probat, cum Deum ipsorum esse Deum pronunciat. Iam præsentis loci sententiam videamus. SECVNDVM FIDEM, inquit, scilicet qua crediderunt se promissa cælestia bona consecuturos. Item, Non accipientes promissiones, scilicet, terrenas seu possessionem terræ Canaan.

Argumentum præsens nobis accommodabitur hoc pacto. Illi crediderunt qui procul promissiones viderunt, multò magis nos credere oportet, quibus promissiones nunc sunt exhibitæ, quibus Christus factus est λύτρον & sponsor æterni fœderis, de salute per fidem consequenda.

Et cū salutassent professiq; fuissent se hospites & aduenas fuisse in terra. Nam hæc qui dicunt, palàm significant, se patriam inquirere, etsi quidem ipsius meminissent, de qua exierant, habebant vtiq; tempus reuertendi: nunc autem meliorem expetunt, hoc est, cælestem. Ideò non erubescit Deus vocari De-

us eo.



EPISTOLA

us eorum. Parauerat enim illis ciuitatem.

Valdo argumento confirmat Patriarchas patriam cœlestem potissimum quasiuisse, & non hæsisse in terrenis promissionibus de terra Canaan. Vt autem clarius argumentum præsens intelligatur, illud in carceres dialecticos includam hoc pacto.

Quicumq; fatentur se hospites & aduenas esse, significant se in patria non esse, sed eam potius inquirere.

Sed Patriarchæ Abraham & Isaac testantur se hospites & aduenas esse in terra Canaan.

Ergo significant se extra patriam esse, eamq; adhuc inquirere, proinde vel inquirebant terrenam patriam, videlicet, Chaldaeam, de qua exierant, vel meliorem, nempe, cœlestem. Non autem inquirebant terrenam patriam, videlicet, Chaldaeam. Nam si hoc fecissent, habuissent utiq; tempus in eam reuertendi. Ergo aliam patriam, nempe, cœlestem inquirebant, quam etiã adepti sunt, id quod ex eo probatur, quod DEVS se eorum Deum nominari patitur. Nam si mortui fuissent planè, & nihil iam essent amplius, absurdum esset Deum eorum  
Deum



A D H E B R A E O S.

Deum dici. Hoc ipso argumento probat Christus Matt. 22. Mar. 12. Luc. 20. resurrectione contra Sadduceos. DEVS non est mortuorum Deus, sed Deus est Deus Abraham, Isaac & Iacob. Igitur isti non sunt mortui, si non mortui, viuunt vtiq.

Fide obtulit Abraham Isaac, cum tentaretur, & vnigenitum obtulit, qui promissiones acceperat, ad quem dictum erat: in Isaac vocabitur tibi semen, putans quod etiam ex mortuis ipsum excitare posset D E V S.

Probatur & hoc exemplo, fidem esse certitudinem rerum promissarum, non apparentium. Abrahamo erat promissum, vt in Isaac vocaretur illi semen, hoc est, vt ex semine Isaac illa innumerabilis multitudo populi, quæ esset instar stellarum in cælo, & arenæ maris, prodiret: Hoc cum iam sanctissimo Patriarchæ ex promissione diuina constaret: accepit mandatum de mactando filio in holocaustum. Hic Abraham grauissimè tentatur, sed superat tentationem



# EPISTOLA

zationem fides, & nihilominus statuit, ex semine Isaac nasciturum illum numerosum populum, iuxta promissionem. Verum quia id fieri non posse arbitrabatur mortuo, & in cineres planè redacto Isaaco filio, ita colligit sanctissimus Patriarcha: Deus qui promisit mihi semen in Isaac, est verax in suis promissis. Sed iam ex mandato promittentis DEI, debeo & volo Isaacum mactare, in sacrificium holocausti. Igitur ut constet DEI veritas, necesse est ut Isaac mactatus reuiuiscat, & ex morte resurgat, quo pater sit promissæ multitudinis populorum.

Hoc exemplum fidei Abrahamæ nos quoq; excitet, ad confirmandam fiduciam nostram de promissionibus diuinis, etiamsi illis tota rerum facies reclamare videtur.

Vnde & ipsum similitudine quadam recepit.

Effectus fidei Abrahamæ. Non secus restitutus est Abrahamo Isaac, atq; è mortuis surrexisset. VNDE, hoc est, à morte. SIMILITUDINE QUADAM, hoc est, quodammodo. RECETIT EVM. nam cum DEI mandato neci addictus, incolumis patri sit restitutus, videtur ipsius liberatio quædam resurrectionis



*tionis species. Hoc modo dicuntur etiam  
reuixisse, qui ex certissimo aliquo periculo,  
præter omnem spem sunt seruati.*

*Fide & de futuris benedixit  
Isaac, Iacob & Esau: fide Iacob mo-  
riens singulis filiorum Ioseph benedi-  
xit, & adorauit super extremo bacu-  
li sui.*

*Hæc exempla etiam testantur fidem esse  
rerum non apparentium. Iacob spiritu prophe-  
tico per fidem, quid futurum esset, filiis suis  
prædixit, & inter alia quòd ex Iuda nasciturus  
esset Messias, significans etiam quo tempore es-  
set venturus, Adorauit super extremo ba-  
culi sui, hoc est, baculo innixus propter infirmi-  
tatē corporis, Deum adorauit, eiq; gratias egit.*

*Ex Hebræo nunc legitur, incuruauit  
se Israel ad caput lectuli. Dicitur autem Iacob  
incuruasse se, hoc est, adorasse ad caput lectuli.  
Quia cum planè assurgere non posset è lecto, in  
quo iacebat, se tamen ad formam precantis pro-  
no vultu componit. Hic obseruanda est varie-  
tas lectionis, quæ inde nata est, quod eadem  
vox Hebræa, quo ad literas, significat & le-  
ctum & baculum, seu virgam: Sola puncta  
vari.*



# EPISTOLA

variant significationem . Septuaginta interpretes videntur legisse mitta, hoc est, virga seu baculus, at nunc in Hebræis legitur mitta, id est, lectus. Sed lectio septuaginta interpretum verior esse videtur. Quia in sequenti capite primum fit mentio agrotantis Iacob. Ita enim habet textus: His itaq; transactis nuntiatum est Ioseph, quòd agrotaret pater suus.

Fide Ioseph moriens de exitu filiorum Israel meminit, & de ossibus suis mandauit.

Historia hæc habetur Gene. 50. Sed cur nam Ioseph mandat fratribus suis, vt ossa sua tollant de Ægypto, & transferant sepelienda in terra promissa? Hanc sepulchri electionem voluit Ioseph esse redemptionis de seruitute Ægypti sigillum. Postquam enim fidelem esse Deum asseruit, qui præstabit suo tempore, quod pollicitus est, mox fratres suos adiurat, vt ossa sua transferant. Illæ utiles erant reliquiae, quarum aspectus clarè personabat, hominum nequaquam extinguere æternum DEI fœdus, in quo Ioseph tutò quiescere iubet posteros. Nam quia dictum erat Abrahamo: in generatione quarta reuertentur huc, scilicet post qua-



AD HEBRÆOS.

quadringentorum annorum seruitutem : statuit Ioseph fide, hanc promissionem ratam fore : ex quo colligitur quod propositum est, videlicet, quod fides sit rerum non apparentium.

Fide Moses natus occultatus est mensibus tribus à parentibus suis, eò quod vidissent elegantem infantem, & non timuerunt Regis edictum.

Hæc historia habetur Exod. 2. de fide parentum Mosi. Hoc exemplum ideo obseruandum est diligentius, vt videamus mirabilia Dei consilia in seruandis suis, & horum exemplo concipiamus fiduciam, qua nos Tyrannis mundi opponamus, cum aliquid contra Deum imperent.

Præterea hoc loco obseruetur, quod prudentia fidei comes esse debeat, & non temeritas. Hic enim parentes Mosi, non temerè se committunt periculo, sed rem clàm agunt. Quorum exemplum & nos imitemur in timore Dei.

Fide Moses grandis factus,  
V renuit



EPISTOLA

renuit dici filius filiae Pharaonis, magis eligens affligi cum populo Dei, quàm temporalem habere iucunditatem: maiores diuitias aestimans thesauris Ægyptiorum improprium Christi.

Hoc exemplum Mosis, præterquàm quòd confirmet id quod propositum est, de fidei proprietate, videlicet, quòd sit fiducia rerum non apparentium: testatur etiam æterna bona breui voluptati, improprium Christi diuitijs mundi, & crucem honoribus & gloriæ mundi præponendam esse. Hoc Mosis exemplum, si hodie imitaremur, minus socordes essemus, ad confitendum veram doctrinam, posthabitis gloria, diuitijs, & fauore Tyrannorum & potentum mundi.

Aspiciebat enim ad remunerationem.

Hæc ratio est cur improprium Christi sit passus Moses, dum affligitur à Pharaone. Intuemur enim fide promissam & gratuitam obedientie remunerationem.

Papiste



A D H E B R A E O S.

Papistæ ex hoc loco, contra analogiam fidei, & mentem Apostoli, colligunt præmium bonorum operum esse obiectum fidei. Id quod sanè nemo inficiari poterit simpliciter, cum id manifestè hîc asseritur. Verùm in hoc peccant Papistæ, quòd illud quod simpliciter dicitur, detorqueant ad partem, cui non convenit. Quare ne erretur, observanda est hæc regula: FIDES amplectitur & intuetur, quicquid Deus vel mandat, vel prohibet, vel asseuerat, vel promittit. Iam cum omne verbum Dei fide accipiendum sit: debet & promissio qualibet fide accipi. Hac regula constituta, distinguendæ sunt promissiones: quarum aliæ ad iustificationem gratuitam, aliæ ad præmia obedientiæ pertinent.

Quatenus itaq; quærenda est iustificatio coram Deo: fides solam misericordiam in Christo promissam intuetur, seclusis omnibus meritis, operibus præcedentibus, coniunctis, & consequentibus. Nam hîc sola gratia in Christo Iesu firma est salutis ancora, vt copiosè docet Paulus ad Rom: Corintheos, Ephes: Galat: Philip: &c.

At extra iustificationem, fides etiam præmia, & remunerationem obedientiæ promissam, rectè considerat, & expectat. Cum

V 2

enim



## E P I S T O L A

enim bonis operibus remunerationem promisit, profectò fides istam promissionem intueri debet, & firmiter sibi persuadere, quòd Deus sit verax in suis promissis. Quare & promissam remunerationem expectabat, idq; non propter dignitatem seu meritum operantis hominis: sed propter veritatem & bonitatem promittentis Dei.

Porro causæ ob quas Deus promittit remunerationem seu mercedem bonis operibus, sunt hæ quatuor præcipuæ.

Prima, vt sciamus seriò mandatum Dei esse, vt obediamus ipsius mandatis. Nam vt nihil temerè mandat, ita seriò mandati executionem postulat.

Secunda, vt Deus ostendat obedientiam sibi ex fide præstitam, esse gratissimum cultum, & veluti sacrificium quo delectatur.

Tertia, vt propositis præmijs inuitet nos ad præstanda ea officia, quibus ornatur gloria Dei, quibus conseruari potest sancta societas inter homines, quibusq; paulatim regnum Satanae destruitur.

Quarta, vt ex cogitatione compensationis obedientiæ, ducamur in cogitationem pœnæ contumaciæ, quæ absq; omni dubio manet omnes, qui Deo ex fide non obedierint.

Fide



A D H E B R Æ O S.

*Fide reliquit Ægyptum, non  
veritus furorem Regis. inuisibilem  
enim ac si eum vidisset sustinuit.*

*Exemplum hoc Mosis etiam confirmat,  
ut superiora, fidem esse ὑπόστασιν rerum non  
apparentium. Est autem horum verborum  
sensus. Moses Deum, quem non viderat, fide  
præ oculis habuit. credidit enim se, iuxta pro-  
missionem diuinitus sibi factam, populum edu-  
cturū de terra Ægypti, etiamsi id nequaquam  
videbatur in oculis hominum possibile. Ratio  
enim statuere non potuit, ut vnus aliquis, vel  
sapientissimus, vel fortissimus, posset se oppo-  
nere tam potenti regno, & populum satis præ-  
fractum è seruitute liberare.*

*Fide celebravit Pascha, &  
sanguinis effusionem, ne qui vasta-  
bat primogenita, tangeret eos.*

*Est & hoc fidei insigne exemplum.  
Dominus dixit Mose, Exod. 20. Transibo per  
terram Ægypti per noctem istam, & percutiam  
omne primogenitum ab hominibus vsq; ad be-  
stias, & in cunctis dijs Ægypti faciam iudicia,*

V 3

& erit



# EPISTOLA

Et erit sanguis ille vobis in signum, in domibus, in quibus vos fueritis : cunq̃, videro sanguinem præteribo vos, & non erit vobis plaga ad perditionem, quando percutiam terram Egypti.

Hic Dominus vt comminatur Egyptijs interitum omnium primogenitorum, ita Hebræis pollicetur quod vellet illorum primogenitis parcere : & in signum huius fœderis, iubet vt sanguinem agni Phase aspergant postibus ianuarum. Hanc promissionem fide amplectitur Moses cum populo Israelitico, non fretus sanguine agni asperso, sed verbo promissionis : cuius sanguis ille aspersus veluti tessera fuit. Veritas autem, quæ huic figuræ respondet, à Petro indicatur hisce verbis : Redempti præcioso sanguine, quasi agni immaculati. Hoc sanguine asperguntur conscientiæ nostræ, quando in Christum credimus, cuius virtute tuti sumus ab interfectore Diabolo.

Et Augustinus tractatu 50. in Iohannem : Sanguine occisi pecoris, Iudæorum postes signati sunt, Sanguine Christi frontes nostræ signantur. Et illa signatio, quia erat significatio, dicta est à domibus signatis exterminatorem prohibere. Signum Christi à nobis expellit exterminatorem, si cor nostrum recipiat sal.



AD HEBRÆOS.

at saluatorem. Quare hoc dixi? Quia multi postes habent signatos, & intus non manet habitator. Facile habent in fronte signum Christi, & corde non recipiunt verbum Christi, ideo dixi fratres, quod repeto: Signum Christi à nobis repellit exterminatorem, si cor nostrum Christum habitatorem habeat. Hac ille.

Quid autem per primogenita Ægypti significetur, explicat Augustinus hisce verbis. Primogenita Ægyptiorum non incongruè principatus & potestas mundi huius, hoc est, Diabolus & angeli eius intelliguntur, quos in aduentu suo, Christus destruxisse dicitur, id est, captiuos duxisse & triumphasse in ligno crucis.

Possumus primogenita Ægyptiorum accipere etiam omnes hæreticorum auditores & inuentores falsarum quæ in mundo sunt religionum, quas Christi veritas cum suis extinguit autoribus.

Procopius dicit, occisione primogenitorum significari, primam mali originem seu generationem tollendam esse, quod fit sanè, cum renascimur fide in novos homines, sanguine agni immaculati Christi aspersi.

V 4

Fide



EPISTOLA

*Fide transierunt mare rubrum,  
tanquam per aridam terram, quod  
experientes Ægyptij, deuorati sunt.*

*Populi totius seu præcipuæ partis fides  
hic describitur, qui populus Mosi legati Dei  
verbis credidit, etiamsi totius naturæ cursus  
& necessitas Physica reluctabatur. Hoc typo  
significatur, quod fide in Christum, fiat trans-  
itus ex tumultuosissimo huius mundi mari ad  
immortalitatis gloriam: etiamsi hoc rationi  
videatur impossibile. Vt enim Moses dux fuit  
populi transeuntis mare rubrum: ita Christus  
Deus & homo dux noster est, quem sequemur  
fide in requiem promissam.*

*Fide muri Iericho corruerunt  
circuitu dierum septem.*

*Transmisso Iordane, & erectis duo-  
decim lapidibus, quos è medio fluminis tulerunt  
filij Israel, in memoriam miraculi & be-  
neficij præstiti: venerunt ad ciuitatem Ie-  
richo munitissimam: quæ planè humanis viri-  
bus inexpugnabilis videbatur. Hic Dominus  
alloquitur ducem populi Iosua, hisce verbis:*

*Ecc*



AD HEBRÆOS.

Ecce dedi in manus tuas Iericho, & regem eius, omnesq; fortes viros. Circumite urbem cuncti bellatores, girando urbem semel. sic facietis sex diebus, Septem verò Sacerdotes, septem buccinas gestabunt ante Arcam, septiesq; circumibitis ciuitatem, & sacerdotes clangent buccinis, cumq; prolixiorem sonum fecerint, & sonus in auribus vestris increpauerit, conclamabit omnis populus vociferatione maxima, & muri funditus corruent subter eam. Iosua 6.

Hæc promissio rationi humanæ planè impossibilis videbatur. Quis enim statuere posset, ut ciuitas, viribus humanis inexpugnabilis manibus hominum, sono tubarum euerteretur? Sed Iosua dux vir sanctus, nequaquam dubitauit de promissis diuinis: sed dedit gloriam Deo, statuens ipsum veracem esse in promissis suis, vel reclamante tota natura, quare & exitum fide expectauit, & vidit impletam promissionem. Nam iuxta promissionis verbum septimo die clangentibus sacerdotibus, & vociferante populo, muri Iericho corruerunt, & capta Ciuitate, victores sunt facti Israelitæ, non suis viribus, sed diuino miraculo.

Hinc apparet verum esse quod proposi-



E P I S T O L A

tum est, videlicet, quod fides sit firma fiducia rerum non apparentium.

Quid autem mysticè intelligendum sit, per destructionem murorum Iericho, explicat Augustinus hisce verbis: Muri ciuitatis Iericho, septeno circuitu præeunte testamenti Arca corruerunt. Quid enim nunc aliud agit annuntiatio regni cælorum, quàm circuitio arcæ significauit: nisi vt omnia munimenta mortalis vitæ, hoc est, omnis spes huius seculi, quæ resistit spei futuri seculi, dono Spiritus sancti destruatur. monet ergo nos hæc historia, vt fide promissionibus diuinis adhaerentes, statuamus nos fore victores omnium munitionum diaboli, adeoq; totius regni tenebrarum, per fidem inducem nostrum Iesum Christum: qui fecit nobis spem Ciuitatis cælestis Ierusalem, quæ sanè spes credentem nequaquàm confundet, modò iuxta Christi dictum ad finem vsq; perseuerauerit.

Fide Rhaab meretrix non perijt cum incredulis, excipiens exploratores cum pace.

Hoc exemplum primùm docet, quod superiora, videlicet, quod fides sit rerum non apparentium. Deinde gentes fide recipiendas ostendit,



dit. Tum quòd non sit personarum acceptio apud Deum. Postremò quòd salus non pendet ex meritis præcedentibus.

*Si quis interroget: Unde hæc mulier præ alijs infamis, tantam laudem consequuta sit? Respondeo plurima concurrere in hac ethnica fœmina. PRIMVM enim colloquium ipsius cum exploratoribus non fuit lasciuum, sed sanctum & castum, Unde didicit, Deum Israelis verum Deum esse: Id quod sanè fundamentum est & caput pietatis. DEINDE, confirmatur signo diuino, & victoria populi Dei miraculosa. TERTIO, cõuicta verbo & signo, quæ sunt testimonia veritatis diuinæ, credit & fide iustificata confitetur Deum Israelis. QUARTO, cum suo periculo populo Dei benefecit, & ita fidei charitatis opera adiunxit, & obedientiæ mercedem accepit. Nam ut ipsa exploratores liberauit: ita per illos seruata est, reliquis habitatoribus Iericho pereuntibus.*

*Sed quid de mendacio huius fœminæ dicendum est? Augustinus in hunc modum quæstionem soluit: Quod scriptum est benè Deum fecisse cum Hebræis obstetricibus, & cum Rhaab meretrice: non ideo factum est, quia mentitæ sunt, sed quia in homines Dei misericordes*



# EPISTOLA

cordes fuerunt. Non est itaq; in eis remunerata fallacia, sed beneuolentia: benignitas mentis, & non iniquitas mentientis. Et paulò post, Rhaab in Iericho, quia peregrinos homines DEI suscepit hospitio, quia in eorum susceptione periclitata est, quia in eorum Deum credidit, quia diligenter eos, ubi potuit occultauit, quia per aliam viam remeandi consilium fidelissimum dedit, etiam supernæ Ierusalem ciuibus imitanda laudetur. Quòd autem mentita est, etiam aliquid ibi Propheticum intelligenter exponitur, non tamen imitandum sapienter preponitur, quamuis Deus illa bona memorabiliter honorauerit, hoc malum clementer ignouerit.

Et quid adhuc dicam? deficiet enim me tempus, commemorantem de Gedeone, Barach, & Samson, & Iephthe, Davidq; & Samuele, atq; Prophetis.

Præteritio est. Abrumpit enim longiorem commemorationem exemplorum, petita ratione ab exemplorum multitudine. Historia Gedeonis legatur Iudicum 7. qui adiunctis sibi 300. viris exercitum maximum Madianitarum

rum su  
confilio  
sone, q  
afini m  
cactus  
domo  
16. De  
mon, le  
& Prop  
phetar  
tam sc

opera

nus reg  
Israe  
Nam  
prom  
expug  
Opera  
qui

bus  
obea



A D H E B R A E O S.

rum superavit. De Barach qui Siferam vicit  
consilio mulieris legatur Iudicum 4. De Sam-  
sone, qui stupenda fortitudine praevaluit, qui  
asini maxilla mille viros prostravit, qui tandem  
caecus effectus Philisteorum principes concussa  
domo interemit, legatur Iudicum 14. 15. &  
16. De Iephthe, qui pugnavit contra filios A-  
mon, legatur Iud. 11. De Davide, Samuele  
& Prophetis, legantur libri Regum, & Pro-  
phetarum: Nam horum fides passim per to-  
tam scripturam praedicatur.

Qui per fidem vicerunt regna  
operati sunt iusticiam.

Hoc intelligendum est, non de quibus-  
vis regnis, sed tantum de regnis promissis filiis  
Israel, quae ex mandato Dei expugnauerunt.  
Nam cum Deus illa ingentia regna populo suo  
promitteret, duces populi fide aggressi sunt  
expugnationem regnorum, quae & adepti sunt.  
Operari iusticiam, est mandata Dei iuste exe-  
qui pro ratione vocationis cuiusq.

Adepti sunt promissiones.

Hoc est, factae sunt nonnullis ex patri-  
bus peculiares promissiones: sicuti Davidi,  
obedienti Deo ex fide, promittitur novum be-  
neficium,



## E P I S T O L A

*beneficium, iuxta illud: Iuravit Dominus David, de semine ventris tui ponam super sedem tuam. Doctrina observetur hoc loco, de bonitate Dei, nova beneficia praestantis rectè utentibus prioribus donis in vera fide.*

*Occluserunt ora leonum :*

*Vt Samson, David, Daniel. Hæc occlusio externa symbolum est spiritualis occlusionis, quæ fit per fidem, videlicet, cum ora Diabolorum & Hæreticorum occluduntur sana doctrina & fidei confessione.*

*Extinxerunt vim ignis :*

*Vt tres viri illi in fornace Babylonica. Obseruandum est, quòd dicat non ignem, sed ipsam virtutem ignis extinctam fuisse, hoc est, ita impedita diuinitus, vt non potuerit ledere corpora eorum qui in ignem coniecti erant. Hoc miraculum non solum doctrinam Hebræorum confirmat: Verumetiam testatur, quòd Deus interdum suos tueatur, non per media sed contra omnia media. In extremo iudicio quando mundus purgabitur igne, simile miraculum in sanctis apparebit.*

*Effugerunt acies gladij:*

*Vs*



*A D H E B R A E O S.*

*Vt David fugiens Saul, & alij multi  
omnibus temporibus.*

*Conualuerunt de infirmitate:*

*Vt David, Ezechias & multi.*

*Fortes facti sunt in bello:*

*Vt Abraham, Moses, Iosua, multi Iu-  
dices & Reges.*

*Castra verterunt exterorum.*

*Id est, exercitus exterorum in fugam ver-  
terunt: vt Iephthe, David &c.*

*Mulieres acceperunt ex resura-  
rectione mortuos suos.*

*Hoc est, mulieres pia fide Prophetarū  
verbis adhibita receperunt viuos suos charis-  
simos filios, qui obierant. Vt Zarephana per  
Heliam, 3. Reg. 17. Sunamitis per Helisæū, 4.  
Reg. 4. Hæc miracula confirmarūt doctrinam  
horum Prophetarum, & refutarunt falsos do-  
ctores qui se opposuerant Helia & Heliseo.*

*Alij autem distenti sunt, non  
accipientes redemptionem, vt melio-  
rem consequerentur resurrectionem.*

*Quanta*



EPISTOLA

Quanta fecerint per fidem Patriarchæ.  
Reges, Prophetæ, Duces & quidem privati  
homines in veteri Testamento, hætenus osten-  
sum est. nunc additur quanta sint passi etiam  
alii quàm plurimi ob fidei confessionem: qua re  
significatur vera Christiani militis fortitudo,  
vnde sit, & quò spectet. DISTENTI SUNT,  
scilicet, in tormentis, Græcè ἐν τοῖς βασανισμοῖς,  
id est, crebris ictibus percussi, vt Tympanum.  
Chrysostomus dicit ἀποτομωσάμενος λέγει  
ἀποκεφάλισμα, hoc est, obtruncatio capi-  
tis: & existimat notari præcipuè Iohannem  
Baptistam, qui ab Herode obtruncatus est.  
Cum autem addit, Non accipientes redemptio-  
nem, non de spiritali redemptione loquitur, cu-  
ius reuerà erant participes: sed de corporali re-  
demptione.

Alij verò ludibria & verbera  
expertī, insuper & vincula & car-  
ceres, lapidati sunt, secti sunt, ten-  
tati sunt, in occisione gladij mortui  
sunt.

Hæc vt præcedentia, non solū docent  
quale sit fidei robur: Verumetiam monent Ec-  
clesiam perpetuò cruci in hac vita subiectam  
esse.



AD HEBRÆOS.

esse. Plurimique omnes ludibrijs impiorum expositi fuerunt: vincula & carceres passus est Ioseph & multi alij: lapidatus est Naboth & Stephanus: Sectus est Esaias: Tentatus est Abraham: occisus est gladio Ionathas, et innumerabiles alij, ut videre est in historijs omnium temporum.

Circumiuverunt in Melotis.

Hoc est, in pellibus ouinis. Nam *μελωτή* Græcum significat pellem cum lana ab oue detractam.

In pellibus caprinis, egentes, angustiat, afflicti.

Hæc varia sanctorum afflictio, ut ostendit sanctis aliam vitam propositam esse, quam hanc ærumnosam: ita constantiam in cruce, ipsorum exemplum nobis commendat.

Quibus dignus non erat mundus.

Prolepsis est, qua anticipat obiectionem, videlicet, quod non suo scelere tantas penas meruerint. Obseruetur hinc maximum fidei præconium, videlicet, quod fides tantam

X

dignitatem



EPISTOLA

dignitatem afferat hominibus, vt mundo sint superiores, neq; hoc mirum est, cum hac sit dignitas & honor cœlestis credentium, quod censeantur esse filij Dei. Nam credentibus hanc dignitatem dedit, vt sint filij Dei ex Deo nati. Iohan. 1.

In solitudinibus errantes, in montibus & speluncis & cauernis terræ.

Exaggeratio est constantiæ sancto-  
rum in cruce, quæ eò pertinet, vt nos eorum exempla imitari contendamus.

Et hi omnes testimonio fidei probati, non acceperunt promissionem, Deo de nobis melius aliquid prouidente, vt non sine nobis consummarentur.

Argumentum à minori ad maius, Accommodat enim exempla, quæ recensuit ad nostra tempora, qui Christum exhibitum certò nouimus: & loquitur potissimum de exemplis veteris Testamenti, quæ hoc modo ad nos animandos & confirmandos accommodat. Sancti omnes veteris testamenti, Reges, Prophetae, Patriarchæ



A D H E B R Œ O S.

*Patriarchæ, & alij cum viri tum mulieres, per fidem promissionis tanta perpeſſi ſunt, & tanta præſtiterunt, quânto magis nos conſtantes eſſe decet, quibus ipſa promiſſio exhibita eſt & completa. Vocat autem hic promiſſionem manifeſtationem & exhibitionem Chriſti in carne. Cùm itaq; nobis maius lumen gratiæ fulſit, quàm illis, decet proſectò, vt in tolerandis malis ſimus conſtantiores. Obſeruetur hic diſcrimen gratiæ ſub lege, & poſt exhibitum Chriſtum: illic enim exigua lucis ſcintilla micabat, hic plenus ſol iuſtitiæ fulget. Sine igitur noticiam ſiue fruitionem gratiæ & ſalutis reſpicimus, maior ſanè nobis in nouo teſtamento, quàm patribus in veteri teſtamento refulget.*

C A P V T  
DVODECIMVM.

S V M M A C A P I T I S  
DVODECIMI.

*C*um patientia pijs neceſſaria ſit, vt ea quæ veram patientiam comitantur ſeclanda ſunt, ita cauenda ſunt omnia, cum quibus fides

X 2

& pa-



EPISTOLA

*et patientia stare non possunt, atq, ideo ante omnia verbo Christi auscultandum est.*

ORDO ET PARTES  
CAPITIS DVODE-  
CIMI.

**E**X congerie exemplorum superioris capitis, unde colligitur hæc propositio, seu thesis, videlicet, quod fidei necessario coniuncta sit patientia: infert in huius capitis initio hanc hypothesin, videlicet, quod Hebræi, exemplo tot Sanctorum, debeant patienter aduersa tolerare. Atq, hæc est præsentis capitis prima pars, quæ argumentatione colligitur, & habet iustæ confirmationis partes, nempe, propositionem, confirmationem, & conclusionem. Huc addit congeriem exhortationum ad varia Christianorum officia, & simul dehortatur ab ijs quæ fidei impedimento esse videntur. Atq, hæc secunda capitis pars est, quæ suis etiam quibusdam rationibus fulcitur.

Ex his dilabitur ad principalem huius Epistolæ propositionem (idq, planè Rhetorum more, qui in Epilogis principales propositiones fortius inculcant) nimirum, ut Christum de cælo suum verbum sonantem audiamus: atq,  
hæc



AD HEBRÆOS.

*hæc est tertia capitis pars, cui etiam confirmacionem subiungit.*

EXEGESIS DVODECIMI CAPITIS, CVM OBSERVATIONE doctrinarum.

*Proinde nos quoq; tantam habentes circumpositam nubem testium, deponentes omne pondus & circumstans nos peccatum: per patientiam curramus propositum nobis certamen.*

*Hæc verba, ad superiora quidem relata, sunt illatio, cuius summa est: Exemplo Sanctorum præstanda est patientia: ad sequentia verò si referantur, propositio est primæ partis huius capitis, de patientia præstanda. verùm quia grandi orationis genere hæc ab Apostolo proponuntur, nos verba altius expendamus.*

*Primum ergò, NUBEM TESTIVM, pro immensa multitudine testium ponit: alludens haud dubiè ad nubes, quarum ductu populus Israel de Ægypto in terram promissam properavit.*



## E P I S T O L A

properavit. Hinc nobis utilis doctrina commendatur, de usu exemplorum, videlicet, ut non secus Sanctorum fidem & patientiam sequamur, ingressuri in promissam requiem, quam populus Israel olim nubes dustrices sit secutus, ingressurus in terram promissam.

Deinde duo patientiæ impedimenta vult tolli, videlicet omne pondus, & circumstans peccatum. **PONDUS** hoc loco, est carnalium rerum amor seu concupiscentia. Ut enim festinanti & currenti sarcina esse solet impedimento, ita quæ caro amat, nos premunt, quò minus in patientiæ stadio curramus. Vnde Christus futuros suos discipulos, vult abnegare semetipsos, ut se totos fidei ipsius committât.

**CIRCUMSTANS PECCATUM**, vocat affectus & occasiones peccatorum. Neque enim patientia esse potest, ubi conscientia vulneratur peccandi consuetudine.

Præterea cùm dicit, **PROPOSITVM ESSE NOBIS CERTAMEN**, tria monet: primum quod non sit otiaudum, neque ignaviæ indulgendum, Deinde, quòd strenuè oporteat currere in stadio huius vitæ, idque per patientiam ex fide, Tum, quòd metam & **ΕΞΑΓΓΕΛΙΟΝ** cogitare oporteat, quo victoriæ & præmij expectatione, labores libentius perferamus, Equius  
enim



AD HEBRÆOS.

enim labores vel grauissimos feret, qui animū  
spe bona lati exitus fouet, erigit, & obfirmat.

Aspicientes in ducem fidei, &  
consummatorem Iesum, qui viæ pro-  
positi sibi gaudij sustinuit crucem, cō-  
fusione contemta, atq; in dextra thro-  
ni Dei sedet, &c.

Confirmatio propositionis, ab exemplo  
Christi. Christus, qui dux est Christianæ mili-  
tiæ sustinuit crucem, proposito sibi latissimo  
exitu, quem & nactus est. Igitur & vos decet,  
vt proposito latissimo euentu, sitis in ferenda  
cruce fortes. Nam vt ipse tandem gloriam ad-  
eptus est: Ita qui eum sequuntur ducem, lata  
tandem fruētur victoria. Argumenti conse-  
quentiam indicat, cū Christum authorem fi-  
dei & consummatorem proponit. decet enim vt  
milites suū sequantur ducem: Cū igitur ille  
præcessit, confusione, hoc est, ignominia crucis  
contemta, & animum erexit proposito gau-  
dio: profectò & nos eum sequi decet, concepta  
fiducia de lato exitu. Doctrina hoc loco obser-  
uetur, quòd in cruce quauis aspicere oporteat  
Christum, vt cum illo nostræ crucis liberatio-  
nem expectemus.

X 4

Recogni-



EPISTOLA

Recogitate enim eum, qui talem sustinuit à peccatoribus aduersus semetipsum contradictionem, ne fatigemini animis vestris deficientes.

Propositum exemplum Christi exagge-  
rat, ut altius infigatur animis Hebræorum.  
Nullius enim exemplum nos magis mouere de-  
bet, quàm Christi: de quo rectissimè dicitur,  
Omnis Christi actio, nostra est instructio.

Nondum vsq; ad sanguinem  
restitistis, aduersus peccatum decer-  
tantes.

Argumentum ab honesto & utili si-  
mul: Christianos decet, vel vsq; ad sangui-  
nem aduersus peccatum pugnare: Sed hoc fit  
per patientiam sub cruce. Est enim crux ve-  
luti pugna quædam aduersus peccatum, Igitur  
patientia sub cruce, imò crux ipsa pijs est uti-  
lis. Huc illud Davidis dictum pertinet: Bo-  
num est mihi quod humiliasti me, ut discerem  
iustificationes tuas, cum dicit: NONDUM  
VSQVE AD SANGVINEM RES-  
TISTIS, Significat & Hebræos procul ad-  
huc



AD HEBRÆOS.

huc sequi suum ducem Christum, qui sanguine prius effuso potitus est gloria, & peccatum armatum esse, & perpetuum bellum gerere aduersus pios.

Et obliti estis consolationis, quæ vobis tanquam filiis loquitur: Fili mi, noli negligere disciplinam Domini: neq; fatigeris dum ab eo argueris. Quem enim diligit Dominus, castigat: flagellat autem omnem filium, quem recipit.

Aliud argumentum à voluntute & consilio Dei sumptum, adducto in medium dicto Salomonis, ex tertio capite prouerb. Tractat autem Apostolus hoc argumentum ad hunc modum. Primum exordiolo obiurgat paternè Hebræos ipsos, tanquam obliuiosos: ut qui paterni consilij in Deo sint obliti. Hoc exordiolum sequitur Propositio, videlicet, ut patienter disciplinam Domini suscipiant. Hanc propositionem confirmat, ratione à consuetudine seu consilio Dei sumpta: Dilectionis Dei testimonium non est spernendum, Castigatio est dilectionis Dei testimonium. Igitur castigatio



EPISTOLA

non est spernenda. Quare non est despondendus animus sub cruce, sed erigendus potius consolatione & testimonio Dei erga suos filios, qui nullum recipit filium quem non flagellat.

Obseruetur igitur hic utilissima doctrina, de necessitate crucis ferendae, & consolatione capienda ex consilio Dei, & paterna ipsius voluntate erga nos, Tanta enim est carnis nostrae petulantia & contumacia, ut spiritus imperium prorsus excutiat, nisi crucis iugo subinde prematur, ac veluti freno quodam refrenetur, ne in quoduis scelerum genus precipitetur.

Si castigationem sustinetis, tanquam filijs vobis se offert Deus.

Maxima haec est sub cruce consolatio, quod crux sit testimoniū paterni animi in Deo erga homines. Sed sunt duo hominum genera qui affliguntur. Quidam enim tanquam filij à patre castigantur, videlicet credētes. Hi enim affliguntur in carne, ne spiritus imperium excutiant. Quidam affliguntur ut hostes Dei, quorum rursus sunt duo genera. Nam quidā sunt emendabiles: hos flagellat Dominus ut emendentur, & ut ex hostibus, filij & amici fiant. Sic emendatus



emendatus est Manasses, & Naaman ille Sy-  
rus. Hi enim humiliati cruce, respuerunt &  
saluati sunt. Quidam sunt deploratæ maliciæ,  
& planè inemendabiles: horum flagellum præ-  
ludium est æternorum suppliciorum. In ho-  
rum numero fuerunt Cain, Saul, Iudas, Iulia-  
nus &c. Erit proinde tum demum crux glorio-  
sa & salutaris, quando filiorum est, non ho-  
stium, quando resipiscantium est, & non con-  
tumacium & inemendabilium.

Quis enim filius est, quem non  
corripit pater?

Argumentum ab exemplo & consue-  
tudine bonorum parentum. Concluditur autem  
hoc modo. Ut boni parentes filios suos corripiunt,  
& disciplina regunt, ne segnescant: ita  
optimus pater cœlestis, quos recipit in Christo  
filios castigat, idq; planè paterno animo, ut eos  
in officio contineat.

Quod si absq; castigatione estis,  
cuius participes sunt omnes: nempe  
spurij estis & non filij.

Per contrapositionem argumentum te-  
xit, ex superiori dicto: Quis est filius quem  
non



# EPISTOLA

non corripit pater. Formandum est autem argumentum hoc pacto: Omnis filius corripitur à patre suo, Ergo qui non corripiuntur à patre Deo, non sunt inter ipsius filios censendi, sed potius spurij iudicandi sunt.

Hic locus docet, consolatur, confutat. Docet enim Ecclesiam esse subiectam cruci, idq; Dei consilio. Consolatur cruce pressos, ex eo quod crux sit testimonium fauoris Dei erga homines. Confutat rationis argumentum, iudicantis eos, qui Deo charissimi sunt, omnium malorum expertes esse debere.

Deinde patres quidem carnis nostræ, castigatores habuimus, & reuerabamur eos: nonne multò magis obtemperabimus patri spirituum, & viuemus?

Argumentum à minori ad maius. Vos fertis patienter, cum patres vestri carnales vos castigant: multò magis Deum patrem cælestem castigantem vos, ferre deberetis, cum in cruce veram vitam, gratiam & salutem offerat. Rectè igitur Augustinus ait: Nulla causa probabilior occurrit, cur iusti homines laborant plerumq; in hac vita, nisi, quia hoc eis expedit. Nam



AD HEBRÆOS.

Nam illi ad paucos dies, prout  
ipsis videbatur, nos castigabant:  
hic autem ad commodum nostrum, ad  
hoc ut participes simus sanctimonie  
ipsius.

Exaggeratio est superioris argumenti,  
& amplificatio à comparatis seu connexis. Ab  
illo potius castigatio ferenda est, à quo plura  
commoda & diuturniora expectantur, quàm  
ab eo à quo pauciora bona & minus diuturna  
expectari possunt. Sed à Deo patre plura &  
diuturniora bona expectanda sunt, quàm à  
parentibus carnalibus. Proinde ea castigatio  
potius ferenda est, quæ diuinitus contingit,  
quàm quæ à parentibus carnalibus infligitur.  
Obseruetur hoc loco usus crucis, videlicet,  
quòd sit quædam veluti via ad recipiendam  
sanctimoniam Dei, Nam est quasi ignis, quo  
paulatim expurgatur peccati macula, ac ve-  
luti scoria.

Omnis autem castigatio in præ-  
sens quidem non videtur esse gaudij,  
sed tristitiæ: at postea fructum tran-  
quillum iusticiæ exercitatis per eam  
reddit.

Argu-



# E P I S T O L A

Argumentum à fine castigationis, ampliatum concessione, & correctione, à connexis petitis. Castigationem grauem esse fateatur, dum adhuc sentitur virgæ asperitas: At postquam petulantiam carnis repressit, sequitur fructus gratissimus, nempe, iusticia, hoc est, morum grauitas, & vitæ innocentia. Nam cum pueri castigati tempestiuè ab illicitis abstinere coguntur, magis magisque assuescunt honestati ac integritati vitæ. Ad eundem modum se res habet in Dei familia: Ibi enim carnis petulantia spiritus excuteret imperium, nisi virga patrisfamilias Dei, petulantia hæc coereretur. Vt ergo myrrha acris & amara est, & tamen sanat vulnera: Ita crux, etsi carni insuauis existit, tamen nequaquam exitialis, sed salutaris est, modò fide & patientia vera temperetur.

Doctrina proinde obseruetur hoc loco, quòd crux Ecclesiæ, non æstimanda sit ex sensu præsentis acerbitalis, sed ex fructu seu exitu, qui eam sequitur, iusticiæ, hoc est, innocentia vitæ & incoactæ obedientia, in qua hominem exercet. Verùm ubi homines non emendantur cruce, planè de eorum salute desperandum est. Nam perinde se res habet in animorum vitijs, atque in corporum morbis. In corporum morbis  
sic



sic se res omnino habet, ut autor est Hippocrates: Quoscunq; morbos medicamenta non sanant, ferrum sanat: quos ferum non sanat, ignis sanat: quos verò ignis non sanat, hos scito immedicabiles esse. Ita in Ecclesia Deus arguit peccata verbo, Deinde impœnitentibus circumdat signa reatus, Postremò aliquibus prabet gustum iræ suæ. His redemijs qui non sanantur, sunt prorsus immedicabiles. Quare nos seriò cogitemus de consilio Dei castigantis nos, & non obduremus corda nostra ad plagas diuinas, sed emendemus vitam nostram, ne Deus opinione citius abiciat nos in furore suo.

Quapropter remissas manus & soluta genua erigite, & gressus rectos facite pedibus vestris, ne quod claudum est aberret, sed sanetur potius.

Conclusio est præsentis exhortationis ad patientiam, exornata metaphora, sumpta à viatoribus, qui haud rarò defatigati, remissiores & segniores fiunt. Vnde sit sæpè, ut à recto itinere abducantur, & aberrant. Remissio enim manuum, & solutio genuum, notatio est inertie: quæ mentis & cordis ignauiam, & solitudinem



# EPISTOLA

cordiam designat hominis despondentis animum. Quare Apostolus noster vult nos strenuè pergere in cæpto itinere, tenentes rectum cursum, seu rectas orbitas, ita ut honestæ vitæ vestigia appareant, quæ nimirum alij ingrediuntur. Nam tum demum vacillare mentes & claudicare dicuntur, cum vel in doctrina, vel in moribus à recto itinere deuiant: Huic claudicationi medetur docta patientia. Qui enim rectè se comparauit ad tolerantiam, recta via pergit, quocumq; Dominus vocat, nec ad dexteram nec ad sinistram defleuens. Obseruetur hoc loco vberrimus patientiæ fructus, videlicet, quòd homines ea assuefacti, teneantur in recto doctrinæ & vitæ cursu.

Pacem sequimini cum omnibus, & sanctimoniam, sine qua nemo videbit Dominum.

Hæc secunda pars capituli est, quæ continet paræneses, ad vitam Christianis dignam facientes. Hactenus enim de fide, & patientia: iam autem de eorum effectibus concionatur. Ut enim fide Deo adhaeremus: ita proximo mutua dilectione & pace. Hæc si sincera sunt, habent sanctimoniam vitæ coniunctam.

Huc



A D H E B R A E O S.

Huc addit grauem comminationem,  
SINE QVA (inquit) NEMO VIDEBIT  
DOMINUM, non enim alijs oculis videtur De-  
us, quàm fidei, quæ habet sanctimoniam vitæ  
comitem. Obseruandum est hoc loco grauissi-  
mum hoc præceptum, sectandam esse pacem, idq̃  
cum omnibus, ita vt simul sanctimoniam secte-  
mur. Quare si quis hostium Euangelij velit nos  
prætextu pacis ab Euangelio abducere, nequa-  
quam illi assentiendum est: quia sanctimonia,  
quæ Deum respicit, læderetur.

Porro quisquis constituit apud se, hanc  
pacem sectari cum omnibus salua sanctimonia,  
is debet primùm se ipsum agnoscere, & perpen-  
dere quid habeat, quo alios possit offendere, ex  
quo geminum fructum colliget, Primùm enim  
eò citius condonandum esse alijs cogitabit, cum  
ipse se eisdem malis obnoxium esse animaduertit.  
Deinde, cum in alijs offensas videt, se ipsum pro-  
tinus intuetur, & communem culpam & infir-  
mitatem deplorat. Præterea ad duo respiciet,  
ad Deum ipsum requirentem hoc officium, &  
ad imaginem Dei, tanquam notam peculij di-  
uini, impressam hominibus. Huius imaginis con-  
sideratio nos ad mutuum amorem & pacem in-  
uitabit.

X

Prospici-



EPISTOLA

Prospicientes, ne quis desit gratiae Dei, ne qua radix amaritudinis sursum germinans obturbet, & per hanc inquinentur multi.

Argumento sumpto à consequentibus contrariorum ad pacem hortatur. Pax & discordia contraria sunt, Quorum sunt consequentia, pacis quidem, possessio gratiae Dei, tranquillitas conscientiae, sanctimonia, & innumerae aliae virtutes, Discordiae verò, defectio à gratia Dei, germinatio amaritudinis impediens à recto cursu fidei, inquinatio mentis, cordis & vitae. Haec mala discordiae cum tanta sint, merito pax est sectanda, cuius sanè fructus & dulcissimus & vberimus est.

Obseruetur ergo doctrina hic, quòd liquor, odium & discordia suffocent semen fidei, excutiant gratiam, & excitent radicem malignae naturae, ad germinandum morti, cum in doctrina, tum in moribus. Obseruetur quoque hic officium Christiani hominis esse, fratres aberrantes suo studio in viam reuocare: quod qui non fecerit, nequaquam persunctus est officio Christiani hominis. Deinde cum iubet nos prospicere, ne quis deficiat à gratia Dei, significat, & fidem & gratiam amitti posse: Contra  
eos



A D H E B R Œ O S.

eos qui hodie docent, fidem semel conceptam  
nunquam amitti posse, nec Spiritum sanctum  
excuti propter vlla scelera, quantumuis enor-  
mia.

Ne quis fornicator, aut pro-  
fanus, vt Esau, qui propter vnam  
escam vendidit primogenita sua.

Aliquot exempla ponit defectionis à  
gratia Dei: pendet autem oratio, ex verbo su-  
pra posito hoc modo, TROSPICIENTES NE  
QUIS SIT FORNICATOR AUT PRO-  
FANUS, vt Esau. Fornicatorem & religionis  
contemptorem optimo iure coniungit: quia v-  
terq; à Deo deficit: hic mentis, ille mentis &  
corporis impuritate. Legatur historia Gen. 25.

Obseruetur hoc loco Apostoli defini-  
tio, qui profanum appellat, & extra familiam  
Dei collocat eum, qui pluris huius vitæ com-  
moda facit, quàm veram religionem, Est itaq;  
TROFANUS, definitore Apostolo nostro,  
quisquis huius vitæ commoda & voluptates  
gratiæ Dei & obedientiæ erga ipsum antepo-  
nit, vt Esau fecit, cum præ edulio vno con-  
temserit ius primogenituræ suæ, cui annexa  
erat benedictio, & sacerdotalis dignitas. Esau



# EPISTOLA

imitatores sunt, de quibus Psalm: 49. loquitur hoc modo: Hoc est cor eorum, quod domus eorum sint perpetuae, & habitationes eorum in progenie & progenie, & nomen sit illustre super terram.

Prophano opponitur pius, seu perfectus, qui scilicet gratiam Dei & obedientiam erga ipsum anteponebat huius vitae commodis & voluptatibus, seu qui retinet fidem & bonam conscientiam.

Scitis enim quod & postea cum vellet hereditare benedictionem, reprobatus sit.

Prophani contemptus Dei iustissima poena. Excusso Spiritu sancto, homo prophanus carnali affectu rapitur, quo amissam suam culpa benedictionem, & ius primogeniturae repetit, sed frustra. Nam ius primogeniturae, iam in ipsius fratrem translatum erat. Mone-mur & hoc loco, ne procrastinemus poenitentiam, ac ita magis in nos prouocemus iram iusti iudicis, magisque abducamur a via.

Non enim poenitentiae locum  
inuenit



inuenit, quanquam cum lacrymis  
exquisiisset illam.

Ratio ab euentu: Esau non inuenit pœ-  
nitentiæ locum, Igitur Esau est reprobatus. Ni-  
hil enim profecit sera sua pœnitentia, hoc est,  
terrore, quo propter peccatum percussus est.  
Non enim egit pœnitentiam, vt debuit. Nam  
eo tempore propositum occidendi fratrem ha-  
buit. Apostolus hoc loco nequaquam præcisè  
contemptoribus religionis negat veniam, sed  
exemplo & periculo monet, vt quisq; sibi ca-  
ueat à prophano verbi Dei contemptu. La-  
crymas Esau, intellige fuisse hominis de-  
sperati, absque vera in Deum fiducia, sine qua  
omnes pauores conscientiae, omnes lacrymæ  
sunt irritæ & prophanae. Obserua quàm sit pe-  
riculosa illa mundi de religione negligentia,  
quæ ad postremum desperationem affert.

Vocabulum μετάνοια, hoc solo loco in  
nouo testamento, pro pauoribus conscientiae,  
sine fide & conuersione ad Deum accipitur.  
Doluit quidem Esau, sed non est ad Deum con-  
uersus. Quare duplex dolor obseruandus est.  
Nam est dolor mundi, & dolor secundum  
Deum. 2. Cor: 7. Dolor mundi est, cum homo,

Y 3 vel



# EPISTOLA

vel amissis terrenis angitur, vel alieno bono  
tristatur, vel vnius pœnæ impendentis metu so-  
licitatur. Talis fuit dolor Cain, Esau, Achi-  
tophelis, Saulis, Iudæ, Iuliani. Dolor secun-  
dum Deum, est cùm homo non tam ob pœnam,  
quàm ob culpam dolet: videlicet, quòd clemen-  
tissimum patrem Deum offenderit, & habet  
fidem coniunctam, qua statuit peccatum remis-  
sum esse. Talis fuit dolor peccatricis Lucæ 7.  
& est omnium qui verè in Deum credunt.

Non accessistis ad tractabi-  
lem montem, & accensum ignem, &  
turbinem, & caliginem, & procel-  
lam, & tubæ sonum, & vocem ver-  
borum, quam qui audiuerunt, petie-  
runt, ne sibi adderetur verbum. Non  
enim ferebant quod dicebatur: & si  
bestia tetigerit montem, lapidabitur,  
aut iaculo configetur, & ita terribi-  
le erat quod videbatur: Moses dixit,  
exterritus sum & tremefactus.

Tertia huius capitis pars est, qua etiam  
superiora confirmantur. Instituit autem hic col-  
lationem



lationem legis & Euangelij, à circumstantijs  
petitam. Vt autem hic locus clarius excutiat,ur,  
primùm sensum simpliciter videamus, Deinde  
membra particulatim excutiamus.

Sensus ergo hic est: Gloria Dei illustrior  
est in Euangelio, quàm in Lege: & Euangelium  
est amabilior doctrina, quàm Lex, Ergo decet  
Euangelium non profanè contemnere, sed piè  
amplecti, & exosculari.

Membra collationis sunt duo: quorū prius  
est de Lege: Alterum de Euangelio, plures ha-  
bens circumstantias. Membrum de Lege habet  
quatuor circumstantias: locum, signa testantia  
præsentiam Dei, vocem Dei loquentis, & tre-  
pidationē populi, exhorrescentis ad vocem Dei.  
Hæc omnia typus fuerunt perpetui effectus Le-  
gis in hominibus.

Prima circumstantia loci est, nempe montis  
Sinai, quem tangibilem, hoc est, terrenum per  
metalepsin vocat: quo significatur, quòd terro-  
res Legis pertineant ad terrenos homines, hoc  
est, non fide iustificatos. Tantisper enim Legis  
onus premit hominem, donec manu Christi tolla-  
tur, quod fit, quando Christus fide induitur.

Y 4

Secunda



## E P I S T O L A

*Secunda circumstantia, varia complectens signa, primum, arguit totum humanum genus ob peccatum. Nam terrores & minæ, ad reos pertinent, Deinde, docet Legem diuinæ auctritate, Vnde & tertium sequitur, immotam voluntatis Dei regulam esse, hominemq; debere vitam suam ad istam regulam componere. Docet & hæc circumstantia, de perpetuo usu legis, qui est terrere conscientias, & turbare propter violatam hanc normam iusticiæ diuinæ.*

*Tertia circumstantia, est vox Dei loquentis: quæ non solum testatur de lege, quod diuina sit, verumetiam iustam Dei iram propter peccatum minatur.*

*Quarta circumstantia, est trepidatio populi, quæ significat agnitionem peccati, & testatur iustam iram iudicis. Quamobrem inter nuncio Mose uti cupit, cum non sustineat vocem diuinam. Porro quod dicat Mosén exteritum fuisse, vel de populo intelligendum est, cuius personam sustinuit Moses, vel de ipso Mose ( tametsi hæc verba de Mose non leguntur in Exodo ) Vnde monemur, quod vel sanctissimi homines, non possunt se excusare coram tribunali Dei, quin iure sint damnabiles.*

*Sed*



Sed accessistis ad Sion montem,  
 & ciuitatem Dei viuentis, Ierusa-  
 lem cœlestem, & multorum millium  
 angelorum conuentum, & Ecclesi-  
 am primogenitorum, qui conscripti  
 sunt in cœlis, & iudicem omnium  
 Deum, & spiritus iustorum perfe-  
 ctorum, & testamenti noui mediato-  
 rem Iesum, & sanguinem aspersio-  
 nis meliora loquentem, quàm Abel.

Secundum hoc membrum est collationis  
 institutæ, continens circumstantias, quibus  
 Euangelij maiestas & eminentia supra legem  
 extollitur.

Primum igitur opponit locum loco, hoc  
 est, montem Sion monti Sinai, Vt enim ex mon-  
 te Sinai prodibat lex terrens, Ita ex monte Si-  
 on (iuxta vaticinium Esa: Ex Sion exibit lex  
 & verbum Dei de Ierusalem) prodibat letum  
 illud reconciliationis verbum, quod est Euan-  
 gelium.

Deinde Sinai opponit ciuitatem Dei  
 viuentis, quam interpretatur Ierusalem cœle-  
 stem,



E T I S T O L A

Item, hoc est, Ecclesiam sparsam per vniuersum orbem. Tametsi enim hic in terris hospitatur Ecclesia, eius tamen ciuitas est cælum, Vnde Paulus, Nostrū πολιτεία est in cælis, vnde expectamus saluatorem &c. Hæc circumstantia monet, ne cum Papistis Ecclesiam certo loco circumscribamus. Omnes enim qui Christum agnoscunt, & ex fide inuocant, huius ciuitatis cœlestis sunt ciues, imò domestici Dei, vt Paulus loquitur: qua sanè gloria nulla alia maior esse potest. Ex quo æstimare licet, quantum sacrilegium committant, qui hanc Dei familiam turpiter peccandi consuetudine commaculant.

Deinde meminit conuentus Angelorum, & castissimorum spirituum, qui in hac Dei ciuitate excubias agunt, Vnde monemur, cauendum esse, ne hos castissimos spiritus, nostris libidinibus & turpitudine offendamus.

His addit Ecclesiam primogenitorum, hoc est, sanctorum Patriarcharum, quos quoniam ante nos à matre Ecclesia in ciuitate illa sancta nati sunt, hoc honoris titulo appellat.

His adiungit spiritus, hoc est, animas beatorum, quod sanè idem est cum eo quod paulò antea præcessit, nisi quòd hic etiam comple-

Elatur



*Statuer animas Sanctorum qui post exhibitum Christum mortui sunt.*

*Præterea iusti iudicis mentionem facit, idq; duplici de causa, Primùm enim id facit, ut nos consoletur in medijs huius vitæ ærumnis qui habemus iudicem, qui tandem causam pauperum & afflictorum iudicaturus est, Deinde ut inijciat nobis diligentiae studium, in formandis moribus, ne iustum offendamus iudicem.*

*Verùm ne iudicis mentio nos proster-  
nat, addit mediatorem Iesum, qui suo sangui-  
ne aspergit nostras conscientias, & eas abluit  
à mortuis operibus, quando vera fiducia in i-  
psam recumbimus.*

*Postremo loco collationem sanguinis Christi,  
& sanguinis Abelis opponit, & utrunq; dicit  
clamare, sed sanguinem Christi meliora sonare,  
Siquidem sanguis Abel clamans de terra, lo-  
quebatur vindictam, Ita enim Dominus ait,  
Vox sanguinis fratris tui clamat ad me, At  
Christi sanguis de cruce clamans, pacem loqui-  
tur & reconciliationem, seu, ut Bernardus ait,  
clamat in cordibus piorum remissionem pecca-  
torum.*

*Videte*



EPISTOLA

*Videte ne aspernemini eum qui loquitur.*

*Hæc tertiæ partis huius capituli propositio est, quam supra in secundo capite propositam hic repetit: ad cuius declarationem tota disputatio superior de Christo referenda est. Hanc amplificat attentionis particula, VIDE-TE, qua nobis in memoriam superiorem disputationem reuocat, vt cogitemus, quantus sit ille quem iubet nos audire. Non aspernari, est amplecti Christum, eiq; ex fide obedire.*

*Si enim illi non effugerunt, qui auersa bantur eum, qui super terram oracula reddebat: multò magis nos, si eum qui de cælis est auersamur.*

*Ratio propositionis gemina, prior à collatione personarum Moysis & Christi: Posterior à pœna, vtraq; à minori ad maius progreditur. Moses fuit audiendus, qui de terra fuit, hoc est, qui homo tamen erat, Multò igitur magis Christus audiendus est, vt qui de cælo sit, verus Deus & verus homo. Aspernantes*  
*Moyses*

Mosis  
giu  
breuis  
tracta

ram,  
adbu  
terra

enius  
te Sin  
gely  
solim  
Quar  
est.  
do c  
Chri  
com  
& i  
diu  
exa  
ang  
deb



A D H E B R A E O S.

Mosis verbum, sunt puniti: multò igitur magis punientur Euangelij contemtores. Hæc brevis repetitio fuit argumenti, quod prolixius tractatum est supra, Cap. 3.

Cuius vox concussit tunc terram, nunc autem denunciavit, dicens: adhuc semel ego mouebo, non solum terram, sed etiam cælum.

Superioris argumenti amplificatio est, cuius hic est sensus, Cum lex dabatur in monte Sinai, Dominus concussit terram: sed Euangelij vox multò magnificentior est, quæ non solum terram, verum etiam cælum concutit. Quare multò magis vox Euangelij audienda est. Testimonium hoc sumtum est ex secundo capite Haggai Prophætæ vaticinantis de Christi aduentu & regno: in cuius aduentu commoti sunt cælum & terra, propter varia & inaudita eius miracula, quæ cum virtute diuina & cælesti fierent, ab hominibus terræ exaltabantur. Chrysostomus. Obseruanda Euangelij gloria, quæ nos in eius amorem rapere debet.

Quod autem adhuc semel dicit,  
decla-



EPISTOLA

declarat mobilium translationem,  
tanquam factorum, ut maneat ea  
quæ sunt immobilia.

Ex verbis Prophetæ collationem in-  
fert inter creaturas & regnum Christi. Creatu-  
ræ quidem concutientur & transmutabuntur  
in meliorem statum. Regnum autem Christi,  
quod hic immutabilitatis nomine designat, ma-  
nebit inconcussum.

Itaq; regnum immobile susci-  
pientes, habemus gratiam: per quam  
seruimus placentes Deo, cum metu &  
reuerentia.

Conclusio est proxima exhortationis,  
cuius hic est sensus: Quando recipimus vera-  
bum Christi, recipimur in ipsius æternum re-  
gnum, in quo est fauor Dei, in quo verus Deo  
præstatur cultus, cum metu & reuerentia. Ob-  
seruetur, quod extra regnum Christi, nullus  
Deo cultus præstari possit. Nam quicquid non  
est ex fide, quæ in sola Ecclesia est, non potest  
placere Deo, ut cultus. Est igitur ingens the-  
saurus regni Christi, quod in eo sit vera colendi  
Deum ratio.

Est



AD HEBRÆOS.

*Est enim Deus noster ignis  
consumens.*

*Hæc comprobatio conclusionis est, sum-  
ta à iusticia Dei, & officio iusti iudicis, vi-  
delicet, quòd sit vindex scelerum, Id quod ima-  
gine pulcerrimè expressit. Vt enim ignis ad-  
motam materiamurit & consumit: ita Deus  
punit eos qui suæ voci non obediunt.*

**C A P V T**  
**DECIMUM TERTIUM.**  
**SUMMA CAPITIS**  
**DECIMI TERTII.**

*Pietas operibus bonis exerceatur, fides  
retineatur: ac unusquisq; gloriæ Dei ornan-  
da, vita, precibus, voto ac omni beneficiorū ge-  
nere studeat.*

**ORDO ET PARTES**  
**CAPITIS DECIMI TERTII.**

**O***Rdo huius capituli planè est arbitrarius.*  
*Congerit enim Apostolus multas propo-  
sitiones paraneticas, veluti aphorismos quos-  
dam, quibus vita Christiana continetur. Vt*  
*tamen*



## E P I S T O L A

tamen aliquem ordinem huius capituli habeamus, in sex partes illud distribuam. Prima continet multas propositiones exhortantes ad varia pietatis officia. Deinde, ut pro se orent petit. Tercio, votum additur, quo optat Apostolus, ut Deus Hebræos in probitate & pietate conseruet. Quarto, subiungitur supplex petitio, ut Hebræi hanc exhortationem boni consulant. Quinto, commendat Hebræis Timotheum, qui hanc Epistolam ad ipsos pertulit ex Italia. Postremo loco Epistolam salutationibus claudit.

## EXEGESIS DECIMI TERTII CAPITIS, CVM observatione doctrinarum.

*Charitas fraternitatis maneat.*

Hec propositio exhortatoria, iure primum locum tenet. Est enim charitas officiorum omnium, quæ nobis inuicem debemus, fons & scaturigo. Vtitur autem hic significantibus vocibus. Primo loco CHARITATEM nominat, quæ est affectus cordis, ex fide manans, quo homines amanter complectimur, propter



A D H E R E O S.

pter Deum. Hic affectus, quia est inuisibilis, debet proximo voce, manu, atq; adeò omni officiorum genere ostendi, Deinde, FRATERNITATEM, abstractum pro concreto ponit, ut cogitatio communis eiusq; arctissimæ copulæ, nos cum ad amorem cordis, tum ad operis exhibitionem excitet. Porro FRATRES se mutuo compellarunt Christiani in primitiua Ecclesia, idq; quatuor de causis.

Prima, quia agnouerunt se eiusdem cœlestis patris filios esse in Christo: sicuti & Dominus ipse ait, excitatus à mortuis: Ascendo ad Deum meum, & ad Deum vestrum: ad patrem meum, & ad patrem vestrum. Idem vult, cum iubet nos orantes dicere: Pater noster qui es in cœlis. Quomodo autem hæc noua generatio fiat, explicat Iohannes, cum ait, Dedit eis potestatem, ut filij Dei fierent, quotquot credunt in nomen eius. Ut ergo credentes filij Dei sunt, Ita & fratres inter se censentur.

Secunda, quòd se agnoscant Christiani esse eiusdem matris Ecclesiæ filios, ut qui in Ecclesia concepti & nati sint, ex semine immortali, quod est verbum Dei.

Tertia, est mutuus affectus Christia-

z

notum



## E P I S T O L A

riorum inter sese, & summa illa storga, & vere fraterna, qua veri Christiani se mutuo complectuntur.

Quarta, ut hac appellatione dulcissima discrimen facerent inter Christianos & alios: quos extraneos & Paganos vocant. Nam ut pii pars sunt familiae Dei: Ita impij profani habentur, ut qui in sacratissimum templum Dei intrare prohibeantur.

Tertia vox est, *M A N E A T* qua significatur, quod charitas erga fratres, non debeat esse ad horam, sed perpetuo durare, ac in dies magis magisque crescere.

*Hospitalitatis nolite obliuisci.*

Hac exhortatio ad hospitalitatem, tempore quo hac scripsit Apostolus, admodum necessaria fuit, sicuti & nunc est. Nam ut olim Ecclesiae membra suis sedibus propter confessionem doctrinae eiekti sunt: Ita & hodie multi, propter persecutionem Papisticam, coguntur proprias ades relinquere, & misere exulare. Hac hospitalitas charitatem fraternam monstrat, cum erga ignotos & pauperes, ipsa charitas fraterna se benignam prabet. Vnde &

Petrus



AD HEBRÆOS.

Petrus charitati mutuae hospitalitatem adiungit, & Paulus inter attributa Episcopi hospitalitatem nominat. Vocabulum quo hic utitur Apostolus, φιλοξενία, propriè significat affectum, quo amanter & benignè hospites complectimur.

Per hanc enim inscijs quidam angelos hospitio exceperunt.

Ratio exhortationis ad hospitalitatem, sumta à præmio. Intelligit autem hoc loco Apostolus, Abraham & Loth, qui præmijs ornatissimi sunt, adeò quòd etiam nescientes receperint angelos, arbitantes eos pauperes hospites fuisse. Unde Albinus: hospitalem domum angeli ingressi sunt, clausas hospitibus domos ingressus est ignis. Magnum est, angelum recipere, sed maius, pauperem Christianum, in quo Christus per fidem habitat, comitatus multis angelorum legionibus. Qui igitur claudit misero exuli domum suam, maximè impius est. Christum ac angelos cum Sodomitis excludit. Verùm si hæreticam doctrinam fouet peregrinus perniciosam familiæ tuæ: obtempera Iohanni Apostolo, qui in sua secunda Epistola in hanc sententiam ait: Si quis hanc doctrinam non affert, ne receperitis eum in domum, nec aue ei dixeritis.

Σ 2

Memor.



EPISTOLA

Mementote vinctorum, tanquam simul vincti, & afflictorum tanquam & ipsi in corpore morantes.

Vt eò acrius urgeat Hebræos, ad officia charitatis præstanda, monet calamitatem fratrum communem censendam esse. Vt enim alij in corpore morantes, duriora sunt experti: ita & nobis eadem metuenda sunt. Impij ebrij suis voluptatibus, perpetuam fore felicitatem suam existimant, nihil cogitantes de Dei iudicio, Contrà verò, pius ad vtramq; fortunam se componit, Benedictionem Dei & felicem successum cum gratiarum actione accipit, & crucem cogitat cervicibus suis imminere, donec in hoc mundo bi si peregrinandum est. Vnde illud, quod Ambrosio adscribitur, semper in animo circumfer:

Aut sumus, aut fuimus, aut possumus esse, quod hic est.

Huc & illud Senecæ pertinet:

Quem sæpè transit casus, aliquando inuenit idem. Hoc quàm verum sit, quotidiana experientia testatur, quæ nos meritò timoris Dei admonebit, & seriæ inuocationis, Quæ duo omnibus ærumnis opponi debent.

Honorabile



AD HEBRÆOS.

*Honorabile coniugium in omnibus, & thorus immaculatus.*

*Vt à scortatione & adulterio debortari possit efficacius, collationem instituit inter ordinationem diuinam, & turpitudinem ordinem Dei horribiliter vastantem: atq; remedium contra impuritatem à Deo donatum proponit. Est autem hoc singulare præconium Coniugij, quod opponendum est iudicijs omnium hominum, & diabolorum. Continet autem hoc præconium plurimas admonitiones.*

*Primum enim testatur, coniugium esse ordinationem Dei, Vnde sequitur, diuersissimum esse à confusione Diaboli.*

*Deinde inuitat Apostolus omnes ad hoc sanctum remedium: ne quis se polluat contra ordinationem Dei, & se ipse inuoluat laqueis diaboli.*

*Tertiò, Spiritus sanctus in Apostolo præuidens doctrinam demoniorum, de prohibitione coniugij, in certis hominum ordinibus: hanc Dei ordinationem OMNIBVS esse concessam apertè pronunciat, Ita enim ait: Honorabile est coniugium in omnibus, hoc est, inter cuiusvis ordinis homines.*

¶ 3 Quartò,

4  
10



EPISTOLA

Quartò, vt anteuertat eorum obiectionem, qui impurum coelibatum præferunt matrimonio, prætextu fictæ castitatis, definit coniugium esse thorum immaculatum, id est, castum.

Ex hisce admonitionibus colligamus, officium coniugum esse, hac ordinatione Dei cum timore & reuerentia vti, in gloriam Dei, qui se autorem coniugij esse testatur.

Fornicatores autem & adulteros iudicabit Deus.

Vt coniugium extulit, ita iam ordinationis diuinæ confusionem, videlicet scortationem & adulterium reprehendit, proposita pœna, quâ Deus aliquando irrogaturus est suæ ordinationis violatoribus. Etsi autem omne iudicium, quod exercet magistratus, iuxta leges non dissidentes à lege naturæ & decalogo, iudicium diuinum dicitur: tamen hic non sine graui causa pronunciat, Deum fore iudicem & ultorem violatæ suæ ordinationis, etiamsi magistratus civilis non ritè defungatur suo officio. Habet igitur hæc sententia tacitam reprehensionem magistratus civilis, qui vagas libidines sinit impunitas, ac si dicat; Etsi magistratus



gistratus conuiet ad ista scelera, & non exercet iudicium Dei sibi commissum: non tamen propterea impuritas ista erat impunita. Deus enim ipse, ut summus iudex, hanc suae ordinatōnis contumeliā seuerē aliquando puniet, in omnibus ijs, qui non vera pœnitentia ad ipsum conuertuntur.

Quanta autem sit turpitudine scortationis & adulterij, Paulus 1. Cor. 6. sex grauissimis argumentis ostendit.

Exempla pœnarum horum flagitiorum, non in scriptura tantum sacra, verumetiam in Athenæo & Aristotele plurima recitantur: quorum pleraque Philippus in tractatione de coniugio recitat.

Hoc ergo dictum Apostoli, & cogitatio pœnarum tanquam tuba sonet in auribus nostris, quia noster imperator Christus nos à castris Satanae auocat.

### Sint mores sine auaritia.

Quia auaritia timorem & fiduciam Dei excutit, monet eam fugiendam esse. Auaritia vitium, cum Philosophis sanioribus, tum Prophetis & Apostolis semper infame fuit & execrabile. Philosophi tres formas auaritiæ faciunt,

¶ 4

Prima

4  
10



# EPISTOLA

Prima est, auaritia in faciendis sumtibus necessarijs, quæ est eorum, qui in summa rerum affluentia sordidè & immundè viuunt. Quare & SORDITIES dicitur hæc forma: de hac. Horatius in primo sermonum:

Vuidius quidam ( non longa est fabula) diues

Vt metetur numos, ita sordidus, vt se Non vnquam melius seruo vestiret: ad vsq. Supremum tempus, ne se penuria victus Opprimeret, metuebat: at hunc liberta securi Cuiusit medium fortissima Tyndaridarum.

Secunda forma auaritiæ, est in dando. Cum autem nihil damus, aut minus quam oportet, hæc forma propriè TENACITAS dicitur. Qualis fuit diuitis purpurati in Euangelio, qui Lazari pro foribus iacentis non respexit ærumnas: cuius pæna nos cautiores reddat.

Tertia forma, est in accipiendo, & est nimium acquirendæ pecuniæ studium, græcè φιλαργυρία, de qua hic Paulus potissimum loquitur. De hac Salustius: Auaritia semper infinita & insatiabilis est, quæ nec copia nec

inopia



inopia minuitur. Idem, Auaritia pecunie  
studium habet, quam nemo sapiens concupiuit,  
ea quasi veneni malis imbuta corpus animumq;  
virilem effæminat. Non ergo præter causam  
Syracides ait: Auaritia est lignum offendicu-  
li, id est, occasio ruinæ: & Paulus avaritiam  
idololatriam nominat, Auarus enim, suas omnes  
cogitationes in pecunia acquirenda & obser-  
uanda sitas habet, non fretus promissionibus  
diuinis.

### Contenti præsentibus.

Quia hæc vita opus habet sustentatio-  
ne necessaria, modum cupiditati præscribit,  
nimirum, ut præsentibus, hoc est, honestè par-  
tis sine diffidentia & iniuria aliorum simus con-  
tenti, id est, nobis satis esse præsentia putemus,  
abstinentes ab alienis. Commendatur nobis  
hoc loco magnanimitas in recto pecuniæ & fa-  
cultatum usu, ut siue abundemus siue penuria  
am patiamur, contenti simus. Id quod Paulus  
se didicisse ad Philippenses scribit. Huc regu-  
la Davidica pertinet: Spera in Domino, &  
fac bonum, & inhabita terram, & victum  
quære honestè.

Z 5

Ipse



ET I S T O L A

Ipse enim dixit : non deferam  
neq; derelinquam.

Confirmatio à promissionibus Dei, seu  
providentia Dei, qui suos non deserit, nec finit  
perire. Sed qua ratione quod dictum est vni,  
nempe Iosuae, successori Moysi, accommodatur  
omnibus : praesertim cum illic agatur de pecu-  
liari vocatione Iosuae, & de favore, quo Deus  
se pollicetur complexurum ducem sui populi,  
videlicet, quod Deus velit assistere Iosuae du-  
ci populi sui, sicut astitit Moysi, qui eduxit po-  
pulum de terra Aegypti.

Vt autem haec accommodatio rectè in-  
telligatur, duae sunt regulae in primis obser-  
uandae.

Prima, quia Deus non est προσωπο-  
ληπτης, sed aequalis omnibus, iuxta regulam  
suae iusticiae.

Secunda, Personales promissiones, etsi  
in specie ad certos homines pertinent, tamen in  
genere rectè accommodantur omnibus, servata  
conditione, quam promissio requirit. Vt ergo  
Deus in specie promittit Iosuae defensionem in  
sua vocatione : ita in genere promittit tibi &  
mibi, quod non velit nos in nostra vocatione de-  
relinque-



relinquere, modò in eius promissionibus per fidem acquiescamus.

Ita vt confidenter dicamus: Dominus mihi adiutor, & non timebo, quid faciat mihi homo?

Ἐπιτιμῶν, proueniens ex fidei certitudine, quam Paulus τολμοφροσίνης vocat: sumtū est autem hoc dictum ex Psal. 18. Quia autem Psalmus, ex quo depromptum est hoc testimonium, loquitur de Christo, & eius regno, satis clarum est, quòd hac fiducia de præsentia Domini alentis nos, pertineat tantum ad ciues regni Christi, hoc est, Ecclesiæ. Alij enim qui sunt extra hoc regnum, hoc est, qui viuunt sine penitentia, nequaquam possunt iuste gloriari, de Dei præsentia & defensione, sed magis eorum est, metuere seuerum & iustum iudicem: vt qui innumeris ipsius beneficijs non promoueantur ad gratitudinem & gratiarum actionem.

Mementote ducum vestrorum qui vobis locuti sunt verbum Dei, quorum intuentes exitum conuersationis imitamini fidem.

Quia non solum regulis seu præceptis docemur, verumetiam exemplis, in quibus re-

gule



# EPISTOLA

gula quasi pictæ demonstrantur , atque ideo  
efficacius monent, quàm sola præcepta : Iubet  
Apostolus, vt Hebræi intueantur fidem , con-  
uersationem & exitum suorum Ducum , qui  
ipsis locuti sunt sermonem Dei.

Duces hoc loco non solùm Apostolos intel-  
ligit, verumetiam qui alios docendi munere in-  
ter Hebræos functi sunt. Quæ appellatio cum  
ministros Euangelij, tum eorum auditores mo-  
net sui officij. Vt enim piorum pastorum est,  
gregem ducere, doctrina sacra, fide sincera,  
conuersatione sancta, patientia vera, & con-  
stanti perseuerantia vsq; ad finem. Vnde La-  
ctātius : Quomodo poterit excusatio amputari,  
nisi vt qui docet, faciat quæ docet, & sit quasi  
præuius, & manū porrigat secuturo, Item, de-  
bet perfectus Doctor & docere præcipiendo, &  
confirmare faciendo, Habere. n. non possunt quæ  
doces firmitatē: nisi ea prior feceris, quia natu-  
ra hominum procliuus in vitia, videri vult non  
modò cum venia, sed etiam cum ratione pecca-  
re, Item, Qui aliter viuit quàm docet, doctri-  
næ suæ fidem detrahit : Ita auditorum erit ve-  
stigijs Ducum suorum insistere, cum in doctrina  
tum in moribus. Verùm qui existimant se per-  
fectos esse suo officio, quando verbum publicè  
docue-



A D H E B R Œ O S.

docuerunt, & non statuunt se exemplaria doctrinæ, seipsos sua voce condemnant, Ac perinde faciunt, atq; architecti arcæ Noe, qui extructa arca per quam Noe cum suis saluus euasit, miserè periere in diluuiio.

Porro imitatio moralis duplex est, vna laudabilis, altera viciosa. Laudabilis est, cum recta ratio verbo Dei illuminata, imitationem suadet: vt cum fidem in Abrahamo & obedientiam nobis imitandā proponimus. Quomodo autem laudatorum hominum exempla imitanda sunt, monet Apostolus cum inquit: Estote imitatores mei, sicut ego Christi. Sunt autem duo in sanctis præcipuè imitanda, videlicet, fides & opera, Cum fidem imitamur Abrahæ, iustificamur: cum opera imitamur Abrahæ, iusti declaramur.

Viciosa imitatio triplex est, videlicet inepta, scelerata, & superstitiosa. INEPTA, cum non virtutes hominum, sed gestus quosdam ridiculè imitamur. SCELERATA imitatio, est cum hominum vitia nobis imitanda proponimus, excusantes nos aliorum exemplis, vt si quis ebrietatem Noe, periurium Petri, adulterium Davidis imitari velit. Hæc imitatio vt est pessima, ita & vsitatissima. Est enim publica consuetudo, violenta quædam tempestas



# EPISTOLA

pestas, quia & facile patimur à multitudine  
nos huc illuc abduci, & quod usu receptum est  
quisq; rectum ac licitum esse putat, nempe, ut  
porci alij ex alijs pruriginem contrahunt: nec  
ulla deterior est, vel magis fontica contagio,  
quàm ex malis exemplis. Quare rectè dictum  
est ab Agapeto, Consuetudo malorum, nequi-  
tia pabulum est, SVPERSTITIOSA imi-  
tatio est, cùm religionis gratia, superstitiones  
Monachorum & Eremitarum, aut etiam alio-  
rum nobis proponimus imitandas.

Iesus Christus heri & hodie,  
idem est etiam in secula.

Ratio retinende fidei hac vnica est,  
Si perstiterimus in fundamento, nempe Christo,  
qui semper sibi similis est. Quemadmodum  
enim olim suis affuit, ita & hodie, & in pe-  
petuum, omnibus, qui conuertuntur, aderit.  
Bernhardus hunc locum sic explicat: Hest-  
ernum quidem ab initio seculi vsque ad Domi-  
nicam ascensionem: Hodiernum verò diem  
exinde vsque ad seculi consummationem. Æ-  
ternum intellige, post communem omnium  
resurrectionem. Chrysostomus verò hoc mo-  
do, Heri



AD HEBRÆOS.

do, *Heri*, omne præteritum tempus notat, *Hodie*, & tempus præsens & futurum, quod est infinitum. Cum itaq; vnus idemq; sit Christus semper, semper quoque fuit, est, & erit, eadem Euangelij vox, eadem fides, eademq; salutis consequenda ratio. Etsi pro temporum conditione in ceremonijs & Sacramentis facta est quædam mutatio, Vt enim sacramenta vetera Christum venturum significabant, ita Sacramenta noua Christum exhibitum esse testantur. Obseruetur hic testimonium, de Christi diuinitate, & perpetua eius prouidentia, qua suis prospicit.

Doctrinis varijs & peregrinis ne circumferamini.

Hæc exhortatio à superiori fluit. Si enim Christi doctrinam statuimus fixam, & immotam esse, sequitur alias doctrinas cum Christi verbo pugnantes, deserendas esse. Hæc exhortatio in primis necessaria est, idq; propter multas causas.

Primum enim Satanas, hostis humani generis, iuxta parabolam Euangelicam, mittit sua zizania in agrum Domini, quibus suffocare conatur bonum illud semen, quod ipse paterfamilias in agrum iecerat. Hoc quàm  
verum



# EPISTOLA

verum sit, & quantum damnum asserat mundo, omnium temporum Historiæ docent. Cuius rei nos meritò admonere deberet lapsus primorum parentum, & nostra ipsorum miseria. Nam hæc mala inde manarūt, quòd primi nostri parentes audiuerunt diabolum, cuius doctrina euerſi sunt, & damnati cum ſua poſteritate.

Deinde, quia ratio humana non capit per ſe ea quæ ſunt Dei, ideo facilius ſeducitur peregrina doctrina, idq; potiſſimùm ſi videatur congruere ad captum humanum. Hoc modo omnia regna, quæ hodie ſub Turca ſunt, in Mahometicos furores ſunt præcipitata.

Præterea, quia ſunt pauci & contemti, qui veram Euangelij doctrinam proſitentur, multi ſiunt transfugæ, in caſtra hoſtium ſe recipientes, offenſi ſcandalo paucitatis credentium, & crucis Eccleſiæ.

Adhæc, quia multi non pauca vident certamina quotidie in Eccleſia creſcere, paulatim labuntur in Epicureiſmum, atq; omnem religionem falſe derident : quales ſunt hodie pleriq; Cardinales, & multi politici homines.

Propter



A D H E B R Œ O S.

Propter has causas, & alias quas omitto, est hæc admonitio Apostolica observatione dignissima.

Vt autem in doctrina pura maneamus constantes, facit acre & diligens cœlestis doctrinæ studium, sobria cogitatio causarum certitudinis doctrinæ Ecclesiæ, seria inuocatio, sancta vita &c. nam ubi hæc adsunt, Spiritus sanctus corda magis magisque obsignat. Vt enim in pietatis exercitijs facimus incrementa, ita Spiritus sancti virtute roboramur, vt stemus immoti, aduersus omnes insultus diaboli.

Optimum est enim gratia stabilire cor, non escis, quæ non profuerunt ambulanti in eis.

Ratio à collatione effectuum contrarium. Christi doctrina gratiam prædicat, quæ cor spiritualiter stabilitur in salutis cursu: peregrina doctrina, videlicet, de ciborum mundorum & immundorum discrimine, vt superstitionem alit, ita ignorantiam Christi parit, dum homo in elementis externis & ceremonijs hæret, ac in eis cultum Dei ponit. Nam ambulare in cibis, est superstitiosè discrimen ciborum retinere: ac in eo discrimine cultum Dei ponere.

A a

Sic

Propter



# EPISTOLA

sic omnem ceremonialem cultum (nam specie  
vna quam ponit, vniuersum genus comprehen-  
ditur per Synecdochen) spiritali cultui oppo-  
nit, & vt illum abrogat vt inutilem, ita hunc  
requirit vt Deo gratissimum, ac hominibus sa-  
lutarem.

Quid? an non Deus mandauit ipse  
ceremonialem cultum? Mandauit quidem,  
sed illi tempus prastituit, videlicet, vt adue-  
niente & exhibito Christo cessaret. Deinde,  
notandum est discrimen inter precepta Dei,  
nam alia per se spectanda sunt, alia propter  
aliud, Lex iubet, vt colamus Deum ex fide, ac  
veneremur, Deinde, vt beneficiamus proxi-  
mis. Hæc pergrata sunt Deo, & per se requi-  
runtur. Lex de discrimine ciborum, dierum,  
sacrificiorum, & cætera, aliter se habent, Sunt  
enim ceremoniæ exercitia, quæ non requirun-  
tur per se, sed propter aliud, videlicet, vt in  
ijs populus sese ad pietatem exerceat, confir-  
met fidem suam, magis magisque sese in puro  
Dei cultu contineat, Verùm cum fides non ad-  
est, & spiritus non excitatur ad pietatem, ce-  
remoniæ observationes planè sunt Deo  
abominabiles.

Atq; hæc ratio est, cur Dominus apud  
Esaiam cap: 1, reiiciat istas ceremonias, quæ  
tamen



tamen ab ipso institutæ erant. Quorsum (inquit) multitudo sacrificiorum vestrorum? dicit Dominus. Item, ne pergatis adducere oblationem vanitatis: incensum est abominatio mihi.

Et Psal: 50. Nunquid comedam carnem taurorum, aut sanguinem hircorum bibam? Sacrifica Deo laudem, & redde altissimo vota tua.

Et Micheas cap. 6. Nunquid complacitum est Domino in millibus arietum? Quasi diceret, minimè, Et paulè post subiicit idem Prophetæ, indicabo tibi ô homo, quid sit bonum, & quid requirat Dominus à te, Vtiq; facere iudicium, diligere pietatem, & sollicitè ambulare coram Deo tuo.

Ex his perspicuum est, ceremonias per se non esse cultum Dei, imò damnari à Deo, quando seiunguntur à fide. Nam fides quasi anima est omnium ceremoniarum, sine qua omnino mortuæ sunt, & planè Deo abominabiles, tametsi ab ipso institutæ sunt. Ex his etiam palàm est, quàm sint abominabilia sacrificia ethnicorum, offerentium humanas hostias, exemplo (ut volunt) Patriarchæ Abraham.



EPISTOLA

*Habemus altare , de quo  
edere non habent potestatem , qui  
deserviunt tabernaculo .*

*Allegorica probatio . Altare Chri-  
stum, tabernaculum carnem & externa omnia,  
ut sunt ceremoniæ Mosaicæ , & humanæ tra-  
ditiones, significat. Sensus igitur est : qui car-  
ni serviunt , hoc est , qui externis ceremonijs  
occupantur, non possunt esse Christi participes.  
Hoc clarius indicat Paulus alibi : Si circum-  
cidamini, Christus vobis nihil prederit.*

*Hic locus , ut apertè euertit legale ci-  
borum & dierum discrimen , atq; adeò omnem  
ceremonialem cultum : ita manifestissimè eo-  
rum taxat errorem , qui traditiones huma-  
nas cum opinione cultus Ecclesiæ Dei obtru-  
dunt.*

*Si quis autem obijceret , ista dici ab  
Apostolo, non aduersus traditiones humanas,  
sed aduersus Mosaicos ritus, Christi aduentu  
abolitos, Respondeo , Apostolum nostrum ab  
ipsa Euangelici cultus natura argumentum  
petere : Quod multò maiorem vim habet, ad  
euertenda quæcunq; homines sunt commenti,  
quàm*



AD HEBRÆOS.

quàm ea quæ Deus olim suis legibus sancivit. Planè enim absurdum esset, sentire Mosis iugum, ideo nobis ademptum esse, vt Papistæ nobis multò grauius & iniustius imponerent, vt quod Christi meritum funditus euertat. Quid enim aliud faciant humanæ ἐδελοδσηο-  
κῆα, dum Christi sanguini adiunguntur, imò præponuntur, Monet igitur hæc Allegoria, vt nos totos regendos verbo committamus, & non pendeamus ex ceremonijs, aut vllis exter-  
nis rebus.

Quorum enim animalium in-  
fertur sanguis pro peccato in san-  
ctuarium per sacerdotem, eorum  
corpora cremantur extra castra.

Confirmatio allegorica, à ritu veteri,  
qui describitur Leuit: quarto, & sæpè aliàs.  
Sensus autem hic est: Sicuti Levitæ nihil gu-  
stârunt de sacrificio, quod efferebatur extra  
castra: Ita exhibito Christo, qui ei seruiunt,  
abstinebunt à ceremonijs Mosaicis, quarum  
usus fuit in tabernaculo.

Aa 3

Propter



EPISTOLA

Propter quod & Iesus, ut  
sanctificaret per suum sanguinem  
populum, extra portam passus est.

Idem significatum esse loco, in quo Chri-  
stus crucifixus est, monet. Crucifixus est  
ergo extra portam, ut significetur ceremonia-  
rum abolitio. Nam isto facto significatur,  
Christi sacrificium diuersum esse ab ijs, quæ ce-  
remonijs peragebantur, Hoc loco obseruetur  
regula de usu allegoariarum: Quod tum demum  
allegoriae pondus habeant, quando faciem  
cælestem præeuntem habent. Hoc est, quan-  
do euidenter res quæ illis significantur alijs  
scripturae testimonijs confirmari possunt. Si  
quando ergo Papistæ urgent allegorias, con-  
tra analogiam fidei, eas intrepidè rescriamus,  
ut commenta diaboli.

Exeamus igitur ad eum ex-  
tra castra, improperium eius por-  
tantes.

Conclusio exhortatoria, cuius sensus  
hic est. Relictis varijs & peregrinis doctri-  
nis, relicto delectu ciborum, atq; relicto cere-  
monia-



moniarum apparatu & pompa, sequamur Christum extra castra, non respicientes ad legales ceremonias, sed ad crucem ipsius: cuius nos quoque participes esse oportet.

Non enim hic habemus manentem ciuitatem, sed futuram inquirimus.

Comprobatio est conclusionis à conditione Ecclesiae noui testamenti: Non habemus hic manentem ciuitatem, hoc est, Ierusalem terrestris ad nos non pertinet: igitur nec iure ipsius nobis uti licet. Quare cum ciuitate exclusi sumus cum Christo, relinquamus ciuitatem cum suis ritibus & ceremonijs, & queramus promissam, nempe caelestem Ierusalem, ac iuxta eius leges in vera pietate viuamus.

Per ipsum ergo offeramus hostiam laudis semper Deo, hoc est, fructum labiorum consentientium nomini eius.

Dixit nos ciuitatem inquirere futuram, in qua Christus est: nunc hostias offeren-

Aa 4. das



EPISTOLA

das docet, non quales *Leuitica* erant, sed quae cum ciuitatis statu congruunt. Cum ergo ciuitas spiritualis est, par est ut hostiae etiam sint spirituales. Harum hostiarum seu sacrificiorum duo genera facit. Quorum prius ad Deum, immediatè, Alterum ad homines, sed propter Deum refertur. Ad Deum pertinet hostia laudis, quae est fructus labiorum, ex fide confitentium nomini Domini. Hoc genere hostiarum occupari oportet omnes, quotquot extra castra Christum sequuntur.

Beneficentiae autem & communicationis nolite obliuisci: talibus enim hostijs placetur Deo.

Alterum hostiarum genus, quod vocatur beneficentia erga proximum. Huius generis tot sunt formae, quot sunt charitatis officia, ex fide profecta. Rationem praecepti subiicit, à proprio sacrificij, quod est Deo placere. *Vetus versio* habet, talibus hostijs promeretur Deus, sed perperam, nam *euagisetai*, qua voce *Apostolus* hic utitur, est benè placere, seu gratum esse Deo, ita ut Deum veluti exhilaret. Vnde nos monemur beneficentiae erga  
proxi-

proxim  
se dele

mur,

ordo

stifica

sine q

Sancti

statu

Deo,

person

illud

praece

quunt

Apost

doctrin

stabil

nis co

et

duo

si pa

et

duo

et

duo

et

duo

et

duo

et

duo

et

duo

et

duo

et

duo

et

duo

et

duo



AD HEBRÆOS.

proximum, quam tanti facit Dominus, ut ea se delectari testetur.

Verum ne cum Papis hinc hallucinemur, decepti veteri versione, observandus est ordo iustificationis, & sanctificationis. Iustificatio gratuita, quam fide obtinemus, sine qua nihil placet Deo, ordine præcedit: Sanctificatio sequitur, quæ nos iustos esse testatur, Unde omnis obedientia manans placet Deo, non ob dignitatem operis, sed propter personam, quæ iam fide reconciliata est. Huc illud Augustini pertinet: Bona opera non præcedunt iustificandum, sed iustificatum sequuntur. Falso igitur Papistæ hoc dictum Apostoli torquent contra totam superiorem doctrinam, de vnica hostia Christi, ut suam stabiliant expiatrix hostiam, ex operibus bonis constam.

Obedite ijs qui præsunt vobis  
& subiiciamini.

Requirit obedientiam erga Pastores  
& gubernatores Ecclesiæ: in qua obedientia  
duo spectanda sunt, regula & finis.

Regula sit vox Euangelij, contra quam  
si pastor iubet aliquid fieri, non est magis ob-

Aa 5

tempe-



EPISTOLA

temperandum illi, quàm diabolo. Cornelius igitur rectè beato Petro dixit: Omnes nos in conspectu tuo sumus parati audire omnia, quaecumq; tibi praecepta sunt à Domino.

Finis obedientiae duplex propositus est: prior, ut honesta & graui disciplina, politia Ecclesiastica gubernetur: Posterior, ut obtemperantes ministris Dei, consequamur promissam immortalitatis gloriam. Cùm igitur Pastores multum declamitant, de laudibus obedientiae, fateamur obedientiam rectè laudari, modò à regula & finibus proprijs non aberret.

Ipsi enim vigilant pro animabus vestris, tanquam rationem reddituri, ut cum gaudio hoc faciant, & non gementes: hoc enim non expedit vobis.

Ratio propositionis triplex.

Prima ab officio pastorum sumitur: quod est habere curam suorum auditorum, pro quibus aliquando reddituri sunt rationem. Vnde duo colligenda sunt, Vnum, grauissimum & laboris difficultatisq; plenissimum esse pasto-

rum



rum officium, Alterum, quod supplicia ipsis immineant, si commissio sibi officio non rite perfuncti fuerint, verum cum officium fecerint extra culpam sunt, nec imputabitur illis sanguis pereuntium. Huc pertinet gravissima illa commonefactio apud Ezechielem cap. 3. Et tu fili hominis, speculatorem dedi te domui Israël. Audies ergo ex meo ore sermonem, & annuncabis eis ex me. Si me dicente ad impium: Impie morte morieris: non fueris locutus, ut se custodiat impius à via sua, ipse impius in iniquitate sua morietur, sanguinem autem illius de manu tua requiram. Si autem annunciante te ad impium, ut à vijs suis conuertatur, non fuerit conuersus à via sua, ipse in iniquitate sua morietur, tu autem animam tuam liberaisti.

Secunda ratio sumitur ab honesto, Decet enim pios ita agere omnia, ne quid mali aut damni accedat alijs sua culpa. Ministri cum gaudio tum demum officium faciunt, quando auditores eorum indies magis magisque in omni cognitione & sensu (ut Paulus loquitur) incrementa facere videntur: Contrà, gementes id agunt, si quando se nihil aut parum proficere suis laboribus & vigilijs animaduertunt.

Tertia



EPISTOLA

*Tertia sumitur à pœna, quam luent aliquando, qui se ministris Dei non subiecerint. Nam cum dicit: HOC VOBIS NON EXPEDIT, haud obscure significat pœnas imminere omnibus Euangelij contemtoribus, & contumacibus aduersus ministros Dei.*

*Orate pro nobis.*

*Ex eo quod petit Apostolus pro se preces fieri discamus tum demum benè cedere, quod agimus, si mutuis precibus iuuemur. Futuri enim euentus cum pendeant ex promissionibus Dei, & comminationibus, verè statuendum est, euentus respondere promissionibus Dei, Is promittit opem inuocantibus, igitur verè statuamus Deum affuturum inuocantibus, iuxta suum verbum. Obseruetur hoc loco, officium debitum auditorum Euangelij, erga ministros Ecclesiarum, quod est, pro ipsis orare Deum, vt ipsorum labores fortunet. Deinde obseruetur refutatio Stoici deliramenti de fato, quo omnia statuuntur immutabili necessitate fieri. Nam si preces piorum efficiunt, vt ministerium Euangelij melius procedat, certè falsum erit omnia necessitate immutabili fieri.*

*Confidi-*



*Confidimus enim, quòd bonam  
conscientiam habemus, in omnibus  
honestè volentes conuersari.*

*Ratio cur cupiat Apostolus pro se preces  
fieri, videlicet, quòd habeat bonam conscien-  
tiam, significans ijs demum salutare esse pre-  
ces Ecclesiæ, quorum conscientia est bona. Etsi  
autem pro omnibus (iuxta præceptum Pauli)  
est orandum: tamen magnum discrimen est in  
effectibus orationis. Impij enim & non agen-  
tes pœnitentiam, suapte culpa non redduntur  
participes orationis Ecclesiæ, quantum ad bona  
spiritualia attinet, priusquàm conuertuntur.  
Pij autem retinentes fidem & bonam conscien-  
tiam, participes sunt omnium bonorum spiri-  
tualium Ecclesiæ, & multum iuuantur mutuis  
precibus.*

*Hoc loco notetur pulchra definitio B O-  
N Æ C O N S C I E N T I Æ, nam cùm dicit  
Apostolus: Confidimus quòd bonam con-  
scientiam habemus, in omnibus honestè  
volentes conuersari, significat, quòd bona  
conscientia in conuersis, sit desiderium cordis,  
quo conuersi cupiunt honestè in omnibus con-  
uersari.*

*Confidit*



# EPISTOLA

uersari. Hac proinde ordine ad BONAM  
CONSCIENTIAM, quæ fundata est  
super Christo, requiruntur, atq; adeò bonam  
conscientiam efficiunt. Primum, accusatio sui  
ipsius, in vera pœnitentia. Secundò, petitio  
& fiducia remissionis peccatorum. Tertio,  
conuersatio honesta. Quartò, bonum propo-  
situm, vt possis cum Dauide dicere: Inclinaui  
cor meum ad facienda statuta tua in ater-  
num.

Verùm vt maius excitetur in nobis stu-  
dium conseruandæ bonæ conscientia, FRV-  
CTVS ipsius dulcissimos recitabo. Sunt au-  
tem hi præcipui. Primus, Obedientia erga  
mandata Dei crescit. Secundus, Fides sta-  
bilitur. Tertius, Inuocatio accenditur. Quar-  
tus, Dona spiritualia augentur. Quintus,  
Voluptas quædam ex mandatorum Dei medi-  
tatione nascitur. Sextus, Triumphus spiri-  
tus super carne acquiritur. Septimus, Tran-  
quillitas cordis augebitur. Octauus, Consola-  
tio in quouis ærumnarum genere percipitur.  
Nonus, Spes roboratur. Decimus, In mor-  
tis articulo victoriæ super morte & inferno fi-  
ducia, in Christo Iesu concipitur. Vndecimus  
& vltimus, Lætus fit ex hac vita in portum  
beatæ immortalitatis transitus.

Contrà

TIÆ

habuer

scienti

Mand

fu iact

amitti

6. Pec

per sua

castra

dedole

tur. 1

11. T

malæ c

acrius

thesau

hil tri

temer

etum e

in vt

comm

vers

stra

vt

vol

vt

vol

vt

vol

vt

vol

vt

vol

vt

vol

vt

vol

vt

vol

vt

vol



Contrà verò *MALÆ CONSCIENTIÆ* hi sunt fructus pessimi in ijs qui fidem habuerunt, & iam eam peccatis contra conscientiam admissis extinxerunt. Primus, Mandata Dei vilescunt. 2. Noticiæ Dei fit iactura. 3. Innuocatio extinguitur. 4. Spes amittitur. 5. Caro triumphat super spiritu. 6. Peccatum recuperat amissum dominium, per suas concupiscentias. 7. Satanas amissa castra recipit. 8. Ἀπαλυσία quædam & dedolentia crescit. 9. Mens reproba efficitur. 10. In mortis articulo desperatio sequitur. 11. Tristissimum fit vitæ æternæ naufragium.

Cogitatio huius collationis bonæ & malæ conscientia, accendat animos nostros ad acrius studium bonæ conscientia, qua nullus thesaurus preciosior esse potest: & contrà, nihil tristius mala conscientia. Proinde non temerè à Cicerone, etsi profano scriptore, dictum esse putemus. Magna vis est conscientia in vtramq; partem, ut neq; timeant, qui nihil commiserint: & pœnam semper ante oculos versari putent, qui peccârint. Non igitur frustra vulgò dici solet: Conscientia mille testes.

Amplius autem obsecro vos,  
ut id faciatis, quò celerius restituar  
vobis.

Alia



EPISTOLA

*Alia est ratio, cur pro se preces fieri cupiat Apostolus. Est autem argumentum sumtum ab utili & comodo Hebræorum. Utile enim erat Hebræis & commodum, præsentem suum doctorem audire. Nam inter viuum docentis vocem, & scriptionem permagnum est discrimen. Viua enim vox efficacius penetrat per aures in animos auditorum, & tenacius hæret. Vnde Hieronymus: Habet nescio quid latentis energiae viua vox, & in aures discipuli de autoris ore transfusa, fortius sonat. Legatur prologus Hieronymi in vetus testamentum.*

*Deus autem pacis, qui reduxit à mortuis pastorem illum magnum ouium, per sanguinem testamenti æterni, Dominum nostrum Iesum Christum, absolutos vos reddat in omni opere bono, ad faciendum eius voluntatem, efficiens in vobis quod placeat in conspectu suo, per Iesum Christum, Cui sit gloria in secula seculorum, Amen.*

*Hæc*



Hæc tertia pars capituli est, votum continens. Optat enim Hebræis incrementa pietatis, & omnis operis boni absolutionem. Ut autem hanc pericopam distinctius intelligamus, eam in quinque partes retexam, quæ sunt, Prima, votum ipsum. Secunda, finis voti. Tertia, unde facultas præstandi quod optat. Quarta, quomodo illa facultas communicetur homini. Quinta, finis omnium actionum, adeoque totius vitæ Christianorum.

Prima pars, quæ votum continet, his verbis exponitur. Deus autem pacis, qui reduxit à mortuis, pastorem illum magnum ovium, per sanguinem testamenti æterni, Dominum nostrum Iesum Christum, absolutos vos reddat in omni opere bono. Hic habemus & à quo optet & quid optet. Optat à Deo, fonte omnium bonorum largissimo, hunc prædicat à pacis studio, ut qui pacem amet, pacem requirat, pacem faciat. Quare & nos inter nos concordēs esse oportet. Deinde quomodo pacem faciat Deus exponit, videlicet, per mortem filij, quæ nos sibi reconciliauit. Hæc reconciliatio æterna est, iuxta rationem fœderis ipsius sanguine Christi sancti & confirmati. Hunc vocat

B b      past-



# EPISTOLA

pastorem illum magnum ouium, vt qui per crucem perditas oues reduxerit, verbo & sacramentis, adeoq; suo spiritu reductas pascat, donec plenam liberationem seu redemptionem adduxerit. Quid optat? vt Deus absolutos reddat Hebraeos in omni opere bono, Ille enim incepit, ille perficiet in audientibus & obtemperantibus Euangelio.

Secunda pars de fine voti, qui est FACERE DEI VOLUNTATEM, & quod illi acceptum est. Est autem Dei voluntas, vt in Christo Iesu plantati, fructificemus Deo, & opera nobis praecepta facere studeamus, vtq; nihil antiquius habeamus, quam totam vitam nostram ad normam voluntatis ipsius componere. Huc igitur respiciant pii, & non ad decreta hominum, quae saepe cum Dei voluntate pugnant.

Tertia pars, monstrat, quae sit praestandi facultas, cum inquit, Efficiens in vobis, quod acceptum est in conspectu suo. Non igitur à nobis ipsis idonei sumus, sed omnis nostra idoneitas est à Deo.

Quarta pars, docet quomodo illa facultas contingat hominibus, cum inquit: PER IESVM CHRISTVM. Is enim fide indutus



AD HEBRÆOS.

adest nobis, merito, & efficacia. Merito delet peccatum: Efficacia excitat in nobis motus congruentes spiritui suo, vestit nos sua iusticia, ut Deo placeamus, efficax in nobis est per suum Spiritum, ut quæ grata sunt ipsi præstare valeamus.

Quinta pars finem omnium actionum Christianorum indicat, cum inquit: cui sit gloria in secula seculorum, Amen. Huc igitur omnes suas actiones referant, qui Christo serio nomina dederunt, ut eum glorificent, mente, affectibus, voluntate, voce, & moribus.

Precor autem vos fratres, sufferte sermonem exhortationis. Etenim breuibus scripsi vobis.

Petit ut boni consulant hanc exhortatoriam Epistolam. Etsi autem maxima eius pars eaq; præcipua didascalica est: tamen exhortationem tantum vocat, ne videatur sibi plus illis sapere. Rationem addit à breuitate, quæ plerisq; grata esse solet.

Nostis fratrem nostrum Ti-  
Bb 2 mothe-



EPISTOLA

motheum solutum esse: cum quo, si  
celerius venerit, visam vos.

Ex his apparet Timotheum fuisse in-  
carceratum, & rursus à carcere dimissum esse,  
quod Hebræis indicare Apostolus voluit, ut  
& ipsi gauderent liberatum esse tam insignem  
verbi præconem, & ut Deo gratias agerent,  
pro ipsius liberatione & incolumitate. Pau-  
lus solet Timotheum filium appellare, sed hic  
autor vocat ipsum fratrem, unde coniectura  
est, aliquem ex discipulis Pauli, videlicet,  
Lucam, vel Clementem autorem fuisse huius  
Epistolæ.

Salutate omnes duces vestros,  
& omnes sanctos.

Salutationes sunt pia vota, quæ ani-  
mos conciliare solent, & confirmare, eorum qui  
se coram compellare non possunt. Duplex est  
salutatio, aut enim absentes salutamus per li-  
teras vel nuncios, aut præsentem, id quod vel gestu  
corporis vel voce. Studium salutandi præ-  
sentes magnum erat Romæ, & inter magnos  
honores erat salutari. Inter præcipua verò  
officia



officia salutare. Vtraq, res erat mirè plausibilis & popularis. Crassus Romanus infimi ordinis singulos homines nominibus semper proprijs salutasse dicitur, & Romani nobiliores habebant nomenclatores apud se, vt ciues nominatim salutare possent.

Sancti dicuntur fideles, eò quòd separati sint à profanitate gentium, per fidem in Christum, & sanguine Christi purgati sint, & consecrati Deo, cui se ipsos hostias offerunt.

Salutant vos Itali.

De Ecclesia Italica intelligendum est, vnde hanc Epistolam scripsit Apostolus.

Gratia cum omnibus vobis.

Epistolarum Apostolicarum clausula est, summam Euangelij continens. Nam gratia & causam & effectum significat, videlicet, fauorem Dei per Christum, & bona ex illo fauore donata, quæ sunt remissio peccatorum, imputatio iusticiæ Christi, donatio Spiritus sancti, diuina præsentia, augmentum donorum, incrementa pietatis.

Amen.

Bb 3

Hæc

4  
10



EPISTOLA AD HEBRÆOS.

*Hæc vox Hebræa propter sanctiorem  
autoritatem retinetur in Ecclesia. Est autem  
eius usus quadruplex, videlicet in precationi-  
bus, votis, approbationibus, & asseuerationi-  
bus.*

*In precationibus, est fidei obsecratio,  
cum impetrationis fiducia.*

*In votis, est affectus comprecantis testi-  
monium.*

*In approbationibus, est consensus testi-  
ficatio.*

*In asseuerationibus adhibetur, in con-  
firmationem dicendorum, & ad certificandos  
auditores, seu ut Basilii loquitur, in confir-  
mationem dicendorum, & in certitudinem eo-  
rum qui audiunt.*

FINIS.



VVITTEBERGÆ  
EXCVDEBAT IOHAN  
SCHVVERTEL.

ANNO M. D. LXVIII



Honores mutant mores.

4  
10 1